

RITUALIS ROMANI  
DOCUMENTA  
DE EXORCIZANDIS OBSESSIS  
A DÆMONIO  
COMMENTARIIS

Ex SS. Patribus, & Ecclesiasticis Scriptoribus  
potissimum depromptis,

ILLUSTRATA

Per Fr. PAULUM MARIAM CARDI *Regien-*  
*sem, Ordinis Servor. B. M. V. Sac. Theol. Magi-*  
*strum, S. Officii Consultorem Theologum, & in*  
*Provincia Lombardia Priorem Provinciale.*



VENETIIS, MDCCXXXIII.

Apud JOSEPHUM CORONA,  
In Via Mercatoria.

SUPERIORUM PERMISSU, ac PRIVILEGIO.



RTUALS ROMANI  
DOCUMENTA



~~7440-2280~~  
A. 8048.  
BK



VENETIUS, MDCCLXXII  
Josephum Gordon  
VENETIUS, MDCCLXXII

REVERENDISSIMO PATRI;  
P. PETROMARIÆ PIERI  
SENENSI,

*Sacrae Theologiae Magistro, Sacrarum Con-  
gregationum Indicis, & Rituum Consul-  
tori, Sanctae Romanae Universalis In-  
quisitionis Qualificatori, itemque Con-  
sultori, Episcoporum Examinatori coram  
Sanctissimo, ac totius Ordinis Servorum  
BEATAE MARIAE VIRGINIS  
PRIORI GENERALI.*



CCE in lucem prodeunt  
Commentaria hæc glorio-  
sissimo Tuo inscripta No-  
mini, REVERENDISIME PATER, quæ cum  
non uno, vel altero tantum titulo te penè Au-  
ctorem, ac certè Patronum agnoscant, tua po-  
tius dicenda fateor, quam mea. Quoties eni-

universa, quæ Tibi uni accepta refero, ea-  
que in primis, quibus Te Præceptore frue-  
bar, perpendam animo, profecto, qui igno-  
ret, arbitror neminem, quidquid doctrinæ  
aut Eruditionis in hoc Opere, si quid ta-  
men eminet, ex Te veluti ex quodam pe-  
renni fonte uberrime affluente, ac jugiter  
redundante in me derivatum esse, meque,  
prout par fuit viribus, exhaustisse vel  
dum Theologicas mihi difficultates præstan-  
tissimo ingenii tui acumine enodares, vel  
dum ad SS. Patrum intelligentiam animum  
alliceres, vel tandem dum Ecclesiasticas  
Historias, congestis undique vetustissimis  
monumentis, mira claritate, ac soliditate  
adversus temporum injuriam, & sæculorum  
obscuritatem, illustrares. Nec tamen his,  
quæ satis, superque fuissent, aliosque non  
paucos clarissimos in nostra Servorum Fa-  
milia Migistros efformavere, contentus eras,  
ut me erudies: Hinc sincera non minus,  
quam profunda sensuum tuorum aperitio,  
hinc uberrima mihi bonorum tuorum per-  
ceptio, Bibliothecæ videlicet tuæ præclaris-  
simæ æquè, ac florentissimæ, ad quam mi-  
hi liber semper extitit aditus. Quapropter,  
cum ea omnia tam docte, tamque huma-  
niter præstiteris, ut manum Operi admove-  
re possem, illud jure merito Tibi est asse-  
rendum.

Præclara quidem hæc liberalitatis in me  
tuæ argumenta; attamen accedunt alia in-  
nume-



numera, neque his, ut puto, quibus hucusque me ita insignitum volueris, comparanda. Quid enim mihi pretiosius, quam in socium, Familiaremque tuum cooptari? Quid splendidius, quam ad illustres, curriculo studiorum meorum vix emenso, Instituti nostri Cathedras, officiis tuis amantissimis adigi? His tamen omnibus mihi per Te frui licuit. Quin imò grato, propensoque usquedum in me fuisti animo, ut primo Generalatus tui clarissimo, ac celebratissimo sexennio me in Secretarium tuum Romam revocare, deinde mihi totius Provinciae Lombardiae Consultoris, nonnullorum Congressuum Praefecti, ac Generalis Visitatoris munus addicere, meque tandem ad apicem Provincialatus promovere, atque sustollere non dubitaveris. Quae omnia quidem, licet cordi alte reposita sint, adhuc tamen privatam sortem nequaquam agere possunt, nisi apud omnes publica haec beneficia (idque in confessione grati animi mei) publico saltem testimonio tibi rependam, juxta Senecae monitum: *Narret, qui accepit.* (\*)

Ita debito meo, juri tuo, sed etiam huic Operi consultum est. Cupiens enim quis Lucubrationibus suis lucis usuram parare, suum eo ferme semper protendit animum, ut sibi non tam illustrem explorando, quam benignum, solertem non minus, quam doctum

\*

3

Maec-

---

(\*) Lib. 3. de Benefic. c. 11.

Macenatem sibi, suisque conciliet; quem profecto alium optare possem, quem precari, quam Te, qui virtute, æquitate plurimum vales, quique prudentia, auctoritate denique præcellis omnibus?

Viderunt Te Ordinis nostri præstantiores Cathedræ vix sextum supra vigesimum ætatis annum egressum Florentina primum, Romana deinde in primario, selectissimoque Henrici nostri Collegio Doctorem, multa Discipulorum turba stipatum, quorum indoles, mores, ingenia seu in publicis disputationibus, seu postmodum in studiis regendis, seu in Provinciis administrandis ita effloruere, ut Patres Nostri illud crebris de Te usurpare sermonibus consueverint: *Vir peritus erudit multos, & anima sua suavis est.* (a)

Cum autem ita res se habeat, ut in lingua sapientia dignoscatur, & sensus, & scientia, & Doctrina in verbo sensati, (b) ita proditum est, ut cum vix publica adorireris, profundum, gravem, ac summa eruditione spectandum virum Te omnibus exhiberes. Novit sapientiam tuam CIEMENS XI. Albanus, qui Tibi Sacrarum Congregationum Indicis, & Rituum Consultoris, deinde Sanctæ Universalis Inquisitionis Qualificatoris provinciam demandavit: Novit BENEDICTUS XIII. Ursinus, qui supremis Inquisitoribus Romanis

---

(a) Eccl. 37. v. 22.

(b) Eccl. 4. v. 29.

nis Te Consultorem apposuit, & Episcopis  
jam electis Examinatorem constituit: Novit  
tandem Eminentissimus, ac Reverendissimus  
Cardinalis Laurentius Corsinus, modo CLE-  
MENS XII. gloriosissime, feliciterque regnans,  
qui Te sibi in Theologum nominavit, atque  
Consilia tua, in gravissimis Christiani Orbis  
negotiis, non solum amplissimis dum inter-  
erat Congregationibus, verum etiam nunc,  
dum universo Christi Fidelium Cœtui mode-  
ratur, clementissime audit, Teque paterno  
plane prosequitur animo.

Perspicua siquidem ei est summa illa hu-  
militas, ac animi verecunda demissio, qua  
Te quovis virtutum genere expertem repu-  
tas, cum apud omnes adeo spectaris. Ne-  
que mirum, si Infulis ad quas jure merito  
evocabaris, caput subdere nolueris, parvus  
in oculis tuis, cum sis magnus in oculis Sacer-  
dotum: Prudentia illa singularis, qua omnia  
caute, prospereque exequeris, idem in secundis,  
idem in adversis, præterita cogitans, præsentia  
ordinans, futura prævidens, testimonium dans  
veritati, discrete promittens, promissa ac-  
cellerans, atque amplius, quam promiseras,  
præstans: Præ ceteris vero vehemens studium  
illud, quo totius Ordinis dignitatis promo-  
vendæ gloriæque amplificandæ inflammaris:  
Quem enim Virum aut in concludendo prom-  
ptiorem, aut in regendo providiorem, aut  
cujusvis rebus in administrandis præstantio-  
rem Te unquam prospeximus? Sat igitur sic



leviter quadam attingere, nam si omnia singillatim persequerer, moderationi quidem tuæ molestus essem.

Vix Generalatus habenas suscepas, B. Peregri-  
num Latiosum, cui tam elaboraveras,  
cum Procuratoris Generalis munera funge-  
ris, Sanctorum Albo adscriptum vidimus.  
Decretum pro solemnibus B. Julianæ Falconeræ  
in Sanctarum Virginum Catalogo descriptio-  
ne quandocumque facienda obtinuimus: nec  
spes deest nobis, nec Tibi animus, quin se-  
ptem BB. Instituti Nostri Fundatores, jam  
pridem Te pro viribus conante, de sub mo-  
dis erutos, & super Ecclesiæ candelabrum  
positos, pari titulo simus veneraturi. Tua  
illi sunt cura, tuum studium, solertia tua:  
Hanc utique prædicant Privilegia Ordini no-  
stro, Te impetrante vel uberius aucta, vel  
recenter impetrata, præcipue verò illa erga  
Dolores B. M. V. pia animi affectio, cujus  
cultum in propagando, confirmandoque adeo  
& scriptis, & verbo innixus es, ut jam jam au-  
gustissimum Reginæ Martyrum Nomen lon-  
ge, lateque amplissimis excultum honoribus  
ubique per Te triumphare videamus. Quid  
plura? Hanc saxa quoque, & parietes Pa-  
reciæ, & Cœnobii S. Nicolai in Arcionibus  
Romæ iterum juri nostro vindicati, atque  
a fundamentis nova, insignique extructa mo-  
le, quam breviter excitati celebrant, atque  
extollunt. Tanta adeo semper apud summos  
Pontifices gratia polles, tanta in Religiosam  
Fami-

Familiam nostram charitate, ut nec illi desinant Te favoribus cumulare, neque Tu minus studeas decori, atque incremento Ordinis vigilare.

Hæc omnia tam inaudita, tamque gloriosa facinora optime noverunt Patres in Generalibus Comitibus Romæ anno proximè elapso celebratis, seque propterea non levem jacturam ducentes, si Præfecturam, ut optabas, dimitteres, quæ BENEDICTO XIII. imperante, susceperas Generalatus insignia, abs Te removenda esse minimè comprobabant. Quis enim in supremo illo Conventu Pietatem tuam, quis disciplinam, studia, atque animi Magnitudinem summis efferebat laudibus. Alii gratiam Principum: Alii filialem, ac propemodum incredibilem erga Religionem affectum spectabant: Alii verò Ordinis ingentes profectus, novosque titulos, quibus amplissimè per Te unice potitus est, commemorabant. Omnes tamen illud D. Bernardi de Te prædicabant: *Præst ut provideat, ut consulat, ut procuret, ut servet: Præst ut profit, præst ut fidelis servus, & prudens, quem constituit Dominus super Familiam suam.* (a) Hinc factum est, ut omnium Electorum sententia, communi suffragio Præfecturam (raro, novoque exemplo) Tibi iterum commissam voluerint, ac decreverint.

Hæc enim, REVERENDISS. PATER, ut Opus hoc qualecumque Tibi dicarem, atque devove-

---

(a) Lib. 3. de considerat. ad Eugen. cap. 1.

voverem; impulerunt. Fateor istud tanto  
Mæcenate indignum; fateor tamen tantum  
Mæcenatem huic omnino necessarium. Ne-  
que Tibi utcumque exiguum; ac informe,  
injudicandum fore confido; id enim præser-  
tim Tua in omnes humanitas evincit; id  
præcipuum in me studium; id comitas, ac  
amor. Hoc itaque venerationis in Te meæ  
munusculum; ac certum grati animi mei  
iudicium excipias velim. Quid aliud itaque  
mihi superest? Hoc unum scilicet; ut per  
Te mihi liceat sic tua enarrare beneficia,  
qui tuis beneficiis omnia debeo, non ut per  
hoc me soluisse putem, sed ut securior de-  
beam. (a) Interim æternam Tibi a Deo O. M.  
felicitatem deprecans, & benevolentiam er-  
ga me tuam nulla rerum vicissitudine im-  
mutandam exoptans, sacratas deosculor ma-  
nus.

PATERNITATIS TUE REVERENDISS.

Regii in Conventu B.M.V. Kalendis Maii 1733.

Humillimus, Dilectiss. & Obsequentiss. Servus  
Fr. Paulus Maria Card. Prioris Lombardia.

Ap.

(a) Senec. de Benefic. lib. 2. cap. 35.



*Approbatio Adm. R. P. Mag. Angelici Mariae  
Gucci Ordinis Servorum Mariae.*

**L**Ubenti animo hunc perlegi Librum, cui Titulus: *Ritualis Romani Documenta de exorcizandis obsessis a damonio, Commentariis &c. illustrata*: Opus impigro exaratum labore a R. A. P. Paulo Cardi in Servorum Ordine Sacrae Theologiae Magistro, Secretario Generali, ac in Lombardiae Provincia, Provinciali recens electo. Perlegi, inquam, jussis obtemperaturus Reverendissimi Patris Petri Mariae Pieri, Sacrae Theologiae Professoris, totius nostri Ordinis Servorum B. M. V. Prioris Generalis, a quo hanc mihi demandatum Provinciam accepi. At vix perlegeram, cum statim illud mihi in mentem venit, quod inclamabant olim daemones apud Matth. 8. v. 29. *Quid nobis, & tibi Jesu Fili David? Venisti huc ante tempus torqueri nos.* Talem enim, ac tam expeditam, demonum ab obsessis ejiciendorum corporibus viam sternit, facultatem, vimque demonstrat, ut dicto citius illinc emigrare cogantur, in ignem iterum perdendis, si hanc recte calleat, ac pro sui muneris dignitate Exorcista utatur. Sed subit praeter ceteris mirari, singularis quaedam, ac peregrina eruditionis ubertas; nihil enim dicit, probat nihil, quod aut Priscorum Auctoritate Patrum, aut Sanctissimorum exemplo virorum, confertim, comulateque non suadeat, demonstret confirmet, urgeat; nec enim unum, aut alterum ad suam tuendam causam adducit, sed omnium fere, ex numero eorum, qui probatissimi habentur, aut refert dicta, aut explicat sensa, aut quae sint gesta ab eis, quaeve a nobis gerenda proponit, ostendit. Fufius item libenter in Operis, Auctorisque decora

cora: *At vereor, ut ille apud Tullium aiebat, ne talium Personarum cum amplificare velim, minnam etiam gloriam.* (a) Inoffenso itaque percurreret pede, qui Exorcistam agens, nec in minimo huic adversabitur Operi, sed veluti lydium lapidem præ manibus semper habebit, oculos continuò obversabitur. Quod cum famam, & doctrinam orthodoxam contineat, dignum censeo publica luce, & ut typis quam primum mandetur.

Datum Romæ in Ædibus Sancti Marcelli, hac die 15. Junii 1731.

*F. Angelicus Maria Gucci Sacra Theol. Mag.*

---

*Approbatio Adm. R. P. Mag. Callisti Maria Palombella in Colleg. Henrici apud S. Marcellum de Urbe Studiorum Regentis.*

**D**E mandato Paternit. V. Reverendissimæ accurate perlegi librum, cui titulus -- *Ritualis Romani &c.* nihilque in eo, quod Romanæ Fidei, ac bonis moribus adversetur, deprehendi. Quinimò cum diligentissimus Auctor materiam de se sterilem mira quadam Sacrae Eruditionis varietate fecundet; Ecclesiæ ritus, ac disciplinam ubique illustret, ac tueatur; nec non malignorum Spirituum mille nocendi, fallendique artes egregiè detegat; regiam denique viam planè demonstret, qua inita, dæmones sicuti nec Deo, per quem adjurantur, ita nec justis, quorum voce torquentur, mentiri possunt, (a) idcirco luce publica dignum opus istud sane censeo.

Romæ apud S. Marcellum postridie Kalend. Decembris 1731.

*Fr. Callistus Maria Palombella in Collegio Henrici de Urbe Regens.*

*Fr.*

---

(a) Accad. quæst. lib 2.

(a) Lactantius Firm. lib. 2. divin. Instit. cap. 16.

# FR. PETRUS MARIA PIERIUS

SENESENSIS.

*Sacra Theologia humilis Professor, Sacrarum  
Congregationum Indicis & Rituum Consultor,  
Sanctæ Romanæ Universalis Inquisitionis  
Qualificator & Consultor, Episcopus.  
Examinator coram Sanctissimo, ac  
totius Ord. Servorum B. M. V.  
Prior Generalis.*

**L**iber, cui titulus — *Ritualis Romani Docu-  
menta de Exorcizandis obsessis a demonio,*  
Commentariis ex Sanctis Patribus, Ecclesiasti-  
cisque Scriptoribus, potissimum depromptis il-  
lustrata per Adm. Rev. Patrem Magistrum Pau-  
lum Mariam Card. Ordinis nostri Sacerdotem,  
& Provincialem Provinciæ Lombardiæ, cum a  
duobus ex Ordine nostro Theologis, quibus id  
commisimus, revisus, approbatus, dignusque  
ut in lucem edi possit, existimatus fuerit: Nos  
Officii nostri auctoritate, ut, servatis servan-  
dis, prælo demandari queat, præsentium te-  
nore, licentiam concedimus. In quorum fi-  
dem &c.

Datum Romæ in Conventu nostro S. Marcelli  
die 4. Mensis Januarii 1732.

Fr. Petrus Maria Generalis.

Reg. lib. 4. fol. 130.

Locus ✕ Sigili.

*Fr. Sebastianus Tognina  
Secretarius Ordinis.  
Lc.*



tora: *At vereor, ut ille apud Tullium agebat, ne talium Personarum cum amplificare velim, minuam etiam gloriam.* (a) Inoffenso itaque percurreret pede, qui Exorcistam agens, nec in minimo huic adversabitur Operi, sed veluti sydium lapidem præ manibus semper habebit, oculos continuò obversabitur. Quod cum famam, & doctrinam orthodoxam contineat, dignum censeo publica luce, & ut typis quam primum mandetur.

Datum Romæ in Ædibus Sancti Marcelli, hac die 15. Junii 1731.

*F. Angelicus Maria Gucci Sacra Theol. Mag.*

---

*Approbatio Adm. R. P. Mag. Callisti Maria Palombella in Colleg. Henrici apud S. Marcellum de Urbe Studiorum Regentis.*

**D**E mandato Paternit. V. Reverendissimæ accurate perlegi librum, cui titulus -- *Ritualis Romani &c.* nihilque in eo, quod Romanæ Fidei, ac bonis moribus adversetur, deprehendi. Quinimò cum diligentissimus Auctor materiam de se sterilem mira quadam Sacræ Eru- ditionis varietate fœcundet; Ecclesiæ ritus, ac disciplinam ubique illustret, ac tueatur; nec non malignorum Spirituum mille nocendi, fallendi- que artes egregiè detegat; regiam denique viam planè demonstret, qua inita, dæmones sicuti *nec Deo, per quem adjurantur, ita nec justis, quo- rum voce torquentur, mentiri possunt,* (a) idcir- cò luce publica dignum opus istud sane censeo.

Romæ apud S. Marcellum postridie Kalend. Decembris 1731.

*Fr. Callistus Maria Palombella in Collegio Henrici de Urbe Regens.*

*Fr.*

---

(a) Accad. quæst. lib 2.

(a) Lactantius Firm. lib. 2. divin. Instit. cap. 16.

# FR. PETRUS MARIA PIERIUS

S E N E N S I S.

*Sacra Theologia humilis Professor, Sacrarum  
Congregationum Indicis & Rituum Consultor,  
Sancta Romana Universalis Inquisitionis  
Qualificator & Consultor, Episcopus.  
Examinator coram Sanctissimo, ac  
totius Ord. Servorum B. M. V.  
Prior Generalis.*

**L**iber, cui titulus — *Ritualis Romani Docu-  
menta de Exorcizandis obsessis a demonio,*  
Commentariis ex Sanctis Patribus, Ecclesiasti-  
cisque Scriptoribus, potissimum depromptis il-  
lustrata per Adm. Rev. Patrem Magistrum Pau-  
lum Mariam Cardi Ordinis nostri Sacerdotem,  
& Provincialem Provinciæ Lombardiæ, cum a  
duobus ex Ordine nostro Theologis, quibus id  
commisimus, revisus, approbatus, dignusque  
ut in lucem edi possit, existimatus fuerit: Nos  
Officii nostri auctoritate, ut, servatis servan-  
dis, prælo demandari queat, præsentiam te-  
nere, licentiam concedimus. In quorum fi-  
dem &c.

Datum Romæ in Conventu nostro S. Marcelli  
die 4. Mensis Januarii 1732.

Fr. Petrus Maria Generalis.

Reg. lib. 4. fol. 130.

Locus ✕ Sigili.

*Fr. Sebastianus Tognini  
Secretarius Ordinis.*

Le.

## Lectori Benevolo.

**N**unc primum in lucem prodeunt, erudite Lector, hæc Commentaria in eum unice finem exarata, ut videlicet Exorcista in sacro sui muneris exercitio luculenter instruatur, ac ministerium, quo fungi in votis habet, exactius opere valeat adimplere. Cum enim quamplures non sine animi molestia, viderim, qui Ritualis Romani, De Exorcizandis obsessis a dæmonio aliqua documenta vel negligunt, vel contemnunt, vel etiam rejiciunt; imo, quod magis dolendum, in eam prorumpunt audaciam, ut quadam impugnare, quadam etiam iniqua, procacique censura notare non erubescant, eo prorsus despecto D. Ambrosii Mediolanensis effato: Servemus præcepta majorum, nec hæreditaria signacula ausu rudi temeritate violemus. (a) Ut horum inscitia, vel ut mitius loquar, oscitationi occurram, præcipue verò Tyrones Exorcistas, ne ejusmodi sequantur erroris exempla, sed Ecclesia Romana sanctiones sartas, textasque conservent, quantum privato licet scriptori, commoneam, Opusculum hoc publici juris facere consultò decrevi.

Verum cum sæpe animo versarem, unde nam hoc vitii genus erumpere cøperit, ac germinare, ut idem radicitus plane convellerem, ea fortasse de causa ortum habuisse deprehendi, quod hujus indolis Exorcista minus caute putent, exigui momenti esse, nullove fundamento niti Ritualis in hac parte penè jacentis monita, eaque hac de re insulsissime parvi pendant. Quapropter hæc Commentaria ex Sanctorum Patrum, & Ecclesiasticorum Scriptorum testimoniis, summa fide relatis, utcumque conficienda sum arbitratus. Si enim omnibus bona magna, & occulta

---

(a) Lib. 3. de Fide cap. 15.



culta discere cupientibus ; non aperit nisi auctoritas januam , ( a ) ut docet Magnus Augustinus , hac profecto ratione fieri posse judicavi , ut expulsis erroneis opinionibus , tandem aliquando cognoscerent , quo solido fundamento nitantur Institutiones a Romano Rituali Sacris Adjuratoribus prescripta , quavè rursus veneratione , quavè obedientia eis inviolabiliter parere teneantur . Non majorem idcirco ( quod omnino absit ) auctoritatem , supra eam , quam praefert Rituale , quamque a Romani Pontificis approbatione obtinuit , addere in animo est , sed dumtaxat , ut magis ipsa ejus elucescat auctoritas , eaque impofterum ab omnibus expressius dignoscatur .

Neque verò hinc arbitreris velim , amice Lector , me injuriam vel levem Ritualis Romani documentis inferre , ea Commentariis illustrando , quasi propria nativaeque luce destituta , alieno indigeant , ac velut adscititio lumine coruscare ; sicut enim fas est ut prisca Ecclesiae dogmata processu temporis excurentur , limentur , poliantur , sed nefas est ut commutentur , nefas est ut detruncantur , ut mutilentur , ( b ) teste praestantissimo Vincentio Lirinensi ; sic ea mihi monita collustrare licebit , ut accipiant evidentiam , lucem distinctionem : ita tamen ut simul retineant plenitudinem , integritatem , proprietatem , ut ejusdem Doctoris phrasi prosequar . ( c )

Multoque minus mirari debueris , si Patrum Historicorumque non sensa tantummodo , sed & verba de verbo expressa adinvenias : Patrum tantum , ut cum D. Bernardo loquar , opponimus sententias , ac verba proferimus , & non nostra : nec enim sapientiores sumus , quam Pa-

---

( a ) Lib. 2. de Ordine cap. 20.

( b ) In Commonit. cap. 30. ( c ) Ibidem.

## Lectori Benevolo.

**N**unc primum in lucem prodeunt, erudite Lector, hæc Commentaria in eum unice finem exarata, ut videlicet Exorcista in sacro sui muneris exercitio luculenter instruat, ac ministerium, quo fungi in votis habet, exactius opere valeat adimplere. Cum enim quamplures non sine animi molestia, viderim, qui Ritualis Romani, De Exorcizandis obsessis a dæmonio aliqua documenta vel negligunt, vel contemnunt, vel etiam rejiciunt; imo, quod magis dolendum, in eam prorumpunt audaciam, ut quadam impugnare, quadam etiam iniqua, procacique censura notare non erubescant, eo prorsus despecto D. Ambrosii Mediolanensis effato: Servemus præcepta majorum, nec hæreditaria signacula ausrudi temeritate violemus. (a) Ut horum inscitia, vel ut mitius loquar, oscitationi occurram, præcipuè verò Tyrones Exorcistas, ne ejusmodi sequantur erroris exempla, sed Ecclesia Romane sanctiones sartas, tectasque conservent, quantum privato licet scriptori, commoneam, Opusculum hoc publici juris facere consultò decrevi.

Verum cum sæpe animo versarem, unde nam hoc vitii genus erumpere cøperit, ac germinare, ut idem radicitus plane convellerem, ea fortasse de causa ortum habuisse deprehendi, quod hujus indolis Exorcista minus caute putent, exigui momenti esse, nullove fundamento niti Ritualis in hac parte penè jacentis monita, eaque hac de re insulsissimè parvi pendant. Quapropter hæc Commentaria ex Sanctorum Patrum, & Ecclesiasticorum Scriptorum testimoniis, summa fide relatis, utcumque conficienda sum arbitratus. Si enim omnibus bona magna, & occulta

---

(a) Lib. 3. de Fide cap. 15.



culta discere cupientibus ; non aperit nisi auctoritas januam , ( a ) ut docet Magnus Augustinus , hac profecto ratione fieri posse judicavi , ut expulsis erroneis opinionibus , tandem aliquando cognoscerent , quo solido fundamento nitantur Institutiones a Romano Rituali Sacris Adjuratoribus prescripta , quavè rursus veneratione , quavè obedientia eis inviolabiliter parere teneantur . Non majorem idcirco ( quod omnino absit ) auctoritatem , supra eam , quam praefert Rituale , quamque a Romani Pontificis approbatione obtinuit , addere in animo est , sed dumtaxat , ut magis ipsa ejus elucescat auctoritas , eaque impofterum ab omnibus expressius dignoscatur .

Neque verò hinc arbitreris velim , amice Lector , me injuriam vel levem Ritualis Romani documentis inferre , ea Commentariis illustrando , quasi propria nativaeque luce destituta , alieno indigeant , ac velut adscititio lumine coruscare ; sicut enim fas est ut prisca Ecclesiae dogmata processu temporis excurentur , limentur , poliantur , sed nefas est ut commutentur , nefas est ut detruncantur , ut mutilentur , ( b ) teste praestantissimo Vincentio Lirinensi ; sic ea mihi monita collustrare licebit , ut accipiant evidentiam , lucem distinctionem : ita tamen ut simul retineant plenitudinem , integritatem , proprietatem , ut ejusdem Doctoris phrasi prosequar . ( c )

Multoque minus mirari debueris , si Patrum Historicorumque non sensa tantummodo , sed & verba de verbo expressa adinvenias : Patrum tantum , ut cum D. Bernardo loquar , opponimus sententias , ac verba proferimus , & non nostra : nec enim sapientiores sumus , quam

Pa-

---

( a ) Lib. 2. de Ordine cap. 20.

( b ) In Commonit. cap. 30. ( c ) Ibidem.



Patres nostri: (a) Quinimmo non mutila, sed integra, atque adeo prolixiora; non propterea tamen inutilia, vel superflua fortasse per te ges: primum quidem, quia (nisi mea me fallit opinio) ad rem nostram, & ad præfixum scopum omnia illa directe collimant. Deinde, quia sic per extensum relata antiquorum sententia, ingenii tui perspicacitati novarum inde eliciendarum reflectionum uberiores segetes suppeditabunt; atque ita fiet, ut qua meam fugerunt imbecillitatem, tua suppleat, Lector erudite, sagacitas, mensque labor tuo denique studio perficiatur.

Quod si sciolus obrectator me vellicaret, quasi aliorum sententiis magis usus fuero, quam propria condiderim, (b) statim responderem cum Doctissimo aque, ac piissimo Præsule Rabano Mauro, qui hunc sibi a nonnullis oppositam lapidem amovit. Quid enim peccavi in hoc, quod magistros Ecclesiæ veneratione dignos indicabam, & eorum sententias prout eas protulerant opportunis locis... in opusculis meis interposueram? Magis enim mihi videbatur salubre esse, ut humilitatem servans, Sanctorum Patrum Doctrinis inniterer, quam per arrogantiam, quasi propriam laudem quaerendo, mea indecenter proferrem.

Sed jam in nomine Domini, (c) ut cum prælaudato Liriniensi concludam, quod instat aggrediar, ut scilicet a majoribus tradita, & apud nos deposita describam Relatoris fide potius, quam auctoris præsumptione; hac tamen scribendi lege servata, ut nequaquam omnia, sed tantum necessaria quæque perstringam, neque id ornato, & exacto, sed facili, communique sermone. Interim vale.

R. I.

(a) In Præf. Epist. seu tract. ad Hugon. de S. Victore

(b) Præfat. in Ezechiel. ad Lothar. Imperat.

(c) Præfat. in Comment.



# RITUALIS ROMANI DOCUMENTA:

De exorcizandis obsessis a dæmonio  
Commentariis ex SS. Patribus,  
Ecclesiasticisque Scriptoribus  
potissimùm depromptis,  
illustrata.

---

## T I T U L U S

De Exorcizandis obsessis a Dæmonio.

### S U M M A R I U M.

1. **E**xorcizare, & Exorcista quid significant.
2. Adjuratio quid sit.
3. Et quotuplex sit.
4. Modi adjurandi quot sint, & erga quæ sint  
adhibendi.
5. Ex his unum P. Candidus Brognolus non  
observasse deprehenditur.
6. Enumerantur conditiones ad licitam exor-  
cizationem requisita.
7. Quinam, & quomodo adjurari possint, lo-  
quendo de rationalibus, usque ad num. 9.

A

10. Quo-

10. Quomodo adjurari possint irrationales creaturae, ostenditur.
11. Quidam modus improbat: & num. 12.
13. Afferuntur methodi à Sanctis usurpatae; usque ad num. 17.
18. Differentia inter obsessos, energumenos &c. assignatur.
19. Dari obsessos à Daemonio ostenditur: & nu. 20.
21. Quare dentur obsessi, etiamsi Christus Diabolum vicerit, explicatur.
22. Daemon vexat obsessos in corpore.
23. Gerendo etiam vices incubi, & succubi.
24. Quod fuisse probatur auctoritate, & exemplis: usque ad num. 28.
29. Et explicatur quomodo id possit: ad nu. 33.
34. An, & quomodo ex Damone generari possit homo, indicatur.
35. Daemon non potest illabi animae obsessi:
36. Potest tamen operari circa intellectum, & ostenditur quomodo.
37. Et circa voluntatem;
38. Cui tamen nequit necessitatem inferre: & num. 39.
40. Possunt Demones operari circa memoriam energumeni.
41. Insuper possunt illudere sensibus, & explicatur quomodo id possint, usque ad num. 44.
45. Ad omnem Daemonis impugnationem requiritur Divina permissio:
46. Et solum operari potest ubi, quando, & pro quanto Deus permiserit.
47. Quare Deus permittat Demones in homines grassari, non est facile decernere:
48. Tamen aliqua causa assignantur, nempe, primò, Deus id permittit ad obstinatorum damnationem;
49. Secundo, ad peccantium purgationem:



50. Tertiò, ad Fidelium probationem, & exercitationem:
51. Quartò ad gloria Dei manifestationem:
52. Quintò ad peccantium punitionem.
53. Enumerantur peccata, quæ Deus demonis obsessione punivit: usque ad num. 81.
82. Interdum etiam ob peccata venialia permittit Deus homines a Demonio obsideri, & num. 83.
84. Imò sic punit aliquando peccata aliena,
85. Et præcipue in Filiis peccata Parentum.
86. Filii demoni traduntur ob Parentum imprecationes: usque ad num. 90.
91. Assignantur rationes, quare Deus permittat infantes sive baptizatos, sive non baptizatos a Demone obsideri: & num. 92.
93. Indicatur necessitas prolixitatis hujus primi Commentarii.

## COMMENTARIUM.

## De Exorcizandis.

I. CUM exorcizare nihil aliud sit, ex D. Augustino Lib. de Vita Beata disp. 2. diei: quàm per Divina Spiritum immundum adjurando expellere, & Exorcista sic vocati sint a potestate adjurandi, quia in Fide SS. Trinitatis Demones expellunt de corporibus obsessis, ut inquit Stephanus Educensis Episcopus, de Sacramento Altaris cap. 3. in Biblioth. Veterum PP. Tom. 20. de adjuratione hìc primo sermo instituendus est, ut vis hujus vocis Exorcizare, ejusque licitus usus facile intelligatur.

II. Adjuratio itaque, ut colligitur ex D. Thoma 2. 2. quæst. 90. art. 1. est sub Divini nominis obtestatione, vel invocatione quempiam

urgere ad aliquid faciendum, aut ab aliquo desistendum. Per hæc verba: *Sub Divini nominis invocatione*, intelligitur sive implicita, sive expressa invocatio; hæc secunda est, cum apertissimè nomen Divinum usurpatur; prima verò cum interponuntur Sancti, Sanctorumque merita, vel res aliquæ sacræ.

III. Duplex est adjuratio, alia solemnis, quæ fit ex forma ab Ecclesia instituta, & a Ministris ad id consecratis, de qua potissimùm hic loquemur; alia privata, quæ à quibuslibet privatis hominibus exerceri potest.

IV. Similiter duplex est adjurandi modus, ex eodem Angelico Præceptore loc. cit. art. 2. *Unus per modum deprecationis, vel inductionis, ob reverentiam alicujus sacri; alius per modum compulsionis*. Exemplum primi modi habemus in Epistola D. Pauli ad Rom. cap. 12. v. 1. *Obsecro vos per misericordiam Dei, ut exhibeatis corpora vestra hostiam sanctam &c.* Et in usu Ecclesiæ, quæ in Litaniis, & Orationibus contestatur Deum, ut per merita Christi, & Sanctorum ad postulata concedenda moveatur. Exemplum secundi modi habetur apud eundem Apostolum 2. ad Timotheum cap. 4. v. 1. *Per adventum ipsius (nempe Christi) & regnum ejus prædica verbum &c.* Modus deprecativus adhiberi potest erga sibi subditos, & non subditos (Dæmonibus exceptis) modus vero imperativus, seu Compulsionis, adhiberi nequit nisi erga sibi subditos.

V. Hanc regulam non observavit P. Candidus Brognolus, alias in hac materia versatissimus, qui *Tom. 1. Alexicacon. disp. 2. num. 361. pag. mibi 192.* postquam narravit, quod „ in „ quodam Conventu Fratrum sui Ordinis ma- „ ne valdè diluculo, apparuit cuidam religioso „ qui-

### De Exorcizandis Obsessis: 3

„ quidam Sacerdos, alias ipsius condiscipulus,  
 „ qui jam ante quinque menses in eodem Con-  
 „ ventu e vita migraverat, qui super lectu-  
 „ lum sedens, dixit illi, quod Deum pro eo  
 „ suppliciter exoraret, quia magnos patiebatur  
 „ cruciatus; qui respondens ei dixit: quod eo  
 „ mane libenter pro illo Sacrificium offerret,  
 „ nisi pro alio Sacerdote jam nuper defuncto of-  
 „ ferre teneretur: quo audito evanuit ab oculis  
 „ ejus „ & statim idem P. Candidus subdit ”  
 „ quare sequenti nocte ex præcepto A. R. Mi-  
 „ nistræ Provincialis, qui tunc aderat, ego dor-  
 „ mivi in illo cubiculo, sed ante dormitionem,  
 „ facta oratione, per præcepta tribus vicibus  
 „ intimavi in nomine Jesu Animæ illius defun-  
 „ cti, si suffragiis indigebat, mihi appareret,  
 „ & suam exponeret indigentiam, quam utique  
 „ R. Provinciali patefacere, qui statim omnia  
 „ adimplere promiserat ..... Sed nec Anima cujus-  
 „ libet mihi apparuit, ac dormivi securus &c. „  
 Aliud simile narrat *ibidem num. 439. pag. mi-  
 hi 242.* At, quis ipsi constituit subditas animas  
 defunctorum, ut per modum compulsionis, seu  
 imperativo modo eas adjuraret? Quis ipsi de-  
 dit hanc facultatem, ut per præcepta eas exor-  
 cizaret? Audiatur D. Thomas, qui hujus modi  
 detegit errorem *loco supra citato art. 1. in corp.*  
*Si aliquis, inquit.....alicui non sibi subdito,*  
*adjurando, necessitatem agendi aliquid imponere*  
*intendat..... ( ut fit per præcepta, seu impera-*  
*tivo modo ) talis adjuratio illicita est, quia usur-*  
*pat potestatem in alium, quam non habet.* Hæc  
 adnotata volui, ut Exorcistas in similibus cautos  
 redderem.

VI. Quovis modo adjuratio fiat, tres, a  
 Doctoribus, requiruntur conditiones, sicut in ju-  
 ramento, ut licita sit. Prima est *Veritas*, quæ



necessaria est ex parte rei contestata; hoc est per veram Rem Sacram, non falsam; tum ex parte adjurantis, ut scilicet procedat ex vero animo adjurandi; tum ex parte causæ motivæ ad adjurationem, ne videlicet adjuratio fiat causa ficta, & falsa; secunda Conditio est *Justitia*, ut nempe res postulata justa sit, & honesta. Tertia tandem est *Judicium*, ut scilicet adjuratio debita consideratione fiat.

VII. His conditionibus positis, licitum est adjurare primo Deum; quod constat tum ex usu Ecclesiæ, tum ex sacris Literis, in quibus legitur Moysen, & alios adjurasse Deum propter semetipsum, propter Abraham, & alios Justos: Hæc tamen adjuratio potius obsecratio est dicenda. Secundò, licet adjurare Angelos Sanctos, nec non Beatos homines; sed solum sicut Deum, modo scilicet deprecativo, ut Ecclesiæ consuetudo est, quæ petit a Deipara, ut per Filium suum, aut per Nativitatem, Conceptionem, Mortem suam, vel boni aliquid nobis impetret, vel sua intercessione mali quidpiam avertat, aut impediat. Tertiò dæmones adjurari possunt, non tamen modo deprecativo, quia, ut ait S. Th. 2. 2. qu. 90. art. 2. ille modus adjurandi videtur ad quandam benevolentiam, vel amicitiam pertinere, qua non licet ad demones uti. Quod antea docuerat D. August. lib. 10. de Civit. Dei cap. 22. vera pietate, inquit, homines aeream potestatem inimicam, contrariamque pietati exorcizando ejiciunt, non placando. Idque fundatur in illo Apostoli 1. Corinth. cap. 10. v. 20. nolo enim vos socios fieri demonum.

VIII. Solùm ergo adjurari dæmones licitè possunt modo imperativo, qui est per compulsionem, ut prosequitur S. Thomas, scilicet per Virtutem Divini nominis tanquam inimicos repellere.

De Exorcizandis obsessis. 7

pellere, ne nobis noceant spiritualiter, vel corporaliter secundum potestatem divinam datam a Christo, secundum illud Lucae 10. Ecce dedi vobis potestatem calcandi supra serpentes, & scorpiones, & supra omnem virtutem inimici, & nihil vobis nocebit.

IX. Advertit tamen ibidem S. Doctor, non esse licitum daemones adjurare etiam imperativo modo, sive per compulsionem ad aliquid ab eis addiscendum, vel etiam ad aliquid per eos obtinendum, quia hoc pertineret ad aliquam societatem cum ipsis habendam, nisi forte & speciali instinctu, vel revelatione divina aliqui Sancti ad aliquos effectus, demonum operatione utantur. Unde scitè circa hoc scripserat Origenes Homil. 16. in Num. Non vult Deus auditores nos fieri, & discipulos demonum, neque vult, ut si quid volumus discere, discamus a demonibus: melius est enim ignorare, quam a demonibus discere.

X. Quartò, irrationalis creatura potest adjurari secundum regulam tamen, quam Angelicus Doctor tradit loco pralaudato art. 3. his verbis: Adjuratio, qua quis utitur ad irrationalem creaturam potest intelligi dupliciter, uno modo, ut adjuratio referatur ad ipsam irrationalem creaturam secundum se; & sic vanum esset irrationalem creaturam adjurare. Alio modo, ut referatur ad eum, a quo irrationalis creatura agitur, & movetur, & sic dupliciter adjuratur irrationalis creatura. Uno quidem modo per modum deprecationis ad Deum directæ, quod pertinet ad eos, qui divina invocatione miracula faciunt. Alio modo per modum compulsionis, qua referatur ad diabolum, qui in nocumentum nostrum utitur irrationabilibus creaturis, & talis est modus in Ecclesiæ Exorcismis,



8 *Commentarium in Titulum*  
*cismis, per quos demonum potestas excluditur*  
*ab irrationalibus creaturis.* Videatur *Rituale Ro-*  
*manum de Benedictionibus* in Exorcismis Salis,  
Aquæ, & Olei. *Adjurare autem demones ab*  
*eis auxilium implorando, non licet.*

XI. Hinc non licet adjurare locustas, mu-  
res, erucas, aliaque id generis animalia, consti-  
tuendo Accusatorem, Advocatum, Procurato-  
rem, Judicem, qui sententiam proferat tanquam  
si lis intentaretur, qui modus in quibusdam li-  
bris legitur, & præscribitur. Afferam hic for-  
mulam sententiæ anno 1516. ab Officiali Diœce-  
sis Trecensis latæ in hæc animalia, quam refert  
P. Theophilus Raynaudus *tom. 14. Tractatu*, qui  
inscribitur: *Monitorium Ecclesiasticum Excom-*  
*municationum, cap. 12. num. 2.* „ In nomine Do-  
„ mini. Amen. Visa supplicatione, seu reque-  
„ sta pro parte habitantium loci de Villanoxa  
„ Trecensis Diœcesis, nobis Officiali Trecensi in  
„ judicio facta adversus brucos, seu Erucas,  
„ vel alia non dissimilia animalia, Gallice *Hu-*  
„ *repts* nuncupata, fructus vinearum ejusdem  
„ loci a certis annis, & adhuc hoc præsent  
„ anno, ut fide dignorum testimonio, & qua-  
„ si publico rumore asseritur, cum maximo Inco-  
„ larum loci, & viciniorum locorum incommo-  
„ do depopulantia, ut prædicta animalia per nos  
„ moveantur, & remediis Ecclesiasticis median-  
„ tibus compellantur à Territorio dicti loci abi-  
„ re: Visisque, & diligenter inspectis causis præ-  
„ dictæ supplicationis, seu requestæ, nec non  
„ pro parte dictarum Erucarum, seu anima-  
„ lium per certos consiliarios eosdem per nos  
„ deputatos, propositis, & allegatis; audito  
„ etiam super præmissis Promotore, ac visa cer-  
„ ta informatione, & ordinatione nostra per  
„ certum dictæ Curia Trecensis Notarium de  
„ damno



„ damno in vineis jam dicti loci, de Villanoxa  
„ per dicta Animalia illato, quoniam hujusmo-  
„ di damno, nisi Divina ope succurri posse exi-  
„ stimatur, attenta prædictorum habitantium  
„ humili, ac frequenti, & importuna requisiti-  
„ tione, præsertim magna pristinae vitæ errata  
„ emendandi per eosdem habitantes edito spe-  
„ ctaculo solemniter supplicationum nuper ex  
„ nostra ordinatione factarum, prompta exhi-  
„ bitione; & sicut misericordia Dei peccatores  
„ ad se cum humilitate revertentes non respuit,  
„ ita ipsius Ecclesia eisdem accurrentibus auxi-  
„ lium, seu etiam solatium qualecunque de-  
„ negare non debet: nos Officialis prædictus, in  
„ re, quamquam nova, tam fortiter tamen ef-  
„ flagitata, majorum vestigiis inhærendo, pro  
„ Tribunali sedentes, ac Deum præ oculis ha-  
„ bentes, in ejus misericordia, ac pietate con-  
„ fidentes, de peritorum consilio nostram sen-  
„ tentiam modo, qui sequitur, in his scriptis fe-  
„ rimus. In nomine Dei omnipotentis, Patris,  
„ & Filii, & Spiritus sancti, Beatissimæ Domi-  
„ ni nostri Jesu Christi Genitricis Mariæ, aucto-  
„ ritateque Beatorum Apostolorum Petri, &  
„ Pauli, nec non ea qua fungimur in hac par-  
„ te, prædictos Brucos, & Erucas, & Anima-  
„ lia prædicta, quocunque nomine censeantur,  
„ monemus in his scriptis sub pœnis maledictio-  
„ nis, & anathematizationis, ut infra sex dies  
„ a monitione in vim sententiæ hujus a Vineis,  
„ & Territoriis dicti loci de Villanoxa disce-  
„ dant nullum ulterius ibidem, nec alibi in  
„ Diœcesi Trecensi nocumentum præstitura.  
„ Quod si infra prædictos dies jam dicta anima-  
„ lia huic nostræ admonitioni non paruerint  
„ cum effectu, ipsis sex diebus elapsis, virtu-  
„ te, & auctoritate præfatis, illa in his scri-  
„ ptis.

„ ptis anathematizamus , & eisdem maledici-  
 „ mus &c. „

XII. Non licet , inquam , his modis hujusmo-  
 di animalia adjurare , quia si hæ actiones ad  
 ipsam creaturam irrationalem dirigantur , magna  
 est vanitas , cum illa nihil horum percipiant .  
 Si autem dirigantur ad demonem tanquam admo-  
 torem , quid attinet illum , vel defendere , vel ac-  
 cusare ? Et licet interdum hoc modo sequatur  
 effectus , hoc provenit non ex vi modi , sed vel  
 ex orationibus , precibus , & Sacramentalibus ,  
 quæ aliquoties etiam dum quis hoc utitur mo-  
 do , adhibentur : vel ex potestate demonum aufe-  
 rentium dicta animalia nocentia , ut hæc vana ,  
 & superstitiosa hominibus suadeant .

XIII. Fateor , hanc methodum me nunquam  
 legisse a Sanctis viris observatam ; ( quamvis re-  
 latus Officialis Trecentis se *Majorum vestigiis*  
*inherere* asserat ) sed hujuscemodi animalia , vel  
 Sanctorum reliquiis , vel sacris Exorcismis fugas-  
 se . De prima , tria referam exempla : unum sit ,  
 quod refert Anastasius Bibliothecarius in Vitis  
 Romanorum Pontificum de Stephano VI. qui an-  
 no 885. evehctus fuit ad Pontificatum . „ Cum  
 „ clades , inquit , locustarum , quæ Prædecef-  
 „ soris fuit , Adriani videlicet tempore , totam  
 „ patriam pene consumpserat , mala multiplicato  
 „ germine nasci cœpissent , & omnia replevissent ,  
 „ misertus idem Sanctissimus Papa , afflicto Po-  
 „ pulo , primum quidem divulgavit , ut si quis de  
 „ eis unum sextarium caperet , & sibi attulif-  
 „ set , quinque , aut sex denarios ab eo perci-  
 „ peret . Hoc autem Populi audientes , cœperunt  
 „ huc , atque illuc discurrere , easque capere  
 „ & misericordissimo Patri ad emendum porta-  
 „ re . Sed cum illas tali argumento delere ne-  
 „ quisset , ad Domini misericordiam confugiens ,  
 „ in

„ in Oratorium B. Gregorii, ubi ejus lectus ha-  
„ betur, juxta Ecclesiam Principis Apostolo-  
„ rum veniens, sese cum lacrymis in oratione  
„ dedit, cumque diutius oraret, surrexit, &  
„ aquam propriis manibus benedicens, Mansio-  
„ nariis præcepit dicens: Tollite, & singulis di-  
„ stribuite, monentes, ut in nomine Domini  
„ agros suos circumeant, & hanc aquam spar-  
„ gant per sata, & vineas petentes divinum sibi  
„ suffragium, & subsidium. Quo facto, tan-  
„ ta Omnipotentis Dei subsecuta est misericor-  
„ dia, ut ubicunque ipsa aqua conspersa est,  
„ nulla penitus locusta remaneret.

XIV. Alterum exemplum habemus apud  
Theodoretum, in religiosa Historia, de Sancto  
Aphraate, ubi legitur: „ Quod cum locustæ  
„ aliquando regionem repente invasisent, & in-  
„ star ignis omnia consumerent segetes, arbores,  
„ prata, & nemora, venit ad eum quidam vir  
„ pius rogans, ut opem ferret, unum quidem  
„ agrum habenti, ex eo autem, & se, & Uxo-  
„ rem, & Filios, & Familiam alenti, & a quo  
„ etiam imperatoria exigebatur collatio. Is er-  
„ go.... Dominicam imitans benignitatem, jussit  
„ ad se afferri congium aquæ. Postquam autem  
„ aquæ congium attulit is, qui orabat, ei qui-  
„ dem manum imposuit; Deum autem est pre-  
„ catus, ut fluentum impleret divina virtute.  
„ Deinde finita Oratione jussit, ut in prædii li-  
„ mitibus aqua aspergeretur. Qui eam attule-  
„ rat, fecit ut jussus fuerat, idque fuit illis  
„ agris pro vallo sacrosancto, & inexpugnabi-  
„ li: nam usque ad illos fines reptantes, &  
„ circumvolantes locustæ instar exercitus, rur-  
„ sus retrocesserunt, benedictionem impositam  
„ extimescentes, & veluti quodam frano sus-  
„ focatæ, & ultra progredi prohibitæ.



*Georgio**aquam*

XV. Tertium legitur in vita S. Theodori Archimandritæ a Gregorio Presbytero conscripta:

„ Erat, inquit, hortus, quem magna locustarum multitudo occuparat, & totum prope devastarat. Hujus loci Dominus, cum B. Theodorum adesse intellexisset, processit illi obviam, & ad pedes ejus prostratus, calamitatem in hortum suum locustis illatam indicavit. Cui vir Sanctus: abi, inquit, Fili, & affer aquam in vase. Cucurrit ille, & è propinquo flumine attulit, quam Dei servus cum benedixisset dedit ei dicens: Hac aqua quatuor tui horti angulos consperge, & dabit tibi Dominus id, quod exoptas. Ad hortum reversus, homo, studiose fecit, quæ vir Sanctus præceperat. Cumque ad locum, quem primum asperferat revertisset, ne unam quidem locustam reperit. Paulò post item invisens, omnes planè locustas deletas invenit.

XVI. De secundis verò, exemplum legitur in cap. 5. Vitæ S. Ursuarii Episcopi, & Abbatis Lobienfis, penes Socios Bollandianos *die 18. Aprilis*: „ Savissima pestis murium, radicitus segetes devastantium populabatur in omnibus confinibus regionum illarum (*nempe Pagi Mosomagensis in Belgio*) decreverunt communi consilio, Sanctorum reliquias circumferre, si fortè meritis eorum mererentur conspectum Divinæ Clementiæ. Circumtulerunt, nec spe frustrati sunt: intra paucissimos enim dies omnis illa pestilentia ita est penitus sedata, ut nulla ulterius regioni illi intulerit damna.

XVII. De tertiis, sacris scilicet Exorcismis, duo referre possumus exempla; primum desumptum ex Vita S. Bonifacii Episcopi Ferentini, apud Bollandianos Continuatores die 14. Maji, ubi legitur: „ quod quadam die ingressus hor-

„ tum

„ tum, magna hunc cruciarum multitudine in-  
 „ venit esse coopertum, qui omne olus in eo  
 „ deperire conspiciens, ad erucas conversus di-  
 „ xit: Adjuro vos in nomine Domini Jesu Chri-  
 „ sti, recedite hinc, atque hæc olera comede-  
 „ re nolite; quæ statim ad Dei viri verbum,  
 „ ita omnes egressæ sunt, ut ne una quidem  
 „ intra spatium horti remaneret. „ Secundum  
 defumitur ex vita S. Francisci Solani cap. 4. apud  
 prælaudatos Scriptores, die 24. Julii, ibi enim  
 legitur: „ Quadam die locustarum nubes ca-  
 „ pitanei Andrea de Onoisa triticum invasit. Vo-  
 „ catus in auxilium vir Dei, assumpta stola,  
 „ & factis de more exorcismis, aqua lustrali gra-  
 „ num asperfit.... subito recesserunt. „ Quare  
 in similibus sic procedendum est ab Exorcistis.

## Obsessis a Dæmonio.

XVIII. **H**ic non intelliguntur illi, qui exte-  
 rius tantum a damone vexantur;  
 cum multi Sancti homines externam diaboli ve-  
 xationem sint passi, nec tamen obsessi dicendi  
 sint; sed intelliguntur omnes illi, qui a dæmo-  
 ne interius possidentur, & hujusmodi vocantur  
 1. *Dæmoniacy*, prout sunt constituti sub dæmonis  
 potestate. 2. *Arreptitii*, quatenus a dæmonera-  
 piuntur, seu arripiuntur. 3. *Pythonici*, seu *Py-  
 thones*, quando in corpore spiritum habent divi-  
 nantem. 4. *Lunatici*, quatenus dumtaxat in pun-  
 ctis, vel crescentis, vel decrefcentis Lunæ divexan-  
 tur. 5. *Vexati* propter tormenta, quibus a dæ-  
 mone afficiuntur. 6. *Maleficiati*, *facturati*, *ma-  
 liati*, quando dæmones per maleficia, coope-  
 rantibus maleficis, corpora sunt ingressi. 7. *Fa-  
 scinati*, quando vexati ad aliquid cogi viden-  
 tur.

tur. 8. *Habentes infirmitatis Spiritum*, ob varias infirmitates a dæmone causatas. 9. Et quidem frequentius, nuncupantur græco vocabulo *Energumeni*, quia interius laborant per vexationem dæmonis interius obsidentis, & animam laborare facientis, procedit enim illud vocabulum ab *Ergon*, quod est labor, & *Mene* quod est defectus; inde energia quasi interior labor, vel interior defectus, ut ait D. Bonaventura in 2. sent. disp. 8. part. 2. art. 2. quæst. 6. Et brevius D. Th. 3. part. quæst. 71. art. 2. ad 1. inquit: *Energumenos dici quasi interius laborantes, ex intrinseca diaboli operatione*. Aliqui distinguunt inter *Possessos*, & *Obsessos*, quasi plus aliquid sit possetum esse a dæmone, quam obsessum, sed nos indifferenter utimur utroque vocabulo, ut similiter, absque ullo discrimine, utuntur Patres, ut notat Estius in 2. disp. 8. §. 11.

XIX. Dari autem homines a dæmonio obsessos certissimum est, & constat ex Sacra Scriptura tum in veteri, tum in novo Testamento. In veteri quidem, nam Saul a malo spiritu, nempe dæmone, fuit vere obsessus, ut communis fert Patrum, & Interpretum sententia. In novo autem Matthæi 8. v. 28. habetur: *ocurrerunt ei duo habentes dæmonia de monumentis exeuntes sævi nimis &c.* & v. 31. *Dæmones autem rogabant eum dicentes: Si ejicis nos hinc, mitte nos in gregem porcorum*; & cap. 9. v. 32. legitur Christo oblatum fuisse hominem mutum dæmonium habentem; & cap. 17. v. 14. & 17. *Accessit ad eum homo genibus provolutus ante eum dicens: Domine miserere filio meo, quia lunaticus est, & male patitur; nam sæpe cadit in ignem, & crebrò in aquam... & increpavit illum Jesus, & exiit ab eo dæmonium, & curatus est puer ex illa hora*; & Marci 1. v. 23. *Et erat in Syna-*



*Synagoga eorum homo in spiritu immundo a quo cum Christus liberavit; & ibidem v. 32. Afferebant ad eum omnes male habentes, & demonia habentes. Et Luca c. II. v. 14. Erat Jesus ejiciens demonium, & illud erat mutum. Et Acto- rum 16. dicitur, mulierem habuisse spiritum Py- thonem, quem e puella ejecit D. Paulus. Et tandem cap. 19. v. 13. asseritur plures fuisse, qui habebant spiritus malos.*

XX. Et quamvis aliqui increduli, præsertim ex Medicis (piis exceptis) agnoscant tantum obses- sos illos, de quibus in Scripturis Sanctis fit men- tio, tamen si credunt tempore Christi hos exti- tisse, fateri etiam debent fore extituros futuris temporibus; ut enim ex divinis oraculis habe- tur, facta fuit a Salvatore ampla potestas Apo- stolis, atque Discipulis ejiciendi dæmones ab hu- manis corporibus: *Ecce, inquit Christus Luca 10. v. 9. dedi vobis potestatem calcandi supra serpen- tes, & scorpiones, & super omnem virtutem ini- mici; & Matthæi 10. v. 1. Et convocatis duodecim Discipulis suis, dedit illis potestatem spirituum immundorum ut ejicerent eos.....dæmones eji- cite.* Insuper hæc ipsa potestas data fuit, ut fu- turis temporibus argumento esset ad probandam Christianæ fidei veritatem: *Signa autem, legi- tur Marci ultimo v. 17. eos qui crediderint hæc sequentur, in nomine meo dæmonia ejicient.* Præ- scripta tandem fuit etiam methodus contunden- di Inferorum vires, nempe per Fidem, de qua infra in Commentario Document. XI. & seqq. per <sup>n7.</sup> sacras preces, & Jejunium: *Hoc autem genus, inquit Dominus Matth. 17. v. 14. demoniorum non ejicitur nisi in oratione, & Jejunio.* Quæ omnia complexus est S. Antonius Abbas, refe- rente D. Athanasio in ejus vita his verbis: *pre- cibus enim, & jejniis, fideque in Dominum il- licò*

lciò ipsi cadunt, Dæmones nempe. Ex quibus apertissimè constat, etiam temporibus futuris dæmones multoties habituros esse hanc facultatem invadendi humana corpora, sicut revera invadunt, ut tum experimento, tum ex iis, quæ sparsim in his Commentariis referemus exemplis, clarissimè patebit.

XXI. Quomodo autem possit dæmon obsidere homines nunc, etiam si Christus per suam Passionem, & mortem ipsum diabolum vicerit, quæ Victoria unus est ex præcipuis passionis, & effusi Sanguinis Jesus fructibus, juxta illud Joannis 12. v. 31. *Nunc judicium est Mundi, nunc princeps hujus Mundi ejicietur foras*, optimè explicat D. Thomas in 3. distin. 19. quæst. 1. art. 2. his verbis: *Dicendum, quod potestas demonis in duobus consistit, scilicet in impugnando, & detinendo devictos. Ex eo autem quod quis impugnatur nondum servus factus est, sed ex eo, quod victus est, ut patet 2. Petri 2. Devicerat autem diabolus totum humanum genus in primis Parentibus, & eis dominabatur, dum eos ad hoc, secundum suum votum, deduxerat, ut nullus Paradisi januam introiret; devincit etiam unumquemque singulariter, dum eum ad peccatum inclinatur, quia qui facit peccatum servus est peccati. Potestatem igitur diaboli, qua victos detinet, Christus per passionem ex toto amovit, quantum ad sufficientiam, licet non quantum ad efficientiam, nisi in illis, qui vimpassionis suscipiunt per Fidem, Charitatem, & Sacramenta, & per hoc dicitur dominium diaboli evacuasse. Sed potestatem, qua impugnat, non ex tota evacuavit, sed debilitavit, dum ipsum hostem vicit, & hominibus auxilia multa ad resistendum tribuit, sicut Sacramenta, gratiam abundantiorum, & alia hujusmodi. Hoc posterius optimè explicatum invenitur apud D. Gregorium*

gōrium Nyssenum orat. in diem Nativ. Christi !  
*Quemadmodum* , inquit , *cum serpentes interficiuntur* , non continuo reliquas partes una cum capite mori videmus , sed cum interierit caput , illa tamen adhuc vitam retinent , nec vitali privantur motu : sic accidit in draconis interitu . Etenim ingreſſus cum eſſet admodum fera , quippe , quæ ſingulis hominum atatibus excreverat , qui multiplex ejus caput , id eſt vim illam malorum in ventricem multa in ſe capita continentem ſuſtulit , cæterarum ipſius partium tractus neglexit , ut interfecta fera motum poſteris ad exercitationis occaſionem relinqueret . Hinc ſtat optimè , quod Chriſtus per ſuam Paſſionem homines a poteſtate diaboli liberaverit , & quod etiam nunc eos vexet , atque obſideat , cum dæmonis poteſtas circa impugnationem non in totum evacuatæ fuerit , ſed tantum debilitata .

XXII. Quare hac impugnandi facultatē dire utitur ad homines vexandos , maximè verò obſeſſos tam circa corpus , quam circa animam , & quidem circa corpus extant exempla in ſacris paginis . Job. cap. 2. v. 7. *Satan percuffit eum ulcere peſſimo a planta pedis , uſque ad verticem ejus* . 1. Reg. cap. 16. *Saulem divexabat per atram bilem : Exagitabat eum ſpiritus nequam* . Viros Saræ Tobia 6. occidit ; unde Tertullianus libro de Anima cap. 57. ſcripſit : *Pluribus notum eſt , demoniorum quoque opera , & immaturas , & atroces effici mortes , quos incurſibus deputant* . In novo quoque Teſtamento . Matth. 17. Marci 9. Luca 9. dæmon unum hominem aurium , & linguæ uſu privavit , ac ſimul epilepticum reddidit , quem Matthæus lunaticum vocat , non quod dæmoniacus non eſſet , ſed quod a dæmone obſidebatur , ac ſimul plenilunii temporibus per dæmonem comitiali morbo graviffimè affli-



geretur. Apud Lucam *cap. 8.* alium diabolus ita vexavit, ut domi nequiret contineri, & in desertis loca se proripiebat, & circa sepulcra oberabat. Mulierem afflixit convulsione Spinae dorsii. *Luc. 13.* quo loco *daemon* ille vocatur: *Spiritus infirmitatis*. Tandem experientia satis docet, posse hunc teterrimum humani generis hostem omnes morbos, & infirmitates, Deo permittente, inducere. Quæ omnia paucis complexus est verbis D. Cyrillus Hierosolymitanus catechesi 16. *Immundus*, inquit, *daemon*, si quam hominis Animam aggressus fuerit, (liberet autem ab hoc Dominus omnes animas tam presentium hic, quam absentium) tanquam lupo sanguivorus paratus ad devorandum super ovem veniret: *Savissimus illius adventus*, *gravissimus sensus*, *tenebrosa mens efficitur*, & *insultus iniquus*, & *rapina possessionis alienæ*. Corpore enim alieno tanquam proprio utitur violenter, membris alienis stantem jactitat, & alieno instrumento adstantes acclamat: depravat linguam, torquet labia, spumam pro verbis fundit, obtebatur homo, apertus est oculus, & non videt per eum anima: gemit homo tremens ante mortem miserrimus. Verè hostes sunt hominum demones, turpiter illis abutentes, & absque misericordia.

XXIII. Sed periculosior impugnatio illa fanè est, quæ demones in assumpto corpore vices Incubi cum mulieribus, & Succubi cum viris exercent, non quod demones, ut advertit D. Thomas 1. part. quæst 63. art. 2. ad 1. *delectentur in obscenitatibus carnalium peccatorum*, quasi ipsi afficiantur ad *delectationes carnales*, sed hoc totum ex invidia procedit, quia in peccatis hominum quibuscunque delectantur, in quantum sunt impedimento humani boni. Quod & observat.

vat sollemnis noster Doctor Henricus Gandaven-  
sis in Summa art. 41. q. 2. num. 11. *Angelica na-  
tura*, ait, *vel voluntas*, nullo modo ordinatur  
ad vitium contrarium illi (scilicet Castitati) in  
se suscipiendum cujusmodi est *Luxuria* &c.

XXIV. Dari autem hujusmodi impugnatio-  
nem testatur D. August. lib. 15. de Civitat. Dei  
cap. 23. *Creberrima*, inquit, *fama est*, multique  
se expertos, vel ab eis, qui experti essent, de  
quorum fide dubitandum non est, audisse confir-  
mant, *Sylvanos*, & *Faunos*, quos vulgò incubos  
vocant, improbos saepe existisse mulieribus, ac  
earum appetisse, ac peregissee concubitus. Et  
quosdam demones, quos *Dufios Galli* nuncu-  
pant, hanc assidue immunditiam, & tentare, &  
efficere plures, talesque asseverant, ut hoc ne-  
gare impudentia videatur. Et D. Hieronymus,  
in Vita S. Pauli primi Eremitæ num. 10. refert  
tale responsum datum a demone S. Antonio ade-  
unti ad Paulum: *Sum unus ex accolis Eremitæ*,  
*quos vario delusa errore Gentilitas*, *Faunos*,  
*Satyrosque*, & *Incubos vocans*, colit. Tandem  
Beda lib. 3. in Lucam cap. 8. Sed, inquit, & no-  
stri temporis Sacerdotes, qui per exorcismi gra-  
tiam ejicere norunt, solent dicere patientes non  
aliter valent curari, nisi quantum sapere pos-  
sunt, omne quod ab immundis spiritibus .....  
pertulerint .... patenter exponant, & maxime  
quando, vel viris in specie fæminea, vel in vi-  
rili habitu fæminis apparentes, quos demones  
Galli Dufios vocant, infando miraculo Spiritus  
incorporei corporis humani concubitus petere  
se, ac patrare consingunt .... Quæ mendacio fa-  
millima res, sed adeo vera, ut plurimorum est  
attestatione notissima. Quibus omnibus adda-  
mus Innocentium VIII. Constitut. 1. *Summis de-  
siderantes*, quæ extat in Bullario Romano To-



mo 1. Sane nuper, inquit Pontifex, ad nostrum non sine ingenti molestia pervenit auditum, quod... Complures utriusque sexus personæ, propria Salutis immemores, & a Fide Catholica deviantes, cum demonibus Incubis, & Succubis abuti. &c.

XXV. Quod confirmatur exemplis: Primum illud fit, quod narrat D. Antoninus 2. part. Histor. tit. 16. cap. 7. §. 5. scribens: „ Romæ tem-  
 „ poribus Henrici III. Imperatoris erat juvenis  
 „ quidam locuples, & nobilis, qui uxorem no-  
 „ viter duxerat, & sodalibus suis convivium  
 „ frequens fecerat. Post cibum, iturus in Cam-  
 „ pum, ut luderet, interium anulum Spon-  
 „ salitium digito extenso Statuæ Veneris erectæ,  
 „ quæ proxime astabat, composuit, & cum  
 „ primus se à lusu removit, reposcensque an-  
 „ nulum invenit Statuæ digitum usque ad Vo-  
 „ lam curratum, diuque, ibi luctatus, nec  
 „ anulum eruere potuit, nec digitum frange-  
 „ re, tacitus discedens, rem celavit sodalibus.  
 „ Nocte intempesta cum famulo rediens, di-  
 „ gitum invenit extensum, & anulum subre-  
 „ ptum. Dissimulato damno ad nuptam rediit,  
 „ cumque se in lecto juxta eam collocasset sen-  
 „ sit quiddam nebulosum, & densum inter se,  
 „ & illam volutari, quod sentiri quidem,  
 „ sed videri non poterat. Hoc obstaculo ab  
 „ amplexu prohibetur. Audivit & vocem dicen-  
 „ tem: mecum concumbe, quia hodie me de-  
 „ sponsasti: Ego sum Venus, cujus digito im-  
 „ posuisti anulum illum, nec reddam. Ter-  
 „ ritus ille tanto prodigio, nihil referre ausus  
 „ est, vel potuit. Infomnem duxit noctem illam  
 „ multum secum deliberans. Sic factum est per  
 „ multum tempus, ut quacunque hora cum  
 „ Sponsa concumbere vellet, illud idem sentiret,  
 „ & audiret. Tandem uxoris querelis communi-



„ tus rem parentibus detulit. Illi autem habito  
 „ consilio cuidam rem pandunt: Is autem erat  
 „ Nicromanticus, & in maleficiis potens, &  
 „ Juvenis voti compos, sine obstaculo, poti-  
 „ tus est diu suspiratis amoribus.

XXVI. Secundum sit illud, quod legitur in  
 Vita S. Bernardi *Lib. 2. cap. 6.* Auctore B. Ar-  
 noldo Bonavallensi Abbate. „ Erat, *inquit*,  
 „ misera mulier, quæ a quodam petulante  
 „ diabolo vexabatur. ( Apparuit autem ei la-  
 „ scivus ille diabolus in specie militis valde  
 „ pulchri, & ei amorem suum, intus suggestio-  
 „ ne latenti, extra locutione blandienti ani-  
 „ mum ejus fallaciter inclinavit. Cumque mu-  
 „ lieris assensum obtinisset, expansis brachiis,  
 „ pedes ejus super una manuum suarum po-  
 „ suit, altera verò manu caput ejus operuit, si-  
 „ bique eam fœderis hujus signo desponsavit. )  
 „ Abutebatur ergo ea, etiam in eodem lecto  
 „ cubante marito invisibiliter, impurissimus ille  
 „ adulter, & incredibili vexabat libidine. Sex an-  
 „ nis tantum latuit malum, a quo per Sanctum  
 Abbatem Bernardum tandem liberata fuit.

XXVII. Tertium exemplum nobis præbet  
 auctor vitæ Venerabilis Dionysii Carthusiani  
*cap. 2. in Actis Sanctorum, Bollandianis* relatæ  
 die 12. Martii ubi legitur, quod quædam mu-  
 lier infando fœdere dæmoni Incubo adstricta te-  
 nebatur, quam deinde Servus Dei convertit. „  
 „ Itaque, *ait Auctor*, pessimo huic Incubo mu-  
 „ lier facinorosa diu sociata *fuit*, sed post in-  
 „ numera flagitia, post fœdissimas abominatio-  
 „ nes, post spurcissima cum diabolo commercia,  
 „ rupto sacrilego fœdere ad divinæ clementiæ  
 „ finum peccatrix lacrymabunda cucurrit....  
 „ de hac muliere Dionysius in secundo, quem  
 „ super Sententias scripsit, libro, refert se vidis-

„ se cicatricem , unde sanguinem ipsa , homa-  
 „ gium diabolo scriptura , eduxerat , &c.

XXVIII. Quartum tandem addamus desum-  
 ptum ex *Lib. 3. cap. 7.* Vitæ S. Joannis de Cru-  
 ce Romæ per Petrum Ferri 1726. cussæ occasio-  
 ne ejus sollemnis Canonizationis . En ejus ver-  
 ba , quæ hic latine damus interpolata aliquan-  
 tisper , ut brevitati studeamus : „ Biatix Urbis  
 „ Andaluziæ daemon cuidam puellæ se se in cor-  
 „ pore eleganti videndum præbuit , crescente  
 „ adolescentulæ atate , & ipse daemon cresce-  
 „ bat , atque in ipsa vis crescebat amoris : Cum  
 „ ipsa ludebat , eamque puerilibus illecebris  
 „ alliciebat . Cum ad usum pervenit rationis ,  
 „ astutus amasius ad eam dixit , se esse Christum  
 „ Mundi Salvatorem , qui ipsi soli se videndum  
 „ exhibebat , tum ob singularem , quo ipsa  
 „ prosequeretur amorem , tum quia per ipsam  
 „ magna operari ob hominum salutem me-  
 „ ditabatur : Et ut melius virus lateret , ei sa-  
 „ na dabat consilia , atque ad virtutem ipsam  
 „ hortabatur . Adolescentula hujusmodi favo-  
 „ res suis manifestabat Confessariis , ex qui-  
 „ bus quamplures atque potiores , ejus vitam  
 „ tunc potius virtutibus refertam consideran-  
 „ tes , hallucinati licet , ejus spiritum approba-  
 „ runt . Interim cum daemon suam pellicem  
 „ intuitus fuisset in amore constantem , & su-  
 „ perbia tumentem , de matrimonio secum con-  
 „ trahendo sermonem callide instituit , jubens  
 „ ne deinceps aliquid Confessario suo revelaret ,  
 „ quia ipse solus magister ejus esse statuerat .  
 „ Qualibet igitur nocte cum prædicta juvene  
 „ conveniebat , execrandæ libidinis actus exer-  
 „ cens . Ad Novitiatus interea annum instan-  
 „ te Episcopo Ovingensi in monasterio Discal-  
 „ ceatarum Biatix admissa fuit , sed adhuc sa-  
 cri-

„ cri legum commercium infelix prosequabatur.  
 „ Monitus itaque cœlesti lumine S. Joannes,  
 „ ad monasterii Matrem literas dedit, quibus  
 „ ipsi jubebat, ut statim Puellam illam è sa-  
 „ crarum Virginum cœtu expelleret. Distulit  
 „ aliquando jussa reserata facere prædicta Ma-  
 „ ter, quæ Novitiæ commisit, ut indicaret  
 „ cum ejus sponsus ad eam invisendam accede-  
 „ ret; at cum mandatis non obtemperaret,  
 „ quadam nocte evigilans mater, vidit, non  
 „ absque suo ingenti horrore, adolescentulam  
 „ infelicissimè opprimi inter brachia terrifici  
 „ Æthiopis. Vocatis igitur, monitisque Soro-  
 „ ribus eam e Monasterio expulerunt, quæ po-  
 „ stea sub potestate Sanctissimæ Inquisitionis  
 „ perducta, publicè suis facinoribus debitas  
 „ pœnas luit.

XXIX. Quomodo autem hujusmodi immun-  
 ditia exercere possint dæmones, cum sint puri  
 spiritus, dicendum est, hoc agere in corpori-  
 bus assumptis, efformando scilicet corpora, ex  
 aere, qui *licet in sua raritate manens*, ait S. Tho-  
 mas 1. part. q. 51. art. 2. ad 3. *non retineat figu-  
 ram, neque colorem, quando tamen condensatur,  
 & figurari, & colorari potest, sicut patet in nu-  
 bibus.* Hoc verificatur etiam de Angelis bonis;  
 ex divinis enim literis constat, pluribus sub  
 specie visibili apparuisse, quod de Archangelo  
 Gabriele expressè testatur Henricus noster in  
 Summa art. 1. q. 8. num. 10. his verbis: *Angelus  
 in corpore ab ipso formato docuit Mariam de  
 Filii Dei Incarnatione.* Insuper legitur eisdem  
 disparuisse statim ab intuencium oculis, quod  
 evenire profectò non potuisset, si corpus aereum  
 non assumpsissent. De Angelis malis similiter  
 in sacris literis legimus sub corporali specie se  
 videndos præbuisse; Genesis autem *cap. 3.* nar-



ratur, dæmonem sub specie Serpentis apparuisse, & *Matthæi cap. 4.* ad Christum tentandum visibiliter accessisse.

XXX. Id quibusdam illustratur exemplis ad lectorum levamen, & eruditionem. In vita Sancti Hervæi Abbatis *cap. 1.* penes Socios Antuerpienses in Actis Sanctorum die 17. Junii legitur: „  
 „ Ex Cornubia rediens Hervæus, transivit per  
 „ curiam Comitis Heleni, a quo magno gaudio, & benevolentia exceptus, ipsi in aurem  
 „ dixit: veni huc, ut te, tuosque liberem a  
 „ grandi, in quo versamini, periculo; nam mihi  
 „ hi revelavit Dominus, dæmonem sub humana  
 „ specie in domo vestra versari, qui tibi instar  
 „ famuli inservit. Obstupuit ad hæc Comes, sed  
 „ dissimulans, nemini quidquam indicavit. Sternuntur mensæ, & accumbitur;  
 „ potum Hervæus rogat: dæmon in Ephebi  
 „ specie vinum offert. Tunc Sanctus elevata  
 „ manu, signum S. Crucis super Calicem format,  
 „ qui disrumpitur effuso vino; hoc cum iterum,  
 „ & tertio factum esset, stupente Comite,  
 „ mirantibus cunctis, Sanctus apprehendit  
 „ dæmonem, & invocato Dei Nomine, jubet eum  
 „ declarare quis esset, & quem in finem domum  
 „ hanc intrasset. Sum, inquit, dæmon inferno  
 „ egressus, qui ad crapulam, & gulam homines  
 „ excito, ad iram, & discordiam, & rixam  
 „ provoco; quandoquidem verò me invitum &  
 „ freudentem licet, cogit divina potentia per  
 „ sanctum famulum suum hoc declarare, potum  
 „ hunc ideo miscueram, ut si ex eo bibissetis,  
 „ furore in invicem exardescerentis, mutuis  
 „ vulneribus hoc loco occubuissetis. Tunc Sanctus,  
 „ Dei nomine præcipit, domum istam deferre,  
 „ nec amplius reverteretur. Ille jussa facit  
 „ clamans per aerem; Hervæe, Hervæe Serve  
 Dei

„ Dei , cur mihi tam crudele moves bellum ?  
„ Comes Helenus , videns se tanto periculo liberatum , gratias egit Deo , & S. Hervæo , qui  
„ reversus est ad suum Monasterium .

XXXI. In vita B. Joannis Parmensis , Generalis Ordinis Minorum *cap. 1. in actis Sanctorum Bollandianis relata ad diem 19. Martii* , narratur , quod dum suum Ordinem visitaret , noctu cum Sociis in sylvis aberrans , Beata Virgine invocata , „ audierunt pulsari campanam ,  
„ qua excitati .... ad vicinam pervenerunt Abbatiam . Pulsato ostio , præsto obviam fiunt ..... plures Monachi , qui prompti receperunt hospites : ducunt ad ignem , lavant pedes , exiccant vestimenta , apponunt cœnam , & sternunt lectos .... Post primam vigiliam surrexit Generalis ad Orationem , & audita campana , qua nocte ad Officium convocantur Monachi , ad Chorum cum ipsis venit , relictis Sociis , qui somno , & fatigatione tenebantur . Officium incœpturus Hebdomadarius , nec consueta usus est cæremonia , nec ordine , nec versiculo : *Domine labia mea* , sed abruptim , & cum turbatione incœpit ab illo versiculo Psal. 35. *Ibi ceciderunt , qui operantur iniquitatem* . Respondit Chorus : *Expulsi sunt , nec potuerunt stare* . Tertiò id ipsum repetitum , quod suspicionem ingessit Fratri Joanni . Præcepit igitur in virtute Passionis Christi , & Sanctissimi Nominis ejus ut , ocyus edicerent quanam essent ? Respondit , qui Abbatis loco videbatur præesse , omnes esse Angelos tenebrarum , qui præcepto divino invitati essent missi ad ministrandum ipsi , & sociis , precibus , inquit Matris Dei , & illius Vexilliferi Patris vestri . Quibus dictis totum evanuit , quod ibidem cernebatur . Se autem  
cum

„ cum fociis in nemoroso antro, atque nuda  
 „ humo invenit Generalis. „

XXXII. Aliquando tamen daemones assu-  
 munt corpora hominum vita functorum; &  
 ad hoc ostendendum similiter alia duo affere-  
 mus exempla. Sit itaque primum illud, quod  
 refertur in vita S. Gilduini Canonici Dolensis  
 in Britannia *cap. 2.* apud Bollandum in *Actis*  
*Sanctorum Tom. 2.* Januarii, die 27. quodque  
 fusiori calamo narratum non pigeat legere, cum  
 me non piguerit transcribere. „ Sanctus Adole-  
 „ scens Gilduinus Transcensis. . . . Alpibus, qua-  
 „ dam die cum vespertina hospitandi hora jam  
 „ immineret, nec optimus ad hospitandum lo-  
 „ cus usquam pateret, tandem incumbente jam  
 „ fere crepusculo ad fluvium quemdam per-  
 „ veniens, videntque secus littus tuguriuncu-  
 „ lam quamdam, ad eam cum suo comitatu di-  
 „ vertit, ibique sibi, & suis corrogavit hospi-  
 „ tium, & accepit, in domo scilicet cujusdam  
 „ plebeii viri, soliti volentes transire fluvium  
 „ navicula sua transvectare. Tunc de victuali-  
 „ bus parandis solliciti famuli cum hospite Do-  
 „ mino domus agitare, & consultare cœperunt;  
 „ quibus ille ait: nescio quid vobis consulere  
 „ possim; nam & locus iste victualibus est pau-  
 „ perimus, & hora jam tardior ad opulentum  
 „ victualibus locum, utpote longius remotum,  
 „ prohibet excursum. Habeo tamen, inquit,  
 „ clientem unum cursorem velocissimum, qui  
 „ vobis inde, si expectare velitis, citius necessa-  
 „ ria possit devehare. Vocatus ille, & expen-  
 „ sis traditis missus, multoque velocius, quam  
 „ credi posset, cum victualibus regressus, gran-  
 „ di de celeritate regressionis miraculo omnes  
 „ stupefecit, nam locus, ut dictum est, tam  
 „ longè remotior aberat, quam inde tam celer-  
 rime



„ rimè quisquam mortalium redire potuisset .  
„ Audita res est a S. Gilduino , & multo amplius  
„ & ipse clientem illum cœpit habere suspe-  
„ ctum . Sustinuit , cum aliis intentus curis ,  
„ haud dubium quin sanctus sanctis , donec ,  
„ ad refectionem paratam vocaretur . Cumque  
„ jam pransurus , sive cœnaturus venisset , &  
„ hymno , ex more præmisso , apposita cibaria  
„ facto signo Crucis benedici a Deo , & sancti-  
„ ficari precaretur , ita sunt in contrarium mu-  
„ tata cibaria , ut venenata potius cadavera ,  
„ quam alimenta viderentur , adeo ut ranarum ,  
„ bufonum , & colubrorum speciem haberent ,  
„ non alimentorum . Nam & vinum ipsum aqua  
„ lutosa simile est factum . Quæ videlicet for-  
„ marum mutatio , cum & ipsi Sancto , & omni-  
„ bus convivaturis tam execrabilis esset , quàm  
„ horribilis , tunc jam suspicio , quæ de veloci-  
„ tate cursoris orta fuerat , facta est certitu-  
„ do , ut jam non hominem ministrum illum sci-  
„ rent omnes esse , sed dæmonem . Protinus eum  
„ jussit vocari Sanctus , & ad se adduci , sed  
„ ille venire recusavit . Iterum , atque iterum  
„ mandatus venire noluit , irascendo , & rixando  
„ nihil sibi , & illi commune esse vociferans .  
„ Tunc demum in Nomine Domini nostri Jesu  
„ Christi , & in virtute sanctæ Obedientiæ jus-  
„ sus venire , amplius morari non valens , de-  
„ posita omni terrificâ vanitate irascentis , invi-  
„ tus venit , & trepidus ; nec mirum , si reus  
„ in suis malitiis deprehensus , Judicis præsen-  
„ tiam pertimescebat , condignam in se laturi  
„ sententiam . Ecce , inquit , o crudelissime hostis ,  
„ & rabidissime inimice , quid te offenderamus ,  
„ ut nos occidere volens , venena ista nobis pro  
„ alimentis paravisses ? Quid tantum de mali-  
„ gnissimis artibus tuis confidis , quod servos

„ Crucis Christi destruere te præsumis ? Sed  
„ fatere , jam cunctis audientibus , & nomen  
„ fallaciæ tuæ , & causam tam diuturnæ in hoc  
„ loco remorationis . Tunc hostis , fatebor , in-  
„ quit , licet invitus , quoniam Onnipotentis  
„ Domini Jesu Christi virtuti , quæ in te est , cer-  
„ tum habeo nihil posse celari . Nomen mihi as-  
„ sumpseram Bernutionis , quia quasi homo  
„ inter homines , accepta conversandi licentia ,  
„ non possem sine nomine dignosci . Causa ve-  
„ rò assumpti corporis , vel in hoc loco diutius  
„ remorandi , intentio mihi est exercenda ma-  
„ lignitatis meæ . Oderam enim vehementer  
„ virum istum , & ejus benignitati invidebam ,  
„ quod non tam causa lucrandi , quam subve-  
„ niendi benevolentia , volentes fluvium istum  
„ transire , navicula sua consuevit transvectare .  
„ Quod ex quo facere consuevit , omnino impe-  
„ divit malignitatem meam , quia transire vo-  
„ lentes , sed nescientes rectam per vadum  
„ viam nonnullos præfocabam , quorum ani-  
„ mabus non bene ad migrandum præparatis ,  
„ plurimum noccbam . Propterea hoc mihi  
„ corpus assumpsi , obtulique me huic homi-  
„ ni ferviturum , si quo forte modo insidiari pos-  
„ sem vitæ illius , & salutis , & in eo , quem  
„ frequentabat fluvio submergere prævalerem  
„ eum , & suffocarem . Et unde , ait Sanctus , noce-  
„ re ei non prævalebas ? Ex eo , ait demon ,  
„ quod ingrediens fluvium semper & se , & totum  
„ navigium suum , mihi prorsus contrario Cru-  
„ cis signo , præmunibat , imo ad omnia , quæ  
„ agenda incipiebat , eodem se muniens signo  
„ insidias meas excludebat . Et unde , Sanctus ,  
„ corpus , quod gestas tibi assumpxisti ? Cujus-  
„ dam , inquit , scelerati fuit , & cujus arripue-  
„ ram animam corpus mihi ad instrumen-  
tum

„ tum fraudulentiarum, insidiarumque usurpa-  
 „ vi. ( *Hic noto, Deum forte nunquam permittere*  
*ut diabolus assumat corpora hominum justorum*  
*vita functorum, quæ tandem post judicii diem*  
*in cælum, eorum animabus unita, sunt recipien-*  
*da.* ) Et Sanctus, ad hæc: benè, inquit, quod  
 „ fraudulentum, & insidiatorem te esse profi-  
 „ teris, quodque malignitatem tuam patefa-  
 „ ciens victoriosissimæ Crucis Christi virtutem,  
 „ & invitus prædicare compelleris. Vere, ait  
 „ dæmon, hoc facio invitus, quia tibi servo  
 „ Crucis Christi celare nihil valeo. Ea roboratus  
 „ virtute, vexilloque armatus, venena, quæ  
 „ tibi pro alimentis paraveram, evadere præ-  
 „ valuisti, sicque mihi nocendi in loco isto vires,  
 „ & facultatem omnino auferre. Et S. Gilduinus  
 „ ait: Benedictus Dominus noster Jesus Chri-  
 „ stus Deus cujus Crucis victoriosissimam vir-  
 „ tutem, etiam victus per eam, invitus præ-  
 „ dicare cogitur inimicus. Sed jam ò cruentissi-  
 „ ma, & funestissima bestia, tecum sermonem  
 „ conferre diutius nolo. Mendax enim esse  
 „ probaris, & Pater mendacii adeo ut, si-  
 „ quando velis, nolis, veritatem loqueris, nun-  
 „ quam tamen nisi fallere intendis, Corpus ita-  
 „ que quod fallaciarum, insidiarumque tua-  
 „ rum instrumentum asumpseras, citius jam de-  
 „ pone, & vade ubi jam nulli Christiano dein-  
 „ ceptus valeas nocere. Protinus hostis teterri-  
 „ mus, horribili emisso ululatu, recessit, & in-  
 „ strumentum diabolicæ malitiæ, corpus in me-  
 „ dio reliquit exanime. Jussit Sanctus celerius  
 „ efferri corpus, & humo fossa ubilibet oc-  
 „ cultari. „

XXXIII. Simile aliud factum legitur *Tom. 1.*  
*nostrorum Annalium Centuria 1. cap. 2. de S. Phi-*  
*lippo Benitio*, Evenit, quod in quadam Civi-  
 tate



„ tate erat mulier , cujus conjux miles erat ;  
 „ & socium veluti fratrem habebat ; accidit ,  
 „ inquam , ut his duobus viris in prælium....  
 „ eundum esset : qui cum in prælio diutius  
 „ dimicassent , in eo diem obierunt extremam...  
 „ Humani generis hostis , qui omnibus benefa-  
 „ cientibus obest , cum mulieris , tum etiam  
 „ Filii sanctitatem cernens ; statuit socii extincti  
 „ mariti formam accipere , & cum ipsis mora-  
 „ ri.... Venit igitur , quasi de militia rever-  
 „ sus ad mulierem dicens : doleo equidem , &  
 „ vehementer angor , cum me tali fratre orba-  
 „ tum , te autem.... conjuge privatam videam ,  
 „ qui in bello diem obiit . Quod cum mulier ,  
 „ & Filius audissent , maximum gemitum , &  
 „ ejulatum emisertunt . Quos diabolus blande  
 „ consolatus ait , eos nolle pertimescere , se  
 „ marito morienti , Uxorem , & Filium sibi  
 „ commendanti promississe , loco Patris uni ,  
 „ conjugis alteri , futurum . Cum autem dia-  
 „ bolus cum muliere aliquot dies permansis-  
 „ set ;... puer qui prius bonus , & honestus  
 „ erat tunc pessimus , (*dæmonis Societate*) &  
 „ inhonestissimus effectus est.... Quod videns  
 „ Mater , die quadam in Ecclesia ante Virginis  
 „ Imaginem prostrata , .... illam deprecaba-  
 „ tur , ut ex tot tribulationibus , angustiisque ,  
 „ quibus erat circumdata , liberare dignaretur....  
 „ Domum reversa ostium a quodam  
 „ viro pulsari audit .... domum ingressus , &  
 „ sedens , causam doloris ejus exposulavit ; cui  
 „ illa.... retineo domi hominem scelestissimum ,  
 „ viri mei socium , cui paulò ante in bello mor-  
 „ tem oppetere contigit , qui puerum mihi  
 „ olim bonum , probum , castum , in omnium  
 „ pessimum commutavit . Cui vir : Misereor ,  
 „ ait , attamen facias in nomine Domini accer-  
 „ siri

„ firi illum ad me .... At ille veniens , subi-  
„ tò clamare cœpit : Cur me crucias Philippe ?  
„ Quare me vexas Philippe ? .... Quem ille  
„ talibus aggreditur : In nomine Dei , &  
„ Domini nostri Jesu Christi , adjuro te , ut  
„ nobis dicas quis sis , & cur huc adveneris ? ...  
„ Inquit adjuratus : tibi dico , me esse diabo-  
„ lum qui habitum , & formam socii viri istius  
„ Mulieris assumpsi , ut si quando suam devo-  
„ tionem dimisisset , eam cum puero interfice-  
„ rem , sed quia nunquam dimisit , ideo nulla  
„ mihi in eam potestas data est . Tunc B. Phi-  
„ lippus , abi , inquit , spiritus nequissime , nec  
„ deinceps aliquem hujus domus tentare præ-  
„ sumas . Quod audiens diabolus cum maxi-  
„ mis tonitribus inferna loca petens , victus  
„ abivit , & illic cadaver admodum fœtens re-  
„ liquit . Quam rem prospiciens mulier , maxi-  
„ mas Deo , & inclytæ Matri Mariæ gratias  
„ egit , & quo nomine appellaretur vir ille in-  
„ terrogavit , cui ipse : ego sum ille Philippus ,  
„ cujus corpus in Tudertina Civitate sepultum  
„ est , servus Mariæ Virginis , quæ me ad te ei  
„ in omnibus obsequentem misit , ut te ab isto  
„ humanæ naturæ iniquissimo hoste liberarem ,  
„ quibus dictis evanuit . „

XXXIV. An verò , & quomodo dæmonis in-  
cubi ope , ( ut ad rem nostram redeamus ) in  
hujusmodi corporibus assumptis generari possit  
aliquis verus homo , discendum est a D. Tho-  
ma , qui 1. par. q. 51. art. 3. ad 6. hæc habet :  
*Si tamen ex coitu demonum aliqui interdum na-  
scuntur , hoc non est per semen ab eis decisum , aut  
a corporibus assumptis , sed per semen alicujus ho-  
minis ad hoc acceptum , utpote quod idem dæ-  
mon , qui est succubus ad virum , fiat incubus  
ad mulierem , sicut , & aliarum rerum semina*  
ass-

assumunt ad aliquarum rerum generationem ,  
 ( ut August. dicit lib. 2. de Trinit. ) ut sic ille ,  
 qui nascitur non sit filius demonis , sed illius  
 hominis, cujus erat semen acceptum . Eodem mo-  
 do loquitur in 2. Sent. dist. 8. art. 4. q. 1. & de  
 potentia q. 6. art. 8. ad 5. ubi ad objecta respon-  
 det . Idem docet D. Bonaventura in 4. dist. 44.  
 dub. 5. Guillelmus Parisiensis 3. part. de Univer-  
 so cap. 25. & Theologi communiter in 4. Senten-  
 tiarum .

XXXV. Præterea oppugnare solet daemon  
 obsessos circa animam , quod animæ possit illabi ,  
 quia , ut ait Auctor libri de Ecclesiasticis dog-  
 matibus, inter Augustini Opera , cap. 50. *De-  
 mones per energicam operationem non credimus  
 substantialiter illabi animæ , sed applicatione ,  
 & oppressione uniri : illabi autem menti illi so-  
 li possibile est , qui creavit , qui natura subsistens ,  
 incorporeus , capabilis est suæ facturæ .* Sed so-  
 lum operando circa potentias . Quod clarius  
 docet Venerab. Beda in Acta Apostolorum cap. 6.  
*Notandum , inquit , quod Animam , & mentem  
 hominis nulla creatura juxta substantiam possit  
 implere , sed creatrix sola Trinitas , quia tan-  
 tummodo secundum operationem , & voluntatis  
 instinctum animus de his , quæ creata sunt , im-  
 pletur . Implet enim satanas mentem alicujus , &  
 principale cordis , non quidem ingrediens in eum ,  
 & in sensum ejus , atque ( ut ita dicam ) aditum  
 cordis introiens : siquidem hæc potestas solius di-  
 vinitatis est , sed quasi callidus quidam , & ne-  
 quam , ac fallax fraudolentusque deceptor , in  
 eos animam humanam malitiæ affectus trahens  
 per cogitationes , & incentiva vitiorum , quibus  
 ipse plenus est . Non ergo illabitur in substan-  
 tiam animæ daemon in obsessis , sed solum ope-  
 ratur circa potentias .*

XXXVI.



XXXVI. Et primò quidem quoad intellectum; non quod possit operari circa ipsum interius movendo, sed solum operando circa partem sensitivam interiorem, idque vel formas, seu species rerum sensibilibum imaginativæ potentiae præsentando per motum localem spirituum, vel humorum, qui procurari potest a demonibus, sive dormiant, sive vigilent homines, & sic sequitur, quod homo aliquid imaginetur; vel excitando aliquam passionem in appetitu sensitivo, & spiritus ac humores variis mediis commovendo, ex quibus sequitur, quod intellectus apprehendat tanquam bonum id, quod revera malum est. Ita D. Thomas 1. 2. q. 80. art. 2. Quod prius innuerat Cassianus collat. 7. cap. 12. Et hoc fit, inquit, cum in illis membris, in quibus vigor anime continetur, immundus spiritus insidens, eisque importabile, atque immensum pondus imponens, obscuritate terribilissima intellectuales ejus obruit, & intercipit sensus, quod nonnunquam, etiam vini, febrisque vitio, seu nimii frigoris, aliisque valetudinibus extrinsecus supervenientibus, videmus accidere.

XXXVII. Secundò circa voluntatem; non quod possit similiter physicè, & realiter eam movere interius in ea operando, vel actum ejus internum efficiendo, ut loquitur S. Doctor loc. cit. art. 1. Sed solum potest movere voluntatem per modum persuadentis, & ut proponens appetibile. Quod sic explicat Angelicus Doctor ibidem in corp. Ex parte objecti potest intelligi, quod aliquid moveat voluntatem tripliciter: uno modo ipsum objectum propositum, sicut dicimus, quod cibus excitat desiderium hominis ad comedendum; alio modo, ille qui proponit, vel offert hujusmodi objectum. Tercio modo ille, qui persuadet objectum propositum habere rationem

*boni, quia, & hic aliquialiter proponit proprium obiectum voluntati, quod est rationis bonum verum, vel apparens. Primo igitur modores sensibiles exterius apparentes movent voluntatem hominis ad peccandum. Secundo autem, & tertio modo, vel diabolus, vel etiam homo potest incitare ad peccandum, vel offerendo aliquid appetibile sensui, vel persuadendo rationi. Hoc modo intelligendi sunt Sancti Patres dum dicunt, quod diabolus malignos effectus inspirat, ut loquitur D. August. lib. 4. de Trinit. cap. 12. Quod diabolus corda hominum occultis cupiditatibus replet, ut inquit D. Isidorus de summo bono lib. 1. cap. 5. & lib. 2. cap. 42.*

XXXVIII. Quare voluntati nequit diabolus necessitatem inferre ad peccandum, ut colligitur ex allata Angelica Doctrina, & ex nostro Henrico Gandavenſi art. 25. q. 2. num. 30. qui ait, quod diabolus est auctor peccati, *non efficiendo..... sed suadendo*. Et multo magis ex sacris litteris; nam i. Petri cap. ultim. v. 8. dicitur: *Adversarius vester diabolus tanquam leo rugiens circuit quarens quem devoret, cui resistite fortes in Fide*; ex Jacobi cap. 4. v. 7. *resistite diabolo, & fugiet a vobis*. Ex Apostolo ad Ephesios 6. v. 16. *In omnibus sumentes scutum Fidei, in quo possitis omnia tela nequissimi ignea extinguere*. Frustra autem talia darentur monita, si homo ex necessitate succumberet diabolo ipsum tentanti; unde appositè scripsit D. Hieronymus in cap. 15. Matthæi: *diabolus adiutor, & incensor malarum cogitationum potest esse, auctor esse non potest*.

XXXIX. Hæc obstat, quod arreptitii, seu obsessi blasphemant interdum, & plures peccaminosos actus exercent vel inviti; nam aliud est cogere ad actum, qui ex genere suo sit pec-

catum, aliud ad peccatum cogere. Primum potest dæmon, ita conturbando facultates interiores, ut liber usus rationis penitus tollatur, sicut testatur Cassianus *collat. 7. cap. 12.* inquit: *Quidam (scilicet energumeni) sic afflantur, ut nequaquam ea, quæ gerunt, vel loquuntur, intelligant, sed tunc non cogit ad peccatum, quia deest arbitrii libertas, sine qua nullum committi potest peccatum.* Secundum nequit diabolus, cum non possit cogere ad actus objectivè malos, & per consequens ad peccatum; quam doctrinam docuit Angelicus 1. 2. quæst. 80. art. 3. *Dicendum, inquit, quod diabolus propria virtute, nisi refranetur a Deo, potest aliquem inducere ex necessitate ad faciendum aliquem actum, qui de suo genere peccatum est, non autem potest inducere necessitatem peccandi.*

XL. Tertiò circa memoriam; sicut enim potest dæmon memoriam juvare, ejus organum adaptando, ut facilius recipiat, & firmiter retineat, vel motu locali noxia repellendo, vel juvantia applicando: ita potest modis contrariis plurimum debilitare, & tollere.

XLI. Tandem, possunt mali Angeli homines impugnare illudendo sensibus. *Dolosus ille, inquit D. Athanasius orat. 1. contra Arianos; Variis, & falsis imaginibus rerum hominibus illudit, obrepens, & provocans unumquemque ad vitii sui precipitia.* Quod tripliciter contingere potest ex Seraphico Doctore in 2. dist. 8. par. 2. quæst. 3. cujus verba transcribo: *primò ostendendo præsens, quod non est: quod quidem facit species offerendo, & potest intelligi sic: Quando phantasmata existentia interiorius offeruntur forti oblatione ipsi virtuti interiori, vel virtus interior fortiter illis intenditur, similitudo rei videtur esse veritas. Hoc manifestum est per na-*



turam, nam phrenetico, propter ascensum fumositatum ad cerebrum ex modica occasione exteriori videtur ei, quod videat multa, quæ non sunt sibi præsentia, vel quod audiat. Similiter per fortem conversionem intentionis, phantasma videtur veritas, sicut exemplificat Augustinus in lib. de Trinitate, quod quidam tanta conversione recogitabat cujusdam mulieris imaginem, quod ei carnaliter commisceri videbatur etiam vigilando. Per hunc modum demon potest sive intentionem ad imaginem convertere, sive fumos aliquos immittendo spiritum animale mutare, & phantasmata diversimodè variare, & intentioni offerre, & sic diversa homini facere apparere, & hoc modo utitur frequentissimè: & huius signum est, quia nunquam facit hominem aliquid sentire, cujus imaginem non habet in interiori organo virtutis imaginariæ; nunquam enim cæcos naturaliter facit somnare de coloribus, nec surdos de sonis, nec eis talia repræsentat in vigilia, vel in somnis.

XLII. Hunc modum admittit Henricus noster, qui aliis quidem verbis, sed eodem sensu loquitur conformiter ad Seraphicum Doctorem. Docet enim in Summa art. 1. quæst. 8. num. 18. & 19. quod hoc possunt facere Angeli per motum spirituum, & humorum in hominis phantastico, ordinando imagines existentes in ipso tali ordine, quo intellectus intelligere possit per species intelligibiles abstractas ab eis, quæ nunquam, vel qualia nunquam intellexit, secundum quod de tali ordine factæ imaginibus a natura aliquando videntur in somnis qualia nunquam fuerunt visa in vigilia, ut dicit Philosophus. Unde de tali potentia Angelorum dicit Augustinus lib. 83. quæstionum: Demon serpit per omnes aditus sensuales, dat se figuris, accommodat coloribus, adheret sonis, latet

et in ira, in fallacia sermonis, odoribus se sub-  
jicit, infundit saporibus, & ostendit homini  
formas notas, & ignotas, ex quibus facit con-  
ceptus complexos, & incomplexos, quales nun-  
quam prius conceperat. Intelligendum tamen,  
quod nullam formam per hoc potest representa-  
re, cujus imaginem, aut speciem extra sen-  
sum non perceperat, vel in toto, vel in parte,  
secundum quod dormientes somniant montes au-  
reos, quod non possent facere, si nunquam seor-  
sum vidissent montem, seorsum aurum.

XLIII. Secundò, ostendendo aliquid aliter,  
quam est, & hoc potest contingere propter va-  
riationem aliquam ex parte organi; sicut quan-  
do humor sanguineus, vel vapor igneus descen-  
dit ad oculos videtur homini, quod ea, quæ ex-  
terius sunt, sint rubea; vel propter variatio-  
nem aliquam ex parte objecti, sicut contingit  
aliquando, quod ex positione candela facta de  
serpentis pinguedine, & dispositione palearum,  
videntur paleæ serpentes esse, operatione natu-  
rali. Simile est in aliquibus virtutibus quarum-  
dam rerum mineralium. Et quia iste modus,  
non latet daemones, & sunt ministri veloces, po-  
tentes quæ necessaria sunt ad hac statim afferre,  
ideo sensus nostros frequenter deludunt, osten-  
dentes rem aliter, quàm se habeat, apparere:  
quod quidem fit per variationem modicam indu-  
cendo eam circa organum, vel objectum, quæ  
quidem variatio non mutat formam, sed solum  
est ex quadam accidentali adhaerentia, & est  
ut passio, non passibilis qualitas.

XLIV. Tertiò illudere potest daemon sensibus  
nostris abscondendo, quod præsens est, & hunc  
modum possumus sic intelligere; Res siquidem,  
quæ præsto est, sensum nostrum sine visibili obsta-  
culo potest dupliciter latere: aut quia impedi-

*tur virtus sensus, ne perveniat ad sensibile, aut quia impeditur species sensibilis ne perveniat ad sensum, & utroque modo impeditur sensus, ne percipiat quod sibi est præsto. Utrumque autem horum satis credendum est esse possibile virtuti demonis, & ideo dicitur posse facere per hanc viam ut hominem reddat invisibilem, quod tamen certum non est: si tamen est, hac via posse fieri non est multum incredibile.*

XLV. Non tamen hæc omnia supra enumerata, & multo plura alia exercere in hominibus, & præcipuè in obsessis, possunt daemones pro libito, sed requiritur divina permissio, ut apertissimè testantur Sancti Patres, & in primis D. Aug. lib. 2. contra Adversarium legis cap. 12. *Videte sanè, inquit, unde probare voluerit humanorum corporum vitia non ad Deum auctorem, sed potius ad diabolum pertinere; quia Dominus ait in Evangelio de muliere, quam sanam fecit, quod eam satanas alligaverat decem & octo annos, propter quod erat incurva, nec se erigere poterat; quasi satanas cum habeat semper cupiditatem nocendi, nocere cuiquam possit, nisi ab Omnipotente acceperit potestatem. Nam quid aliud, non solum in libro Tob. . . . sed magis in ipso Evangelio declaratum est, ubi spiritus immundi, nec in porcos irent, nisi hoc illis benignus ipse Salvator petentibus, quos certè in abyssum posset relegare, concederet: rem necessariam docere nos volens, ut scilicet noverimus, multo minus eos posse sua potestate nocere hominibus, qui nec pecoribus qualibuscumque potuerunt. Quod idem etiam docet de Magis, ac Maleficis lib. 3. de Trinit. c. 7. Unde, inquit, intelligi datur, nec ipsos quidem transgressores Angelos, & aereas potestates in imam istam caliginem, tanquam in sui generis carcerem, ob illius sublimis ethereæ puritatis*



ritatis habitationem detrusas, per quas magicæ artes possunt quidquid possunt, valere aliquid nisi data desuper potestate. Similia docet de dæmonibus lib. 18. de Civit. Dei cap. 18. Firmissime, ait, tamen credendum est, omnipotentem Deum omnia posse facere, quæ voluerit, sive vindicando, sive præstando, nec dæmones aliquid operari secundum naturæ suæ potentiam, ..... nisi quod ille permiserit. Eodem sensu loquuntur communiter alii SS. Patres, & præcipue S. Joannes Chrysostomus homil. 13. in cap. 6. Matth. circa finem: *Dæmones*, inquit, *neque mala præstare possunt, nisi permiserit Deus*: S. Joan. Damascenus lib. 2. de Fide orthodoxa cap. 4. ait: *nulla adversus quemquam vim, ac potestatem habent (dæmones) nisi ea ipsius Dei consilio, ac dispensatione concedatur; quemadmodum in Tob. ac porcis illis, de quibus in Evangelio mentio habetur*. Et D. Anselmus in Elucidario: *Gregem porcorum intrare non potuerunt (dæmones) nisi permisi: quanto minus in homines? Formidari ergo non debet Satan, ut cum D. Gregorio concludam, lib. 2. Moral. cap. 6. qui nihil nisi permissus valet*.

XLVI. Imò etiam hac potestate accepta nequit uti diabolus pro libito suo, sed solum ubi, quando, & pro quanto Deus permiserit. Deus (inquit noster Archiepiscopus Avenionensis Illustriss. Capitonijs *Explic. cathol. 27. part. 1.*) *dæmonum nocendi voluntatem compescit, nec tantum eos agere contra homines quantum vellent, permittit*. Væ enim hominibus, si pro libito favire in homines permetteretur, cum ex Tob. non sit potestas super terram, quæ comparetur ei. Unde Auctor libri recognitionum, quæ S. Clementi tribuuntur, cap. 2. refert, dixisse S. Petrum: *Testatur Cælum & terram, quod si quantum cupit inimicus desfavire permitteretur a Deo, olim om-*

*nes homines deperissent, sed misericordiae causa non finit Deus . Quare solum cum limitatione grafari permittitur hostis , ut scribit D. August. lib. 8. de Civit. Dei cap. 24. versus finem : Nec tamen quodlibet .... nisi quando, & quantum permittuntur ( daemones ) alta, & secreta Dei providentia possunt . Et lib. 3. de Trinit. c. 8. sed nec .... mali ( Angeli ) haec injuste faciunt , nisi quantum iuste ipse permiserit . Et S. Eucherus Lugdunensis, ut ceteros Patres omittam, de spiritualibus formulis cap. 3. Per Angelos malos, ait, immisiones adversitatum, vel agritudinum permissione Dei fiunt quando, & ubi voluerit.*

XLVII. Quare autem Deus permittat Angelos malos suam in homines malignitatem, licet ad mensuram, exercere, nobis praecise latet, hoc unum solum innotescit, nunquam Deum id permittere, nisi iustissime. Audiatur D. August. qui loc. cit. ait: *Iniqui malitia voluntatem suam habet injustam, potestatem autem non nisi iuste accepit . Et lib. 18. de Civit. cap. 8. ait. Firmissime credendum est .... nec daemones aliquid operari secundum naturae suae potentiam .... nisi quod ille permiserit, cujus judicia occulta sunt multa, injusta nulla . Et lib. 2. contra Adversarium legis cap. 12. Hanc autem potestatem Deus bonus occulta nobis iustitia dare potest, injuste non potest . D. Greg. lib. 2. Moral. c. 10. Satanae voluntas, scribit, semper iniqua est, sed nunquam potestas injusta, quia a semetipso voluntatem habet, sed a Domino potestatem, quod enim ipse facere inique appetit, hoc Deus non nisi iuste permittit .*

XLVIII. Attamen licet judicia Dei sint occulta, aliquas causas assignare licebit permissionis divinae, ut daemones homines obsideant, ac divexent. Primo enim interdum permittit Deus, ob obstinatorum damnationem; legitur enim

enim Psalm. 77. v. 54. *misit in eos iram indignationis sue, indignationem, & iram, & tribulationem; immissiones per Angelos malos*, quod manifestum fit in damnatis. Et D. Aug. lib. 3. de Trinit. cap. 8. ait: *Dæmones potestatem a Deo accipere aliquando ad malorum pœnam.*

XLIX. Secundò, interdum permittit ad peccantium purgationem, ut loquitur Joannes Gerson de erroribus circa artem Magicam *dicto* 2., nam excommunicati dabantur ab initio „ Ecclesiæ ipsi Satanae corporaliter vexandi, ut „ Spiritus salvus fieret, 1. Cor. 5. v. 5. Unus ex „ Sanctis Patribus magna prece obtinuit a Domino, ut torqueretur a dæmone, quatenus „ careret elatione. „

L. Tertiò, interdum permittit Deus dæmonem vexare homines, ad Fidelium probationem „ & exercitationem, ut manifestum fuit (ait „ Joannes Gerson *loc. cit.*) in Job, Antonio, & „ Paulo secundùm quosdam, cui *datus est Angelus Satanae* 2. Cor. 12. v. 7. sicut enim *necesse est secundum eundem Apostolum, hæreses fieri, ut qui probati sunt manifesti fiant*, „ 1. Cor. 11. v. 19. ita fiunt ad hoc illusiones si- „ miles miraculis, quemadmodum perspicuè positum est Deuter. 13. *Tentat, inquit, vos Dominus si ex toto corde diligatis eum.* Hæc „ causa nostris temporibus magnum locum habet. „ Confirmo hoc totum ex D. Augustino, qui lib. 3. de Trinit. cap. 7. quærens, quare Deus Magis Ægyptiis mira facere permisit, inter alias hanc assignat rationem *ad exercendam, probandam, manifestandamque Justorum patientiam.* Ex S. Joanne Chrysostomo, qui homil. 41. in Act. Apost. loquendo de Energumenis: *Illi quidem, ait, ex his, quæ graviter ferunt duplex lucrum reportant. Unum quidem, quod humi-*  
lior-



liores, & modestiores fiunt, alterum, quod peccatores sic suorum peccatorum dantes, puri ad Dominum migrant. Ex D. Anselmo lib. 2. c. 28. Elucidarii, qui ait: *Aliquando viri Sancti corpus obsident (dæmones) ad coronam.* Ex D. Basilio ferm. quod Deus non sit auctor malorum. Ille sapiens, inquit, & providentissimus rerum humanarum dispensator, ejus (scilicet diaboli) utitur ad nostram exercitationem, malignitate, quemadmodum medicus viperæ veneno ad salutarem medicamentorum preparationem. Et tandem ex Victore Antiocheno ad cap. 5. Marci in Bliiblioth. PP. tom. 4. qui ait: *Diabolum in hoc Mundo circumvagari sinit, (Deus) non quod nobis male velit, sed ne per adversarii absentiam, humana natura corona, hoc est obventa victoriæ premio spoliatur.*

LI. Quartò interdum permittit (reassumit, Gerson loco supra laudato) ad gloriæ Dei manifestationem, quæ potest esse causa talis vexationis, sicut in cæco nato Jo: 9. & in legione dæmonum, quæ porcos intravit, & submersit, non ad porcorum punitionem, sed ad potentiæ Christi manifestationem.

LII. Quintò, ad peccantium punitionem, ut cum eodem Gersone prosequar, nam hoc patuit in Magdalena, quæ subjecta erat septem dæmoniis, quia carnalibus vacabat vitiis, secundum Glossam. Et revera Magdalenam fuisse interius obsessam a dæmonibus testantur plures Patres, relati a Cornelio a Lapide *Comment. in Luc. c. 8.* quamvis alii, nomine septem dæmoniorum, intelligant septem vitia, penes eundem Cornelium *ibidem scit enim*: Inquit S. Maximus Abbas Constantinopolitanus Capitulum æconomic. cent. 1. c. 83. in Biblioth. PP. tom. 12. *ipse Deus, qua ratione cum decenti, humana, & bona providentia diabolo*

*bolo permittere solet per suos ministros de peccatis nostris varia sumere supplicia . Et Titus Bostrensis , sive quisquis alius sit Auctor , ad cap. 13. Marci in Biblioth. prælaudata tom. 4. loquens de muliere illa , quæ habebat spiritum infirmitatis decem & octo annos . Fieri autem potest , inquit , mulierem hanc ob gravia quædam flagitia , in qua inciderat , tot annos a Deo desertam , neglectamque fuisse .*

LIII. Quænam autem præcipuè peccata facilius januam dæmonis ingressui in corpus hominis aperiant , Deumque moveant ad similem temporalem vindictam sumendam , non est facile decernere , cum fere omnes vitiorum species hujusmodi flagello Deus punierit . Tamen quædam certa peccata a Deo sic punita hic enumerabo .

LIV. Primum ergo peccatum est *superbia* , ob quam a dæmone correptos tres Monachos legimus in Vita S. Severini Noricorum Apostoli cap. 10. penes Bollandum , die 8. *Januarii* , hæc enim habet Auctor : " quosdam tres monachos „ sui Monasterii Doctor humilis superbiæ scēditate resperfos , dum pro suis singulos excessibus increpatos , durare in perniciæ comprobasset , oravit ut eos Dominus in adoptionem recipiens filiorum , paterno dignaretur flagello corripere . Prius ergo , quam orationem effusis lacrymis terminaret , uno momento iidem monachi dæmone corripiente vexati , contumaciam suam , ac superbiam cordis miserabilibus vocibus fatebantur ..... Prædictos itaque Monachos vir Dei delegatos , fratribus per dies quadraginta arduis abstinentiæ remediis mancipavit , quibus expletis , data super eos oratione , a potestate dæmonis eruit , nec solum corporis sanitatem , sed & mentis impertiit . "

LV. Ex Superbia, seu Vanagloria procedunt tanquam ex matre *inobedientia*, *hypocrisis*, & *novitatum præsumptio*, quas inter alias superbiæ filias enumerat D. Gregorius *lib. 30. Moralium cap. 31.* Ob inobedientiam sancto Ephrem Syro præstitam fuisse a damone correptum quandam illustrem virum, legitur in ejusdem Sancti Vita *cap. 3.* penes Bollandum in *Actis Sanctorum die 1. Februarii*, ibidemque *die 25. Januarii cap. 10.* Vitæ S. Popponis Abbatis, quid simile pariter legitur.

LVI. De *hypocrisi* exemplum habemus in *Actis Sanctorum Bollandianis* referentibus *die 24. Julii*, in Vita S. Segolanæ viduæ, *cap. 3.*, quod,  
 „ quidam Juvenis .... sub professione Monachi  
 „ omnem humilitatem, atque innocentiam mentitus accessit, (*ad Monasterium*) habitavitque  
 „ aliquandiu .... in communi cum Fratribus ....  
 „ sed exigentibus meritis, correptus a demone est.

LVII. De *novitatum præsumptione*, ex qua oriuntur hæreses, legimus propter hoc vitium Clericum quendam a damonio arreptum in Vita S. Trudperti Eremitæ, & Martyris *cap. 2.* penes Bollandianos Continuatores *die 26. Aprilis*. Et de muliere in hæresim relapsa narrat D. Cyprianus *Sermone de lapsis*. „ Alia, inquit,  
 „ in balneis constituta, (hoc enim crimini ejus,  
 „ & malis deerat, ut & ad balneos statim pergeret, quæ lavacri vitalis gratiam perdidisset) illic ab immundo spiritu immunda correpta cecidit, laniavit dentibus linguam, qua fuerat vel pasta impiè, vel locuta. Postquam sceleratus cibus sumptus est, (*nempe idolothitum*) in perniciem suam rabies oris armata est. Ipsa sui carnifex extitit, nec diu superesse postmodum potuit; doloribus ventris, & viscerum cruciata, defecit. „ Hæc Cyprianus,



nus, qui & *Epist.* 76. versus finem loquens de iis, qui per apostasiam exciderunt a Fide, ait: *Sæpe nonnulli de illis, qui sani baptizantur, si postmodum peccare cæperint, spiritu immundo redeunte quatiuntur, ut manifestum sit, diabolum in Baptismo fide credentis excludi; si fides postmodum defecerit, regredi.*

LVIII. Secundum est *Avaritia*, quæ ex Sanct. Thoma 2. 2. q. 118. art. 1. est *immoderatus amor habendi; seu immoderatus amor divitiarum*, & ob quam opulentum futozem fuisse a damone furioso occupatum, legitur in Vita S. Marci Episcopi Lucerini *cap. 3. die 14. Junii.*

LIX. Inter alias pessimas filias, quæ ex hac perniciosissima matre nascuntur, numerantur a Magno Gregorio. lib. 31. Moral. cap. 3. *fraus, & contra misericordiam obduratio.* Primæ ad rem nostram, exemplum dant quatuor germani fratres Aretini, qui a damonio possessi, cum sacerdos causam ingressus illorum demonum, ab eo damone, qui primus erat, inquireret, inquit ille: Hos quatuor Fratres, scias dolo in alterius quandam possessionem devenisse, eamque fraudibus quibusdam, & cavillationibus sibi vindicasse, & jus denegasse alterius, suumque ratum, & firmum, ut rectum haberi voluisse, & ex tunc pro sua quisque vicere, ne his quibus jure hæreditario fundus conveniret, redderetur. Quo circa in has miserias, & ærumnas divino Numine præcipitari. Qui ni prius supplices culpam fateantur suam, & agrum, quem sibi fraude vindicavere, propriis restituant dominis, & ut jura divina, & humana petunt, jurejurando confirmaverint, seu vades dederint, se vel male ablata ex tunc restituere, vel in concordiam devenire, mihi credite, nos pro tempore

„ re.... locum Deo daturus. Verum paulò post  
 „ in eos.... iterum redituros ut acrioribus eos  
 „ afficiamus tormentis, dubitet nemo.... ve-  
 „ rum.... cum dæmoni fides nulla dare-  
 „ tur.... Sacerdos, quàm occultè potuit, de-  
 „ dit operam.... rem quam maximè manife-  
 „ statam habere.... Causa itaque, uti dæmon  
 „ dixerat ita, esse cognita, eos durè seorsum  
 „ Presbyter monachus severis verbis increpare,  
 „ castigare imprimis, deinde blande monere,  
 „ ut deinceps caverent.... rebus itaque dili-  
 „ genter, ut Sacerdoti Monacho placuerat,  
 „ confirmatis.... unus, inde alter, post ter-  
 „ tius, demum quartus adeo facillimè in bo-  
 „ nam valetudinem rediere, ut de se omni-  
 „ bus, qui aderant admirationem non parvam  
 „ exhiberent. ” Ita legitur in Vita S. Joannis  
 Gualberti *part. 6. de Miraculis* penes Acta San-  
 ctorum Bollandiana die 12. Julii.

LX. De *obduratione* verò contra *Misericor-*  
*diam*, exemplum nobis præbet Auctor ejus-  
 dem Vitæ, *ibidem part. 16.* scribens: ” Figulus  
 „ quidam, .... cum suam pessimè vitam insti-  
 „ tuisset, a dæmone obsessus est; nam, ut alia  
 „ sua malefacta omittam, expertem etiam ali-  
 „ cujus minimæ misericordiæ a viris fide dignis  
 „ accepimus, adeo ut inopes domum suam prò  
 „ alimonia petentes, virgis, convitiisque, &  
 „ contumeliosis verbis insectans, procul esse coge-  
 „ ret. Si quis in petendo, ut eis mos est, importu-  
 „ nior, procaciorve extitisset, baculo petere,  
 „ ita ut, qui semel domum adierat suam, am-  
 „ plius non rediret. Hunc magis sibi, quam  
 „ aliis immitem, & crudelem, dæmon pessimus  
 „ divino judicio invasit. ”

LXI. Ad avaritiam facilè reduci potest *fur-*  
*rum* cum simplex, tum sacrilegum. De utro-  
 que

que exempla habemus penes Bollandianos de primo, in Vita S. Ebrulfi Abbatis 2. Julii, & S. Victoris Presbyteri cap. 1. 26. Februarii; de secundo in Appendice lib. 2. S. Landoaldi Archiepiscopi 19. Martii, & in Vita S. Severini Noricorum Apostoli cap. 12. 8. Januarii, & alibi sæpe.

LXII. Hoc solum advertere non omitam, quod etiam si non omnes avari dæmoni tradantur corporaliter vexandi, tamen ita isto avaritia spiritu agitantur, ut dæmoniacis omnino similes, imo peiores esse elegantissimè demonstrat S. Joannes Chrysostomus homil. 29. in Matth. inquit: *Quid enim miserius avaro? Nam dæmoniacus, etsi homines contempserit, verbo tamen Christi abactis dæmonibus liberatus est: Pecunia autem servus Christo non auscultat. Nam etsi quotidie Christum audit predicantem: Non potestis Deo servire, & mammonæ; etsi gehennæ terror incutitur, ac Inferni pœnæ imminere dicuntur, non credit tamen Christi verbo. . . . . Qui mentis compos cum hujusmodi hominibus conversabitur? Nam, mea quidem sententia, cum mille dæmoniacis habitandum potius esset, quam cum uno, qui hoc morbo laboraret. Nam ævis quidem avidi, etiam innocuos, nisi utiles sibi sint, inimicos ducunt, & liberum hominem si possent, libenter in servitutem suam redigerent, eumque mille implicarent malis. Dæmoniaci vero nihil hujusmodi faciunt, sed ipsi soli suo malo laborant. Et illi quidem multas domos evertunt, nomenque Dei propter ipsos blasphemare faciunt. . . . . dæmonibus autem exagitati, lacrymas nobis ita movent, ut eorum facile misereamur, & isti non sentiunt plerumque quod agunt; illi præmeditati, omnia faciunt in mediis urbibus bacchantes, ac novam insanientes insaniam. Quan-*



do enim omnes simul demoniaci tantum facinorosis committent, quantum Judas solum commisit, qui ad extremam iniquitatem, turpi pecuniarum ardore, deuectus est, pariterque omnes qui avaritiam illius imitantur? .... & vincula quidem etiam his undique injecta sunt. Judicii timor, legum terror, multorum odia: sed his raptis omnia perturbant: quod si quis hos nexus omnino ab iis auferret, tunc videres peiores hos demone, quam demoniacos, ac fortiore vexari.

LXIII. Hoc idem paulò ante docuerat de peccato luxuriæ; infectos enim hoc vitio comparat cum obsessis illis, qui ex *Matthæi cap. 8.* erant sævi nimis, ac in monumentis habitabant. Hæc si altius consideras, inquit, etiam nunc fieri videbis, multosque inuenies in sepulchris demoniacos, quos ab infantia sua non ferrum, non catenæ, non multitudo hominum, non exhortatio, non terror, non mina, non aliud quid hujusmodi adducere potest. Quid enim luxuria correptus, atque petulans, qui omnem corporis formam hincit a demonio differre? non videtur nudus ambulare, sed corporeis quidem vestibus amictus est. Veris autem vestimentis privatus; ea quæ ipsum decet, gloria nudatus est, non lapidibus se ipsum cedit, sed sceleribus, quæ lapidibus duriora, asperioraque sunt. Quis igitur hunc hominem ligare poterit? Quis eum a petulantia removebit? Quis ei persuadebit, ut lasciviam aspernetur? quò fit, ut nunquam sit in seipso, sed semper in sepulchris versetur. Sepulcra enim profectò sunt meretricum diversoria, multo factore, multa putredine, multa immunditia repleta. Hæc Chrysostomus: sed hoc non obstante, hujusmodi peccatum Deus vera diaboli vexatione punit. Quare.

LXIV. Ter-

LXIV. Tercium est *Luxuria*. Hinc Paschasius Ratbertus *lib. 5. in Evangel. Matth. in Biblioth. PP. tom. 4.* ait: *Tunc eis* ( scilicet dæmonibus ) *permittitur ut possideant, cum extranei* ( homines ) *a Deo per immunditiam digni tali mansore fiunt.* Ob hanc, quidam Monachus correptus a dæmone legitur in *Vita S. Palæmonis Anachoretæ cap. 2. die 11. Januarii.* Item in *Historia translationis, & revelationis S. Medasti part. 2. 6. Februarii* narratur, quendam factum energumenum ob peccata luxuriæ. Præterea in *Historia miraculorum S. Martialis Episcopi Lemovicensis §. 4. 30. Junii* legitur: „ quod quidam miles juvenis corpore, qui diu „ vixerat impudicè, a malignis spiritibus vexa- „ batur.... ad Ecclesiam S. Martialis adduci- „ tur.... & vox dæmonum terribilis in Eccle- „ sia auditur: quare Martialis.... carnem luxuriosam defendis? „ & tandem liberatus fuit.

LXV. Insuper ob *incestum*. Nam D. Paulus Corinthium quendam incestuosum satanæ tradidit, ut habemus *1. ad Cor. c. 5. v. 1. & seqq.* *Omnino auditur inter vos fornicatio, qualis nec inter Gentes, ita ut uxorem Patris sui aliquis habeat.... ego quidem absens corpore, præsens autem spiritu, jam judicavi ut præsens, eum, qui sic operatus est, in nomine Domini nostri Jesu Christi.... tradere hujusmodi satana in interitum carnis, ut spiritus salvus sit in die Domini nostri Jesu Christi.* Præterea ob *adulterium*: „ erat Filius, qui rem habue- „ rat cum muliere conjugata, cumque do- „ mo ejus egrederetur, nemine ipsum vi- „ dente, a dæmone est obsessus.” Quem deinde S. Simeon Salus liberavit, ut in ejus *Vita cap. 5. legitur apud PP. Bollandianos die 1. Julii.*

LXVI. Rursus *ob desiderium* libidinis exple-  
 da: quod clarum fit exemplo in Vita S. Irenes  
 Virginis *cap. 6.* relato, penes socios Antuer-  
 penses *die 28. Julii:* " Qui monasterii (*inquit*  
 „ *Auctor*) vineam in vico ejusdem monasterii  
 „ sitam, mercenarius excolebat, ætate juve-  
 „ nem, ac libidine effrænem (Nicolao ipsi no-  
 „ men erat) ad amorem illarum, quæ mona-  
 „ sticam ibidem vitam profitebantur, malignus  
 „ spiritus accendit, & jam victus, atque impu-  
 „ ra cupiditate plenus, noctes totas circui-  
 „ bat Monasterii ambitum, unde ingressus sibi  
 „ intro ut pateret, & ut cum illa, quam de-  
 „ peribat concumberet, operam dedit multo di-  
 „ ligentissimam.... hæc dum exequi meditaba-  
 „ tur, in terram allisus fuit, & in luto voluta-  
 „ tus, spumam expuebat ex ore, & patieba-  
 „ tur omnia, quæ patiuntur illi, qui a da-  
 „ monio vexantur, " qui tandem juvenis libe-  
 ratus est, abigente S. Irene ab eo damo-  
 nium.

LXVII. Item *ob curiosam, minusque castam*  
*proprii corporis inspectionem, pulchritudinisque*  
*propriæ vanitatem, & complacentiam,* ut legi-  
 tur de illa muliere, quæ " corpus suum ni-  
 „ miæ dedit voluptati, propter quod fuit tra-  
 „ dita demonum potestati. " In Vita S. Deoda-  
 ti Episc. Nolani in Julio Bollandiano *die 2.* &  
 de alia, de qua S. Prosper, sive quicumque sit  
 auctor *lib. 1. de Promissionibus, & Prædictio-*  
*nibus Dei,* qui inscribitur *Dimidium temporis*  
*cap. 6.* scribit: " Quædam Juvencula Araba na-  
 „ tione, ancillæ Dei habitum gestans, cum in  
 „ balneo lavans simulachrum quoddam Vene-  
 „ ris impudicè respiceret, & se ipsam, ei-  
 „ quæ se consimilans domicilium se diabolo  
 „ præbuit. Statim ille leo, qui rugiens circuit,  
 quem



„ quem quærebat invenit: meatus igitur gutturi ipsius occupans &c.”

LXVIII. Et quoniam de balneis sermo est, non inutile erit hic adnotare, quod quamvis ad publica balnea scemina accederent, ita tamen, ut seorsum lavarentur a viris, nihilominus neque id probatur a sanctis in virginibus, eo quod ut puritas, & candor virginalis aliquo modo inficeretur, magnum periculum immineret; nam D. Hieronymus *Epist. 7. ad Latam* ait: *Mihi omnino in adulta Virgine lavacra displicent, quæ se ipsam debet erubescere, & nudam videre non posse.* Et ad Rusticum *Epist. 4. Balnearum fomenta*, inquit, *non querat, qui calorem corporis jejuniorum cupit frigore extinguere*, & hinc laudat Paulam in ejus epitaphio, sive *Epist. 27. ad Eustochium*, quod cum aliis Monialibus degens, balneis nunquam sit usa, nisi periclitans, & necessitate coacta: *Balnea*, ait, *nisi periclitans non adiit*; & rectè quidem, nam sicut theatra loca esse solent, ubi pravus dæmon insideret, ita & balnea, ut ex Tertulliano *Lib. de Spectaculis* notat Baron. *ad annum 713. num. 11.* Quare nil mirum si tantum ob simplex balnei lavacrum Deus homines obsideri permetteret.

LXIX. Imò ob conjugalem intemperantiam, ob quam Asmodæus septem Saræ sponfos interfecit; nam Angelus Raphael, ut Tobiam Juniorem metuentem ne si duceret Saram, ipsi eadem evenirent, consolaretur. *Dixit ei: Audi me, & ostendam tibi, qui sunt, quibus prevalere potest demonium.* Hi namque, qui conjugium ita suscipiunt, ut Deum a se, & a sua mente excludant, & suæ libidini ita vacant sicut equus, & mulus, quibus non est intellectus, habet potestatem demonium super eos....

*Tu autem amore filiorum magis, quam libidine ductus &c.* Tob. 6. v. 16: 17. & 22. Ob hanc incontinentiam conjugalem, arreptam a dæmonio mulierem, narrat D. Gregorius *lib. 1. Dialogorum cap. 10.* his verbis: "Matrona quædam, nobilis in vicinis partibus Tusciæ nurum habebat, quæ intra breve tempus, quo filium ejus acceperat, cum eadem socru sua ad dedicationem Oratorii B. Sebastiani Martyris fuerat invitata. Nocte verò eadem, qua subsequente die ad dedicationem prædicti Oratorii fuerat processura, voluptate carnis devicta, a viro suo se se abstinere non potuit, cumque, manè facto, conscientiam deterret perpetrata carnis delectatio, Processionem verò imperaret verecundia, plus erubescens vultum hominum, quam Dei iudicium metuens, cum socru sua ad Dedicationem Oratorii processit. Mox verò, ut reliquæ S. Sebastiani Martyris Oratorium ingressæ sunt, eandem prædictæ Matronæ nurum malignus spiritus arripuit, & coram omni populo vexare cœpit." Advertetamen cum D. Thoma in 4. dist. 32. q. 1. art. 5. quæstion. 2. ad 1. *quod non fuit punita Mulier illa propter hoc, quod debitum reddidit; (Vel petiit, addo ego, conformius ad Historiam.) sed quia postmodum se temerè ad Divina ingessit contra conscientiam.* Hanc autem conscientiam peccati faciebat forte consilium, quod legitur 2. p. *Decreti, causa 33. q. 4. cap. 5. Christiano cum Uxore sua convenire aliquando licet, aliquando verò non licet. Propter dies enim Processionis aliquando non licet convenire: quia etiam a licitis abstinendum est, ut facilius impetrari possit, quod postulatur.*

LXX. Tandem dæmon ingreditur ob animi dis-

*dissolutionem*, nam inter choreas puellam fuisse a diabolo arreptam, legitur in Vita B. Ambrosii Sanfedonii *cap. 19. 20. Martii*.

LXXI. Quartum est *invidia* peccatum, ob quod Saul a spiritu malo vexabatur, ut habetur 1. *Regum cap. 18. v. 3n*. Porro ex hoc, tanquam ex radice, *detractio*, & *calumnia* pullulant, propter quas plures a dæmone fuisse correptos legimus. Sic in secunda Vita S. Domitiani Episcopi Trajectensis *cap. 3. die 7. Maii*. ”  
 „ Quidam, Engelbertus nomine, cœpit derogare Sancto, & adeuntibus Ecclesiam insultare. Mox mirum in modum divinitus correptus, cœpit æstare, & destitutus corporis membris, & viribus in terram volutari. Tandem se deliquisse profitens, & a Sacerdote absolutionem postulans, os suum, & pectus percutiens a vexatione absolutus est. ” Sic *cap. 5. Vitæ S. Vincentii Ferrerii die 5. Aprilis*, legitur, sanctum liberasse quendam energumenum, dæmonemque interrogasse de causa vexationis, qui respondit: ” Hic homo, quem possideo .... te, & eos, qui te sequuntur, & audiunt, odit, & multas in te obiectat infamias, multasque fecit tibi contumelias. ” Sic in Vita B. Mariæ Dolorosæ Martyris, 18. *Junii* narratur, quod cum Beata fuerit ab impudico sollicitata, & repulsam passus furti apud Judicem eam accusavit, & ob hoc morti adjudicata, ipse tandem impostor a dæmone obsessus fuit septem annis, donec facti pœnitens, ad Beatæ sepulchrum sanitatem obtinuit. Sic in Vita S. Simeonis Monachi Padolironensis *cap. 2. die 26. Julii* legitur, quod Romæ quidam Clericus Sanctum traduxerat tanquam hæreticum, ” & ad necandum servum Dei populum concitaverat eadem hora spiritus malignus



„ lignus Clericum arripuit, ac pro illata servo  
„ Dei contumelia diutissimè volutando vexavit.”  
Sic apud Cassianum *collat.* 18. *cap.* 15. legitur : ”  
„ Cum tantæ in puericia sua esset virtutis & gra-  
„ tiæ (Paphnutius) ut etiam præclari, ac summi  
„ id temporis viri gravitatem ejus, & immobilem  
„ constantiam mirarentur, cumque, licet minor  
„ esset ætate, pro virtutum tamen meritò senio-  
„ ribus exequarent, suoque ordini ducerent in-  
„ ferendum, livor; ... quendam de numero Fra-  
„ trum edacis zeli igne succendit. Qui nàvo quo-  
„ dam, ac macula pulchritudinem ejus cupiens  
„ deformare, hoc genus malignitatis excogitat,  
„ ut opportunitatem temporis captaret, quo Pa-  
„ phnutius ad Ecclesiam die dominico processu-  
„ rus abesset a cella, in quam furtim irruens,  
„ codicem suum inter ejus plectas, quas de pal-  
„ marum foliis solebat intexere, latenter abscon-  
„ dit, ac de concinnata factione securus, ipse  
„ quoque velut puræ, ac simplicis conscien-  
„ tiæ ad Ecclesiam venit. Cumque celebrata om-  
„ nis fuisset ex more solemnitas querelam sancto  
„ Isidoro, qui ante hunc, eundemque Paphnu-  
„ tium ejusdem Eremitæ Presbyter fuit, coram  
„ cunctis fratribus detulit, asserens sibi co-  
„ dicem de cella furto fuisse sublatum. Quæ  
„ ejus querimonia cum ita cunctorum,  
„ præcipueque Presbyteri, animos permo-  
„ visset, ut quid primum suspicarentur,  
„ quidve decernerent non haberent, summa  
„ cunctis admiratione perculsis, de tam inau-  
„ diti illic facinoris novitate, ille, qui rem  
„ detulerat accusator urgebat, ut retentis in Ec-  
„ clesia omnibus, missi electi quique cuncto-  
„ rum, sigillatim fratrum cellulas scrutaren-  
„ tur. Quod cum tribus senioribus a Presbyte-  
„ ro fuisset injunctum, universorum cubilia  
revol-

*De Exorcizandis Obsessis.*      55

„ revolventes, ad extremum in Paphnutii cel-  
 „ lula absconditum codicem interplectas pal-  
 „ marum, quas illi *Syras* vocant, sicut eum  
 „ insidiator occultaverat, reppererunt. Quem  
 „ cum inquisitores confestim ad Ecclesiam dela-  
 „ tum coram omnibus protulissent, Paphnu-  
 „ tius, licet de conscientiae suae esset sincerita-  
 „ te securus, tamen velut qui furti crimen  
 „ agnosceret, satisfactioni se totum tradidit,  
 „ locumque poenitentiae suppliciter postulavit....  
 „ sed nequaquam passus est eum, occultorum  
 „ omnium testis, & cognitor vel a se amplius  
 „ conteri, vel ab aliis infamari; nam quod ille  
 „ inventor sceleris, rei suae fur improbus, lau-  
 „ dis alienae callidus infamator nullo hominum  
 „ teste commiserat, per diabolum, qui crimi-  
 „ nis ipsius inventor fuerat, publicavit. Ar-  
 „ reptus namque dirissime daemone, cunctas fa-  
 „ ctionis occultae patefecit insidias, criminatio-  
 „ numque ac fraudum idem fuit proditor, qui  
 „ commentor. Ita autem spiritu illo immundo  
 „ graviter, diuque vexatus est, ut ne oratio-  
 „ nibus quidem sanctorum illic confidentium  
 „ qui divinorum charismatum merito demoniis  
 „ imperabant, potuerit emendari.... Christo  
 „ hanc adolescenti Paphnutio gloriam refer-  
 „ vante, ut illius tantum orationibus; cui  
 „ insidiatus fuerat purgaretur, & cuius lau-  
 „ di aliquid invidus inimicus decerpere se pos-  
 „ se crediderat, ejus nomen proclamans, & de-  
 „ licti sui veniam, & finem supplicii prae-  
 „ tis acciperet.” Sic tandem, ut alia exempla  
 missa faciam, in Vita B. Andreae Eremitae Montis  
 Regalis *cap. 4. die 13. Aprilis* legitur, quod detra-  
 hens in Beatum a daemone fuit correptus, & po-  
 stea facti poenitens, ad ejus sepulchrum liberatus.

LXXII. Quintum est *Gula*, quae est immo-

derata in cibo, & potu delectatio, de qua ad rem nostram sufficeret id, quod docet S. Clemens, sive quicumque alius sit Auctor librorum *Recognitionum lib. 4. §. 16.* editionis Cotelierii: *Donec autem*, ait, *natura mensura servatur* (ab hominibus) & modus legitimus custoditur, (in cibo, & potu) *Dei clementia, ingrediendi in homines, non eis* (dæmonibus scilicet) *tribuit facultatem; ubi verò aut mens ad impietatem declinaverit, aut corpus immoderatis cibis, ac potibus adimplebitur, tanquam voluntate, & proposito eorum, qui se ita negligunt invitati, quasi adversum eos, qui a Deo positam legem solverint, accipiunt facultatem.* Tali usus est facultate dæmon in eum militem, qui jejunium non servavit Feria quinta in Cæna Domini, ut refertur in Vita S. Rumoldi Episcopi, & Martyris *cap. 2. die 1. Julii.*

LXXIII. Ad Gulam spectat *inepta latitia, & scurrilitas*, ut docet D. Gregorius *lib. 31. Moral. cap. 17.* & ob has fuit a diabolo correpta quædam puella cantans jucundè, & loquens ultra modum, ut legitur in Vita B. Ambrosii Sanfedonii 20. Martii.

LXXIV. Sextum est *Ira*; propter iram enim in tantam animi amaritudinem devenit quædam mulier; ut meruerit a dæmone corripì, & obsideri, & fertur dæmonem respondisse, in Vita S. Isidori Episc. Hispalensis apud Bollandianos *die 4. Aprilis*: "Hujus rei (*verba sunt dæmonis*, *interrogati de causa ingressus*) vicina sua occasio fuit, atque causa, quæ exprobrando, & falso illi amasium imponendo in tantam amaritudinem deduxit animam ejus, ut mente, ultra quam credi potest, consternata, & super objectu criminis indefinenter cogitando, sollicita, mihi viam aperuit invadendi



„ di „ similiter „ invasionis diabolicæ semina-  
 „ rium fuit, quod tribus quondam potita fra-  
 „ tribus, ( *quadam mulier* ) quadam audiret  
 „ die, quodam accedente casu, unum ex ipsis  
 „ tribus fratribus interemptum Quo non tam  
 „ celerrima adiit, quam festina; super eum  
 „ incubuit, nimioque ex eo confecta dolore,  
 „ ut mœstitiâ cordis, ex fratre leniret, oscu-  
 „ lari corpus cœpit. In cujus amplexu mox  
 „ pervasa est a plenitudine dæmonum. „

LXXV. At si propter iram animo conce-  
 ptam, multo magis propter eam opere con-  
 summatam invadit dæmon. In Vita S. Chara-  
 lampii Presbyteri, & Martyris *cap. 2. die 10. Februarii* legitur, energumenum liberasse; qui  
 ob homicidium obsessus fuerat. In Vita S. Gui-  
 lielmi Fundatoris Congregationis Montis Vir-  
 ginis *cap. 5. die 25. Junii* narratur, quod venat-  
 or quidam, sanctum ratus exploratorem es-  
 se, ei caput læsit, ideoque fuit a dæmone inva-  
 sus. Pariter Jonas Abbas, penes Baronium *ad*  
*annum 626.* refert, „ quod cum aliquo tem-  
 „ pore Blidulfus Presbyter ( & *Monachus mo-*  
 „ *nasterii Bobiensis* ) a B. Patre Attala ad Ti-  
 „ cinum Urbem directus fuisset, ibique per-  
 „ venisset, obvium habuit Oriovaldum Regem  
 „ Longobardorum Arianæ sectæ credulum.  
 „ Is ergo cum vidisset Blidulfum Presbyterum,  
 „ ait ad suos de Columbani Monachis is est,  
 „ qui nobis salutantibus, apta denegat respon-  
 „ dere. Cumque jam haud procul abesset  
 „ Presbyter, salutavit eum rex, ironicè tamen.  
 „ Ad hæc Blidulfus: salutem, inquit optarem  
 „ tuam, si tu seductoribus tuis non faveres,  
 „ & alienis a veritate, Christi doctrinis ani-  
 „ mum non accommodares.... hæc paulisper  
 „ audiens rex.... iracundia succensus, que-  
 stus

„ itusest, se non habere ministros, qui .....  
 „ Monachum .... morti traderent. Tunc unus  
 „ vefanior ceteris, ad hoc patrandum se re-  
 „ spondit esse paratum ....., ..... Progressus  
 „ itaque pessimus ille, alium sceleris socium  
 „ similem sibi assumit .... Monachus .... per-  
 „ cussus in cerebro, & omni compage corpo-  
 „ ris collisus, pro mortuo cadavere relictus est  
 „ ab ipsis satellitibus .... sed velut ab strato  
 „ incolumis surgit, nec plagarum vestigiis ap-  
 „ parentibus .... Protinus ille, qui se spon-  
 „ taneum ad iniquum opus patrandum indi-  
 „ derat, daemonio corripitur, & diversis præ-  
 „ narum incendiis flagellatus, commissum fa-  
 „ cinus exitiabiliter confitetur. B. Pater Atta-  
 „ las rogat universos Fratres, ut pro pestifero,  
 „ qui adductus fuerat, orationem ad Domi-  
 „ num fundant; quibus attentius orantibus,  
 „ pestifer ille sanitati redditur. Unus è vulgo  
 „ afflatus spiritu diabolico irruens in eum,  
 „ (*scilicet S. Abbonem Floriacensem Abbatem*)  
 „ ejusque latus lancea perforans, Christi Mar-  
 „ tyrem effecit, qui etiam, ut fertur, paulò  
 „ post arreptus a damone miserabiliter vitam  
 „ finivit. Ita Glaber *lib. 3. cap. 3.* apud eundem  
 „ Annalium Ecclesiasticorum Parentem, *ad an-*  
 „ *num. 1003. n. 14.* Item alium a diabolo obfes-  
 „ sum ob alapam impactam S. Joanni Eleemosyna-  
 „ rio *cap. 11. ejus Vita* dicitur 22. *Januarii*. Imo  
 „ ob solam necem in S. Amatorem Episcopum  
 „ Antisiodorensensem machinatam, legimus in ejus  
 „ Vita *cap. 2. die 1. Maii*; Præterea D. Gregorius  
 „ *lib. 3. Dialogor. cap. 14.* de S. Isaac hæc narrat: ”  
 „ Venerabilis Isaac, ... cum primum de Syriæ  
 „ partibus, ad Spoletanam Urbem venisset, in-  
 „ gressus Ecclesiam, a Custodibus petit, ut  
 „ sibi quantum veller, licentia concederetur  
 „ oran-

„ orandi , cumque horis secretioribus egredi  
 „ non urgerent , qui mox ad orandum stetit : ...  
 „ Cumque hoc funus ex Custodibus superbiæ  
 „ spiritu inflatus , cerneret , unde proficere de-  
 „ buit , inde ad defectus damna pervenit , nam  
 „ hunc simulatorem dicere , & verbo rustico cepit  
 „ impostorem clamare , qui se tribus diebus , &  
 „ noctibus orare ante oculos hominum demon-  
 „ straret ; Qui protinus currens , virum Dei  
 „ alapa percussit , ut quasi religiosæ vitæ simu-  
 „ lator , de Ecclesia cum contumelia exiret .  
 „ Sed hunc repentè ultor spiritus invasit , &  
 „ ad viri Dei vestigia stravit , ac per os illius  
 „ clamare cœpit : Isaac me ejicit . . . , mox autem  
 „ super vexati corpus vir Dei incubuit , & mali-  
 „ gnus spiritus , qui eum invaserat , abscessit . ”

LXXVI. Ex ira oritur *Blasphemia* , ob quam  
 dæmoni traditi sunt Hymenæus , & Alexander  
 ab Apostolo , ut ipse scribit 1. ad *Timoth.* 1. v. 20.  
 ubi loquens de iis , qui circa fidem naufragium fe-  
 cerunt , sic subjungit : *Ex quibus est Hymenæus ,*  
*& Alexander , quos tradidi Satanae ut discant*  
*non blasphemare* . Sed non tantum ob blasphe-  
 miam in Deum , sed & in Sanctos , quidam legun-  
 tur a diabolo obsessi . Sic in miraculis S. Uldarici  
 Episcopi Augustani c. 1. die 4. *Julii* narratur , quod  
 quidam maledicus in Sanctum virum correptus  
 fuit a damone , & miserabiliter vitam finivit ;  
 & sic in Vita S. Maximini Episcopi Trevirensis  
 cap. 2. die 29. *Maii* dicitur , quod „ Quidam ,  
 „ Rusticus nomine , cum intrasset Basilicam san-  
 „ cti Maximini , vidissetque lampades a se ipsis  
 „ moventes , dixit : o veri seductores dicitis ,  
 „ quia S. Maximinus hoc operatur , & vos per  
 „ ingenium facitis , confestimque a damonio ar-  
 „ reptus est , & ad mortem penè deductus . „  
 Insuper ex ira gignitur *odium* , & „ unus ,  
 qui



„ qui nullis admonitionibus, nullis suadelis ad-  
 „ duci potuit, ut Fratris necem indulgeret ini-  
 „ mico, . . . . mancipium hostile factus coram  
 „ omni plebe dentibus stridere, spumas jacere,  
 „ crinem rotare incepit: postremò in terram eli-  
 „ sus, volutabatur furens. Exoratus Vulfstanus,  
 „ ut misereretur distulit: sed pressus tandem,  
 „ & victus lacrymis, jubet inimico ut abeat:  
 „ ille discessit eadem facilitate, qua venerat. „  
 Sic legitur in Vita S. Vulfstani Episcopi Vvi-  
 gornienſis *cap. 2. penes Bollandum die 19. Ja-*  
*nuarii.*

LXXVII. Septimum est *Acedia*, ex qua in-  
 ter alia procedunt torpor circa præcepta, &  
*desperatio*. Propter hæc vitia dæmon plures in-  
 valit; & quidem ob primum, legitur in Vita  
 S. Segolenæ Viduæ *cap. 4. die 24. Julii*, quod „  
 „ quædam puella . . . . ad conversionem venit . . .  
 „ Brevi tempore Monachorum virtutes ex-  
 „ quaverunt. Interea subiit in ea cogitatio inje-  
 „ cta per diabolum, & permanere in Mona-  
 „ sterio nolebat. Quadam die furtim de Con-  
 „ gregatione discedere volens, illicò impletur  
 „ a dæmone, quæ deinde a Beata liberata fuit.  
 Similiter in Vita Sancti Joannis Gualberti *cap. 5.*  
*12. Julii* narratur, quod quidam sui Monasterii  
 Conversus Monasterium deferens a dæmone fuit  
 præcipitatus. Pariter in Vita S. Rudefini Episco-  
 pi Dumienſis *lib. 3. cap. 1. die 1. Martii* legitur li-  
 beratus energumenus, qui non ob aliud obseſ-  
 sus fuerat, „ nisi pro voto, quod vovit B. Ma-  
 „ riæ, ut iret ad Domum ejus, & facere non  
 „ curavit.

LXXVIII. Propter secundum, desperationem  
 nempe, habemus exemplum in Vita S. Bon-  
 næ Virginis Pisanæ *cap. 6. die 29. Maii*, ubi au-  
 ctor scribit: „ quod cum quædam mulier, qua-  
 „ dam

„ dam die cum focera litigasset, tandem spiri-  
 „ tu iracundiæ concitata, extensis manibus  
 „ diabolum pluries invocavit, ut eam in sua  
 „ eriperet potestate, quod & factum est. De  
 alio a dæmone obsesso, ex desperatione invo-  
 cato, narratur *part. 8. Vitæ S. Joannis Gualber-*  
*ti die 12. Julii.*

LXXIX. His omnibus addam octavum, nem-  
 pe *ob parentes inhonoratos*, fuisse aliquos a  
 dæmone arreptos; nam B. Victor Papa III. *lib. 2.*  
*Dialogor. in Biblioth. PP. tom. 18.* narrans, quen-  
 dam puerum obsessum fuisse, atque per inter-  
 cessionem S. Nicolai liberatum, subdit: *Permi-*  
*sit itaque Deus puerum hunc pro sua inobedien-*  
*tua (erga parentes) flagellari.* Et in Vita S. Par-  
 thenii Episcopi Lampfaci, *cap. 2. die 7. Februa-*  
*rii*, legitur, eundem Sanctum curasse energu-  
 menum, quem dæmon obsederat ob irreverentiam  
 erga parentes. Item in historia miraculorum  
 S. Petri Episcopi Tarentasiensis *cap. 2.* penes Bol-  
 landianos, *die 8. Maii*, scriptum est: „ quod  
 „ Juvenis quidam, viduam matrem, fratres-  
 „ que jurgiis contumeliosis lacepsens traditus  
 „ statim, & oppressus a dæmonio est, ut effræ-  
 „ natæ linguæ pœnas lueret, sed terrorem in-  
 cutiat hoc, quod subjicio exemplum, discant-  
 que filii parentes, ut Deus præcipit, honora-  
 re. D. Antoninus in Vita S. Zenobii Prædecesso-  
 ris sui *part. 2. hist. tit. 10. cap. 12. §. 1.* narrat: „  
 „ Cujusdam Nobilis dominæ viduæ, & gentilis  
 „ quinque filii erant, qui adulti effecti, ma-  
 „ trem injuriis, & contumeliis afficiebant non  
 „ raro, usque etiam ad verbera. Cum autem  
 „ una die ipsam acriter verberassent, irata il-  
 „ la quam plurimum, eos maledixit sub his  
 „ verbis, ut diabolum eos ita raperet, quod versi  
 „ in rabiem, dentibus suis brachia sua devo-  
 „ ra-

„ rarent. Eos immediate ultio divina secuta est ;  
 „ nam arrepti a demoniis, & in rabiem ver-  
 „ si, coeperunt sibi ipsis corrodere brachia. Quod  
 „ mater aspiciens, lacrymis plena clamitabat  
 „ adjutorium. Ad cujus clamorem excitati vi-  
 „ cini, eos ne sibi, & aliis nocerent catenis al-  
 „ ligarunt. Demum mater adhuc gentilis, ad  
 „ Sanctum Dei refugium habuit, miseriam fi-  
 „ liorum exponens, & facta oratione de ma-  
 „ ne usque ad tertiam, demum liberatos a dæ-  
 „ moniis, restituit sanitati, & eis cum matre,  
 „ post instructionem fidei, baptismum tradi-  
 „ dit. „

LXXX. Nonum etiam addamus, nempe  
*abusus sacramentorum*, præcipue Eucharistiæ,  
 & Pœnitentiæ: nec non *Sacrorum irrissio*. De  
 Eucharistia indigne sumpta exemplum habemus  
 in Anacletis S. Bonifacii Archiepiscopi Mogunti-  
 ni, *cap. 7. die 5. Julii*; legitur enim, quod qua-  
 dam „ puella.... cum Sacram synaxim in Pa-  
 „ schate vellet adire, contra ecclesiasticas san-  
 „ ctiones adierit non jejuna, ... postridie quam  
 „ Sanctissimum Sacramentum accepisset, in po-  
 „ testatem sagarum tradita mensibus aliquot  
 „ miserrime fuit, & carminibus delusa, & acer-  
 „ bissimis corporis doloribus afflicta. „ Sic Deo  
 permittente. Similiter in Vita S. Sampsonis Epi-  
 scopi Dolensis *cap. 4. die 28. Julii* legitur, quod  
 quidam Monachus, qui eidem Sancto venenum  
 propinaverat, & facti impœnitens ad sacram  
 Communionem accedens, statim a dæmonio ar-  
 reptus fuit. De Sacramentali Confessione legi-  
 tur in Vita S. Joannis Gualberti *part. 9. 12. Julii*,  
 dæmonem sæpe mulierem obsedisse, ob tectum  
 in confessione peccatum, sed tandem sincera fa-  
 cta Confessione, fuisse ejectum. De *irrisione* ve-  
 rò *Sacrorum* luculentum habemus exemplum  
 in



in Vita S. Petri Galatæ Eremitæ die 1. Februarii;  
 ubi narratur, quendam a dæmone fuisse obses-  
 sum, quia ridiculè Monachorum ritus in dæ-  
 monis adjuratione erat imitatus. En verba: „  
 „ Cum ea (*nempe quedam mulier*) adduxisset  
 „ famulum coquum, qui a malo dæmone ve-  
 „ xabatur, rogavit (S. Petrum) ut ei suum non  
 „ negaret auxilium. Cum precatus autem ef-  
 „ set vir divinus, jussit dæmoni, ut di-  
 „ ceret causam, cur haberet potestatem in Dei  
 „ creaturam. Ille autem . . . . stans ante Ju-  
 „ dicem, & jussus dicere, quæ fecit . . . . dixit:  
 „ Heliopoli ægrotasse quidem servi Dominum,  
 „ dominam autem conjugii utpote ægrotanti  
 „ assedisse; Ancillas autem domus in qua ma-  
 „ nebat, narrasse vitam Monachorum, qui phi-  
 „ losophabantur Antiochiæ, & quantas vires ha-  
 „ beant adversus dæmones: & has quidem,  
 „ utpote puellas, ludo delectatas, dæmonia-  
 „ cas, & insanas egisse; illum ipsum autem  
 „ famulum, monastica veste ex caprina pelle  
 „ confecta, indutum, illas Monachorum ritu  
 „ adjurasse. Cum hæc, inquit, fierent, ego stans  
 „ præ foribus, superbaque illa, & gloriosa, quæ  
 „ de Monachis dicebantur, non ferens, volui  
 „ facere. periculum de illa, quam illos habere  
 „ inveniliter jactabant, potestatem. Ea de cau-  
 „ sa relictis Ancillis, in hunc me intus, volens  
 „ scire quemadmodum expellerer a Monachis.  
 „ Nunc autem, inquit, didici, nec ulla alia  
 „ egeo experientia, nunc autem te jubente ex  
 „ eo. Hæc dicens aufugit, fugitque liberatus  
 „ famulus. „ Aliud simile legitur exemplum  
 apud D. Gregorium Turonensem in Vitæ PP.  
 cap. 8. de quodam Clerico casulam S. Nicetii par-  
 vipendente: scribit enim, quod Priscus Episco-  
 pus, qui S. Nicetio fuit semper adversus. „

„ Dia-

„ Diacono cuiusdam hujus Casulam tribuit :  
 „ erat autem valida , eo quod & ipse vir Dei  
 „ robusto fuisset corpore . Capsa autem (*nomi-*  
 „ *ne Capsa, intellige partem Casula*) hujus indu-  
 „ menti ita dilatata erat , atque confuta , ut  
 „ solent in illis candidis fieri , quæ per Pascha-  
 „ lia festa Sacerdotum humeris imponuntur ,  
 „ ibatque Diaconus cum hoc vestimento discur-  
 „ rens , & parvipendens de cujus usibus reman-  
 „ sisset : hoc habens in lectulo , hoc utens in  
 „ foro , de cujus fimbriis , si credulitas certa  
 „ fuisset , reddi potuit salus infirmis ; cui ait  
 „ quidam : O Diacone , si scires virtutem Dei ,  
 „ & quis fuit , cujus vestimento uteris , cautius  
 „ te cum eo vivere oportebat ; cui ille : vere ,  
 „ inquit , dico tibi , quia , & hac casula tergo  
 „ utor , & de capsâ ejus parte prolixiore decisa ,  
 „ tegumen pedum aptabo : fecit illico miser ,  
 „ quod pollicitus est , suscepturus protinus divi-  
 „ ni judicii ultionem ; verum ubi deciso cucullo ,  
 „ aptatis pedulis (*nempe pedum indumentis*) pe-  
 „ des operuit , ex templo arreptus a damone  
 „ ruit in pavimento , . . . cumque spumas cruen-  
 „ tas ore projiceret , extensis ad focum pedibus ,  
 „ pedes cum pedulis ignis pariter devoravit . ”  
 Tandem *ob templorum, Ecclesiarumque violationem*,  
 ad quod probandum sufficiat tantum referre id ,  
 quod narrat uterque Gregorius , Romanus nem-  
 pè , & Turonensis . Primus namque *lib. i. Dialo-*  
*gorum cap. 4.* ( quod est de S. Equitio Abbate Pro-  
 vinciaë Valeriaë ) hæc habet : ” Valeriaë Provinciam  
 „ Longobardis intransitibus , ex Monasterio Reve-  
 „ rendissimi viri Equitis in Oratorio ad sepul-  
 „ chrum ejus Monachi fugerunt . Cumque Lon-  
 „ gobardi sævientes Oratorium intrassent , cœ-  
 „ perunt eosdem Monachos foras trahere , ut  
 „ eos , aut per tormenta discuterent , aut gla-  
 „ diis

„ diis necarent . Quorum unus ingemuit , atque  
 „ acri dolore commotus clamavit : Heu , heu ,  
 „ Sancte Equiti , placet tibi , quod trahimur ,  
 „ & nos non defendis ? Ad cujus vocem proti-  
 „ nus favientes Longobardos immundus Spi-  
 „ ritus invasit . Qui corruentes in terram tam-  
 „ diu vexati sunt , quousque hoc cuncti , etiam  
 „ qui foris erant , Longobardi cognoscerent , qua-  
 „ tenus locum Sacrum temerare ulterius non  
 „ auderent . ” Secundus verò hæc narrat *lib. 1.*  
*Miraculorum cap. 105.* quod est de S. Vincentio  
 Agenensi : ” Tempore illo , quo contra Guada-  
 „ baldum commotus exercitus , ad Convenensem  
 „ Urbem directus est , ab hujus hostilitatis mul-  
 „ titudine Basilica ejus , (*nempe S. Vincentii*)  
 „ vallatur tota . Erat enim in ea plebs omnia  
 „ rerum suarum præsidia confidens de reve-  
 „ rentia Martyris , quod nullus ea præsum-  
 „ ptione temeraria auderet adtingere , & obse-  
 „ ratis ostiis , se ab intus cum rebus incluserat .  
 „ Circumdantes autem hostes , cum aditum per  
 „ quem ingrederentur invenire non possent ,  
 „ ignem ostiis ædis subjiciunt , quem diù mul-  
 „ tumque succedentes , non adpræhendebant  
 „ valvæ , donec iis impulsu securium comminu-  
 „ tis , ingressi sunt , diripientes res , populum-  
 „ que inclusum in ore gladii trucidantes . Sed  
 „ non diù hæc res remansit inulta , nam alii a  
 „ dæmone correpti . . . vexabantur . ” Et de  
 quodam milite , qui cum aliis exercitus Ludo-  
 vici filii Lotharii Imperatoris , animo hostili Ro-  
 mam advenerat , narrat *Anastasius Bibliotheca-*  
*rius* in Sergio II. quod ” in atrio (*Basilicæ Prin-*  
 „ *cipis Apostolorum*) a dæmonio arreptus , in  
 „ conspectu Francorum omnium valde vexa-  
 „ tus est . ” Et quidem , *inquit Baronius* , *su-*  
*per hoc facto ad annum 844. num. 11.* ” magna



„ providentia , unius vexatione iidem , qui ho-  
 „ stili venerant animo , timore correpti sunt ,  
 „ adeo ut omnes simul fuerint redditi mites ,  
 „ deposita quam conceperunt truculenta fero-  
 „ cia ; videntes etiam dæmones , Deo dispo-  
 „ nente , insurgere vindices pro Ecclesiæ defen-  
 „ sione ; ut scirent omnino corripiendos divi-  
 „ na vindicta , si peccassent in Basilicam Princi-  
 „ pis Apostolorum. „

LXXXI. Post huc usque scripta , in quibus fi-  
 nem circa hoc facere decreveram , alia adinvenio  
 peccata simili vindicta a Deo punita , quæ licet  
 forte extra ordinem mihi præfixum , tamen  
 hic breviter exarabo . In primis Michael Paph-  
 lago dæmoniacus factus est ob illud impedi-  
 mentum dirimens matrimonium , quod a Theo-  
 logis , & Jureconsultis *Crimen* vocatur . ” Nam  
 „ Zoe Augusta , inquit Baronius ex *Curopolata*  
 „ ad annum 1034. num. 31. venenum propina-  
 „ vit Michaeli Primo Imperatori ejus marito ,  
 „ qui ab hoc decessit e vita , opera etiam dicti  
 „ Michaelis Paphlagonis adulteri ejusdem Zoe ,  
 „ formæ quidem pulcherrimi , sed arte argen-  
 „ tarii , quem impudica scæmina deperibat . Ac-  
 „ cidit autem illud valde prodigiosum , ut  
 „ quem omnium pulcherrimum Zoe sibi delege-  
 „ rat in maritum , idem novo accidente , in vin-  
 „ dictam sceleris , divinitus orto , fieret defor-  
 „ missimus . Etenim ( *sunt verba Curopolata*  
 „ *ta* ) arreptus a diabolo dæmoniacus evasit ,  
 „ a quo horrendis modis distorqueretur ; nec  
 „ valuit ullo remedio sive sacro per viros eccle-  
 „ siasticos procurato , sive a medicis adhibito ,  
 „ aliquo modo sanari , sed ad obitum usque  
 „ ostentui factus omnibus , mansit in exemplum  
 „ Divinæ vindictæ . ” Secundo quidam Subdiaco-  
 „ nus dæmoniacus evasit *ob venenum propinatum*

Victo-

Victori Papæ. " Huic (inquit Lambertus penes  
 „ Baron. ad annum 1055. num. 28. de Victore  
 „ Pontifice ) Subdiaconus toxicum in Calicem  
 „ misit , quem cum ipse post Consecrationem  
 „ levare vellet, nec posset, a Domino causam fa-  
 „ cti, inquisiturus , cum populo ad orationem  
 „ prosternitur, statimque toxicator a damone  
 „ arripitur . Ita igitur causa manifesta , Do-  
 „ minus Papa Calicem cum Sanguine Dominico  
 „ cuidam Altari iussit includi, & pro reliquiis  
 „ in perpetuum conservari . Deinde iterum cum  
 „ populo tamdiu ad orationem prosternitur ,  
 „ quousque Subdiaconus a dæmonio liberaretur.  
 Tertiò, ob secretum non servatum . In Vita san-  
 cti Joannis Eleemosynarii Episcopi cap. 2. in Ja-  
 nuario Bollandiano die 23. narratur : Mulierem a  
 dæmone vexatam fuisse ob fractum silentium,  
 seu secretum , ad quod tenebatur , quam po-  
 stea S. Episcopus precibus suis liberavit . Quar-  
 tò, ob violationem Clausuræ Monasterii . In Vita  
 S. Carilei, cap. 3. apud Bollandianos 1. Julii legi-  
 tur: mulierem inverecondam a dæmone fuisse  
 arreptam eo quia Monasterii Virorum a Sancto  
 constructi Clausuram, etiamsi virili habitu in-  
 dutam , violavit . Quintò, tres Saraceni dæ-  
 „ monio repleti, evaginati gladiis, se ipsos con-  
 „ ciderunt , eo quia captivum ducebant pul-  
 „ chrum adolescentem Idolis offerendum , „  
 ut ex Sophronio in Prato Spirituali cap. 115. re-  
 fert Cardinalis Baronius ad annum 586. Sextò,  
 propter excommunicationem ; nam diabolo ma-  
 jor potestas saviendi in Excommunicatum datur,  
 & spiritualiter, & corporaliter . Unde in pri-  
 mitiva Ecclesia, quando oportebat per signa ad  
 fidem homines invitare, sicut Spiritus Sancti do-  
 num visibili signo manifestabatur, ita & Excom-  
 municatio corporali vexatione a diabolo inno-



*rescebat*, ut ait S. Thom. *in 4. dist. 18. q. 2. art. 1. quæst. 2. ad 3.* & ex Apostolo, verbis supra relatis, dare colligitur. Exemplum habemus in Juda Iscariote, qui postquam permissionem accepit a Christo proditiōis perpetranda illis verbis: *quod facis fac citius*, & ab Apostolorum consortio abire iussit. *Tunc introiit in eum Satanas*, ait S. Joannes c. 17. *non ut adhuc alienum tentaret, sed ut proprium possideret*, inquit S. August. *tract. 62. in Joan.* Tandem, ob *demonem invocatum*, ut habetur in Vita B. Ambrosii Sanfedonii, penes Bollandianos Scriptores *die 20. Martii*. Ibi namque legitur quod quidam, cum semel iret cum asello suo, & caderet asellus, invocavit in auxilium demonem fortuiti casus impatiens, & statim fuit arreptus, & postea ad sepulchrum Beati liberatus.

LXXXII. Sed non tantum ob peccata lethalia Deus homines vexari permittit a dæmone, sed etiam ob *venialia*. Corporaliter, ait Cassianus coll. 7. c. 25. *traditos Satanae, vel infirmitatibus magnis, etiam viros Sanctos novimus pro levissimis quibusque delictis*. Quod exemplo comprobatur *ibidem cap. 27.* inquit: "Cum esset Moyses singularis, & incomparabilis vir, ob reprehensionem unius Sermonis, quem contra Abbatem Macharium disputans, paulò durius protulit, quadam scilicet opinione præventus, tam diro confectus est traditus spiritui, ut humanas egestionem ori suo ab eo suppletus ingereret. Quod flagellum, purgationis gloria se Dominus intulisse, ne scilicet in eo, vel momentanei delicti macula resideret, velocitate curationis ejus, atque aucto remedio, demonstravit. Nam continuo Abbate Machario in oratione submisso, dicto



„ Cito citius nequam spiritus ab eo fugatus  
 „ abcessit. ”

LXXXIII. Ob peccata venialia similiter obses-  
 sam fuisse quamdam Monialem narrat D. Gre-  
 gorius *lib. 1. Dialogorum cap. 4.* in Vita S. Equi-  
 tii inquit: ” Quadam verò die una Dei fa-  
 „ mula ex eodem Monasterio Virginum, hor-  
 „ tum ingressa est, quæ lactucam conspici-  
 „ ens concupivit, eamque signo crucis be-  
 „ nedicere oblita, avide momordit, sed arre-  
 „ pta a diabolo protinus cecidit. Cumque ve-  
 „ xaretur, eidem P. Equitio sub celeritate nun-  
 „ tium est, ut veniret concitus, & orando  
 „ succurreret; moxque in hortum idem Pater  
 „ ut ingressus est, cœpit ex ejus ore, quasi  
 „ satisfaciens ipse, qui hanc arripuerat diabolus,  
 „ clamare dicens: Ego quid feci? ego quid feci?  
 „ sedebam mihi super lactucam..... venit illa,  
 „ & momordit me. Cui cum gravi indignatione  
 „ vir Dei præcepit, ut discederet, & locum in  
 „ omnipotentis Dei famula non haberet. Qui  
 „ protinus abcessit, nec eam ultra contingere  
 „ prævaluit. ” Quid simile legitur in Vita S. Na-  
 zarii Episcopi Justinopolitani 19. *Junii*, nem-  
 pe quod ” civis cujusdam filius unicus ambu-  
 „ lavit per pratum versus fontem quemdam,  
 „ sitis levandæ causa, cumque faciendæ Cru-  
 „ cis oblitus, aquam non lustratam hausit  
 „ set, cum ea simul & dæmonium hausit, cœ-  
 „ pitque furere, & intemperie agere. ” Præ-  
 terea in Vita S. Celsi Episcopi Trevirensis,  
*lib. de ejus miraculis c. 1. apud Bollandum 23. Fe-*  
*bruarii* legitur, quendam puerum correptum  
 fuisse a dæmone, ob aquam epotam, *poculum*  
*oblitus signare*. Idem legitur accidisse cuidam  
 mulieri, quæ potum signare neglexerat, in vi-  
 ta B. Ambrosii Sanfedonii *cap. 19. die 20. Martii*;

quæ omnia, ad summum, venialia peccata esse dicendum est.

LXXXIV. Sed non tantum sic Deus punit peccata *propria*, sive gravia, sive levia, verum & aliquando *aliena*, ut ex sequenti, quam refert D. Gregorius *lib. 3. Dialogor. cap. 33.* historia, constabit. " Quadam . . . die dum iter ca-  
 „ peret, ( *S. Eleutherius* ) facto vespere, cum  
 „ ad secedendum locus deesset, in Monasterium  
 „ Virginum devenit, in quo quidam puer par-  
 „ vulus erat, quem malignus spiritus omni no-  
 „ cte vexare consueverat. Sed Sanctimoniales  
 „ scemina, ut virum Dei susceperunt, eum ro-  
 „ gaverunt dicentes: Tecum, Pater, hac nocte  
 „ puer iste maneat, quem ipse benignè susce-  
 „ pit, secumque cum nocte eadem jacere per-  
 „ misit. Facto autem mane, coeperunt Sancti-  
 „ moniales scemina, eundem Patrem vigilan-  
 „ ter inquirere, si quid ei pueri, quem dede-  
 „ rant, nocte eadem fecisset. Qui miratus  
 „ cur ita requirerent, respondit: Nihil. Tunc  
 „ illæ, ejusdem pueri innotuerunt causam, &  
 „ quod malignus spiritus nulla ab eo nocte re-  
 „ cederet, indicaverunt, summopere postulan-  
 „ tes, ut hunc secum ad monasterium tolleret,  
 „ quia jam vexationem illius videre ipsæ non  
 „ possent. Consensit senex: puerum ad Monaste-  
 „ rium duxit, qui cum multo tempore in Mo-  
 „ nasterio fuisset, atque ad hunc antiquus ho-  
 „ stis accedere minime præsumpsisset, ejusdem  
 „ senis animus de salute pueri immoderatus per  
 „ latitiam tactus est. Nam coram positis Fratri-  
 „ bus, dixit: Fratres, diabolus ibi cum illis forori-  
 „ bus jocabatur; at verò ubi ad servos Dei ven-  
 „ tum est, ad hunc puerum accedere non præ-  
 „ sumpfit. Postquam vocem, hora eadem, ac  
 „ momento idem puer coram cunctis Fratribus,  
 „ dia-

„ diabolò se invadente, vexatus est : quo viso  
 „ senex , se protinus in lamentum dedit . . . .  
 „ tunc se in orationem cum cunctis Fratribus  
 „ stravit , & eo usque oratum est , quousque  
 „ puer à vexatione sanaretur , qui tam per-  
 „ fectè sanatus est , ut ad hunc malignus spi-  
 „ ritus accedendi ausum ulterius non haberet . ”  
 En quomodo ob leviusculam S. Eleutherii va-  
 nam gloriam ( quam pariter agnoscit S. Grego-  
 rius subiungens : *Credo , quod ei elatio parva*  
*subrepserat* ) puer a dæmone sit vexatus ! Ob  
 peccatum viri legitur mulier correpta a dæmo-  
 ne , in Vita S. Erminoldi Abbatis Prufeningensis ,  
 & Martyris , die 6. Januarii .

LXXXV. Præcipuè verò Deus ob peccata Pa-  
 rentum punit Filios dæmoniaca vexatione , ut  
 observat Drutmarus , vulgò Grammaticus in  
*Matth. cap. 37. penes Biblioth. PP. tom. 15. Qui-*  
*cunque , inquit , dæmonio traditur , aut pro suo ,*  
*aut pro parentum peccato traditur .* Quod plu-  
 ribus ostendo . In Vita S. Auxentii Presbyteri ,  
 & Archimandritæ cap. 2. die 14. Februarii le-  
 gitur , quod quidam huic Sancto Viro detra-  
 xit , ipsumque irrisit ” vocans eum planum , im-  
 „ postorem , & mercedem præbentem iis , qui  
 „ se simulant esse dæmoniacos , propter tres ,  
 „ & sex obolos , ut videantur convinci , mul-  
 „ tos jam deceptos esse ” sed hic punitus fuit  
 in filia , quæ a dæmone , Deo sic disponente ,  
 invasa fuit , quam Pater ad Sanctum pro libera-  
 tione adducere coactus , meritò audivit . ” Pro-  
 „ pter tres obolos , aut sex obolos . . . . si etiam  
 „ reliquis , ut tu dixisti , mercedem præbeo  
 „ trium , & sex obolorum , filiæ tuæ quantum  
 „ dedi ? ( *Innuens sic clare , filiam ob eius detra-*  
 „ *ctionem fuisse possessam a dæmone .* ) Cum ita-  
 „ que . . . . puellam sanam restitisset , dimisit



„ eos in pace. ” In Vita S. Joannis Gualberti *parte* 10. *die* 12. *Julii*, legitur de puella energumena : „ Conjuratur daemon , interrogatur ; ta-  
 „ cet ille. Demum . . . . . circumferentes hinc  
 „ inde truces minaciter oculos , in hæc tandem  
 „ prorumpit verba, inde in Parentes puellæ ipsos  
 „ oculos ignivomos defigens , inquit : Perditi  
 „ miserique , senes , qui vestris sceleribus filiam  
 „ unicam longè prius excruciatam, demum per-  
 „ dere curatis : scelesti , reddite , quæ furtim ,  
 „ clamve furripuistis . . . . . inde discedam ; se-  
 „ cus autem , preces incassum . . . . . fient . Cun-  
 „ ctati aliquandiù sunt iniquissimi illi , alius  
 „ alium circumspectantes , movit deinde pu-  
 „ dor . Itaque . . . . . habita prius suorum scele-  
 „ rum non sine lacrymis confessione , daemon  
 „ nullo strepitu , nulla voce emissa ; alio ver-  
 „ sum contendit . ” In miraculis B. Joannis Tauf-  
 „ siniani , Episcopi Ferrariensis , Ordinis Jesua-  
 „ torum *cap.* 2. legitur : ” David Borella filiam  
 „ habebat , quæ ab immundo vexabatur spiri-  
 „ tu , & cum super Beati Joannis sepulchrum  
 „ foret constituta , spretis quodammodo conju-  
 „ rationibus , respondit , imperio B. Joannis se  
 „ nunquam a corpore hujus puellæ exiturum ,  
 „ nisi illam , quam in concubinato David Bo-  
 „ rella habebat , ipse David desponsaret ; quæ  
 „ quamprimum a David fuit desponsata : mox  
 „ puella filia ab immundo spiritu . . . . . est libe-  
 „ rata. ” Et tandem in Vita S. Simeonis Stylitæ Ju-  
 „ nioris , *cap.* 11. apud Bollandianos *die* 24. *Maii*  
 „ legitur , quod quædam mulier filiulam paraly-  
 „ ticam habebat : „ causa paralyticæ infirmitatis ,  
 „ difficilis daemon erat , qui puellam incessè-  
 „ rat , atque iterum daemonis sævientis causa  
 „ peccatum matris , in punitionem nequitiae pa-  
 „ ralyfim proli afferens .

LXXXVI. Sed frequentius filii dæmoni traduntur, Deo permittente, *ob Parentum Maledictionem*, cujus rei exempla hic fusè dabo, ut discant mulieres, quæ tam facilè filios suos fubirate maledictis insequuntur ab hac adeo frequenti passione, se cohibere. Primum igitur exemplum illud sit, quod narratur in miraculis S. Erendrudis Abbatisse Salisburgensis *die 30. Junii.* Quædam ex Monialibus concepit, & cum  
 „ jam tempus parturiendi instaret, anxia nimis & turbata, nesciens qua via tegeret scelus  
 „ commissum, & qualiter evaderet Abbatisse  
 „ acerbicatem, pœnamque sibi infligendam, &  
 „ in oratione se prosternens in Capella S. Viti,  
 „ uberrimasque lacrymas effundens, angustiis,  
 „ & tribulationibus undique convoluta, non  
 „ solum de sua pressura, & dolore imminente,  
 „ verum etiam de partu quid esset factura,  
 „ & sic in oratione posita obdormivit. Cumque  
 „ evigilasset, & nihil consolationis humanæ,  
 „ nec divinæ inveniret, in desperationem ducta,  
 „ invocato spiritu maligno dixit: O diabolus,  
 „ fer mihi auxilium in hac maxima tribulatione,  
 „ & dabo tibi hunc fœtum, quem  
 „ producam cum corpore, & anima in damnationem  
 „ sempiternam. Interea dæmones gaudentes  
 „ transibant cellam Viri Dei Mazalini (*erat autem Mazalinus Abbas S. Petri, frater Uiradis Abbatisse Monasterii S. Erendrudis, & sub ejus disciplina debebat rea monialis*) in Ere-  
 „ mo pernoctantis in oratione, & quæsiuit ab  
 „ ab eis quò irent? Qui responderunt: grande  
 „ negotium habemus; qui ait, ite, & peracto  
 „ negotio, per Deum viventem vobis præcipio,  
 „ ad me redeatis. Qui euntes, invenerunt  
 „ puerum jam natum, quem rapuerunt, &  
 „ & reversi sunt ad virum Dei narrantes ei,  
 „ quæ

„ quæ gesta sunt . . . . Hoc audiens Mazali-  
 „ nus . . . . præcepit eis per Deum vivum , &  
 „ verum , ut puerum sibi relinquerent . Qui  
 „ statim puerum in cella Viri Sancti projicien-  
 „ tes , volantes per viam suam obierunt . Ea-  
 „ dem autem nocte vir Dei surrexit , puerum  
 „ accipiens , & manè ante diluculum venit ad  
 „ portam Monasterii , expectans quando veni-  
 „ ret Abbatisa , & januas referaret , quod per  
 „ se singulis diebus , & noctibus faciebat . Qua  
 „ veniente , & vidente fratrem suum , multum  
 „ attonita mirabatur , dicens ei : Ad quid ve-  
 „ nisti Frater ? Qui respondens dixit Abbatisæ :  
 „ Propter austeritatem , & malitiam vestram ,  
 „ quam exercetis in subditas vestras , ( osten-  
 „ dens ei puerum ) hæc anima in damnationem ,  
 „ & potestatem diaboli fuerat tradita ; sed me-  
 „ diante gratia , & misericordia Dei , eam eri-  
 „ pui de manibus spirituum malignorum , nar-  
 „ rans ei omnia per ordinem gesta rei , præce-  
 „ pitque ei in virtute Dei , & sanctæ obedientiæ ,  
 „ ut de cætero misericordius , exemplo B. Be-  
 „ nedicti cum subditis sibi ageret , & miseri-  
 „ cordiam iudicio superexaltaret ; fecitque pue-  
 „ rum statim baptizari , & tradi nutrici ad alen-  
 „ dum , quo usque in fide catholica instrui pos-  
 „ set , ac plenius informari . Vir autem Dei in  
 „ eremum ad cellam suam cum gaudio re-  
 „ meavit , gratesque Deo omnipotenti referens ,  
 „ de ereptione animæ pueri a diabolica servi-  
 „ tute .

LXXXVII. Secundum sit illud , quod refert  
 D. Antoninus in Vita S. Zenobii Episcopi Floren-  
 tini 2. part. hist. tit. 10. cap. 12. §. 1. " Quendam  
 „ puerum a dæmone obsessum ( nam cum ipsum ,  
 „ febribus urentem , mater quadraginta vici-  
 „ bus in nocte vocitata ab eo , potasset , & ite-  
 „ rum



„ rum potum peteret ; attediata Mater potum  
 „ obtulit cum ira dicens : Bibe in nomine dia-  
 „ boli , & ex hinc dæmon illum invasit ) obla-  
 „ tum autem Sancto , a vexatione , oratione  
 „ sua , liberavit . „

LXXXVIII. Tertium illud sit , quod *cap. 16.*  
 Processus S. Yvonis legitur : ” Yvo filius Yvonis  
 „ Andreæ . . . . maledictus a matre , & datus &  
 „ concessus diabolo , statim cecidit ad terram ;  
 „ & arripuit eum vexatio in corde , & per to-  
 „ tum corpus , & cum venisset ad sepulchrum  
 „ D. Yvonis . . . . statim dictus filius sensit se li-  
 „ beratum . . . . . ipse liberatus , loquens de ma-  
 „ tre sua , & de se , & de tempore , & de aliis . . . .  
 „ Specificans etiam , quod quodam serò Mater  
 „ ejus ironice prorupit contra eum in hæc ver-  
 „ ba : Es tu qui diffamasti me ? Deinde ( *nota*  
 „ *mulieris iram* ) flexis genibus , & extractis ma-  
 „ millis de sinu , dixit : ego do tibi maledi-  
 „ ctionem meam , & mammillarum istarum ,  
 „ quas suxisti , & viscerum meorum , quæ te  
 „ portaverunt , & quidquid peperisti de te , to-  
 „ tum trado , & concedo diabolo . „

LXXXIX. Quartum sit illud exemplum , quod  
 refert Auctor Vitæ B. Ambrosii Sanfedonii , 20.  
*Martii* . Cum quædam mulier comederet cum  
 „ filia sua . . . . quæ ei indebite respondebat , ma-  
 „ ledixit ei mater sua , scilicet filia , quam sta-  
 „ tim post maledictionem maligni spiritus in-  
 „ vaserunt , ” quæ postea ad sepulchrum Beati  
 liberata fuit .

XC. Quintum exhibent nunquam satis lau-  
 dati Patres Bollandiani *lib. 2. cap. 2.* Vitæ S. Ro-  
 mani Monachi *die 21. Maii* . Cuidam filio matri  
 injurio ” Mater dixit : mala , quæ mihi , fili ,  
 „ inconsulta impietate ingeris , super caput tuum  
 „ redintegrentur . Talia intulit , atque illicò fi-  
 „ lius

„ lius potioris criminis , & majoris insolentia  
 „ fomitem incurrens , daemoniaca possessionis est  
 „ in hunc modum traditus excidio . ” Et tan-  
 „ dem sextum . Ibidem legitur in Vita S. Petri  
 „ Prioris Juliensis *cap. 3. die 23. Junii.* ” Quaedam  
 „ mulier . . . habebat filium parvulum , cui ira-  
 „ ta dixit : diabolo te commendo puerorum infe-  
 „ licissimè . Antiquus verò hostis ad vocem ma-  
 „ tris manum pueri arripiens , cœpit eum tra-  
 „ here ad se : quod puer sentiens , manum suam  
 „ ad se perterritus retraxit , quæ tam firmiter  
 „ pectori ejus adhæsit , ut inde nullo modo  
 „ posset avelli . Quod videns mater ejus , flens ,  
 „ & ejulans adducit eum ad B. Viri sepulchrum ,  
 „ qui mox , ut ibi dormivit , manus læsæ sani-  
 „ tatem recepit . , ,

LXXXXI. Loquendo verò de parvulis Bapti-  
 smi fonte renatis , specialiter tres assignat ratio-  
 nes S. Augustinus , quare Deus permittat hos a  
 dæmone vexari , & obsideri . Prima est , ut exin-  
 de cognoscamus vitæ hujus infelicitates , & ad  
 desiderium æternorum accendamus . Hanc ad-  
 ducit *lib. 22. de Civit. Dei cap. 22.* inquit : *Contra*  
*milleformes demonum incursus , quis innocentia*  
*sua fudit ? quandoquidem , nequis fideret , etiam*  
*parvulos baptizatos , quibus certe nihil est in-*  
*nocentius , aliquando sic vexant , ut in eis ma-*  
*xime , Deo sinente , ista monstretur hujus Vitæ*  
*flenda calamitas , & alterius desideranda felici-*  
*tas .* Aliam innuit causam ibidem , *lib. 21. cap. 14.*  
 videlicet commutationem in meliorem vitam :  
 Nonnulli , inquit , loquendo de parvulis , &  
*incursus spirituum malignorum aliquando pa-*  
*tiuntur , quæ quidem passio absit ut eis obsit , si*  
*hanc vitam in illa ætate , etiam ipsa passione in-*  
*gravescente , ac animam de corpore excludente ,*  
*finierit .* Tertiam causam agnoscit *lib. 6. contra*  
 Julia-

*Julianum cap. 10. nempè pœnam peccati originalis. An non agnoscis, inquit, etiam hoc ad illud grave jugum pertinere, quod est superis fili Ada, a die exitus de ventre matris eorum, usque in diem sepulturae in matrem omnium? In hoc autem saeculo, a die ortus, usque in diem obitus, etiam ipsos (Infantes) sub eodem gravi jugo conteri, quandoquidem etiam Baptizati parvuli, inter alia mala vitae hujus, nonnunquam & istos aëmonum patiuntur incursum. Quartam addamus causam, quam adducit S. Auxentius Presbyter, & Archimandrita, ut legitur in ejus Vita cap. 4. die 14. Februarii; cum enim quidam adduxissent ad eum infantem circiter trium annorum, qui possidebatur a demone.... coepit dicere iis, qui aderant. Ne existimetis.... hunc puerum peccasse.... Sed hoc propter nos contingit, & propter nostram conversionem.*

LXXXXII. Si sermo sit de infantibus non baptizatis, non rarò permittit Deus illos etiam a demonibus occidi, tum propter originale peccatum, quo infecti sunt, tum propter alias causas nobis incognitas, unde D. Hieronymus Epistola ad Paulam, de dormitione Blefillæ, de pueris obsessis generaliter loquens, agebat: *Quid cause est, ut saepe bimuli trimulique, & ubera materna lactentes a demonio corripiantur? Judicia enim Domini abyssus multa, & ò profundum divitiarum sapientia, & scientia Dei, quam inscrutabilia sunt judicia ejus, & investigabiles viae ejus!*

LXXXXIII. Parcat Lector, si in solius tituli Commentario adeo fusè progressi sumus; id enim exigebant quædam, quæ tanquam prolegomena præmittenda erant, velut totius Operis fundamenta. Festinè igitur procedamus ad



## DOCUMENTUM I.

**S**acerdos, seu quivis alius legitimus Ecclesiæ Minister, vexatos a dæmone exorcizaturus, ea, quæ par est, pietate, prudentia, ac vitæ integritate præditus esse debet, qui non sua, sed divina fretus virtute, ab omni rerum humanarum cupiditate alienus, tam pium opus ex charitate constanter, & humiliter exequatur. Hunc præterea maturæ ætatis esse decet, & non solum officio, sed etiam morum gravitatum reverendum.

## S U M M A R I U M.

1. **C**onvenientius per Sacerdotem exorcismi fiunt super obsessos, quam per Clericum.
2. Hinc rejicitur Natalis Alexandri placitum.
3. Et multo magis Nicolai Aleptensis Episcopi sententia.
4. Legitimus adjurationis demonum minister, debet saltem esse Ordine Exorcistatus insignitus, & num. 5.
6. Exorcistatus est in Ecclesia antiquissimus.

7. Est

7. Est ordo habens veram rationem Sacramen-  
ti ad num. 9.
10. Aliqui tamen id negant, alii dubitant.
11. Argumenta negantia P. Christiani Lupi re-  
feruntur, ad num. 13.
14. Et solvuntur ad num. 16.
17. Alia ejusdem auctoris objectiones producun-  
tur ad num. 19.
20. Quibus fit satis ad num. 23.
24. Dato etiam, quod Exorcistatus non esset  
Sacramentum, non infirmatur intentum  
nostrum, cum innegabile sit, potestatem exor-  
cizandi demones esse in Ecclesia.
25. Non est tamen sacramentum, prout mini-  
sterium est.
26. Quod probatur contra P. Candidum Brogno-  
lum.
27. Præter potestatem Ordinis, requiritur in  
Ministro potestas jurisdictionis.
28. Hac duplici potestate, Exorcista potest adju-  
rare infantes, & adultos baptizandos, cum  
quadam tamen limitatione.
29. Non tamen Moniales obsessas; absque pecu-  
liari Sacra Congregationis licentia.
30. Pietas requiritur in Exorcista.
31. Item & prudentia.
32. Imo, & integritas Vita.
33. Potestas Exorcista est a Deo.
34. Debet Exorcista fugere omnem quæstum.
35. Debet in constantia perseverare.
36. Insuper humiliter se gerere ad num. 39.
40. Exorcista debet esse ætatis matura.
41. Et officio, ac moribus reverendus.

## COMMENTARIUM.

## Sacerdos.

I. **C**onvenientius est per Sacerdotem, super vexatos a dæmone fieri exorcismos, quia convenientius ab illis exercetur hoc munus, qui majorem habent ex vi characteris Sacerdotalis, dignitatem, potestatem, ac imperium super dæmones: quique ministerio suo exactius satisfacere possunt, utendo videlicet stola, dicendo: *Dominus vobiscum*, cum super energumenos Evangelia leguntur, Missam prius celebrando &c. quæ omnia a Rituali Romano præscribuntur in hoc ministerio observanda, ut videbimus circa finem hujus Operis.

II. Hinc assentiri non possum omnino iis, quæ tradit Natalis Alexander, in sua Theologia Dogmatica, & Morali *lib. 2. de Sacramento Ordinis art. 4. §. 3.* ubi asserit: "Optimum inter-  
 „ dum fore, illam exorcistatus functionem non  
 „ a Presbyteris, multò minus ab Episcopis, sed  
 „ ab Exorcistis junioribus, ab adolescentulis ad  
 „ hoc officium ordinatis, ac morum innocentia,  
 „ & sapientia huic ministerio paribus, exerceri,  
 „ ad majorem dæmonis *Contemptum*, & confu-  
 „ sionem. „

III. Multò minus assentior iis, quæ scripsit D. Nicolaus Aletensis Episcopus in Instructionibus Ritualis suæ Diœcesis, ubi de instructione circa exorcismos loquens, hæc habet: „certè ma-  
 „ ximè convenit solos deputari Exorcistas ad hoc  
 „ munus exequendum, non Presbyteros, non  
 „ Episcopos, vel eos, qui majori fulgent in Ec-  
 „ clesia, sive potestate, sive ordine; sic enim,  
 „ & superbia diaboli labefactatur magis, & Exor-  
 „ cistarum



„ cistarum ordo a sui muneris administratione  
 „ non vacabit, & non perinvitus ab obsessio cor-  
 „ pore aufugiet daemon, cui nullus erit suspi-  
 „ cioni locus, se ab hominibus aut coli, aut ho-  
 „ norari, dum videt se non expelli per Eccle-  
 „ siæ Optimates, Sacerdotes, & Episcopos, sed  
 „ sola eorum potestate, qui in ecclesiastica Hie-  
 „ rarchia infimum locum tenent. ” Hæc Ale-  
 tensis Episcopus, cujus verba Gallico sermone  
 conscripta latinè dedimus. An autem eadem  
 sint, quæ profert eruditissimus P. Christianus  
 Lupus in *scholiis*, & *notis ad librum Tertullia-  
 ni de Præscriptionibus cap. 41.* quæque a se tran-  
 scripta asserit ex *scholiis Ritualis Romani* ejus-  
 dem Episcopi Aletensis, ignoro; hoc unum scio,  
 quod hic articulus est contrarius antiquis, & re-  
 centioribus moribus, ut colligere quisque facile  
 poterit excatalogo quam plurimorum Sanctorum,  
 qui Sacerdotali, imo Pontificali honore insigni-  
 ti; exorcismos egerunt, quem referam in Com-  
 mentario Documenti VIII. num. 12.

## Sive quivis alius legitimus Ec- clesiæ Minister.

IV. Hic legitimus Ecclesiæ Minister debet esse  
 saltem ad Ordinem Exorcistatus ab Ecclesia as-  
 sumptus; licet enim hæc potestas daemones adju-  
 randi, & expellendi concessa videatur omnibus  
 credentibus, juxta illud Christi Domini Marci  
 ultim. v. 17. *Signa autem eos, qui crediderint  
 hæc sequentur: In nomine meo daemones ejicient;*  
 & revera in primitiva Ecclesia non tantum  
 Clerici, sed & Laici a corporibus obsessis, in  
 Christi nomine daemones expellebant, ut col-  
 ligitur ex Tertulliano, pluribus in locis *infra*

num. 13. citandis tamen præsens Ecclesiæ disciplina est, solum Clericos saltem in Exorcistatus Ordine constitutos, posse hoc munus exercere, ut statuit Concil. Laodicenum *can. 26.* his verbis: *Eos adjurare non oportet, qui ab Episcopis promoti non sunt neque in Ecclesiis, neque in diebus.* Ad quem Canonem respiciens Alcuinus, scribit *lib. de Divinis officiis cap. 35.* de Tonsura Cleric. *Illud ministerium*, loquitur de officio Exorcistæ, *ut canones dicunt, nemo debet usurpare, nisi, qui officium habet, aut Presbyter, aut Diaconus, aut Subdiaconus, aut Exorcista.*

V. Quod serio monuerunt Patres Synodi Atrebatensis in Galliis anno 1025. celebratæ, penes D. Acheryum tom. I. *Spicilegii*, ubi tit. *de sacris Ordinibus* legitur: *Quam effugandorum demonum potestatem nulla manuum impositione, aut Sacerdotalis benedictionis prerogativa donati, olim quidam usurpare volentes, ab obsessis corporibus demones per Exorcismum tentabant ejicere, sicut de Filiis Scevæ Judæi, liber Apostolorum commemorat. Qui cum in nomine Jesu, quem Paulus predicabat, spiritus immundos exorcizarent, concito indignantis spiritus furore vexati, temeritatisque ausum ultore spiritu lucentes, audierunt increpantis responsum hoc modo: Jesum novi, & Paulum scio; vos autem qui estis? & continuo insiluit in eos spiritus immundus. Actor. 19. v. 15. Quibus illa sui pœna furoris sane dedit judicium, quia non erant ex eorum numero, quibus hoc donum gratiæ, auctoritate Sacerdotali praestitum fuerat.*

VI. Non sufficit tamen sola potestas Ordinis, ut quis dicatur *Legitimus Ecclesiæ Minister*, sed insuper requiritur potestas jurisdictionis, de qua infra erit sermo. Interim, ut

vis

vis potestatis, quæ recipitur in Ordine melius percipiatur; in primis pro certo tenendum est, Exorcistatum esse in Ecclesia antiquissimum: illius namque meminit S. Ignatius in Epist. ad Antiochenos. *Saluto*, inquit.... *Exorcistas*. Author Constitutionum, quæ tribuuntur Apostolis meminit Exorcistæ cap. 26. Tertullianus lib. de Prescriptionibus cap. 41. D. Cyprianus, Epist. 77. & alibi. D. Cornelius, apud Eusebium, lib. 6. c. 43. dicit, Romæ fuisse *Exorcistas*, *Lectores*, *una cum Ostiariis quadraginta duos*. Synodus Romana sub Sylvestro cap. 7. statuit, quod *Acolytho Exorcista, Exorcista Lector.... in omni loco representet obsequium, sive in publico, sive in gremio Ecclesie*. Ejusdem meminit, cap. 11. D. Ambrosius ad cap. 4. Epistolæ ad Ephesios: *Magistri*, inquit, *Exorcistæ sunt, quia in Ecclesia ipsi compescunt, & verberant inquietos*. S. Eusebius Vercellensis Epist. ad Episcopos Italie, meminit: Victorini Exorcistæ. Siricius Epist. 1. cap. 10. Qui vero, ait, *atate grandævus, melioris propositi conversatione provocatus, ex Laico ad sacram militiam pervenire festinat, desiderii sui fructum non aliter obtinebit, nisi eo quo baptizatur tempore, statim Lectorum, aut Exorcistarum numero societur*. D. Hieronymus ad cap. 2. Epist. ad Titum dicit, etiam Exorcistas debere *magnopere providere, ut cunctum populum, cui præsident, conversatione, sermone, & scientia præcedant*. Concilium Carthaginense IV. can. 7. præscribit modum Ordinationis Exorcistæ. Zosimus Epist. ad Hesychium cap. 1. *Assuescat*, inquit, *in Domini castris in Lectorum primitus gradu, Divini rudimenta servitii, nec illi sit vile Exorcistam, Acolythum, Subdiaconum, Diaconum per ordinem fieri, nec hoc saltu, sed statim*



*tis majorum ordinatione temporibus . Ita ordinatum jam prius legimus S. Felicem Martyrem apud S. Paulinum in ejus Vita : ..... Primis Lector servivit in annis , ( inde gradum cœpit cui munus voce fidei ) adjurare malos , & sacris pel- lere verbis . Et tandem D. Isidorus Hispalensis de officiis Ecclesiasticis lib. 2. cap. 13. ait : in primo ordine , & ministerio Ecclesia esse Exorcistas secundum officia , qua in Templo Salomonis erant disposita , quaque posterius sunt ab Esdra disparita invenimus ; eosque quos Esdras actores memorat Templi , nunc esse Exorcistas in Ecclesia Dei .*

VII. Secundò , ut vis potestatis hujus ordinis magis , magisque explicetur , tenendum est , Exorcistatum veram rationem Sacramenti habere , perantiqua enim est in Ecclesia ejus mentio , ut jam dictum est , adeoque non aliundè , quam ex divina institutione , & traditione ad nos usque pervenisse credendum est .

VIII. Præterea D. Hieronymus *lib. adversus Vigilantium* dicit : *Episcopum , Diaconos , aliosque Clericos ordinantem , Christi Sacramenta tribuere ;* quibus verbis significat omnes generatim Ordines habere rationem , & dignitatem Sacramenti , & consequenter etiam Exorcistarum . S. August. *lib. de bono conjugali cap. 24.* testatur , in omnibus Ordinatis permanere Sacramentum Ordinationis , etiamsi plebi congregandæ non serviant , vel ob culpam ab officio removeantur : *quemadmodum , inquit , si fiat ordinatio Cleri ad plebem congregandam , etiamsi plebis congregatio non subsequatur , manet tamen in illis ordinatis Sacramentum ordinationis ; & si aliqua culpa quisquam ab officio removeretur , Sacramento Domini semel imposito , non carebit , quamvis ad judicium permanente .* Consequens

sequens ergo est hæc non tantum esse officia quadam humanitus instituta, sed Sacramenti vim habentia, quia semel accepta amitti non possunt propter characterem perpetuum, qui per ea confertur. Insuper in sacris Canonibus fit mentio *Ordinationis* non solum quando de Presbyteris, Diaconis, & Subdiaconis, sed etiam quando de Exorcistis, & inferioribus ministris constituendis agitur, eo autem vocabulo significari solet sacramentum Ordinationis; quod magis manifestum fit, si attendatur modus loquendi Concilii Carthaginensis IV. quod *can. 3.* ait: *Presbyter cum ordinatur*, *can. 4.* *Diaconus cum ordinatur*, & similiter *can. 7.* *Exorcista cum ordinatur*, ubi tamen cum *can. 10. ad Psalmistas*, *can. 11. ad Sanctimoniales*, & *12. ad viduas* ventum est, nulla fit mentio *ordinationis*, sed solum *electionis*; unde sicut perspicuum est ordinationem Presbyteri, & Diaconi Sacramentum esse, ita de Exorcistæ ordinatione idem est sentiendum; alias enim Concilium de Exorcistis loqueretur, sicut de Psalmistis, Sanctimonialibus, Virginibus, & Viduis.

IX. Tandem assertum nostrum confirment Concilium Florentinum, & Tridentinum; primum enim postquam dixit in Decreto Eugenii, pro instructione Armenorum: *Sextum Sacramentum est Ordinis, cujus materia est illud, per cujus traditionem confertur ordo*; exemplificavitque de Presbyteratu, Diaconatu, & Subdiaconatu, statim subjungit: *& similiter de aliis*. Idem præstat post recitatam formam Sacerdotii his verbis: *& sic de aliorum ordinum formis; pro ut in Pontificali Romano continetur*. Igitur censet, etiam in inferioribus ordinibus reperiri materiam, & formam Sacramenti, ac proinde existimat, omnes ordines veram

Sacramenti rationem obtinere, & consequenter etiam Exorcistatum. Secundum, nempe Tridentinum idem judicat; quamquam enim hanc veritatem disertè non explicet, tamen cum *sess. 23. cap. 2.* dixisset: *non solum de Sacerdotibus, sed & de Diaconis sacra Littera apertam mentionem faciunt, & quæ maximè in illorum ordinatione attendenda sunt, gravissimis verbis docent, & ab ipso Ecclesiæ initio sequentium ordinum nomina, atque uniuscujusque eorum propria ministeria, Subdiaconi scilicet, Acolythi, Exorcista, Lectoris, & Ostiarii in usu fuisse cognoscuntur quamvis non parigradu; cap. 3. sequenti absolutè pronuntiat: Ordinem esse verè, & propriè unum ex septem Sanctæ Ecclesiæ Sacramentis*, ubi nullam facit distinctionem inter Ordines, qui sint Sacramenta, & qui non sint. Quibus significat se nullum Ordinem, & consequenter nec Exorcistatum a ratione Sacramenti excludere. Quod evidentius declarat *can. 3. ejusdem sessionis*; nam cum *can. 2.* præmisisset *in Ecclesia Catholica alios ordines, & majores, & minores*, præter Sacerdotium, esse, statim subdit: *Si quis dixerit, ordinem, sive sacram ordinationem non esse verè, & propriè Sacramentum... anathema sit*; ubi cum nullum discrimen proferat inter ordines, qui habeant rationem Sacramenti, & qui non habeant, haud dubium est, quia existimet omnes prorsus ordines, & consequenter Exorcistatum Sacramenti rationem obtinere.

X. Scio Durandum ex antiquis, Morinum, Juyeninum, Contensonum, aliosque perpauco ex recentioribus asserere, Ordines minores non esse Sacramenta, Eitium super hac re, sicut & Natalem Alexandrum nihil decernere; verum quia eorum communia argumenta soluta inye-



nies apud Sylvium in 3. parte q. 37. art. 2. *quasi sit*. i. ideo ad hunc doctissimum Scriptorem lectori remittimus, & solum in iis quæ profert P. Christianus Lupus immediatè contra Exorcistatus ordinem, quæque apud neminem, solutæ (quod sciamus) reperiuntur, parumper immorabimur.

XI. Hic ergo præstantissimus Scriptor tom. 9. ejus operum editionis Venetæ 1727. in scholiis, & notis ad librum Tertulliani *de Præscriptionibus* capite 41. pluribus ostendere conatur, Exorcistæ munus in primitiva Ecclesia non fuisse ordinem, sed gratiam gratis datam, qua deinde cessante, Ecclesia Exorcistas Clericos instituit, & consequenter Exorcistatum non esse ordinem. Audiamus ejus argumenta. Primum est hujusmodi. De Christianis Exorcistis Romani Clementis Constitutiones lib. 8. cap. 26. *Exorcista non fit ordinatione. Certare enim pro premio Exorcista libera voluntatis est, ac Dei gratia per Christum, & adventum Spiritus Sancti.* Exorcistæ munus vult esse non Ecclesiasticum Ordinem, sed gratis datam gratiam, qualis est gratia sanitatum, aut aliorum miraculorum.

XII. Consonat in homiliis super primam ad Corinthios Epistolam S. Joannes Chrysostomus hom. 29. Consuetæ enim in Baptismo donari charismata laudat, atque adjungit. *Quoniam Apostoli hoc quoque primum signum acceperat, fideles quique hoc accipiebant, nempe linguarum, & non hoc solum, sed etiam multa alia. Nam & mortuos multi excitabant, & demones expellebant, & plura alia faciebant miracula. Quin etiam multa alia habebant charismata, alii pauciora, alii plura.* Lucidè dicit, non in ordinatione, sed statim, licet non cunctis, in Baptismo donatam virtutem hanc, adeoque ipsam

non clericalem fuisse gradum, sed gratiam gratis datam.

XIII. Quod ipsum manifestè tradit in libro Apologetico noster Doctor: (loquitur de Tertulliano, cujus librum scholiis, & notis doctissime illustrat) *Edatur hic aliquis sub tribunalibus vestris, quem demone agi constet, jussus a quolibet christiano loqui spiritus ille, tam se demonem confitebitur de vero, quam alibi Deum de falso.* Ejusmodi demonum adjurationem, atque ejectiones affirmat esse quotidianas, eo quod omnis illa mendax, & ficta paganorum divinitas subsit non tantummodo nostris clericis, sed quibuslibet christianis. Id ipsum affirmat in libro ad Scapulam Africae Proconsulem, ac exemplis demonstrat cap. 2. & 4. *Quanti honesti viri, de vulgaribus enim non dicimus, aut demoniis, aut valetudinibus remediati sunt.* Ipse enim Severus Imperator, Pater regnantis tunc Antonini Caracallae Christianorum memor fuit. Nam & Proculus Christianum, qui Torpation cognominabatur, Evodia procuratorem, qui eum per oleum aliquando curaverat, requisivit, & in palatio suo habuit usque ad ejus mortem. Proculus ille erat omnino laicus; etenim clericum esse laicae mulieris procuratorem nullo modo permittebat disciplina istius temporis. Et in libro de Corona Militis Doctor affirmat cap. 11. Christianum non posse fieri militem, & adjungit causam: *Excubabit pro templis, quibus renunciavit? & quos interdum exorcismis fugavit, noctibus defensabit?* Nequaquam ad solos Clericos, sed manifestè conacionatur ad omnes Christianos. Eisdem alloquitur in libro, ad Castitatem exhortatio: *si demonem adjurat, confidit sibi.* Plura habet istius modi loca. Quin igitur omnis tunc Christianus  
exor-

exorcismos ageret, non est dubitandum. Hæc Lupus.

XIV. Verum ad hæc omnia responsionem habemus ex iis, quæ communiter docent Theologi, in primitiva nempe Ecclesia Exorcistas fuisse in duplici differentia, quidam enim vim habebant dæmones ejiciendi ex gratia gratis data, & absque ulla ordinatione: alii verò erant Exorcistæ per ordinationem, qui videlicet suæ ordinationis virtute potestatem habebant dæmones ab energumenorum corporibus ejiciendi. Porro de primis loquuntur SS. Patres a Lupo adducti, & primo Auctor Apostolicarum Constitutionum. Ipse quidem dicit, juxta Editionem Cotelerii: *Exorcista non ordinatur*, sed statim subdit: *Hæc enim certaminis laus pendet a libera, & bona voluntate, & a gratia Dei per Christum*. Imò agit de illa gratia energumenos liberandi, quæ est gratia curationum; ait enim post prælaudata verba: *Qui enim accepit charisma, seu donum sanctionum*. Hanc autem esse gratiam gratis datam nemo non videt.

XV. Similiter S. Joannem Chrysostomum de gratia gratis data loqui non est dubitandum; ante enim prædicta arguentis verba scribit: *Si quis fuerat baptizatus, linguis statim loquebatur, & non linguis solum, sed etiam multi prophetabant, quidam autem etiam alias plures ostendebant virtutes*, & assumit verba Apostoli: *unicuique autem manifestatio spiritus datur ad utilitatem*; subdens *charismata, seu dona gratuita nominans manifestationem spiritus*. Post hæc subdit textum a Lupo allatum, qui pariter totus est de charismatibus, & gratiis gratis datis, atque miraculis.

XVI. Hoc idem dicendum est ad Tertulliani testi-



testimonia, ut constat ex ipsius verbis in argumento allatis, & magis manifestum fit ex ipso Tertulliano, qui ibidem arguit mulieres procacitatis eo quod audeant exorcizare. *Ipsa mulieres haeretica*, inquit, *quam procaces ! quae audeant exorcismos agere*. Super quæ verba ipsemet P. Christianus Lupus quærens, quare Tertullianus fœminas aufas exorcizare arguat procacitatis, cum tamen plurimis Fidelibus, vel omnibus ex consueta Baptismi gratia compete-  
bat? Respondet, quia, „ suo sexui non sunt do-  
„ nata charismata. „ Quare sequitur, ideo vi-  
ris etiam sæcularibus licuisse, quia charismata in Baptismate accipiebant; non sic autem mu-  
lieres, & consequenter de gratia gratis data aper-  
tissimè Tertullianum fuisse locutum. His omni-  
bus ergo Patrum testimoniis, quibus statuitur  
expulsionem demonis esse ex gratia gratis da-  
ta, non excluditur potestas, quæ ex ordine  
procedit, quod est id, quod P. Lupus probare  
deberet.

XVII. Dices tamen, excludi exorcisticam po-  
testatem ordinis, & firmari solam potestatem,  
quæ ex gratia gratis data procedebat, si nulla a  
Patribus Latinis primi, & secundi sæculi ejusdem  
ordinis mentio fiat, imò nulla apud Patres Græ-  
cos cujuscunque sæculi. Porro res ita se habet;  
quod probari potest quoad PP. latinos ex reli-  
quis argumentis, quæ profert idem Lupus *loco*  
*citato*, intendens Exorcistatus ordinem fuisse  
ab Ecclesia sequentibus temporibus institutum.

XVIII. Dudum, inquit, in latina Ecclesia so-  
li Sacerdotes exorcistæ erant, ut colligitur ex  
Decreto Innocentii I. *Epist. 1. ad Decentium Epi-*  
*scopum Engubinum cap. 6. De his*, inquit, *bap-*  
*tizatis, qui postea a demonio corripiuntur quæ-*  
*sivit dilectio tua, si a Presbytero, vel Diaco-*

no possint, aut debeant consignari? Quod hoc nisi Episcopis precipere non licet. Nam ei manus imponenda omnino non est, nisi Episcopus auctoritatem dederit id efficiendi; ut autem fiat, Episcopi est imperare, ut manus ei vel a Presbytero, vel a ceteris Clericis imponatur. Nam quomodo id fieri sine magno labore poterit, ut longe constitutus energumenus ad Episcopum deducatur, cum si talis casus ei in itinere acciderit, perferri ad Episcopum, nec referri ad sua facile possit. Energumenos exorcizare erat tunc a minoribus Clericis adeo alienum, ut plures Italorum Episcopi censuerint privativè spectari ad se se solos, & sine singulari Episcopi mandato non poterat fieri. Hæc ille, inferens, apud latinos etiam non semper extitisse Ordinem Exorcistatus, cum hæc manuum impositio fieret a solis Sacerdotibus, & consequenter esse gradum ab Ecclesia institutum.

XIX. Confirmat hoc. In primo Officiorum libro cap. 44. scribit S. Ambrosius: *Alius Clericus distinguenda lectioni aptior, alius Psalmo gravior, alius exorcizandis, qui malo laborant spiritu sollicitior, alius sacrario opportunior habetur. Hæc omnia spectet Sacerdos, & quod cuique congruerit, id officii deputet.* Loquitur, ait Lupus, de pleno universi cleri corpore, ideoque & de Presbyteris.

XX. Verum huic instantiæ respondeo, nullam fieri mentionem a Patribus Latinis primi sæculi ordinis Exorcistatus, quia propter paucitatem Fidelium omnia illa Ecclesiastica officia committebantur Diaconis. Procedente verò tempore, jamque numero fidelium, non diù post Ecclesiæ primordia, crescente, ministeria, quæ ab invicem erant separabilia, separata sunt, & in diversos ministros distributa, ut manifestum

stum est ex Patribus *supra num. 6.* relatis. Quare ratione non tunc de novo instituti sunt ordines minores, sed solum qui prius administrabantur per unum, cœperunt singulis distribui. Audiat D. Thomas, cujus tota est doctrina in 4. *distin. 24. q. 1. art. 1. quæstionum. 2. ad 2.* qua soluta manent Lupi argumenta. In *primitiva*, inquit Angelicus Doctor, *Ecclesia propter paucitatem ministrorum omnia inferiora ministeria Diaconis committebantur, ut patet per Dionysium 3. cap. Ecclesiasticæ Hierarchiæ, ubi dicit: Ministrorum alii stant ad portas Templi clausas, alii aliud quid proprii ordinis operantur, alii cum Sacerdotibus proponunt super Altare Sacrum panem, & benedictionis Calicem. Nihilominus erant omnes prædictæ potestates, sed implicite in una Diaconi potestate. Sed postea ampliatus est cultus divinus, & Ecclesia quod implicite habebat in uno Ordine, explicite tradit in diversis.* Quod pariter docet D. Bonaventura *ibid. art. 2. q. 1. ad 3.* post quæ verba addit doctissimus Morinus de *Sacris Ordinationibus, part. 3. exercitat. 11. cap. 4. n. 13.* Secundum igitur illos Doctores institutionis sunt Ecclesiasticæ, sed in radice sua, in fonte, & principio suo Apostolicæ, & Divinæ, Diaconatu videlicet, quem Apostoli instituerunt. Diaconatus enim non modo eminenter, sed etiam formaliter continet omnes inferiores ordines, quos Ecclesia postmodum crescente fidelium numero, de Diaconatu deduxit, & explicat, sed Diaconus omnia illa ministeria præstabat.

XXI. Caterum si seorsim respondere velimus Lupi momentis, quæ tamen Episcopi Aletensis sententiam *num. 3.* *supra* relata[m] everunt, responsio in promptu est, & quidem ad testimonium Innocentii non incommode dicere pos-



possumus, ibi loqui S. Pontificem de potestate jurisdictionis, non de potestate Ordinis; quod eruitur ex verbis ipsis: *quod hoc nisi Episcopis precipere non licet. Nisi Episcopus auctoritatem dederit id efficiendi, ut autem fiat Episcopi est imperare, ut manus ei, vel a Presbytero, vel a ceteris Clericis imponatur.* Unde Itali Episcopi censuerunt privativè spectare ad se solos potestate jurisdictionis ordinaria manus energumenis imponere, cum Clericis solum jurisdictionis delegata posse concedi Pontifex declaret.

XXII. Ad illud Divi Ambrosii, dico ipsum non loqui, de universi Cleri corpore, ideoque non de Presbyteris, sed solum sermonem facere de minoribus Ordinibus, & Officiis, nam S. Ambrosius loquitur de illis Clericis, qui sunt *in lubrica etate, in alacri adolescentia vita*, ut scribit paulò post S. Doctor. His singulis *quid congruat, id officii deputet Episcopus.* Presbyteri namque, D. Ambrosii tempore, non assumebantur ad tantam Sacerdotii dignitatem, nisi etatis anno 35. ut ex Siricio, & Zosimo observat, & ostendit Thomasinus, de Ecclesiæ disciplina tom. 1. part. 1. lib. 2. cap. 67.

XXIII. Quoad Græcos, possem in primis negare assumptum, cum S. Ignatius Epistola supra laudata, & D. Dionysius Areopagita, de *Ecclesiastica Hierarchia part. 3. cap. 3.* de Exorcistis mentionem faciant: verum quia aliqui, licet minus plausibiliter Auctorem dictorum Operum, adeoque, & eorum antiquitatem in dubium vertunt, respondeo, eo modo, quo supra dictum est ex S. Thoma, videlicet, apud ipsos hoc Ministerium Exorcistatus committi Diacono, & implicite esse in Diaconi potestate, eo modo quo fiebat in primitiva Ecclesia.

XXIV. Sed ut ut sit de hac controversia : Demus, Exorcistatus gradum non esse Sacramentum, nunquid propter hoc efficacia hujus potestatis Ordinis vacillat, & fluctuat? Neutiquam profectò. Constans namque Patrum, & Theologorum sententia est, Christum Dominum Ecclesiæ suæ sponsæ potestatem reliquisse dæmones è corporibus expellendi. Et revera si talis erat potestas in Ecclesia Judæorum ejicienti diabolum virtute Dei, ut colligitur ex illo Matth. 12. v. 22. *Si ego in Beelzebub ejicio demonia, filii vestri in quo ejiciunt?* Ubi Tostatus *quest. 64.* super eadem verba, in Persona Christi sic loquitur: *Non est verisimile, quod dicatis, scilicet me ejicere demonia in Beelzebub, quia ego, & Filii vestri ejicimus demonia in eadem potestate, & tamen non conceditis, quod filii vestri ejiciant illa in Beelzebub, nec ergo debetis asserere, quod ego ejiciam in Beelzebub, sed in virtute Dei, sicut filii vestri.* Deinde subdit: *Quod autem dicitur: Filii vestri, accipitur de Exorcistis, nam apud Judæos erant Exorcistæ..... sicque de istis Exorcistis Christus loquebatur, qui erant filii Judæorum, id est de gente illa.* Quæ interpretatio conformis est iis, quæ tradit D. Hieronymus super hunc Matthæi locum: Si, inquam, talis in Judæorum Ecclesia potestas erat, nonne multo magis in Ecclesia Christi est admittenda? Profectò hanc Salvator tradit Matthæi 10. Marci 3. & Luc. 9. *Convocatis duodecim discipulis suis dedit illis potestatem spiritum immundorum, ut ejicerent eos; & Marci 16. v. 17. In nomine meo demonia ejicient.* Per quæ, inquit Alphonsus a Castro *lib. 6.* adversus hæreses, Verb. *Exorcismus*, promisit non tantum Exorcistis, sed toti Ecclesiæ se nunquam illorum invocatione defuturum, qui nomen ipsius inter-

po-

posuerit . Et Titus Bostrensis , sive alter , qui est Auctor Commentariorum in Matthæum cap. 12. penes Bibliothecam PP. tom. 4. super illa verba : *Ecce dedi potestatem calcandi super serpentes , & scorpiones* , ait : *Quod enim de serpentibus , & scorpionibus hoc loco scribitur , hoc totum ad diabolum , & demones , qui una cum illo a Christi Dei nostri servis , a quo tantam illi potestatem acceperunt , calcantur referendum est .* Hanc ergo potestatem communicat Ecclesia Exorcistis , cum nos per Episcopum idoneos ministros novi Testamenti facit contra rectores tenebrarum , & consequenter si quis non acquiescat communi Theologorum sententiæ potestatem scilicet hanc conferri ex vi Ordinis , qui sit simul Sacramentum ; fateri saltem debet , conferri voluntatem Ecclesiæ , ex facultate Christi , cum in Ordinatione ait : *Habeto potestatem imponendi manus super energumenos , sive baptizatos , sive cathecumenos .*

XXV. Non acquiesco tamen sententiæ P. Candidi Brognoli , alias in hac de qua agimus materia , apprimè versati , qui in Manuali Exorcistarum part. 1. cap. 1. art. 1. §. 4. & seqq. conatur ostendere , Exorcistatus Ordinem Sacramentum esse etiam prout Ministerium est , seu prout actu exercetur , quia scilicet in exercitio hujus Ordinis omnia concurrunt , quæ in Sacramentis . Causa enim principalis est Deus , qui demonem expellit ; causa instrumentalis Exorcista , qui in nomine Jesu operatur ; materia remota est demon expellendus ; proxima , passiva demonis expulsio , cooperante vexato ( si est capax rationis ) per actus liberi arbitrii ; nempe fidei , aliarumque virtutum : si verò non sit rationis capax , tunc pro eo supplet Ecclesia , ut in Sacramento Baptismi : forma remota sunt verba



verba a Christo instituta Marci ultimo v. 17. *In nomine meo demonia ejicient* ; forma proxima prolatio hujusmodi verborum. Præterea requiritur in ministro intentio expellendi dæmonem, siue faciendi quod facere intendit Ecclesia, vel quod Christus instituit faciendum. Insuper Exorcismus infallibiliter suum producit effectum, si adsint omnia requisita, nec adsint defectus, siue ex parte intentionis Exorcistæ, siue materiæ, siue formæ, siue obfessi.

XXVI. Sed sicut nullus alius, quem viderim, auctor id asserit, ita hanc amplecti sententiam non audeo, eò vel magis, quod nunquam audiui, Exorcistam, si energumenum liberet, conficere Sacramentum. Præterea in Sacramento Pœnitentiæ, injuria fieret Sacramento super eandem materiam in una, eademque peccatorum Confessione, cum iisdem dispositionibus formam non semel, sed bis, vel ter proferre; licet enim non requiratur materia remota diversa, quia scilicet eadem peccata utile est sæpe cum dolore, detestatione, & satisfaciendi proposito confiteri; diversa tamen materia proxima pœnitentiæ necessaria est, ut absolutio iterum conferatur: Uni ergo Confessioni una respondet absolutio, sed cum diversæ sunt Confessiones, iterari absolutio eorumdem peccatorum potest, ut communiter docent Theologi. Et tamen exorcismi, qui essent forma, super eadem proxima materia repetuntur, & a nostro rituali tres successivè recitandi assignantur, qui *quatenus opus fuerit, repeti possunt*. Insuper forma Sacramentorum nedum est efficax, sed infallibilis, ita quod positis omnibus requisitis tam in ministro, quam in subjecto &c. infallibiliter suum producit effectum. In nostro autem casu non sic interdum evenit etiam positis requisitis in Exorcista, & dis-

posi-

positionibus in vexato, dicente D. Augustino lib. 83. *Questionum* quæst. 79. *Cum non cedunt his signis huiusmodi potestates, Deus ipse prohibet occultis modis, cum id iustum, atque utile iudicat.* Et Divus Bernardinus Senensis tom. 4. ait: *Si videris aliquem demoniacum, si vultis eum liberare .... liberabitur, si erit pro meliori anime sue.* Quod concedit etiam idem P. Brognolus in *Manuali* parte 3. cap. 4. art. 4. quæst. 1. §. 2. num. 708. Tandem gratiam Sanctificantem non confert exorcismus, & ideo a ratione Sacramenti distat Exorcistatus, quatenus ministerium est, seu quatenus actu exercetur.

XXVII. Expeditis iis, quæ ad potestatem Ordinis explicandam, tradere opportunum duximus, de potestate Jurisdictionis modo agendum est, & quidem brevius: nam & ipsa ad legitimum Ecclesiæ ministerium formandum requiritur, quia si superior subditos non assignet, nequit Exorcista Ordinis potestatem licitè exercere. Hinc in Concilio Mediolanensi IV. sub S. Carolo pro sua Diœcesi statutum est: *Ne Sacerdoti, Clericove seculari, aut regulari Exorcismum energumenis adhibere liceat, nisi Exorcizandi facultatem scripto exaratum ab Episcopo impetraverit.* Quod & in aliis Diœcesibus in usa est, & in regularibus insuper sui superioris facultas exigitur.

XXVIII. An autem Exorcista obtenta jurisdictionis potestate possit exorcizare sive infantes, sive adultos baptizandos, negat Estius in 4. dist. 24. §. 12. quia scilicet Exorcismi, qui in Baptismo adhibentur non comprehenduntur in officio Exorcistæ, sed magis spectant ad officium Sacerdotis, qui baptizaturus est. Affirmat verò Honorius Augustodunensis in *Gemma Anime* cap. 177. loquens enim de meris Exorcistis, ait: *In Ecclesia*

autem habent officium infantes catechizandos exorcizare, & per verba Dei, id est Baptizandorum corpora demonibus interdicere, ac de energumenis, id est de obsessis corporibus per exorcismos demonia arcere. Hanc sententiam amplectimur cum limitatione tamen, quam assignat S. Thomas in 4. dist. 6. quæst. 2. art. 3. quæstiunc. 3. Dicendum, quod exorcizare ad Exorcistas pertinet ex proprio officio ordinis; nihilominus tamen est superiorum Ordinum; tamen propter ostendendam unitatem Baptismi, consuetum est in Ecclesia, ut totum, quod ad Baptismum pertinet, expleatur ab uno, scilicet Sacerdote.... in primitiva Ecclesia quandoque magna turba simul ad Baptismum accedebat, & erant pauci Sacerdotes, unde huiusmodi Sacramentalia relinquebantur in minoribus Ordinibus constitutis.

XXIX. Extra controversiam tamen est, Exorcistam habentem etiam a suo Ordinario potestatem jurisdictionis non posse Moniales exorcizare, sed requiritur Sacra Congregationis facultas, juxta ejusdem Sacra Congregationis Decretum relatum a Lezana tom. 2. Verbo *Clausuræ* num. 28. cujus tenor est: *Monialis nulla energumena infra Monasterii septa a quocunque Presbytero seculari, vel regulari, etiam Confessario exorcizetur, sed ad Ecclesiam exteriorē ejusdem Monasterii, obtenta prius a Sac. Congregatione licentia, ea de causa deducatur &c.*

## Pietate.

XXX. Pietas dupliciter usurpari potest, & eam usurpat S. August. de Civit. Dei lib. 10. cap. 1. nempe, & quatenus cultus Dei est, & quatenus opus misericordiæ est erga proximum. *Pietas*, inquit, *propriè Dei cultus intel-*



telligi solet .... more autem vulgi hoc nomen etiam in operibus misericordia frequentatur. Utroque modo Exorcistam pietate suffultum esse convenit, exhibendo scilicet in suo ministerio honorem debitum Deo, & opere suo misericordiam erga vexatum impendendo.

## Prudentia.

XXXI. Hæc virtus est, qua ab utilibus inutilia discernit, & docet quid tenendum, quidve rejiciendum sit, ex D. Bernardo Serm. 72. de diversis. Seu brevius ex D. August. lib. 83. Questionum quæst. 61. est cognitio appetendarum, & vitandarum rerum. Hanc porro scientiam acquireret Exorcista, si Ritualis Romani præcepta, pleraque alia in his Commentariis indicata disceret, atque observabit.

## Vitæ Integritate.

XXXII. Si quis enim, ait S. Cyprianus ad Fortunatum de exhortation. Martyr. in Præfat. dominica præcepta custodiens, & fortiter Christi vestigiis adherens contra eum steterit (nempe diabolum) vincatur necesse est, quia Christus, quem confitemur, invictus est. Quare S. Ecclesia considerans quàm necessaria sit morum integritas in Exorcistis, ut efficaciter, ac tutò suum exercere valeant officium, nedum hic, sed in ipsa ordinatione eos his verbis monet: *studete, ut sicut à corporibus aliorum demones expellitis, ita à mentibus vestris omnem immunditiam, & nequitiam ejiciatis; ne illis succumbatis, quos ab aliis vestro Ministerio efugatis. Discite post officium vestrum vitiis imperare, ne in moribus vestris aliquid sui juris*

*inimicus valeat vindicare . Tunc etenim rectè  
in aliis demonibus imperabitis , cum prius in vo-  
bis multimodam eorum nequitiam superabitis .*  
Pontific. Rom. in Ordinat. Exorcistæ.

## Non sua, sed divina fre- tus virtute.

XXXIII. Et revera Exorcistarum potestas est  
a Deo, ut ex dictis supra *num. 24.* constat, &  
rursus magis fit clarum ex Sanctis Patribus, qui  
pro certo habent inesse Exorcistis virtutem di-  
vinam. Audiatur D. Cyprianus, qui in Episto-  
la ad Demetrianum ait: *Dæmones voce humana,  
& potestate divina verbera sentiunt.* Et D. Ju-  
stinus Martyr in Dialogo cum Triphone Judæo:  
*Hodie quoque, inquit, de demonibus, illi per  
nomen Jesu Christi . . . adjurati nobis parent, ut  
inde etiam omnibus pateat, Patrem ei tantam  
dedisse potestatem, & virtutem, ut demonia no-  
mini ipsius, & passioni ejus obita functioni sub-  
jecta sint.* Et tandem, ut cæteros omittam,  
D. Gregorius Nazianzenus *carm. 61.* ait:

*Non mirum, namque sum Christi è populo  
nomen Sanctum;*

*Sæpe solum pronuntiavi, demon verò longè  
abiit*

*Stridens, renidens, & inclamans vim Alti-  
tonantis.*

## Ab omni rerum humanarum cupiditate alienus.

XXXIV. Per hoc monetur Exorcista omnem  
avaritiam fugere, hocque præcepit Christus  
Apo-

Apostolis, quibus postquam dixit: Matthæi 10. v. 8. *damones ejicite*, statim addit, *gratis accepistis gratis dare*. Et id exquisitè fuisse observatum primis Ecclesiæ Christi sæculis eruitur ex Tertulliano, in Apologetico adversus Gentes: *Qui vos, inquit, ab illis occultis & usquequaque vastantibus mentes, & valetudines vestras hostibus raperet? A demoniorum incurfibus dico, quæ de vobis sine premio, sine mercede depellimus*. Et successivè etiam a Sanctis viris legimus observatum. Apud D. Antoninum 1. part. hist. tit. 8. c. 1. §. 31. refertur de S. Cyriaco Diacono, & Martyre, quod cum filiam Saporis regis Persarum a demonio liberaasset, Rex B. Cyriaco multa dona obtulit, at ille nihil accepit, nisi panem, & aquam, quibus usus est cum sociis suis, & ait: *Gratiam Christi pretio non offerimus, sed fide æstimamus*. Apud D. Hieronymum, in Vita S. Hilarionis legimus, quod quidam Orionus nomine, qui a legione demonum possessus erat, cum a S. Hilarione curatus esset, non post multum temporis cum uxore, & liberis venit ad monasterium plurima, quasi gratiam redditurus, dona afferens; cui Sanctus: non legisti, inquit, quid Giezi, quid Simon passi sint, quorum alter accepit pretium, alter obtulit, ut ille venderet gratiam Spiritus Sancti, hic mercaretur? Cumque Orionus flens diceret accipe, & da pauperibus, respondit: Tu melius potes tua distribuere.... Noli contristari fili, quod facio pro me; & pro te facio; si enim hæc accepero, & ego ostendam Deum, & ad te legio revertetur. In Vita S. Donati Euroæ Episcopi, 30. Aprilis, legitur: Filiam Theodosii Imperatoris a dæmone liberaffe, ipsique dixisse Imperatorem: Quod si illam curaveris, semissem ex omnibus ejus



„ opibus , præmii loco , reportabis . . . Impera-  
 „ tore dein promissa Episcopo offerente , nihil  
 „ auri Sanctus admisit , sed cum piis ipsorum  
 „ affectum cerneret , petivit locum ; . . . . in  
 „ quo Templum sibi liceret condere . „ In Vita  
 S. Hypatii Abbatis *cap. 3. 17.* Junii habemus ,  
 quod cum liberasset quemdam , Urbicium no-  
 mine , a præstigiis dæmonum , sanctus veniens , ...  
 „ gratiasque agens famulo Dei Hypatio . . . .  
 „ obtulit ei quoque mercedem , quam ille non  
 „ acceptavit : „ Et tandem in Vita Sancti Deo-  
 dati Episcopi Nolani , 17. Junii narratur , hunc  
 Sanctum filiam Valentiniani Imperatoris a dæ-  
 mone liberasse , & munera rejecisse : „ Restituta  
 „ itaque puella saluti , voluit Imperator S. Deo-  
 „ datum suis ditare divitiis , quas constanti ipse  
 „ respuit animo , lautiores se asserens habere the-  
 „ sauros . „ Hinc S. Carolus in Concilio Medio-  
 lanensi IV. statuit : *In hoc exorcizandi mune-*  
*re ejus occasione , non modo questum fugiat , sed*  
*ne doni , aut muneris quidquam vel minimum*  
*capiat Exorcista .*

## Constanter .

XXXV. Cum virtus constantiæ nihil aliud  
 sit , quam *stabilitas animi firma , & in propo-*  
*sito perseverans* , ex D. Petro Cœlestino *opusc. 1.*  
*part. 5. cap. 3.* in Biblioth. PP. *tom. 25.* requiritur  
 in Exorcista hæc firma , & perseverans stabilitas  
 usque ad illius consummationem ; nam sine ipsa  
 virtute , *nec qui pugnat victoriam , nec palmam*  
*victor consequitur* , ut ait S. Bernardus *Epist. 129.*  
 ad Januenses . Quare Exorcista debet esse con-  
 stans , & patiens nedum in instruendo , ac  
 disponendo obfesso , sed etiam in sustinendis in-  
 sultibus , injuriis , calumniis , quibus interdum  
 a damo-

a dæmone, Deo permittente impetitur, exem-  
 plo Sanctorum Patrum. De S. Theodoro Ar-  
 chimandrita narrat Gregorius Presbyter in ejus  
 Vita, quod „ cum ad diem constitutam ve-  
 „ nisset puella annis 28. obsessa, & virum San-  
 „ ctum aspiceret dæmonium in illa turbatum,  
 „ clamare cœpit; & virum Sanctum detestari:  
 „ Ovis inquiensque nunc adversum nos a spu-  
 „ rio, & scorio proficiscitur! At servus Dei  
 „ Theodorus ipsi signo Crucis increpuit, & di-  
 „ xit: Quamvis meretricis sim filius; ut ais,  
 „ tamen ad gloriam filii Dei, & Domini nostri  
 „ Jesu Christi præcipio tibi in nomine ejus, ut  
 „ recedas ab hac muliere; nec amplius illam  
 „ ingrediaris: Dæmon autem magnâ voce di-  
 „ xit: jussa tua quidem faciam, & egrediar. „  
 De S. Bernardo Claravallensi Abbate refert Ar-  
 naldus Abbas Bonavallensis *lib. 2. cap. 3.* ejus Vitæ;  
 quod „ inter eos qui vexabantur, mulier gran-  
 „ dæva, in cujus pectore pluribus annis diabo-  
 „ lus federat, & jam ita suffocaverat eam ut  
 „ visu, & auditu, & verbo privata videretur.  
 „ Conversus Bernardus ad populum orare ju-  
 „ bet attentius, & mulierem ibidem (*scilicet ad*  
 „ *Altare*) jubet constitui; illa verò reluctans,  
 „ & vi diabolica, non naturali virtute recalci-  
 „ trans, non sine aliorum injuria, ipsum Abba-  
 „ tem pede percussit. Quem diaboli ausum man-  
 „ suetè ille contempsit, & in ejus expulsionem  
 „ Deum invocat adiutorem, & ad immolationem  
 „ hostiæ accedit... Malignus quoties adversus  
 „ eum signum Crucis intenditur percussum se  
 „ indicans acrius sævit, & recalcitrans contra  
 „ stimulum, quidnam toleret prodit invitus. „  
 Tandem in Vita S. Norberti Magdeburgensis  
 Episcopi *cap. 8.* refertur, quod cum ad Sanctum  
 adducta fuisset puella a dæmone obsessa, „ sto-

„ la, & Alba indutus exorcismum agere aggressus est.... Tunc illa iniecit manum ad stolam ejus, ut proximè collum ejus adstringeret. Cumque hi, qui aderant, vellent manus dimovere: Nolite, inquit, permittite illam. Si accepit a Deo potestatem, faciat quod potest. Tunc verò ejus audacia hoc verbo percussa, tanquam reverentiam exhibens, manus spontè relaxavit. Ubi vides, quod propter hæc exorcismis, & liberatione vexati non destiterunt sancti, sed constantes, & perseverantes usque in finem fuerunt.

## Et humiliter exequatur.

XXXVI. Hugo Rothomagensis Archiepiscopus lib. 2. *contra Hæreticos sui temporis*, in *Biblioth. PP. tom. 22.* Exorcistas ad exequendum suum ministerium cum humilitate his verbis hortatur cap. 6. *Apparet in hoc* (scilicet in officio exorcizandi) *Spiritus scientia, ne hoc sibi attribuant, ne inde superbiant, sed sci-ant quid fuerint per naturam, quid meruerint per culpam, & quid ipsi ab Episcopo consecrati, possint facere per gratiam. Sunt Beati, qui lugent suos, in quibus ante fuerant a bono defectus, ad mala proplapsus, sed consolatur in Domino Jesu Christo, qui eos a malis eruit, & Imperatores super satanam, ad propellendam ejus nequitiam potenter effecit. Bene igitur isti primum pro se ipsis, misericordia superna redemptis, deinde pro illis, quos potestate a Deo collocata eruunt a demonum nequitiiis humiliantur sub potenti manu Dei, dicentes voce supplici: Dimitte nobis debita nostra, sicut & nos dimittimus debitoribus nostris. In hoc Spiritus scientia ei presta est, quod licet pro of-  
ficio*



ficio sint Imperatores, sciunt tamen pro fragilitate sua se esse peccatores.

XXXVII. Hanc virtutem efficacem esse ad dæmonem expellendum docet nos exemplum Sancti Nicetii Episcopi Trevirensis, qui ut narrat S. Gregorius Turonensis, in ejus Vita, ut coram multitudine energumenum liberaret, " sub vestimento suo, propter jactantiam evitandam, scilicet, faciens crucem contra dæmonem, relaxari præcepit, qui protinus corruens, .... sanus erectus est &c. insuper nos docet id quod narrat S. Nilus Abbas *tract. de vitiis ad Eulogium, cap. 26. in Biblioth. PP. tom. 27.* Quidam, ait, probatissimorum movens sermonem de humilitate, & istud significavit; inquit nimirum, quod Pater eorum, qui valde erant probati ab homine, quem dæmon corripuerat, qui, que graviter insaniebat, in maxilla percussus, statim alternans, & aliam paratam proposuit; ille verò velut a fulgure humilitatis percussus, & clamans, confestim a creatura illa defiliit.

XXXVIII. Sed humilitatem efficacius forte Exorcistis suadebit exemplum subsequens ex Vita S. Joannis Gualberti *part. 14. desumptum, 12. Julii*, de Senarum partibus mulier ad S. Mariæ de Valle-Umbrosa monasterium ducta est, cui dæmoni, qui eam invaserat, dum Dominus benedictus, qui postea S. Mariæ de Cuneo monasterio præfuit, more suo, temerè & inconsideratè contumeliosa, & convitiis plena verba daret (ita ut quandoque fit ab imperitis, dum ipsi dæmones interrogati, moram longam in respondendo faciunt) hoc videlicet ita sibi infulse, & ineptè, & temerariè conjurationem, & exprobrationem fieri, dæmon agerrimè ferens, tandem vultu truci, terribi.

„ ribilibusque oculis se in eum Benedictum con-  
 „ vertens, inquit: O omnium Monachorum pe-  
 „ stiferè, omniumque stultorum stultissime,  
 „ quid tibi vis? Quorsumnam hæc tua fatuitas,  
 „ me parum consideratè absque ulla supplicatio-  
 „ ne, seu devotione arguere, corripere, &  
 „ conjurare audeas? Agitur ne sic o omnium in-  
 „ sanissime, an quadam cum religione, & timo-  
 „ re? Abi, quo dignus es, in crucem tuam, ....  
 „ & si tua solita improbitate perrexeris scelera-  
 „ tissime, tua coram omnibus pandam vitia .....  
 „ Benedictus igitur ille Monachus, quem ma-  
 „ larum rerum conscientia fortè instigabat, non  
 „ parvo timore correptus, veritus pejora, si  
 „ pergeret, timens, pavens, in Monasterium  
 „ concessit. Cui officio Monachus, qui succe-  
 „ debat, his, quæ dæmon in eum maledixerat  
 „ cognitis, scelera sua in primis alteri ex Sacer-  
 „ dotibus Monachis devotè aperiens, & acti,  
 „ quæ sibi injuncta fuerat, pœnitentia, illuc,  
 „ ubi dæmon erat concedens dimisso vultu, &  
 „ voce supplici, dæmoni, ut exiret, in nomi-  
 „ ne Domini Jesu, & gloriosæ semperque Vir-  
 „ ginis Mariæ meritis, & S. Joannis imperare.  
 „ Cui dæmon: Istud est sapere: ita nos, ut tu,  
 „ in Dei virtute, & submissè conjurare, non ut  
 „ ille insanus paulò ante verbis tumidis, incon-  
 „ cinnaque voce exclamare, & superba, & mi-  
 „ nimè hoc in loco, & tali in officio condecen-  
 „ tia proferre. Eum profecto, ni fallor, ita  
 „ castigatum, ita mansuetum reddidi, ut post-  
 „ hac facilè perspiciet qua cum reverentia, &  
 „ religione divina omnia a mortalibus peragen-  
 „ da sint,” & postea a corpore vexati abscellit.  
 Unde scite Concilium Mediolanense IV. sub S.  
 Carolo monuit Exorcistam: *Magna cum humili-  
 tate .... memor potestatis, quam a Domino acce-  
 pit*

pit expellendi daemones, ad id munus obeundum accedat.

XXXIX. At non solum Exorcistæ convenit humilitas in adjurationis actu, sed etiam est necessaria ipsi post dæmonis expulsionem, ut colligitur ex Luca cap. 10. ubi cum Christus vidisset discipulos gaudentes de victoria supra dæmonibus, & dicentes, v. 17. *Domine etiam demonia subji- ciuntur nobis in nomine tuo*, eos reprehendit dicens, v. 20. *In hoc nolite gaudere, quia spiritus subjiciuntur vobis &c.* Hinc S. Antonius Abbas, referente D. Athanasio in ejus Vita, ajebat: *neque verò ejectione demonum est gloriandum, .... neque eum, qui daemones expellit solum admirari, neque eum, qui idem nequit, aspernari debemus ....* Signa enim facere non nostrum, sed Domini Servatoris opus est: Ideò dixit Discipulis: *in hoc nolite gaudere, quia spiritus vobis subjiciuntur, gaudete autem, quod nomina vestra scripta sunt in Cælis.* Et S. Joannes Chrysostomus homil. 48. in cap. 13. Matth. ait: *Multi enim, qui daemones ejecerunt, ob improbam ipsorum vitam haudquaquam clari evaserunt, sed etiam suppliciis affecti sunt.* Cui consonat S. Aug. lib. 2. contra litteras Petiliani c. 55. inquiens: *Nam de exclusionem demonum, & de potentia miraculorum, quoniam plerique talia non faciunt, & tamen ad regnum Dei pertinent, plerique autem faciunt & non pertinent, nec nostri, nec vestri debent gloriari, si qui fortè ista possunt: Quandoquidem, nec Apostolos, qui vere ista salubriter, atque utiliter poterant, voluit Dominus gaudere de talibus, quando eis ait: nolite gaudere &c.* Quare cum S. Philippus Presbyter Agyriensis laudaretur a S. Eusebio Monacho ob expulsionem dæmonum factam, respondit humiliter: *Sit nomen Domini benedictum, frater, qui gratis miseretur,*  
& sal-



& *salvat Mundum totum*, quia nos omnes cum  
*simus peccatores nihil boni facientes*, quod di-  
*gnum ejus gloria offerri a nobis queat*, aut *aqua-*  
*le beneficiis ejus*, *perpetua in nos gratia sua do-*  
*na derivat*. In ejus Vita cap. 3. 12. Maii.

Hunc præterea maturæ  
 ætatis esse decet.

XL. Recole dicta supra in Comment. hujus  
 primi Documenti num. 1. & seqq.

Non solum Officio, sed etiam  
 morum gravitate reverendum.

XLI. Id est, exigat, & quodammodo ad se tra-  
 hat officio, & moribus, tum vexati, tum alio-  
 rum debitum honorificationis cultum: Officio  
 quidem, cum hujus potestas a Deo sit, divi-  
 na sit ex dictis num. 24. & 33. & Exorcistæ impe-  
 rium super satanam habeant. Moribus etiam re-  
 verendus erit, *si pietate, prudentia, Vitæ inte-*  
*gritate, constanter, humiliter &c.* ut tradit Ri-  
 tuale nostrum, obsessos adjurabit. Talem fuisse  
 quendam nomine Cardamam, paucis complecti-  
 tur verbis S. Paulinus Nolanus, Epist. 24.  
 quæst. 5. ad Amandum Episcopum. *Prorsus*, in-  
 quit, *per omnia Cardamas nobis tam bellus ap-*  
*paruit, ut Clericum probabilem* ( En Cardamas  
 morum gravitate, & bonitate reverendus ) &  
*exorcistam demonibus terribilem videremus*.  
 ( Ecce eundem pariter officio reverendum. )



## DOCUMENTUM II.

**U**T igitur suo munere recte fungatur, cum alia multa sibi utilia documenta, quæ brevitatis gratia hoc loco prætermittuntur, ex probatis Auctoribus, & ex usu nosse studeat, tum hæc pauca magis necessaria diligenter observabit.

### S U M M A R I U M.

1. **M**otivum sequentis Commentarii adducitur.
2. Illicitum est Exorcista uti fictionibus ad probandos obsessos.
3. Non est licitum eidem, querere a damone per quem sit expellendus, vel quinam sit ejus major inimicus in cælo.
4. Illicitum pariter est querere a damone locum, in quo sit egressurus.
5. Non licet Exorcista energumenum alapis, flagellis &c. vexare.
6. Exorcista non licet imperare demoni sub pœna Excommunicationis.
7. Vel per terminos judicarios.
8. Sicut nec conveniens imponere demonibus obsidentibus nomina irrisoria, aut eadem in charta scribere, & comburere.

9. Illi-

9. *Illicitum similiter est eradere pilos, & capillos damoniaci.*
10. *Non est licitum precipere demoni superiori, ut inferiorem pellat, quamvis eidem precipi possit, ut cum aliis exeat:*
11. *Neque imperare, ut in infernum, vel desertum, aut alibi abeat.*
12. *Et tandem non est licitum connivere damoni petenti rem iniquam.*
13. *Hac regula ultima clarius explicatur.*
14. *Plures alia regula indicantur remissive.*

### COMMENTARIUM.

I. **I**N toto isto Documento nihil esset, quod illustratione indigeret, cum potius introductio sit ad sequentia, Exorcistamque ad probatos remittat auctores. Verum, ut scriptores hac de re agentes Exorcista in offenso decurrat pede, usumque ab abusu discernat, quasdam regulas hic appositè dabimus, ut harum ductu, quæ præsertim reprobare debeat, in Auctoribus perlegendis facile dignoscat. Sit igitur

II. Regula prima illicitum est Exorcistè uti fictionibus ad probandum an quis verè sit obsessus: exempli causa, adhibere ossa bruti, vel hominis demortui, quasi essent sacra reliquiae: vel librum prophanum capiti energumeni superimponere, ac si esset Exorcismorum liber, vel Evangeliorum, & his similia excogitare, quibus si forte obsessus perturbetur, & molestiam aliquam præferat, opinantur aliqui evidenter colligere, omne ejus malum esse fictum, & a phantasia procedere. Ratio hujus nostræ regulæ est, quia dedecet Ministros Christi, & Ecclesiæ, quibus inest virtus terrendi damones, uti



uti fraudibus, & mendaciis. Deinde dæmon, qui optimè novit, quomodo res se habeat, facile potest fraudem fraude eludere; nempe latere, aut fingere se valde torqueri applicatione, & contactu ementitarum rerum sacrarum, ne vexatus, & circumstantes confugiant amplius ad remedia salutaria Ecclesiæ, & existiment malum diabolicum esse malum imaginarium.

III. Regula secunda. Non est licitum, quærere a dæmone per quam personam, vel per quem Sanctum sit expellendus. Ratio est, quia hoc esset assumere sibi dæmonem in magistrum. Insuper fateretur Exorcista suam auctoritatem a Christo, & ab Ecclesiâ acceptam, se ignorare, cum hæc sit in Nomine Jesu ad dæmonem expellendum. Similiter non est licitum quærere a dæmone quinam sint magis sui inimici in cælo, quia hæc interrogatio esset injuriosa sanctis, cum quilibet sit sufficientissimus ex meritis suis liberationem a Deo impetrare a dæmoniaca vexatione obsessis.

IV. Regula tertia. Illicitum est quærere a dæmone locum, in quo sit egressurus. Ratio est, quia potestas dæmones expellendi non pendet a loco, sed a Deo. Potest quidem unus locus, præcipuè sacer, præ alio in Exorcista, vel obfesso majorem devotionem, fiduciamve exercitare, sed non est interrogandus dæmon ut ipse eligat, sed ab Exorcista est deputandus; sic. namque esset se laqueis dæmonis capiendum exponere.

V. Regula quarta. Non licet Exorcistæ engumenum alapis, flagellis, sputis, & similibus vexare, & opprobriis dehonestare, nam si hæc adhibeantur, quia creditur habere aliquam virtutem directe in dæmonibus cruciandos, & affligendos, quia sic superstitionem saperet; licitum tamen aliquando erit, si adhibeantur

(mo-

(moderatè, & cum prudentia) in dæmonis contumeliam; at nunquam licebit rerum immundarum, ut stercoreis, unguium, cornuum fumo obsessos fatigare, quia indecens est etiam in contumeliam, his uti rebus.

VI. Regula quinta. Non licet imperare dæmoni sub pœna excommunicationis, quia excommunicatio fertur propter delicti emendationem, & animæ salutem. Insuper non est capax dæmon hujus censuræ, cum sit extra Ecclesiam. Et tandem esset sacras censuras derisioni diabolicæ exponere, quod quàm injuriosum sit ipsi Ecclesiæ; nemo non videt.

VII. Regula sexta. Neque licitum est Exorcistæ uti metodo, & terminis judiciariis, præcipiendo dæmoni, ut nunc exeat, & iterum tali die se judicio sistat ad reddendam rationem cur tale corpus obsederit. Ratio est, quia Exorcista non est judex dæmonis, neque lis intentatur cum dæmone.

VIII. Regula septima. Non est conveniens quod Exorcista imponat aliqua nomina irrisoria dæmonibus obidentibus, ut exempli causa, si unus vocetur stabularius, alter pistor Beelzebub, alius coquus Acherontis &c. quia his auditis, adstantes in risum converterentur, & spectaculum lacrymis dignum, atque ad Orationem & compunctionem provocativum, fieret jocorum, & cachinnorum occasio, quod valde optant dæmones, & non solet res feliciter cedere his facetiis, & nugis. Nec unquam legimus, his epitetis Sanctos usos fuisse, sed verbis durioribus quidem, quibus pariter utitur Rituale nostrum, non propterea irrisoriis. Eadem ratione illicitum cenfeo nomen scribere, vel imaginem pingere dæmonis in charta, & deinde flammis tradere.

IX. Regula octava. Non est licitum radere pilos, & capillos dæmoniaci ad expulsionem dæmonis, quia hoc superstitiosum prorsus videtur, nihilque ad finem intentum conducit.

X. Regula nona. Non est licitum Exorcistæ præcipere dæmoni superiori, ut inferiorem pellat. Ratio est, quia vel dæmon superior est extra corpus, & hoc esset habere cum dæmone societatem, ab eoque beneficium petere, contra id, quod dicit Apostolus 1. Corinth. cap. 10. v. 20. *Nolo vos socios fieri dæmoniorum*, vel dæmon superior est simul cum inferiore in corpore obsessi, & hoc pariter illicitum esset, quia hoc non esset expellere dæmonem inferiorem, seu dæmones inferiores, sed dæmon superior esset, qui alios expelleret; quod similiter esset beneficium a diabolo petere. Et alia utriusque partis regulæ ratio esse potest, quia vel virtus exorcismorum est sufficiens ad superiores dæmones fugandos, vel non? Si non, derogatur Ecclesiæ, & Christi potestati; si est sufficiens, ad quid postulatur a dæmone superiore, quod inferiorem expellat? Potest tamen præcipi dæmoni superiori, ut perfectè exeat cum omnibus satellitibus suis, quia tunc non solum ipsi, sed omnibus expulsio præcipitur.

XI. Regula decima. Non est licitum Exorcistæ præcipere dæmoni, ut in Infernum abeat, vel in desertum, neque inde recedat; vel in stagnum ignis per annos mille. Ratio est, quia a Christo data solum est potestas ad dæmones ejiciendos, non ad terminum ejectionis, & quamvis Asmodeus, qui Saram obsidebat religatus fuerit *in deserto superioris Egypti*, ut dicitur Tobia 8. v. 3. & Apocalypsis 20. v. 2. dicatur, quod Angelus apprehendit draconem, serpentem antiquum, qui est diabolus, & satanas, & li-



gavit eum per annos mille, & misit eum in abyssum; & v. 9. & diabolus... missus est in stagnum ignis, & sulphuris. Et iterum v. 14. & infernus, & mors missi sunt in stagnum ignis, tandemque id aliquando Sancti fecerint: Tamen magnum intercedit discrimen inter hos, & Exorcistas; huiusmodi enim Angeli si erant superiores, naturali virtute poterant hoc facere: si inferiores, hoc præstiterunt potestate divina, sicut & reliqui Sancti, qui ad hoc specialiter fuisse inspiratos credendum est.

XII. Regula undecima. Non est licitum connivere petitioni dæmonis ab obsessi corpore egressuri, quando rem iniquam petit, vel contra Dei honorem, vel in hominum perniciem; quia honor Dei omnibus aliis rebus præferendus est: & quia ex charitate tenemur salutem proximi providere. Hinc si petant dæmones aliquem alium hominem vexare, aut ad alios transire, audiendi non sunt: & quamvis Deus concesserit diabolo exoptanti Job affligere, hoc suum desiderium, ut dicitur Job v. 12. *dixit Dominus ad Satan: Ecce universa, quæ habet in manu tua sunt.* Et Matthæi 8. v. 31. permiserit Christus dæmones in gregem porcorum intrare. *Dæmones autem, legitur, rogabant eum dicentes: si ejicis nos hinc, mitte nos in gregem porcorum.* Et ait illis: *Ite.* Et tandem Paulus 1. Corinth. cap. 5. Corinthium quemdam satanæ tradiderit, sicut Hymenæum, & Alexandrum 1. ad Timoth. cap. 1. v. 20. tamen, his Deus talem potestatem specialiter concessit tam super homines, quam super dæmones, quod nunc in Exorcistis non contingit.

XIII. Scio aliquos Doctores asserere, quod aliquando licebit dæmonibus annuere ingressum in alios homines quadruplici concurrente conditione. Prima, ut his, quem dæmon obsessurus est, sit

*De Exorcizandis Obsessis.*      115

sit pessimus, & eo supplitio dignus. Secunda, ut adjurans habeat imperium in eum, quem dæmoni traditurus est, atque potestatem in ipsum dæmonem, summumque jus ipsum expellendi quodocunque libuerit. Tertia ut adsit boni majoris spes. Quarta ut absit voluntas placendi dæmoni, sed id tantum fiat utendo ipso tanquam lictore, & carnifice. Sed nec etiam cum his conditionibus licebit: nam prima quoad secundam partem cuiuslibet Exorcistæ prorsus est ignota, seclusa divina revelatione. Secunda nunquam adesse potest in puro homine, qualis est Exorcista. Tertia est friyola, cum non sint facienda mala ut eveniat bona. Quarta tandem non sanat malitiam hujus actionis.

XIV. Plures aliæ regulæ tum positivæ, tum negativæ, habentur in toto hoc Opere, & præcipuè in Commentariis tituli *usque ad num. 17. inclusivè*, Documenti IV. *num. 2. & seqq.* Documenti V. *num. 5. 8. 9. &c. & num. 31. & seqq.* Docum. VI. *num. 1. & seqq.* Documentii VIII. *num. 57.* Docum. IX. *num. 1.* Docum. X. *num. 1. 2. 3. 4. 19. & 20.* & Docum. XV. *num. 8. usque ad 25.* quibus Exorcista facile discet quid cavendum, quidve sequendum in Auctoribus perlegendis.



## DOCUMENTUM III.

**I**N primis ne facile credat, aliquem a dæmone obsessum esse, sed nota habeat ea signa, quibus obsessus dignoscitur ab iis, qui vel atrabile, vel morbo aliquo laborant. Signa autem obsidentis dæmonis sunt: ignota lingua loqui pluribus verbis, vel loquentem intelligere. Distantia, & occulta patefacere. Vires supra ætatis, seu conditionis naturam ostendere, & id genus alia, quæ cum plurima concurrunt, majora sunt indicia.

## S U M M A R I U M.

1. **P**ures videntur obsessi, qui revera non sunt.
2. In fictos obsessos pœna statuta fuerunt a Concilio Trullano.
3. Quanam sint hæ pœna explicatur, usque ad num. 5.
6. Signa obsessionis alia sunt probabilia, alia evidentialia.

7. Pri-



7. Primum signum evidens explicatur.
8. Explicatur, quomodo daemon possit cognoscere occulta. Usque ad num. 12
13. Iterum divisio signorum recensetur.
14. Enumerantur signa certa.
15. Item signa probabilia;
16. Et signa particularia pro infantibus indicantur.

## COMMENTARIUM.

In primis ne facile credat aliquem a damone obsessum esse.

I. **S**. Philippus Nerijs aiebat: in hac re haud facile credendum esse; quandoquidem inusitati quidam effectus saepe non ex damone, sed ex morbis melancholicis, capitis debilitate, aliisque huiusmodi proveniunt; in fœminis verò, ex vehementi phantasmatum impressione aliisque tum animi, tum corporis agitudinibus; non raro etiam ex malignitate, qua se se ob varias causas à damone obsessas simulant.... Has igitur ob causas vir sanctus suos in spiritu filios admonerat in hac re ne facile crederent, inquit, Hieronymus Bernabeus in ejus Vita, penes Bollandianos Scriptores die 26. Maii.

II. Et longè prius huiusmodi fictos dæmoniacos agnoverunt Patres Synodi Trullanæ, anno Christi 692. celebratæ, qui contra eos hæc statuerunt can. 60. Eos, qui se à damone correptos esse simulant, & morum improbitate eorum figuram, & habitum simulatè præferunt, visum est omni modo puniri, & huiusmodi afflictionibus, laboribusque eos subjici oportere, quibus iis, qui verè a damone correpti sunt, ut

a demonis operatione liberentur, jure subji-  
ciuntur.

III. Quanam autem sint pœnæ, afflictiones, labores, quibus subiciebantur veri energumeni hic indicamus, ad majorem hujus canonis intelligentiam. Et primò incipiemus a pœnis spiritualibus. In primis energumenorum nomina ad Altare non recitabantur *Energumenum*, inquit Concilium Illiberitanum, anno 305. celebratum can. 29. *qui ab erratico spiritu exagitur, hujus nomen neque ad Altare cum oblatione recitandum; neque permittendum ut sua manu in Ecclesia ministret.* Secundo, energumeni sunt irregulares, nec ad Ordines Ecclesiasticos admitti debent: Clerici, qui in adolescentia a demonibus cognoscuntur obsessi ad superiorem Sacri regiminis gradum ascendere non possunt, inquit Auctor Libri de Ecclesiasticis Dogmatibus, qui inter Opera D. Augustini extat. Concil. Nicenum primum Can. 1. juxta translationem ex Arabico P. Francisci Turriani, penes Labbeum tom. 2. Concilior. *Jubemus, decernit, ut daemoniacus non possit admitti ad Clerum.* Et contravenientes his sanctionibus, fuerant a Deo puniti, ut de quodam Clerico, qui ad Ordines ascendit, quamvis a damone liberato, narrat D. Gregorius lib. 2. *Dialogor. cap. 16.* „ Eodem quoque „ tempore, inquit Magnus Pontifex, quidam „ Aquiensis Ecclesiæ Clericus, damonio vexaba- „ tur, qui a venerabili viro Constantio ejusdem „ Ecclesiæ Antistite per multa fuerat Martyrum „ loca transmissus, ut sanari potuisset: sed San- „ cti Dei Martyres noluerunt ei sanitatis donum „ tribuere, ut quanta esset in Benedicto gratia „ demonstrarent. Ductus itaque est ad omnipo- „ tentis Dei famulum Benedictum, qui Jesu „ Christo Domino preces fundens, antiquum „ hostem

„ hostem de obsessio homine protinus expulit :  
 „ Cui sanato præcepit dicens : Vade ; & post-  
 „ hac carnem ne comedas ; & ad sacrum Or-  
 „ dinem nunquam accedere præsumas . Qua-  
 „ cunque autem die ad sacrum Ordinem acce-  
 „ dere præsumpseris , statim juri diaboli iterum  
 „ mancipaveris . Discessit igitur Clericus sanus ;  
 „ & sicut terrere solet animum poena recens ;  
 „ ea quæ vir Dei præceperat interim custodi-  
 „ vit . Cum vero post annos plurimos omnes  
 „ priores illius de hac vita migrassent , & mi-  
 „ nores suos sibimet superponi in Sacris Ordi-  
 „ nibus cerneret , verba viri Dei , quasi ex lon-  
 „ go tempore oblitus ; postposuit , atque ad Sa-  
 „ crum Ordinem accessit ; quem mox is , qui  
 „ reliquerat diabolus tenuit , eumque vexare  
 „ quousque animam ejus excuteret , non ces-  
 „ savit . „

IV. Imo Concilium Arauxicanum , non solum  
 energumenum fieri Clericum vetuit , sed jam fa-  
 ctum deponi jussit Canone 16. *Energumeni* , ait ,  
*non solum non assumendi sunt ad ullum Ordinem*  
*Clericatus , sed & illi , qui ordinati jam sunt ab*  
*imposito Officio sunt repellendi .* Hanc autem di-  
 sciplinam mitiorem reddidit Concil. Toletanum  
 XI. can. 13. ubi hæc habet : *Communiter definimus ,*  
*ut nullus de his , qui aut in terram arrepti a*  
*dæmonibus eliduntur ; aut quolibet modo vexa-*  
*tionis incurfibus efferuntur ; vel sacris audeant*  
*altaribus ministrare ; vel indiscusse se ingerant*  
*Sacramentis divinis , exceptis illis , qui corpo-*  
*ris incommoditatibus dediti , sine hujusmodi pas-*  
*sionibus in terram probantur elisi , qui tamen ,*  
*& ipsi tamdiu erunt ab officii sui ordine , & lo-*  
*cò suspensi , quousque unius anni spatio per di-*  
*cretionem Episcopi inveniantur ab incurfu dæ-*  
*monum liberati .* Cui consonat Decretum 19. Ge.



lasi, in Epistola ad Episcopos Lucaniæ. Nec non canon. 78. Apostolorum. *Si quis demonem habeat, ne fiat Clericus, seu neque cum fidelibus precetur; purgatus autem recipiatur, & si sit dignus, fiat.*

V. Loquendo verò de pœnis corporalibus, olim energumeni cogebantur pavimenta Ecclesiæ verrere. *Pavimenta*, inquit Concilium Carthaginense IV. canon. 91. *domorum Dei energumeni verrant.* Et Canone 92. victum a Clericis recipere quotidianum debeant, & in Ecclesiis continuam moram facere: *Energumenis, in domo Dei assidentibus, victus quotidianus per Exorcistas opportuno tempore ministretur.* Utinam & nunc vigerent omnia hæc: sic enim fieret, ut plures dæmoniaci ficti è medio tollerentur. Et pro scæminis sæpè fictè energumenis debita pœna esset illa, quam interdum consulit S. Philippus Neri, nempè *dira flagellatio*, ut legitur in ejus Vita, penes Bollandianos *loco citato num. 1.*

### Sed nota habeat signa.

VI. In duplici differentia sunt obsessionis diabolicæ. Quædam tantum sunt probabilia, quædam verò evidentia, ut infra videbimus *num. 13. & 14.*

Signa autem obsidentis dæmonis sunt: ignota lingua loqui pluribus verbis, vel loquentem intelligere.

VII. Hoc signum, sicut & sequentia duo a Rituali Nostro adducta sunt certa, & evidentia.

rias Primum intelligi debet de aliquo rudi, &  
 ignotæ linguæ prorsus ignaro, nec sufficit ut  
 solum unum, vel alterum verbum proferat,  
 sed pluribus verbis loqui debet, ut evidens si-  
 gnum dici possit. Hoc signum dederunt quæ-  
 dam energumena liberata ad intercessionem  
 Sancti Philippi Agvriensis Presbyteri: legitur  
 enim in Collectione suorum miraculorum pe-  
 nes Bollandianos in *Commentario prævio ad Vi-  
 tam Sancti, die 12. Maii* inter has, „ Græcè quas-  
 „ dam, plures Latine, Saracenicè alias loqui  
 „ ita perfectè, ut nihil purius ab expertissimo  
 „ quoque in suo genere proferri possit, „ sic ener-  
 gumena illa, quam apud Vagellum exorcizavit  
 S. Norbertus tale signum dedit; nam, „ dæmon  
 „ irridens, Cantica Canticorum a principio usque  
 „ in finem per os puellæ dedit, & de verbo ad  
 „ verbum in Romana, deinde in Teutonica lin-  
 „ gua interpretatus est, ut refert D. Antoninus  
 2. *par. Hist. tit. 17. cap. 1. §. 3.* Einhardus *lib. 3. cap. 13.*  
 penes Baron. *ad annum 828. num. 29. & 31.* nar-  
 rat quod „ Puella quædam annorum circiter  
 „ sexdecim, ab erratico spiritu possessa ad Ba-  
 „ silicam Martyrum (*nempe SS. Petri, & Mar-*  
 „ *cellini*) a parentibus adducta est, quæ cum  
 „ ante tumbam Sacra Corpora continentem ve-  
 „ nisset, & Presbyter super caput ejus exorcis-  
 „ mum, secundum consuetudinem perlegisset,  
 „ ac deinde dæmonem qualiter, & quando in  
 „ eam fuisset ingressus percontari cœpisset, non  
 „ barbarica lingua, quam sola puella noverat,  
 „ sed Romana locutione Presbytero respondit.  
 „ Cumque Presbyter miraretur, (*non mirarer*  
 „ *plane ego*) atque interrogaret, unde illi latinæ  
 „ linguæ notitia cum parentes ejus, qui ibi præ-  
 „ sentes adstabant hujuscemodi sermonem peni-  
 „ tus ignorarent.... Ego, ait, sum satelles, & di-  
 scipu-

„ scipulus satanae &c. .... nec post exactum a se  
 „ dæmonem latine loqui potuit, ut palam posset  
 „ intelligi non illam per se, sed dæmonium per  
 „ os ejus fuisse locutum. ” Similiter: ” Cathari-  
 „ na quædam puella, Aversa Campaniæ urbe,  
 „ Romam eo nomine perducta est, ut ab ea  
 „ dæmonium suis precibus meritisque Philip-  
 „ pus ejiceret. Hæc porro cum nullas litteras  
 „ didicisset, tamen Græcè, ac Latine loqueba-  
 „ tur, quasi in Scholis diu exercuisset. Præter-  
 „ ea ejus corpori tantum roboris accesserat,  
 „ ut multorum, vel fortium, ac robustorum  
 „ manibus teneri non posset. Quoties verò Bea-  
 „ tus Pater eam ad se perducere juberet quamvis  
 „ longè abesset, statim præsentiebat, ajebatque:  
 „ Nunc Presbyter ille me accersit .... Igitur  
 „ quadam die .... Philippus parentum calamita-  
 „ ti, & puellæ compatiens .... orationi se de-  
 „ didit, eodemque momento ab immundis spiri-  
 „ tibus liberam se sensit. „ ut refert P. Berna-  
 „ beus in Vita S. Philippi Nerii *cap. 31. penes Bol-*  
 „ landianos *tom. 6. die 26. Maii.* Ubi vides, hanc  
 „ mulierem tria evidentiæ signa a Rituali nostro  
 „ enumerata dedisse, quia scilicet *ignota lingua*  
 „ locuta est: *distantia*, & *occulta* patefecit, &  
 „ *vires supra ætatis*, & *conditionis naturam* osten-  
 „ dit. Frequens est in Sacra Historia hujusmodi  
 „ signa legere, dum de obsessis sermo occurrit;  
 „ verum in secundo signo parumper est immo-  
 „ randum, ut ejus genuina significatio percipia-  
 „ tur.

## Distantia, & occulta patefacere.

VIII. Intellige de rebus occultis, quidem, sed  
 externis, & opere consummatis, sive externo ali-  
 quo signo indicatis: nam occulta interna, ut sunt  
 occul-



occultæ cordis cogitationes, dæmon cognoscere nequit, sicut nec Angeli boni; hoc enim solius Dei est proprium, ut ex sacris paginis colligitur, & præcipuè 3. Regum cap. 8. v. 39. ubi dicitur: *Tu nosti solus cor omnium filiorum hominum*. Ecclesiastici 24. v. 18. *Abyssum, & cor hominum investigavit*. Jeremiæ 17. v. 9. & 10. *pravam est cor omnium, & inscrutabile: quis cognoscet illud? Ego Dominus scrutans cor, & probans renes*. Quasi dicat, subinfert solemnis noster Doctor Henricus Gandavenfis quod liberto 3. quæst. 13. & non alius: non ergo dæmones; & in Psalmo 43. v. 22. *Ipse enim novit abscondita cordis*; unde nec Angelis bonis datum est; ut de malis testatur Augustinus Serm. 91. de Verbis Evangel. Matthæi 22. alias de Tempore 234. qui loquens de Jobo; colebat, inquit, Deum; faciebat eleemosynas, & quo corde faciebat nemo sciebat, nec ipse diabolus, sed Deus noverat. Et S. Hieronymus in Psalm. 16. ad vers. 11. *Diabolus, ait, in anima intrinsecus nescit quid cogitat homo*; & D. Isidorus Pelusiota lib. 3. Epist. 156. *Ea, inquit, quæ cogitatione voluntur, minimè diabolo cognita sunt*.

Unum tamen objici potest ex D. Augustino, qui lib. 1. contra Academicos cap. 6. narrat de quodam Albicerio, qui a quodam alio interrogatus, ut diceret, quid secum ipse tacitus volveret, Virgilii versum eum cogitare respondit. Cum ille obstupescens negare non posset, perrexit quarere quisnam versus esset. Nec Albicerius, qui Grammatici scholam vix transiens vidisset, aliquando, versum ipsum securus, & garrulus canere dubitavit. Cum igitur Albicerius non alia ope, quam dæmonis id præstare potuerit, dicendum videtur dæmones nosse cordis secreta.

Verum

Verum facilis responsio est, si dicamus ex aliquo signo, vel specie in Phantasia residente, potuisse dæmonem conicere versum, quem alter animoolvebat, & Albicerio suggerere, quamvis iste eum non didicisset, eo modo, quo energumeni instinctu dæmonis multa dicunt, quæ nunquam didicerunt.

De virtutibus hominis interioribus sentiendum est, has non posse dæmones cognoscere, *quia si virtutum internam speciem*, inquit S. August. de Genes. ad litt. c. 17. *possent in hominibus cernere, non tentarent, sicut illam in Job nobilem, ac mirabilem patientiam procul dubio si posset diabolus cernere, nollet a tentato utique superari.*

IX. Hinc cognoscere non possunt futurum statum animæ hominis morientis, cujus vita fuit virtutibus, & vitiis temperata, cum occulta possit esse contritio, aut etiam delictum, quia nempe hæc sola possunt cogitatione elici.

X. Possunt tamen per conjecturas, & per inditia nostras cogitationes cognoscere, ut colligitur ex Divo Hieronymo in cap. 15. Matth. *non debemus*, inquit, *opinari dæmonem occulta cordis rimari, sed ex corporis habitu, & gestibus aestimare quid versetur intrinsecus.* Ex S. Augustino de Divinat. dæmonum cap. 5. *dæmones*, ait, *aliquando hominum dispositiones non solum voce prolatas, verum etiam cogitatione conceptas, cum signa quadam ex animo exprimuntur in corpore, tota facilitate perdiscunt.* Et ex Cassiano, qui collat. 7. cap. 15. ait, *nulli dubium est, quod possint spiritus immundi cogitationum nostrarum attingere qualitates, sed indiciis eos sensibilibus forinsecus colligentes; id est ex nostris dispositionibus, aut verbis, ac studiis in quæ propensius conspexerint nos inclinari.* Cæterum illas, quæ necdum de internis anima prodierunt,

dierunt, adire omnino non possunt. Ipsas quoque cogitationes quas ingerunt utrum suscepta, vel quemadmodum suscepta sint, non per ipsius animæ naturam, id est per illum interiorem motum in medullis, ut ita dicam, latitantem, sed ex motibus, atque indiciis exterioris hominis deprehendunt. Quamobrem arcanas hominum cogitationes, voluntatesque non vident Angeli, nec illas quidem, quarum instinctus eorum mentibus immittunt, utrum susceperint, nec ne, clarè, certoque cognoscunt, sed ex indiciis, ac signis, externisque commotionibus, quæ in corpus ex animo redundant divinando colligunt. Sic, ex pallore subito vultus, aut fervore sanguinis, & calore formidare aliquem, vel iracundia, aut amore concitari intelligunt: tum externus corporis, ac membrorum motus, velut aspectus, & incessus, quid intus deliberatum sit, ostendit.

XI. Solùm ergo in hoc sensu intelligendum est dæmonem *distantia*, & *occulta patefacere*; & revera sæpe patefacit, ut ex pluribus, quæ subijcimus exemplis, nedum ob dictorum confirmationem, sed etiam ad Lectoris levamen, sit manifestum. In Vita sancti Norberti Archiepiscopi Magdeburgensis, & Fundatoris Ordinis Præmonstratensis *cap. 11.* penes socios Bollandianos, legitur, quod cum adductus fuisset energumenus ad sanctum virum, cumque „ circum-  
„ starent, & Clerus, & Populus, alii ob curiosi-  
„ tatem, alii propter pietatem, pessimus dæ-  
„ mon per os invasi hominis, multorum pes-  
„ simam vitam, & adulteria, & fornicationes  
„ cœpit detegere, & quidquid confessione tectum  
„ non erat, malitioso ejus ore detegebatur. Hæc  
„ audientes cœperunt omnes hac, illacque dif-  
„ fugere, paucis cum Patre Norberto remanentibus.



„ tibus. „ In Vita S. Ursuari Episcopi, & Ab-  
 „ batis Lobienfis *cap. 3. die 18. Aprilis* narratur,  
 „ quod ad quendam energumenum „ nullus ac-  
 „ cedere erat ausus, quoniam illico publica-  
 „ batur conscientia ejus, nam cum ante eum  
 „ venisset quidam juvenis, eja, inquit, soda-  
 „ lis, quid ante modicum egeris, nonne remi-  
 „ nisceris? Ego sedebam super palum, cum tu  
 „ sepe exturbata, studiosus informator chiro-  
 „ thecarum, festinabas ad quod scis scorti di-  
 „ verticulum. Erubuit ille conscientia convi-  
 „ ctus, Presbyteroque advocato, quid egerat  
 „ est confessus: rediensque protinus sciscitaba-  
 „ tur ab illo, an aliquid in se cognosceret ex  
 „ prioribus. Ille furibunda facie, torvis in eum  
 „ oculis directis, tu, inquit, qui sis noveris;  
 „ mihi autem cum abstractus sit aditus omnis,  
 „ quid me interrogare quæris? „ In Vita B. Guil-  
 „ lelmi Tolosani, Ordinis Eremitarum S. Augu-  
 „ stini *cap. 2. die 18. Maii*, narratur similiter, quod  
 „ cum Beatus ex obedientia accessisset ad visita-  
 „ dam obsessam, „ primo interrogavit dæmonia-  
 „ cam: de quo festo ego facio hodie? Et re-  
 „ spondit: de tali festo. Et alius honorabilior  
 „ totius studii Tolosæ interrogavit, de quo fa-  
 „ ciebat ipse? & respondit dæmon: Tu dixisti  
 „ meas matutinas, quia tu in nocte transacta  
 „ jacuisti cum una meretrice. Et ex tunc de cæ-  
 „ tero nullus fuit, qui eum interrogaret. „

XII. Alia tria addamus exempla. Quo tem-  
 „ pore S. Theodorus Studita in exilio cum disci-  
 „ pulo suo frigus, & verbera patiebatur. „ Mulier  
 „ in Bitynia, quam dæmon obsederat, vehe-  
 „ mentius ab infesto spiritu agitari cœpit.... at-  
 „ que hujusmodi verba intercisa voce profe-  
 „ rens: Leo meus ( *nempe Leo Armenus Impe-*  
 „ rator, *Sacrarum Imaginum persecutor* ) ver-  
 „ bera

„ vera iterum misit ad Theodorum, ejusque  
„ carnes laceravit.... Et hæc quidem mulier  
„ energumena, procul licet posita, longèque  
„ ab illo distans, annuntiabat. „ Ita ex Michael  
le S. Theodori discipulo scribit Baronius *ad an-*  
*num* 819. *num.* 21. „ Calligraphus quidam Ale-  
„ xandriæ Venerabilis Vir, ex matutina vigi-  
„ lia domum vadens, media nocte videt statuas  
„ ex metallo æris abstractas, & voce grandi di-  
„ centes, interempum Mauritium, & Filios  
„ ipsius, atque omnes casus, qui apud Byzan-  
„ tium fuerunt gesti. Manè verò facto pergens,  
„ hæc Augustali retulit, qui præcepit ei, nul-  
„ lo hæc manifesta facere, scribensque diem præ-  
„ stolabatur exitum: die verò nona prætereun-  
„ te, ecce nuntius venit, indicans Mauritii in-  
„ teremptionem. Tunc Augustalis dæmonum  
„ vaticinium publicavit. „ Idem Eminent. Ba-  
ronius *ad annum* 602. ex Theophane *lib.* 17. Mi-  
scell. Theodobertus Rex cum aliis jussus fuit a  
S. Nicetio Episcopo Trevierensi communioni  
abesse, sed hoc non obstante, quadam die Do-  
minica Rex Ecclesiam est ingressus.” Lectis igitur  
„ Lectionibus, quas Canon sanxit antiquus, obla-  
„ tis muneribus super Altare Dei, ait Sacerdos:  
„ non hic hodie Missarum sollemnia consumma-  
„ buntur, nisi communione privati prius absce-  
„ dant. Hæc Rege renitente, subito exclamat  
„ unus de populo arreptus a dæmone puer Ju-  
„ venis, cœpitque valida inter supplicia torturæ  
„ suæ, & Sancti virtutes, & Regis crimina con-  
„ fiteri, dicebatque Episcopum castum, Regem  
„ adulterum, hunc timore Christi humilem, il-  
„ lum gloria Regni superbum, illum Sacerdotio  
„ impollutum, a Deo postea præferendum, hunc  
„ ab auctore sceleris sui velociter elidendum „ .  
Hæc D. Gregorius Turonensis in Vita S. Nicetii.  
Etid

## Et id genus alia .

XIII. Duplicis generis sunt hujusmodi signa; alia certa, & evidentia, quæ provenire non possunt a causa naturali humana, sed necesse est ut proveniant a causa superiori, puta a dæmone; alia conjecturalia, seu probabilia: ut sunt ea, quæ sumuntur ab effectu, qui sapius, vel ut plurimum procedit a dæmone, tanquam a causa; aliquando tamen provenire potest a causa naturali. Hæc signa collegit diligentissime P. Candidus Brognolus, in Manuali Exorcistarum *par. 1. cap. 2. art. 5.* quæ transcribere non piguit, quibusdam meis interjectis notis ad quædam tantum signa. Quia verò signa certa, & probabilia sunt in duplici differentia; quædam enim deprehenduntur ex parte animæ, sine ejus potentiis tum intellectivis, tum sensitivis interioribus, & exterioribus; quædam desumuntur ex dispositione corporis: exordimur a primis.

Signa certa enumerantur  
ex parte animæ.

XIV. Primum ergo signum est, cum quis est rudis, & ignarus, si distinctè, & ordinatè discurrat, & disputet de arduis, & sublimioribus quæstionibus, ut de Philosophicis, vel Theologicis. Tale signum dedit quædam Monialis energumena, quæ aliquando sic profundè loquebatur de Sancta Trinitate, quod videbatur esse doctrix quædam peritissima in Sacra Theologia. Interdum autem videbatur, quod sciret omnia idiomata, ut legitur in Vita B. Co.

Ex Intellectu.



B. Coletæ Ordinis Minorum *cap. 7. apud Bollandum die 6. Martii.*

Secundum est, cum quis delirio, ac phrenesi laborat, nulla alia affectus ægritudine, si Exorcista dæmoni ( si adsit ) conditionaliter præcipiat in nomine Jesu, ut desinat nocere illi, ac cesset impedire eum in suis functionibus, & operationibus sensitivarum potentiarum; si, inquam, immediatè cesset delirium, & phrenesis recedat, & ritè, & ordinatè discurrat, & ad omnia seriò respondeat interrogata, dæmonem adesse præceptum factum intelligentem, signum est evidens.

Ex intellectu.

Quando occulta annuntiat, remota adducit, futura prædicit, & similia opera, quæ naturaliter ab intellectu humano sciri, aut fieri nequeunt, nec dæmoniacam excedunt cognitionem, aut potentiam, si ex vitæ suæ sanctitate non arguatur talia a divina revelatione prodire, homo dæmoniacus est, vel diabolicus, videlicet vel est possessus a dæmone, vel cum dæmone habet commercium. ( Vide, quæ diximus supra *num. 8. & seqq.* & infra dicenda in Commentario Documenti IX. *num. 2. & seqq.* )

4. Quando quis concidit velut mortuus, & surgit sine mora ad præceptum ab Exorcista factum dæmoni in nomine Jesu, signum est ibi esse dæmonem præceptum intelligentem.

5. Cum in aliqua corporis parte est aliquis dolor, vel tumor, si ad signum Crucis, & præceptum dæmoni factum in nomine Jesu ut recedat, aufugiat, & iterum, jubente Exorcista, accedat, diabolicæ præsentia signum est evidens.

6. Si Homo inopinato, sine ulla præcedente causa velit sibi mortem inferre, itaut se saxis collidat, in ignem se immittat, ac præcipitem

Ex voluntate.

signum est evidens dæmonem adesse hæc mala volentem, & intentantem, sed Deum diabolicam malitiam impredientem, & patientem ab hujusmodi periculis præservantem: ( talia signa dabat obsessus ille, de quo sermo est in Evangelio *Matth. 17.* )

7. Quando imaginationi se præsentant res inhonestæ vehementer circa imagines Sanctorum, vel Beatissimæ Virginis, vel etiam Jesu Christi, si eodem tempore simul sentiat in capite, ea  
 Ex ima- parte qua residet phantasia, veluti plumbum,  
 ginativa, vel aquam frigidam, vel ferrum ignitum, aut  
 Yeuphan- quid simile, quod fugiat ad signum Crucis, &  
 tasia. invocationem Sanctissimi Nominis Jesu, & se recipiat ad alterum corporis membrum, ita ut eodem tempore etiam cesset imaginatio talium objectorum, signum est evidens præsentia diabolicæ.

8. Quando quis timorata conscientia, a honestatis amator aliquam ardentissime amat personam; præcipue si aliqua adolescentula pura, & modestia, ac castitatis amatrix inopine incipit amare ardentissime virum aliquem, vel  
 Ab a- juvenem, cum quo prius nullam domesticam  
 more. habuit conversationem, vel longam ipsius pulchritudinis aspectionem, ac meditationem, & si videatur potius furere, quam amare, signum est evidens malefici amoris.

9. Quando aliquis homo, vel mulier timorata conscientia cum aliqua persona carnaliter commisceri ita vehementer desiderat, ut sentiat sibi pectus aduri, nisi illam quærat, & impatiens velit ad illam accurrere, vel clamet se  
 A desi- mori, nisi sibi illa adducatur, nulla præcedente  
 derio. dispositione, puta domestica conversatione, allocutione, imaginis ipsius expressiva, longa meditatione, vel beneficii alicujus acceptione, dæmonia-

moniacæ operationis signum est evidens: (circa hæc duo signa, vide Commentaria Documenti V.)

10. Quando quis bonæ mentis, & Christianæ modestiæ studiosus gaudet male agere, puta parentes contemnere, convitiis impetere; religiosos, & præcipue Sacerdotes irridere, & subfannare, & hoc contra suam voluntatem, sentiens intrinsecus in corde repugnantiam, signum est evidens. A gaudio.

11. Quando quis, puta maritus, odio habet uxorem præsentem, quam absentem vehementer diligit, vel è converso, uxor maritum, vel pater filium, vel filius patrem. Mater filiam, vel filia matrem, vel alias hujusmodi personas, quas natura ipsa amare docet: Si hoc sit contra propriam voluntatem, nec adsit aliqua ratio ad odium excitans, signum est evidens. Ab odio.

12. Quando quis Sacramenta, sacramentalia, sanctorum tumulos, & reliquias, omnesque res sacras contra suam propriam voluntatem odit, & abhorret: (In Vita S. Marthæ Matris S. Simeonis Stylitæ Junioris *cap. 5. penes Bollandianos die 24. Maii* legitur, quod quidam vir „ duobus demoniis ab annis triginta infessus ne- „ quibat in Choro Ecclesiæ psallentibus consiste- „ re, aut Sacrosancto Missæ Sacrificio interesse „ omnino: expellebatur quippe statim a demoniis ex æde sacra, atque elisus terræ, cum dolore, ac ejulatu durabat: „ qui postea a Sancta fuit liberatus. Et in Vita S. Agnetis de Monte Politiano *cap. 10.* apud eosdem Patres Continuatores *die 20. Aprilis* legitur, quod „ vir „ quidam habebat filium, quem taliter ab ætate tenera maligni agitabant spiritus, quod „ nullo pacto alicujus sancti imaginem aspicere „ poterat, nec in Ecclesia, quando Divina ce-



„lebrabantur, persistere valebat. „ Et Innocentius III. in Bulla Canonizationis S. Homoboni Confessoris, penes codicem Canonizationum Romæ Anno 1729. impressum, accurante Illustrissimo, ac Reverendissimo Domino Justo Fontanino Archiepiscopo Ancyrano, narrat, quod quædam energumena „ Oblatam Eucharistiam „ consecratam abhorruit, nec recepit. ’ )

A def-  
peratio-  
ne. 13. Quando nulla præcedente tribulatione, vel persecutione, agitatus quis desperat, ac propterea nunc vestes, ac propria membra dilacerat, nunc pugnis se percutit, modo in puteis, modo in stagnis, aut lacunis se submergit; aliquando in ignem se dejicit, aliquando saxi se collidit, vel ab alto loco se præcipitat, dæmoniacæ præsentia signum est evidens, si hoc faciat contra suam propriam voluntatem. ( Tale signum dedit energumenus ille, de quo sic legitur in Vita S. Honorati Episcopi Ambianensis „ Pastor quidam pecudes agens per pascua, „ correptus a dæmonio, se in fluvium Sammonæ præcipitare tendebat: „ (*apud Bollandianos die 16. Maii*)

Ab ira. 14. Quando statim ac vir, & uxor sunt in prospectu, si alter alterum fugit, vel ita irascantur ad invicem, ut unus alterum aggrediat, calce, pugnis, unguibus, morsu, quasi hostem insensissimum, licet separati se ament ardentissime, signum est evidens diabolicæ operationis.

Ex vi-  
su. 15. Cum subito patienti lumen aufertur, & subito restituitur; quod si frequenter accadat, signum est evidens.

16. Quando patiens diurno tempore nihil videt; nocturno verò benè videt, & si sciat legere, legit sine lumine; ita quod illi dies videtur nox, & è contra dæmoniacus est, vel diabolicus.

17. Quan-

17. Quando subito variatur auditus, ita ut  
 patiens sit surdus, & postea bene audiat, si hoc  
 eveniat in audiendo spiritualia, evidens est si-  
 gnum. Ex au-  
 ditu.

18. Quando ultra septem, vel novem dies  
 patiens nihil comedit, vel parum, & tamen  
 fortis est, & pinguis sicut prius, signum est  
 evidens esse dæmoniacum, vel diabolicum. (In  
 Vita S. Præcordii Presbyteri legitur liberatus ener-  
 gumenus ad ejus sepulchrum, qui „ nec potum  
 „ sumpserat mense integro: „ *penes Bollandum*  
*die 1. Februarii*. Similiter apud eundem legi-  
 tur, in Vita S. Macedonii Anachoretæ *cap. 2.*  
*die 24. Januarii*, sanctum curasse obsessam, quæ  
 cibum, & potum sumere non poterat. Et apud  
 ejusdem Bollandi Continuatores *lib. 3. cap. 6.* Vi-  
 tæ S. Stanislai Episcopi Cracoviensis, & Mar-  
 tyris *die 7. Maii* refertur, quod quædam „ a  
 „ dæmonio vexabatur, non sic quidem quod  
 „ turbaretur in sensibus, sed sic eam spiritus  
 „ exagitabat immundus, quod nec comedere,  
 „ nec dormire eam sinebat.) Ex gr-  
 itu.

19. Quando patiens vehementissimè ardet siti,  
 nec tamen potest aquam, aut vinum bibere,  
 imo quidquid aptum est extinguere sitim,  
 abhorret.

20. Quando quis videtur fame perire, nec  
 tamen cibum ullum gustare potest, imo omne  
 comestibile fugit, & abhorret.

21. Quando inopinato vocem amittit, nec po-  
 test loqui, nec os aperire etiam volens, si po-  
 stea loquatur ad præceptum dæmoni factum ab  
 Exorcista in nomine Jesu, signum evidens est.

22. Cum varios absque connexionem quis pro-  
 fert sermones, nisi sit phreneticus, vel mente  
 captus, vel ebrius, vel sit mulier patiens defe-  
 ctum menstruorum, dæmoniacus erit. Ex lo-  
 quela.

Ex po-  
tentia  
nutriti-  
va.

23. Quando quis, alioquin sanus, & bene dispositus canina, aut lupina fame vexatur, & licet maximam cibi quantitatem devoret, semper tamen esurit. (Talis fuit energumena illa de qua in Vita S. Macedonii Anachoretæ legitur *cap. 2. apud Bollandum die 24. Januarii*, sanctum „ nempè liberasse illam comedentem in die tri-

„ ginta gallinas, nec posse appetitionem extinguere satietate, sed adhuc alias appetere.

Ex aug-  
menta-  
tiva.

24. Quando puer, vel puella, adolescens, vel adolescentula, qui alias erant natura pingues, & alacres, nulla apparente ægritudinis causa, non solum non augentur, & quantitate molis proficiunt, sed potius decrescunt, & continua macie afficiuntur, & consumuntur, quamvis manducent, & bibant non solum more solito, sed majori in quantitate.

25. Quando vir uxori, vel uxor viro appropinquare non potest, quia sibi videtur aliquod esse corpus intermedium (v. *Comment. Tituli num. 25.*)

Ex gene-  
rativa.

26. Quando vir non potest habere copulam cum uxore, vel persona, quam amat, quia statim elumbis, & elanguens recedere cogitur, quod tamen ei non evenit, si cum aliis mulieribus commiscetur.

## Signa evidentia ex dispositione corporis.

27. Dolor continuus in capite sine aliquo intervallo, sive sit per modum gravaminis, sive per modum percussionis: ut cerebri, vel temporum indeficiens, & intima terebratio, si ad signum Crucis statim cesset.

28. Ventus quidam vehemens, qui decurrit per



per totum corpus ad modum formicarum, vel ad modum serpentis velociter quaquaversum serpit, vel sicut mus modo in hanc, modo in illam corporis partem se intromittit.

29. Deportatio corporis, & illius elevatio contra voluntatem patientis, & non videtur a quo deportetur; signum est evidens diabolicæ præsentiae: (Parcat Lector, si in sequenti adnotatione fusiores erimus, id eruditione exigente) Elevatam in aerem fuisse quandam obsessam puellam narrat, ex actis publicis quibusdam Baronius *ad annum 713. num. 15.* his verbis; „ ducta est puella ante Altare, & venit omnis „ congregatio Monachorum: & dum omnes fle- „ terent genua, & dicerent Kyrie eleison, & „ cum tunc cœpisset sævius demon agitare puel- „ lam, confessus est se vehementissimè torque- „ ri ab Anastasio, qui præsens esset, (*nempe a S. Anastasio Martyre, cujus caput in Monasterio trium fontium Roma asservatur, & antequod puella energumena constituta erat.*) Adeoque „ fuit violentus motus pessimi dæmonis in puel- „ lam, ut eam in aera elevaret, suspensamque „ teneret pedibus sursum capite deorsum ver- „ so. Ex quo violento motu, & naturæ huma- „ næ impossibili, potuit ab unoquoque, licet „ incredulo, certo sciri, a dæmone verè arre- „ ptam esse Virginem illam, ne fingere puta- „ retur. „ Simili modo in aerem elevatos alios „ obsessos scribunt Patres mox referendi. Adver- „ tendum tamen, quod licet diabolus scæminas „ sublimes interdum tenuerit pedibus sursum, „ capite deorsum versis, non per hoc permisit „ Deus ludibrio exponi pudorem, sed majori mi- „ raculo fecit vestes inhærere pedibus, non secus „ ac si iisdem essent funiculo colligatæ. Audiatur „ S. Hilarius Pictaviensis in libro contra Constan-

rium Imperatorem, num. 8. ubi ait: *Plus crudelitati vestra Nero, Deci, Maximiane debemus; diabolum enim per vos vicimus. Sanctus ubique Beatorum Martyrum Sanguis exceptus est, & veneranda ossa quotidie testimonio sunt, dum in his daemones mugiunt, dum agritudines depelluntur, dum admirationum opera cernuntur elevari sine laqueis corpora, & suspensis pede feminis, vestes non defluere in faciem.* S. Paulinus in natali VII. S. Felicis, penes Bibliothec. PP. tom. 6.

*His etiam potiora, tamen spectata profabor. Ante alios illum, cui membra vetustior hostis Obsidet, ad sacripia limina Martyris, agra Excussum de plebe rapi, admotumque Sacratibus Ante fores Sancti, cancellis, corpore verso Suspendi, pedibus spectantem tecta supinis. Quodque magis mirum atque sacrum est, nec in ora relapsis*

*Vestibus, ut rigidis, aut ad vestigia sutis, Corporis omne Sacrum casto velatur operto, Scilicet ut Divini operis reverentia tectis.*

*Corporibus maneat, nec poena daemon in ipsa Qua cruciatur ovet, nudis prodendo pudorem Artibus, illaso gravius torquetur honesto.*

*Recta licet versis sedeant cum tegmina membris.* Audiatur insuper Severus Sulpitius in *Dialogis Dialogo tertio* (in praelaudata Bibliotheca, tomo eodem) qui inquit: *Vidi quemdam appropinquante Martino in aere raptum, manibus extensis in sublime suspendi, ut nequaquam solum pedibus attingeret .... Tum vero cerneret miseros (scilicet energumenos) diverso exitu perurgeri, hos sublatis in sublime pedibus, quasi de nube pendere, nec tamen vestes defluere super faciem, ne faceret verecundiam nudata pars corporum. Ex quibus apparet, Deum in his pepercisse pudori; non tamen semper id efficit, ut patet ex*  
his,

his, quæ scribit S. Hieronymus in Epitaphio Paulæ, sive Epist. 27. ad Eutochium Virginem, nam loquens de S. Paula, ait: *Cernebat variis demones rugire cruciatibus, & ante sepulchra Sanctorum ululare homines more luporum, vocibus latrare canum, fremere leonum, sibilare serpentum, mugire taurorum; alios rotare caput, & post tergum terram vertice tangere, suspensisque pede fæminis vestes defluere in faciem.* Scio eruditissimum P. D. Petrum Contant, Ordinis S. Benedicti è Congregatione S. Mauri, cujus præcipue studio, & labore prodierunt S. Hilarii Pictaviensis Opera Parisiis 1693. Scio, inquam, in notis ad locum supra relatum S. Hilarii, ubi refert hunc D. Hieronymi testimonium putare addendam esse particulam *non*. Scribit enim: *Suspensisque pede fæminis, vestes (adde non) defluere in faciem*, hac solum innixus conjectura, quia cum hæc verba sint ad imitationem Hilarii expressa, indicio sunt, librum contra Constantium Imperatorem, Hieronymo ignotum non fuisse. Verum cum ex una parte, nec in editione Operum Doctoris Maximi ann. 1518. Lugduni per Jacobum Saccon, nec in alia 1576. Romæ in ædibus Populi Romani, nec tandem in altera Erasmi, illa particula legatur; & ex altera, conjectura P. Contant non satis me moveat, dicendum censeo, aliquando vestes non defluxisse, Deo sic providente ad servandum pudorem, aliquando verò defluxisse, vel in peccati invercundia vindictam, vel ob occulta, iusta tamen Dei iudicia.

30. Vociferationes, clamores, scissio vestium, arrotationes dentium, vel quacumque corporis agitationes sine ulla causa, si patiens non sit stultus, & ei displiceant, & cognoscat illa, & nolle.

31. Vis, seu impulsus supra naturam patientis,



tis, ut cum homo natura debilis, non potest teneri a multis: cum manibus, ac dentibus frangit ferrum, & alia similia.

## Signa probabilia ex parte Animæ.

Ex voluntate. XV. Primum est, quando patiens, alias bonus, & timorata conscientia, nulla de causa odio habet sacerdotes, religiosos, parentes, amicos, & maxime in sacris constitutos, eosque contra suam voluntatem propriam conviciis, & opprobriis afficit, si signum non est evidens demoniacæ præsentia, saltem valde est probabile.

Ab æstivativa. 2. Quando quis absque ulla præcedente causa (si non est mente captus) suos parentes, consanguineos, amicos, ac familiares, ut inimicos existimat, & ab eis tanquam sibi noxiis aufugit.

3. Quando quis, præter suam naturalem inclinationem, & consuetudinem remedia naturalia sibi utilia, & proficua, & omnia delectabilia, ut noxia judicat, & sibi inconvenientia, ac molesta existimat.

Ab imaginativa, seu phantasia. 4. Quando continuè patienti fiunt apparitiones inhonestæ fortiter moventes phantasia, etiam contradicente voluntate, ac si oculis corporalibus viderentur.

5. Quando sæpius occurrunt imaginationi visiones horribilium præcipitiorum, ac periculorum, nec est natura timidus.

6. Quando apparent visiones rerum spiritualium frequenter, & patiens non habet fundamenta sanctitatis, ac virtutis.

7. Quando sentiuntur allocutiones interiores formata, & distincta, & cognoscitur illas a Deo non esse.

8. Quan-

8. Quando somnia sunt ordinaria horribilium, vel libidinum, in persona timorata, & casta.

9. Quando quis repente, absque ulla præviam aegritudine, obliviscitur omnium scientiarum, vel artium, quibus ritè, & perfectè instructus erat. A memoria.

10. Quando quis post multa, vel confusè enarrata, vel distinctè, sed naturæ suæ, & artis captum excedentia, repentè mutatur, & omnium, quæ dixerat amplius non recordatur.

11. Quando quis præter suam consuetudinem amat obscura, & tetra loca, & quarit horrores solitudinis. Ab amore.

12. Quando quis alias sanæ mentis inopinatò incipit pericula, & alia id generis sibi noxia amare, & quærere.

13. Quando quis parentes, amicos, & maxime in sacris constitutos odio habet, sine ulla præcedenti causa. Ab odio.

14. Quando quis fugit hominum, parentum, & amicorum familiaritatem, ac consortium, nec orationi, aut meditationi vacat, sed accedia pressus ac melancholia obrutus, præter suam naturalem inclinationem, ac solitam naturæ suæ consuetudinem solus permanet, sine ulla præcedenti gravi tribulatione. A fuga.

15. Quando quis absque ulla causa fugit Sacerdotes, Ecclesias, divina officia, Missarum celebrationi assistentiam, quamvis alias sit devotus, & timoratae conscientia.

16. Quando quis fugit, & abhorret habitare magis in uno cubiculo, quam in alio, in una domo, quam in alia, in una Civitate, quam in alia, nec hujusce rei ullam habet rationabilem causam, nec ipse ullam adducere novit.

17. Quando quis oculis sanus fugit lucem omni suo conatu.

18. Quan-

A tristi-  
zia.

18. Quando quis tristatur, & dolet, & qua de causa tristetur, vel qua parte doleat proferre nescit, nec adest aliqua causa tristitiæ naturalis.

19. Quando quis tristatur, sudorisque guttas emittit ad præsentiam Sacerdotum, & non aliorum, ad sacrarum applicationem, ad Sanctissimi Sacramenti Eucharistiæ perceptionem, ad ipsius in Missa elevationem, ad Confessionem Sacramentalem, & ad cætera spiritualia exercitia, & præcipuè ad præcepta damoni facta ab Exorcista.

20. Quando quis tristatur, ac dolet magis existens in uno loco, quam in alio, in uno tempore, quam in alio, puta in aliquo mense, hebdomada, die, vel hora determinatis, non habita ratione ad planetarum mutationes, & influxus, sed quatenus talis hebdomada, talis dies, talis hora.

21. Quando magis tristatur, ac dolet in vigiliis, ac solemnitatibus majoribus, ut in Quadragesima, Adventu, Quatuor temporibus, non ratione jejuniæ, sed quia talis dies; vel in die Paschatis, Pentecostes, Nativitatis Domini, & sit hoc pluries a se observatum.

22. Quando quis in locis lætis, ac deliciarum, præter solitam suæ naturæ inclinationem, ac consuetudinem non gaudet: & ubi alii lætantur sonando, cantando, & saltando, ipse magis ac magis tristatur, nec habet aliquam tristitiæ rationabilem causam, imo si solitaria loca quarat amica mœroribus: nec tamen studio, aut orationi vacet.

A Spe.

23. Si quis sperat, & se jactat consequi aliquid nimis arduum, quod naturæ humanæ, & industriæ vires, ac communem ordinem naturæ excedere videtur, si non est mente captus, dæmoniacus est, vel diabolicus.



24. Patiens, qui audet facere aliquod excedens totam naturam humanam, vel industriæ vires; si id a Deo esse verisimiliter existimari non possit, *Ab audacia.* dæmoniacus est, vel diabolicus.

25. Quando quis subit spontè pericula mortis, puta se ab alto loco præcipitat, vel quid simile agit, ad quod deberet mors sequi, nec tamen sequitur, neque aliud malum, dæmoniacus est, vel diabolicus.

26. Quando quis sine ulla causa, timore, ac terrore subitaneo inaniter percellitur, & nescit quid timeat. *A timore.*

27. Quando, nulla causa præcedente, quis valde timet occidi, præcipue ab amicis, & ideo ab eis fugit, & se abscondit.

28. Quando quis timorata conscientia, nulla præcedente causa contra se ipsum irascitur, vel etiam contra parentes, amicos, & domesticos, ac ira percitus profert blasphemias in Deum, Christum, Mariam Virginem &c. dæmonemque invocat in sui auxilium, dæmoniacus est, vel diabolicus. *Ab ira.*

29. Quando quis velut canis rabidus, aut lunaticus spumat, & dentibus fremit, si non est stultus, vel aliqua naturali infirmitate correptus, dæmoniacus est, vel diabolicus.

30. Quando patiens videt res in alia dispositione a sua propria, & naturali, ut si canem videret ut hominem, lignum pro homine, & alia hujusmodi, periculum est obsessionis, vel alterius dæmoniæ perturbationis. *Ex visu.*

31. Cum oculus patientis sic perturbatur, ut terreat videntes, terribilesque, ac perlucidas monstrat oculorum acies.

32. Cum lacrymas emittit ab oculis absque alia causa, nesciens quid ploret.

33. Cum faciem Sacerdotis, & præcipue Exor-

Exorcistæ patiens vix aspicere valet, & album oculorum variis modis mutat. Quod maximè attendendum in Infantibus, & puerulis, ex quibus alia signa difficillimè hauriri possunt.

34. Quando videt dæmonem sub aspectu minantis, aut jactantis se corpus ejus velle possidere, vel sub forma monstruosa gigantis, hominis atri, aut recentis mortui &c. Vel etiam canis, leonis, ursi, lupi, avis, serpentis, vel alterius generis &c. signum est dæmonem jam corpus possidere, vel tentare ingressum ut possideat.

35. Quando aliqua, quæ erant ante oculos, subtrahuntur, ut non videantur, deinde subito apparent, signum est diabolicæ illusionis.

Ex auditu. 36. Quando patiens audit quasdam voces se vocantes, & ille maximè attendit.

37. Quando est rumor continuus in auribus, nec adsit probabilis causa naturalis assignanda.

38. Quando Exorcismos, Evangelia, sacrasque lectiones non solum cum extraordinario tædio, sed etiam cum ingenti perturbatione; vel gravi sopore affectus auscultat.

39. Quando pulsantur Campanæ benedictæ, vel aliud signum datur spirituale; si gravi afficiuntur tædio.

Ex gustu. 40. Quando per multos menses non potuit gustare panem, vel carnem, quæ prius sine difficultate comedebat, nec tamen aliqua videtur correptus ægritudine.

41. Quando quis incessanter cruda devorat, nec satietatem præsefert.

42. Quando comedit bestialiter in magna quantitate, & bibit valde excessivè contra suam consuetudinem, nec tamen unquam satiatur.

43. Quando patiens cum difficultate comedit, itaut violenter oporteat illum cibare, & nullam habet infirmitatem hoc causantem.

44. Quan-

44. Quando patiens magis abhorret cibum benedictum, quam alium.

45. Quando patiens gravi velut delirio correptus longam fert inediam.

46. Quando improvise exeunt ex ore hominis sani, nec vino, aut passione perturbati, vel phrenesi laborantis verba, quorum statim postea non recordatur, ac nescit se illa dixisse, vel nollet ea dixisse, Ex lo-  
quela.

47. Quando quis timorata conscientia absque ulla causa, verba profert parentes, vel amicos, quos honorare consuevit, miro modo pungentia, ac subsannantia,

48. Quando quis non ex instituto, nec libere volens, voces interdum Brutis non parum absimiles emittit: (vide exemplum infra referendum in Commentario Documenti XVII. num. 14.

49. Quando quis sacra verba difficillime profert, nec nisi truncando, & balbutiendo, precipue cum recitat Psalm. 50. *Miserere mei Deus secundum magnam &c.* vel Psalm. 90. *Qui habitat &c.* vel profert Sanctissimum Nomen Jesu, vel Beatissimæ Deiparæ Mariæ, aut initium Evangelii S. Joannis.

50. Quando quis aufugit Sacrorum odores, ut rerum benedictarum thuris, Rosarum, &c. si illos benedictos non abhorreat, Ex odo-  
ratu.

51. Quando de ore patientis exeunt fœtores infernales, ut sulphuris, picis, fuliginis, carbonum, & hujusmodi.

52. Quando quis tangendo nimis urit, vel ignescit, aut subito frigescit. Ex ta-  
ctu.

53. Cum percutiendo leviter nimium infert dolorem.

54. Quando ad simplicem tactum manuum Sacerdotalium, patiens capitis gravedinem, vel rem frigidissimam sentit.

55. Quan-



Ex nu-  
tritiva  
poten-  
tia.

55. Quando, nulla naturali ægritudine affe-  
ctus, cibum non potest attrahere ad stoma-  
chum, ad corpus nutriendum.

56. Quando cibum in stomacho retinere non  
potest, sed illum vomitu rejicere cogitur, licet  
alias sanus sit; si verò sit benedictus illum retinet.

57. Quando quis, alias sanus, & benè dispo-  
situs, cibum digerere non potest, licet magnam  
habeat in stomacho caliditatem.

58. Quando bolum fere perennem sentit in sto-  
macho, & persæpè ad guttur accedentem, quo  
suffocari videtur, præcipuè si hoc contingat  
etiam immediatè post sumptam medicinam eva-  
cuantem.

59. Cum quis vomitu rejicit cultros, clavos,  
acus, capillos, vitra, & alia id generis artificialia  
(vide Commentarium Documenti XIV. num. 5.  
& seqq.)

60. Quando quis per posticum eadem emittit,  
vel quæcumque alia, quæ in corpore generari  
non possunt; vel continuum per multos men-  
ses emittit sanguinem nulla offensus ægritudine.

61. Quando quis contra solitum naturæ suæ,  
ac complexionis cursum nimio tumore, ac pin-  
guedine afficitur in aliquibus corporis partibus,  
vel etiam in toto corpore, nulla alia affectus  
ægritudine.

Ex aug-  
menta-  
tiva.

62. Quando personæ, vel corpora, aut gene-  
rationis organa apparent horribilis formæ, vel  
fœditatis intolerandæ.

Ex gene-  
rativa.

63. Quando vir, etsi calidæ sit naturæ, &  
complexionis robustæ, non potest semen decidere  
intra vas muliebre, licet seminet extra.

64. Quando ex parte fœminæ vas muliebre,  
quod prius erat latum ita constringitur, ut a  
virga penetrari non possit, licet vir sit robustus.  
(De his, vide Commentarium Documenti V.)

65. Quan-

65. Quando uterque Conjux ex parte suorum parentum sunt fecundi , nec tamen generare possunt , eò magis si constat ex aliis causis uxorem esse maleficiatam , nec apparet causa naturalis sterilitatis . ( Sed de hac re nobis volentibus diligentius disputare , verecundia resistit , & compellit veniam a pudicis auribus poscere .... quisquis ergo ad has litteras impudicus accedit , culpam refugiat , non naturam ; facta denotet sue turpitudinis , non verba nostræ necessitatis , in quibus mihi facillimè pudicus , & Religionis Lector , vel auditor ignoscit .... legit enim hæc sine offensione , qui non exhorret Apostolum horrenda feminarum flagitia reprehendentem , quæ immutaverunt naturalem usum in eum usum , qui est contra naturam ; præcipue quia nos non damnablem obscœnitatem nunc , sicut ille commemoramus , atque reprehendimus , sed in explicandis humane generationis effectibus : verba tamen sicut ille obscœna vitamus . Loquor cum D. Augustino lib. 14. de Civit. Dei cap. 23.

## Signa probabilia ex parte Corporis .

66. Si statim ab initio , nullis peccantibus humoribus ex causa existentibus , morbus se prodit cum gravissimis symptomatibus , ut sunt : mentis quædam stupiditas , varia deliria melancolica , motus quidam convulsivi , qui epileptici videntur.

67. Repentinæ corporis passionēs , & oppressiones , quas ipse oppressus explicare nescit .

68. Eiusdem generalis extenuatio , & color infaustus , puta viridis , pallidus , cedrinus , aut croco similis .

69. Spontanea nervorum , ossium , medulla-

K

rum-

rumque vexatio, aut rigiditas, ut convulsio-  
nem præferat.

70. Laceratio, & constrictio intestina visce-  
rum, ac dolor in ventre cum maximo rumore,  
& revolutione vitalium.

71. Pulsatio arteriarum circa collum.

72. Cordis gravatio, & punctura, ac si acu-  
bus configeretur.

73. Dolor in stomacho perpetuus: ut pun-  
cturæ in ore per momenta pungentes, vel per  
modum indigestionis, vel magnæ debilitatis, aut  
duræ pilæ aggravantis, quo suffocari, ac stran-  
gulâri videtur agrotus.

74. Cibus semper indigestus, crebræque vo-  
mitiones, si hoc non eveniat, quando cibus est  
benedictus.

75. Ventris dejectio, inflatio, & tumor per  
flatum frigidissimum, vel calidissimum sensibili-  
ter permeantem, discurrentem, & evanescentem.

76. Colli, & renum frequentes perpeffiones.

77. Particulæ corporis velut nexibus ligatæ,  
& oculorum palpebræ ita astrictæ, ut vis ape-  
riri possint.

78. Sudores leves circa noctem, quamvis tem-  
poris constitutio frigida vigeat, quorum Me-  
dici nesciunt causam naturalem assignare.

79. Syncoparum accidentia statutis horis adve-  
nientia, cum continuo vitæ tædio, gravamine  
melancholiæ, obstinata taciturnitate, & suspi-  
riis, quæ luctuosa vocantur, absque manifesta  
causa emissis. (Sic de quadam muliere obsessa  
legitur, quod primò cujuscunque mensis die  
agitabatur, in Vita B. Jacobi de Oldo Presbyteri  
*peres Acta Sanctorum Bollandiana 18. Aprilis.*)

80. Tremor in membris, & præcipue in ca-  
pite patientis causatus per præsentiam spiritua-  
lium rerum, vel personarum.



81. Inquietudo, qua aliquis nullo modo quiescere potest nec stando, nec sedendo, nec decumbendo, & infirmitas nulla apparet.

82. Tussis sicca valdè molesta patienti, & aliis sine pituitæ expulsiōe, quæ nunquam consumatur, sed aggravatur dum spiritualia administrantur.

83. Oscitatio frequens cum maxima oris dilatatione, & præcipuè dum aliqua sacra lectio habetur.

84. Tumores subiti, qui in aliqua parte corporis citò oriuntur, & sine aliqua cura naturali citò evanescunt.

85. Decursus subiti caloris, vel frigoris excessivi per humeros, & renes.

## Signa pro Infantibus particularia.

XVI. 1. Quando nunquam possunt lacte satiari, etiamsi continuè lac sugant nedum ex una, sed ex pluribus nutricibus, ac magis fiunt macilentos, signum est evidens, si verò etiam habeant faciem ad modum hominis senis eunuchi, & fiat ponderosissimi, periculum est, quod filii sint suppositii, id est a dæmone positi loco filiorum verorum. Reliqua vero signa mox enumeranda sunt probabilia.

2. Quando sæpius contremiscunt nulla apparente causa, maximè si adjungatur, quod continuè flent, & non dormiunt, & prius non erant tales.

3. Quando habent oculos timidos, ac pavidos, nec audent rectè aspicere Exorcistas, ac religiosos devotos. (Aliud huc spectans signum vide supra inter signa probabilia *num.* 33.)

4. Quando repentè, amissa bona faciei, ac totius corporis constitutione, fiunt pallidi, & macilentos, & præcipuè si mater, vel aliquis ex

domesticis esset maleficio affectus, & effectus consimiles pateretur; nam aliquando tota una familia maleficio afficitur.

5. Quando non amplius volunt lac fugere, & tenent os apertum.

6. Quando Infantes videntur sæpius mori, & non moriuntur.

7. Quando, nullis peccantibus humoribus si ex sanis repente fiunt infirmi, & præcipue in aliquo membro sint compressi, vel appareat aliquod foramen in corpore, aut sub lingua, in auribus, circa umbilicum, in pedibus &c.

8. Quando circa renes, vel in pectore sunt nigri.



## DOCUMENTUM IV.

**H**Æc autem ut magis cognoscatur, post unum, aut alterum exorcismum interroget obfessus, quid senserit in animo, vel in corpore, ut sciat etiam ad quænam verba magis diaboli conturbentur, ut ea deinceps magis inculcet ac repetat.

### S U M M A R I U M.

1. **S**igna probabilia evadere possunt certa, & quomodo?

2. Li-

2. *Licet interrogare obsessum, ad quæ verba magis demones conturbentur.*
3. *Demones Exorcismis conturbantur, & torquentur,*
4. *Et magis per quedam verba quam per alia.*
5. *Assignatur cautela in hoc adhibenda.*

### COMMENTARIUM.

Hæc autem, ut magis cognoscat &c.

- I. **P**Lura enim signa, quæ merè probabilia, & æquivoca sunt, exorcismi adminiculo evidentia evadunt.

### Interroget Obsessum.

II. Aliud est interrogare dæmonem ad quænam verba magis crucietur, aliud obsessum ipsum interrogare. Hoc secundum a nostro Rituali admittitur; primum verò non, & esset illicitum, ut constat ex iis, quæ docuimus in Commentario Tituli *num. 9.*

Ut sciat etiam ad quænam verba magis diaboli conturbentur.

III. Dæmones conturbari, torqueri, uri exorcismis, docuerunt Patres. Tertullianus in Apologetico adversus Gentes fatetur, dæmones *dolentes* exorcizari. D. Cyprianus ad Demetrianum: *O si audire eos velles, ait, & videre quando a nobis adjurantur, & torquentur spiritualibus flagris, & verborum tormentis....*



quando ejulantes, & gementes voce humana, & potestate divina flagella, & verbera sentientes venturum Judicem confitentur. Et Epistola ad Magnum: Quod hodie etiam, inquit, geritur, ut per Exorcistas voce humana, & potestate divina flagelletur, & uratur, & torqueatur diabolus. Lactantius Institutionum Divinarum lib. 2. cap. 15. Itaque, ait, maximis saepe ululatibus editis verberari se sentiunt, & ardere.... proclamant. S. Zeno Veronensis Sermone de Resurrectione scribit: Vagi atque immundi spiritus.... utriusque sexus humani dolosa blanditiarum captione, seu violentia viventium domos corporales infringunt..... At ubi ventum fuerit ad divini certaminis campum, ceperintque sacri nominis telo pulsari, tunc vexatum certari misereris: discoloratur enim per momenta color, figura sua tollitur a natura, in obliquos horroris insani vertuntur orbes oculorum, acies dentium spumatis horrida globis inter labia liventia stridit, intorta omnia passim membra tremore vibrantur, gemit, flet, denuntiatur pavet judicii diem, pellique se plangit.... At cum divina adjuratione in eculeo spirituali torquentur, nolentes, & invitati discedere compelluntur. Et tandem S. Gregorius Nazianzenus *carm. 61.* testatur quod dum exorcismos ipse agebat daemon stridens, renidens, & inclamans vim Altitonantis, longè abiit.

Porro daemones magis per quaedam verba, quam per alia torqueri constat ex praxi Ecclesiae, nam ut notat Joannes Micrologus de Ecclesiasticis observationibus *cap. 7.* " Secundum  
 „ Romanam auctoritatem nullam orationem  
 „ per eum, qui venturus est, concludimus,  
 „ nisi sit exorcismus, in quo diabolus per di-  
 „ vinum judicium, ut a creatura Dei disce-  
 „ dat,

„ dat, exorcizatur, sive adjuratur ” & rationem hujus reddit Casarius Heisterbachius *lib. 5. cap. 10.* inquit, „ sentiunt, & timent dæmones pœnam sibi præparatam, hinc est, quod „ omnes Exorcismi, qui ad illorum nequitiam „ enervandam fiant, per ignem, & extremum „ Judicium concluduntur ” quod forte longe prius docere voluit Tertullianus, cum in Apologetico adversus Gentes cap. 23. scripsit: *Atquin omnis hæc nostra in illis* ( spiritibus scilicet immundis ) *dominatio, & potestas de nominatione Christi valet, & de commemoratione eorum, quæ sibi a Deo per arbitrum Christum imminencia expectant . . . . . ita de contactu, deque afflatu nostro contemplatione, & representatione ignis illius correpti, etiam de corporibus nostro imperio excedunt inviti, & dolentes, & nobis presentibus erubescences.* Si ergo Ecclesia potius exorcismos concludit: *per eum qui venturus est judicare vivos, & mortuos, & sæculum per ignem,* quam per alia verba, ut magis dæmonis vires infringat, & nequitiam enervet, fatendum plane erit, diabolum ad quædam verba magis conturbari. Hæc dicta volui, ad vindicandum hoc Ritualis nostri monitum, quod ab aliquibus non satis probari videtur, & præcipuè a P. Brognolo in *Manuali Exorcist. part. 1. cap. 3. art. 5. quest. 7.*

V. Advertendum est tamen, Exorcistam non nimis in hoc fidere debere, cum dæmon vaferimus ostendere possit se gravissimè torqueri cum aliqua sacra proferuntur, & non ad alia forte efficaciora, & tamen haud sic esse, *sed cautus esse debet, innumerabiles enim sunt artes, & fraudes diaboli ad decipiendum hominem, ut ait Rituale nostrum, Documento sequenti.*



## DOCUMENTUM V.

**A**Dvertat quibus artibus, ac deceptionibus utantur dæmones ad Exorcistam decipiendum: solent enim ut plurimum fallaciter respondere, & difficile se manifestare, ut Exorcista diù defatigatus desistat, aut infirmus videatur non esse a dæmonio vexatus. Aliquando postquam sunt manifesti abscondunt se, & relinquunt corpus quasi liberum ab omni molestia, ut infirmus putet se omnino esse liberatum: sed cessare non debet Exorcista, donec viderit signa liberationis. Aliquando etiam dæmones ponunt quæcunque possunt impedimenta, ne infirmus se subiciat exorcismis; vel conatur persuadere infirmitatem esse naturalem: interdum in  
medio



medio Exorcismi faciunt dormire infirmum, & ei visionem aliquam ostendunt subtrahendo se, ut infirmus liberatus videatur. Aliqui ostendunt factum maleficium, & a quibus sit factum, & modum ad illud dissipandum; sed caveat, ne ob hoc ad magos, vel ad sagos, vel ad alios, quam ad Ecclesiæ Ministros confugiat, aut ulla superstitione, aut alio modo illicito utatur. Quandoque diabolus infirmum quiescere, & suscipere Sanctissimam Eucharistiam permittit, ut discessisse videatur: denique innumerabiles sunt artes, & fraudes diaboli ad decipiendum hominem, quibus ne fallatur Exorcista cautus esse debet.

S U M M A R I U M.

1. **U**T artes, & deceptiones demonis Exorcista cognoscat, orare debet Deum, & Beatam Mariam.
2. *Præcipuum demonis studium est fallere.*
3. *Hinc*

3. Hinc demon non est fide dignus, etiam si vera loquatur.
  4. Imò nec quando dicit se compelli a Deo, vel ab Ecclesia ad veritatem dicendam.
  5. Illicitum proinde est Exorcista juramentum exigere a damone sui exitus a corpore obsessi.
  6. Inter fallacias, quibus utitur, una est, difficile se manifestare.
  7. Alia est se abscondere, postquam est manifestus.
  8. Imò interdum relinquunt corpus, & deinde redeunt.
  9. Petere signum exitus a damone, negant aliqui licitum esse.
  10. Afferitur a nobis.
  11. Quadam signa exitus enumerantur.
  12. Alia fallacia est, persuadere obsessio infirmitatem esse naturalem.
  13. Obsessi Parentibus,
  14. Et Vulgo,
  15. Facile hoc decipiuntur errore Medici.
  16. Probatur homines vexari a damone posse per maleficium, quod revera dari ostenditur usque ad num. 17.
  17. Triplex genus maleficii enumeratur.
  18. Aliqua exempla maleficii soporiferi referuntur.
  19. Maleficii amatorii mentio habetur in Sacra Scriptura.
  20. Quadam exempla ejusdem maleficii narrantur ad num. 23.
  21. Alia de maleficio hostili exhibentur.
- Dari etiam maleficium ligaminis, quod ad hostile spectat, ex sacris Canonibus ostenditur. Et etiam exemplis.
- Species cujusdam rari maleficii exemplo detegitur.

Colligitur quam immerito aliqui maleficia negent.

Maleficiatus non debet ullo modo judicare de auctore maleficii.

Non licere ad Magos confugere ut maleficium solvatur, ostenditur ex sacris litteris, & Doctoribus.

Etiam si malefici parati sint maleficium maleficio tollere.

Quadam Objectiones solvuntur,  
Et rursus alia obiectio refertur,  
Quae item solvitur.

Ac exemplo, & auctoritate responsio roboratur.  
Recurrentes ad Magos, & ad Sagas interdum,  
Deo permittente, seivius vexantur a demone, & num. 40.

Licitum tamen est ad maleficum confugere, quando probabiliter creditur posse modo licito maleficium tollere.

Quadam tamen limitationes assignantur.  
Securius est ad remedia Ecclesiastica confugere.  
Nedum ad magos confugere, sed & modis superstitiosis uti, illicitum esse probatur.

Non tamen per hoc reprobantur sacra amuleta seu brevia, Reliquia, imagines Sanctae &c. quae res superstitiosae non sunt.

Imo earum usus comprobatur sanctissimus, piissimus, & utilissimus ad num. 51.

Circa hac tamen, quadam advertenda traduntur.

Conciliantur Sancti Patres, qui nobis oppositi videntur.

Etiam si demon permittat vexatum sumere Sanctissimam Eucharistiam, non tamen hoc est signum, quod demon abierit.

Magnum est hominis discrimen, versari inter diaboli astutias, & ideo ut facilius ista detegan-



tegantur, de eorum cognitione Exorcista instruitur.

*Tribus modis demon cognitionem accipit, ex SS. PP.*

*Et ex Sacra Scriptura.*

*Quousque hac se extendat, explicatur per Regulas, cum quibusdam limitationibus usque ad num. 63.*

64. *Voluntas demonis habet moralem necessitatem peccandi, & similem impotentiam ad actum moraliter bonum.*

65. *Et quamvis aliquem actum bonum facere videatur, tamen non bene eum facit.*

66. *Demon homines impugnat.*

67. *Imò hoc est ejus precipuum ministerium.*

68. *Insuper gaudet de malo spirituali hominis.*

69. *Assignantur motiva hujus pravi gaudii, ad num. 70.*

71. *Deus tamen non sinit quantum diabolus vellet.*

72. *His de voluntate, & intellectu demonis explicatis, de ejus potentia dicendum occurrit.*

73. *Demonis potentia naturalis circa res corporeas explicatur.*

74. *Demon non potest miracula facere, ad num. 76.*

77. *Discrimina inter vera, & falsa miracula assignantur.*

78. *Non potest demon rem aliquam creare,*

79. *Nec formam Substantialem immediate producere.*

80. *Quid dicendum sit de serpentibus magorum Pharaonis, aperitur, ad num. 85.*

86. *Potest tamen producere quaedam animalia.*

87. *Diversimodè tamen ac produxit Moyses.*

88. *Non potest in instanti aliquam mutationem facere.*

89. *Potest tamen brevi sanationes quasdam operari, demptis morbis incurabilibus.*

90. *Non*

90. Non potest transmutare humana membra in bestialia.
91. Quamvis possit humana corpora affligere.
92. Non potest demon in instanti motum localem exercere.
93. Licet possit brevissimo tempore corpus movere.
94. Mens nostra circa realem magorum, & sagarum deportationem ad nocturna conventicula aperitur usque ad num. 99.
100. Non posse demonem impedire virtutem agentium naturalium ab intrinseco, quamvis ab extrinseco possit, ostenditur.
101. Nihil potest in corpora Cælestia.
102. Et quid possit in elementa, traditur.
103. Potest terramotus efficere, fulgura, &c.
104. Non potest mortuos suscitare; ubi de anima Samuelis per Pythonissam evocata differitur. Usque ad num. 108.
109. Huc usque dicta videntur sufficere ad intentum.
110. Assignantur modi, quibus demon potest quidquid potest.
111. Quidquid potest demon, cum sua proportionem posse ejus ministros, astringitur.
112. Quæ non potest demon facere, si facta videantur, illusiones sunt reputanda.
113. Concluditur his omnibus, sufficienter instructum esse Exorcistam ad demonis fraudes cognoscendas.

## COMMENTARIUM.

Advertat quibus artibus, ac deceptionibus utantur dæmones ad Exorcistam decipiendum.

I. **E**t ut magis advertere possit, oret Deum Exorcista, ut tam versipellis hostis astutias cognoscere, & confringere possit. Hoc apertissime docet D. Antonius Abbas referente D. Athanasio in ejus Vita, inquit: *Multis precibus, atque exercitatione est opus, ut accepto quis spiritus dono discernendi spiritus, horum naturas nosse possit.... multi enim illorum sunt doli, multa insidia, quas parant. Beatus itaque Apostolus, ejusque amuli talia norunt cum dicerent: Non enim ignoramus cogitationes ejus.* Deinde oret Exorcista Beatissimam Virginem, ut ejus ope declinet versutias ejus, & machinamenta, & prælia subdola, „ Hoc autem, inquit Joannes Gerson collat. de Angelis in initio, ut „ nunc, & olim fiat, implorandum est illius auxilium, pro qua ad eum comminatus est Dominus dicens: *Et ipsa conteret caput tuum.* (Genes. 3. v. 15.)

Solent enim ut plurimum fallaciter respondere.

II. Hoc est unum ex præcipuis dæmonum studiis. *Fallunt autem*, ait D. Augustinus de Divinatione dæmonum cap. 6. *etiam studio fallendi, & invida voluntate, qua hominum errore latentur.*



*tantur*. Non semper tamen fallunt, sed ut plurimum. *Diabolus enim interdum verum dicit . . . , concessum est autem diabolo, & interdum veritatem dicere, ut mendacium suum rara veritate commendet. Si autem nunquam diceret verum, nec ad tentationem poterat sufficere seductio ejus, ut ait Auctor Operis Imperfecti, hom. 19. in Matth.* In vero autem, quod interdum profert, finem semper habet fallendi, ut pariter observavit D. Augustinus, de diversis quaestionibus ad Simplicianum *quest. 3.* dicens: *Miscet tamen isti fallacias, & verum quod nosse potuerint, non docendi magis, quam decipiendi fine praeannuntiant.*

III. *Hinc cum veritatem loquitur, non fide dignus est veterator ille, ut cum D. Athanasio orat. 1. contra Arianos loquar, quod exemplo suo nos docuit Salvator, dum silentium imposuit demoni verum clamanti: Scio qui sis, Sanctus Dei; statim namque comminatus est ei Jesus, dicens: obmutesce, ut refert S. Marcus c. 1. v. 24. & 25. ad quae respiciens D. Antonius Abbas, referente D. Athanasio in ejus Vita, ipse quoque Dominus, aiebat, quamvis demones vera loquerentur, verè enim dixerunt: Tu es filius Dei; tamen iussit obmutescere, fierique silentium, ne quando veritati quid vitii de suo aspergant, utque nos consuefaciat a talibus aures nunquam non avertere, etiamsi vera loqui videantur.* Super eadem Evangelii verba inquit Victor Antiochenus: *Salutare quoque documentum per hoc nobis tradidit, ne videlicet ullam unquam demonibus fidem habeamus, etiamsi vera se dicturos profiteantur.* Idem pariter tradit Euthymius Zigabenus Comment. in Evangel. Marci cap. 1. *Docuit nos, inquit, (Christus) ne demonibus unquam credamus, etiam vera dicentibus.* Et rationem

tionem supra assignatam adducit: cum enim amene mendacium, sintque nobis inimicissimi, nunquam vera loquuntur, nisi ad fallendum, veritate, quasi esca quadam, utantur.

IV. An autem dæmoni fides adhibenda sit, cum a Deo, aut ab Ecclesia ad veritatem dicendam se compelli dicat, affirmat Hadrianus Lyraeus in Trifagio Mariano lib. 1. negat autem Bail, in quodam suo Opusculo a se indicato tom. 2. Summæ Conciliorum, ubi de Concilio Parisiensi sub Gregorio IV. anno 829. Primò, quia dæmon est mendax, & subdolos hostis humani generis, ideo fide indignus. Secundò, quia calumniator est justorum hominum. Tertiò, quia potestas data Ecclesiæ super energumenos extendit se ad ipsos è corporibus ejiciendos cum imperio, & & potestate, non ad inquirendam rerum occultarum veritatem. Quare si quid verum dicat diabolus, ut aliquando accidit, non id tribuendum virtuti ordinariæ exorcismorum, sed vel dæmonis voluntati propter fines illos, quos sibi proponit, vel forsan Sanctitati Exorcizantis. Quartò, quia facultas Parisiensis in Comitibus Ordinariis Sorbonæ anno 1623. die 2. Januarii, & iterum die 2. Martii damnavit quemdam librum editum cum hoc titulo: *Vera & memorabilis historia de tribus energumenis &c.* Motiva autem censuræ, & damnationis revocantur in Actis facultatis ad quatuor capita, quorum primum, & secundum, quæ ad rem nostram propius spectant, sunt: Primum: *Quod vellet Auctor & condemnat demonem si certis rationibus, quas profert, se Sacramento obstrinxerit non posse fallere, eique fidem esse adhibendam. Quod omnibus dolis, & deceptionibus viam sternit.* Secundum est: *si hoc præstito juramento asseveret demon se tanquam Ministrum Dei accepisse provinciam*  
enuncian-

enunciandi aliqua ad Dei Gloriam, & fidelium institutionem, ei auctandum, & obediendam esset. Quod aliquo pacto Idolatriam sapit: Cui Bail sententiæ libenter subscribimus tum obejus motiva, tum ob Patres a nobis relatos.

V. Hinc obiter notet Exorcista, illicitum esse exigere a dæmone juramentum sui exitus a corpore obsessi, quod juramentum exigitur a quibusdam Exorcistis antiquis, qui proinde cavendi sunt.

Et difficile se manifestare, ut Exorcista diu defatigatus desistat, aut infirmus videatur non esse a dæmonio vexatus.

VI. Enumerat hic Rituale nostrum plures ex fallaciis, quibus sæpe utitur dæmon, ut Exorcistam decipiat, sed aliqua ex his nullo indigens Commentario: ex se enim patent.

Aliquando postquam sunt manifesti abscondunt se, & relinquunt corpus quasi liberum ab omni molestia, ut infirmus putet se omnino esse liberatum.

VII. Pluribus exemplis id comprobatum habemus. In parte 4. miraculorum S. Joannis Gualberti 12. Julii legitur, quod quidam vir a dæmonibus obsessus, adductus fuit ad monasterium, & sepulchrum Sancti, fiunt itaque pre-



„ ces more solito.... Mira res! inter orandum  
 „ sapius his agitabatur furiis, ut vix etiam fu-  
 „ nibus, & catena ligatus, & vinctus a quam-  
 „ pluribus viris atrocissimis teneretur. Non-  
 „ numquam verò quamdam præferre humani-  
 „ tatem, & modestiam, ut qui aderant fere  
 „ major pars affirmaret, eum nullo affici do-  
 „ lore, nullo torqueri morbo, nulla indigere  
 „ curatione; nam in dæmone tantus dolus, tan-  
 „ ta calliditas, & astutia erat, ut signum Cru-  
 „ cis in hominis fronte fieri permetteret, &  
 „ quod majus est, Dominicam orationem, & Vir-  
 „ ginis Mariæ hymnum ipsum proferri fineret,  
 „ ita ut ex Monachis etiam nonnulli sanum,  
 „ & incolumem dicerent. Cæterum, .... cum  
 „ Religiosi Viri a pio opere non desisterent.....  
 „ dæmones..... cœperunt ipsi varias, & tarta-  
 „ reas emittere voces.... & demum ingenti vi funi-  
 „ buseffractis, cursum foras arripiens, eum vix  
 „ turba hominum in corona reducta cœperunt.  
 „ Non parvo itaque tempore in pio opere con-  
 „ sumpto, demum dæmones unus post alterum  
 „ exeuntes, eum fere vita hac privatum reli-  
 „ quere. „ Similiter in Vita S. Norberti *cap. 13.*  
 „ narratur, quod quidam pervasus a dæmone ad-  
 „ ductus fuit ad Sanctum Virum, „ quem cum  
 „ P. Norbertus diligenter esset intuitus.... cœ-  
 „ pit hominem signare, & exorcizare, donec  
 „ quiesceret.... Rogabat siquidem orando San-  
 „ ctam Dei Genitricem, ... ut ejus miserere-  
 „ tur.... Quod videntes, qui adstabant, ga-  
 „ visi sunt valde, gratias agentes Deo, & dicen-  
 „ tes: Eja benedictus Deus per omnia.....  
 „ sed ille..... non est, inquit, ut vos pu-  
 „ tatis, quia numquam Spiritus iste nequam  
 „ recessit, sed latitat.... ex divinæ virtutis ti-  
 „ more ut non expellatur, sed nobis receden-  
 „ tibus

„ tibus acrius hunc miserum valeat cruciari „  
 „ qui deinde a S. Abbate liberatus fuit. Tandem  
 in Vita S. Kingæ, seu Cunegundis Virginis, apud  
 Bollandianos Continuatores, die 24. Julii legitur,  
 „ quod „ quædam puella decimum annum agens  
 „ a dæmone obseda, ... in cœnobium Sancti-  
 „ monialium, & ad Sepulchrum S. Cunegun-  
 „ dis ... adducta est ... Cognatis autem, &  
 „ necessariis Sanctam Dei Cunegundim pro illa,  
 „ & ejus liberatione suppliciter obsecrantibus,  
 „ liberata est tam pro suo, quam amicorum,  
 „ & assistentium judicio, nulla obsessionis, &  
 „ vexationis dæmoniacæ perferens signa. Verum  
 „ a Monasterio ad hospitium deducta, dæmon,  
 „ qui fallaciter se ad tempus occuluerat, mor-  
 „ dacius illam excruciare cœpit „ quæ postea  
 a Sancta ei apparente sanata fuit.

VIII. Imò revera interdum relinquunt cor-  
 pus, & deinde redeunt. Tilmanus Bredemba-  
 chius gravis æque, ac pius Auctor *lib. 7. Sacri.*  
*collat. cap 39.* „ Narravit mihi, *inquit*, Venera-  
 „ bilis Dominus N. ætate, doctrina, & vitæ  
 „ sanctimonia commendatissimus, atque etiam  
 „ nunc superstes, eo ipso die, quo novus  
 „ Evangelista Martinus Lutherus defunctus  
 „ est, universos homines, qui id tempus ad  
 „ Gheelam Brabantia, spe liberationis, quam  
 „ ad corpus S. Dymnæ divino beneficio pluri-  
 „ mi jam inde a multis retro annis consequi so-  
 „ lent, advekti erant, è teterrimis illis, & hor-  
 „ rendis dæmonibus, hospitibus suis liberatos;  
 „ postridiè verò ab iisdem rursus obsessos, &  
 „ discruciatos fuisse: dæmones verò, cum in-  
 „ terrogarentur, ubi pridie delituisse, re-  
 „ spondisse, principem ipsorum, & Archidæ-  
 „ monem præcepisse; ut universi spiritus mali-  
 „ gni ad sui prophetæ, & fidelis cooperarii Mar-

„ tini Lutheri exequias confluerent; congruere  
 „ enim, ut qui quamplurimos ad inferos redu-  
 „ xisset, a quamplurimis ad eosdem solemniter  
 „ reduceretur. „ *Et addit Tilmanus:* „ Hanc  
 „ historiam cum referrem in præsentia quorum-  
 „ dam virorum honoratorum, quidam magni  
 „ Principis Consiliarius subjunxit, se fuisse Islebi  
 „ in ædibus paternis Lutheri, in quibus & de-  
 „ functus est: ibidemque paulò ante mortem  
 „ Lutheri, quemdam Luthero a multis annis ser-  
 „ vientem, fortè è fenestra cubiculi, in quo id  
 „ temporis erat Lutherus, fontem rivulos suos  
 „ grato murmure emanantem voluisse conspi-  
 „ cere, è cuius margine mox ille videret pluri-  
 „ mos teterrimos cacodæmones, huc, illuc sal-  
 „ titantes: quo viso, cum ille vehementer per-  
 „ celeretur, animoque, & vultu totus permu-  
 „ taretur, rogasse Lutherum palloris istius, &  
 „ subitæ mutationis causam. Quam cum ille  
 „ celaret, tandem resumpto spiritu, rursus  
 „ paululum a fenestra prospexit, ac denuò dæ-  
 „ mones terribilibus teterrimarum bestiarum  
 „ formis aspiciens, majori horrore, ac trepidatio-  
 „ ne concussus sit. Cumque rursus Lutherus  
 „ instaret, ut quid vidisset ediceret; tandem  
 „ illum rem visam Luthero aperuisse: Qui cum  
 „ paulò post defungeretur, & cadaver Vvitem-  
 „ bergam veheretur, toto illo itinere innume-  
 „ rabilem corvorum, horrendum in modum  
 „ crocitantium, multitudinem, funus super-  
 „ volitasse, ac Vvitembergam usque comitatum  
 „ suum præstitisse. Atque hi procul dubio fue-  
 „ runt isti (addebat Consiliarius,) qui mandato  
 „ sui Principis, & Archidæmonis, vasa, quæ  
 „ prius occupaverant, dimittentes, ad exequias  
 „ Martini Lutheri confluerunt, ne quisquam  
 „ istorum tantis deesse videretur solemnibus. „



**Sed cessare non debet Exorcista, donec viderit signa liberationis.**

IX. Pater Candidus Brognolus in Manuali Exorcistarum *part. 3. cap. 4. art. 5. §. 2.* superfluum esse asserit petere a dæmone signum exitus a corpore obsessi. Hujus ratio est, quia dæmon mendax, & pater mendacii; potest enim lanpadem extinguere, vitrum frangere, campanam pulsare, absque eo quod egrediatur ab energumeni corpore.

X. His tamen obstat usus Ecclesiæ, & Rituale nostrum, quod apertissimè indicat in 1. Exorcismo posito ante Evangelia legenda super Obsessum, hæc signa liberationis peti posse; & hic supponit, quia, licet dæmon aliquando possit esse fallax, raro tamen ita contingit, quando in signi postulatione servatur modus ab Ecclesia præscriptus. Nam signum hoc petitur, non ut conducens ad expulsionem, sed ut expulsio in nomine Christi sequuta, nobis manifestetur. Credendum namque est, quod Christus reliquit suæ Ecclesiæ potestatem ad expellendum dæmones, ut docuimus supra in Comment. Document. I. num. 24. non qualemcumque, sed manifestam, & consequenter ad expostulandum signum, quo expulsio nobis innotescat. Et quamvis dæmon sit pater mendacii, quotiescunque tamen cogitur virtute divina per Exorcismos Ecclesiæ, fallere nequit.

XI. Cæterum, nulla sunt signa infallibilia, quia ipsi non aliis rebus exire coguntur, nisi Dei voluntate, ac proinde potest plura signa egressus dæmon Exorcistis promittere, & minime egredi,

di, sed in obsessis latere. Signa autem probabiliter egressum manifestantia [ ], in primis sunt, ipsorum spirituum confessio, qualis illa fuit de qua scribit D. Marcus cap. 1. v. 24. *Et clamavit dicens: quid nobis, & tibi Jesu Nazarene! Venisti ante tempus perdere nos.* Secundò, in terram collisio, & dejectio, ac si energumenus mortuus videatur, ut accidit illi, de quo Marci 9. v. 25. dicitur: *Exclamans, & multum discerpens eum, exiit ab eo, & factus est sicut mortuus, ita ut multi dicerent: quia mortuus est.* Tertiò, ingentes clamores, aut ejulatus, vel belluarum voces, ut legitur Actorum 8. v. 7. *Multi eorum, qui habebant spiritus immundos, clamantes voce magna exhibant.* Plura alia hujusmodi signa colligi possunt ex historiis in hoc Opere adductis. Probabilius tamen signum, licet non adeo manifestum est, cum persona prius obsessa se veluti a quodam magno pondere exoneratam, a quodam ligamine solutam, & a quocumque dolore, & gravamine sublevatam, ac cor suum ob liberationem hilaritate, ac jucunditate repletum habere experitur, idque per multum temporis: licet enim dæmon possit se abscondere, ut vidimus supra num. 7. tamen diu ibi esse sine eo, quod aliquas molestias inferat, attenta ejus invidia, & in homines livore, moraliter est impossibile. Nam ut dicitur Proverb. 6. v. 37. *Numquid potest quis abscondere ignem in sinu suo, ut vestimenta illius non ardeant.*

**Conantur persuadere, infirmitatem esse naturalem.**

XII. Hæc est una ex præcipuis astutiis dæmonis, qua utitur ad decipiendum ipsum vexatum,  
ut

ut docuit Auctor homiliarum; quæ S. Clementi tribuuntur; homil. 9. num. 12. editionis Costelerii; inquit: *Itaque per latentes in eorum animabus demones, datur illis (scilicet obsessis) intelligi, se non a demone vexari; sed a corporis morbo, exempli gratia; vel ab acri materia; vel a bile; vel a pituita; vel a nimio sanguine; vel ab inflammata cerebri membrana; vel ab alio quopiam.*

XIII. Id ipsum persuadere conatur diabolus ipsis etiam energumenum parentibus; ut habemus in Evangelio Matthæi 17. ubi narratur; quod accessit ad Christum homo genibus prostratus ante eum dicens: *Domine miserere filio meo, quia lunaticus est; & male patitur.* Super quæ verba appositè hæc scribit S. Petrus Chrysologus ferm. 52. de demoniaco furdo; & muto: *Domine, inquit, miserere filii mei; quia lunaticus est; & male torquetur. Aut humane naturæ, aut cælestis elementi demon, quod suæ artis fuerat, voluit videri; aptans lunæ cursibus hominis passiones. Vexabat corpus Lunaribus incrementis, ut esse Lunæ crederent; quod erat diaboli criminis; & furoris.*

XIV. Imò errorem hunc spargit dæmon in vulgus; ut notat Paschasius Rothobertus lib. 8. in Evangel. Matth. *Notandum, inquit, super relata verba; quod Evangelista eum etiam juxta patris vocem; & estimationem vulgi lunaticum vocat, non quod a Luna aliquid pateretur molestiæ; qui spiritu vexabatur immundo; sed quia callidus hostis sic suis operabatur ludibriis in homine, juxta lunarem cursum; ut ab ea pati estimaretur a populo; quatenus per hoc Dei Creatura; quæ bona creata est; atque hominibus perutilis; & necessaria infirmaretur; ejusque infamiam ad Creatoris injuriam retorqueret. Pla-*



di, sed in obsessis latere. Signa autem probabiliter egressum manifestantia |, in primis sunt, ipsorum spirituum confessio, qualis illa fuit de qua scribit D. Marcus cap. 1. v. 24. *Et clamavit dicens: quid nobis, & tibi Jesu Nazarene! Venisti ante tempus perdere nos.* Secundò, in terram collisio, & dejectio, ac si energumenus mortuus videatur, ut accidit illi, de quo Marci 9. v. 25. dicitur: *Exclamans, & multum discerpens eum, exiit ab eo, & factus est sicut mortuus, ita ut multi dicerent: quia mortuus est.* Tertiò, ingentes clamores, aut ejulatus, vel belluarum voces, ut legitur Actorum 8. v. 7. *Multi eorum, qui habebant spiritus immundos, clamantes voce magna exhibant.* Plura alia hujusmodi signa colligi possunt ex historiis in hoc Opere adductis. Probabilius tamen signum, licet non adeo manifestum est, cum persona prius obsessa se veluti a quodam magno pondere exoneratam, a quodam ligamine solutam, & a quocumque dolore, & gravamine sublevatam, ac cor suum ob liberationem hilaritate, ac jucunditate repletum habere experitur, idque per multum temporis: licet enim demon possit se abscondere, ut vidimus supra num. 7. tamen diu ibi esse sine eo, quod aliquas molestias inferat, attenta ejus invidia, & in homines livore, moraliter est impossibile. Nam ut dicitur Proverb. 6. v. 37. *Numquid potest quis abscondere ignem in sinu suo, ut vestimenta illius non ardeant.*

**Conantur persuadere, infirmitatem esse naturalem.**

XII. Hac est una ex præcipuis astutiis demonis, qua utitur ad decipiendum ipsum vexatum,  
ut

ut docuit Auctor homiliarum; quæ S. Clementi tribuuntur, homil. 9. num. 12. editionis Cotelieri, inquit: *Itaque per latentes in eorum animabus daemones, datur illis (scilicet obsessis) intelligi, se non a demone vexari, sed a corporis morbo, exempli gratia, vel ab acri materia, vel a bile, vel a pituita, vel a nimio sanguine, vel ab inflammata cerebri membrana, vel ab alio quopiam.*

XIII. Id ipsum persuadere conatur diabolus ipsis etiam energumenum parentibus, ut habemus in Evangelio Matthæi 17. ubi narratur, quod accessit ad Christum homo genibus prostratus ante eum dicens: *Domine miserere filio meo, quia lunaticus est, & male patitur.* Super quæ verba appositè hæc scribit S. Petrus Chrysologus serm. 52. de dæmoniaco furdo, & muto: *Domine, inquit, miserere filii mei, quia lunaticus est, & male torquetur. Aut humane natura, aut cœlestis elementi daemon, quod suæ artis fuerat, voluit videri, aptans lunæ cursibus hominis passiones. Vexabat corpus Lunaribus incrementis, ut esse Lunæ crederent, quod erat diabolici criminis, & furoris.*

XIV. Imò errorem hunc spargit daemon in vulgus, ut notat Paschasius Rothobertus lib. 8. in Evangel. Matth. Notandum, inquit, super relata verba, quod Evangelista eum etiam juxta patris vocem, & estimationem vulgi lunaticum vocat, non quod a Luna aliquid pateretur molestiæ, qui spiritu vexabatur immundo, sed quia callidus hostis sic suis operabatur ludibriis in homine, juxta lunarem cursum, ut ab ea pati estimaretur a populo, quatenus per hoc Dei Creatura, qua bona creata est, atque hominibus perutilis, & necessaria infirmaretur, ejusque infamiam ad Creatoris injuriam retorqueret. Plu-

ra occurrunt exempla in Sacra Historia, sed unum sufficiat ex miraculis recentioribus S. Stanislai Episcopi Cracoviensis depromptum, penes Bollandianos Continuatores, die 7. Maii; intercessione namque ejusdem Sancti fuit liberatus,,  
 ,, energumenus a dæmone continuos cruciatus,  
 ,, molestias, dolores immensos, maximè vero in-  
 ,, crescente, & decrecente Luna passus.... vi-  
 ,, sitat ædiculam ( *S. Martyris* ) in eaque post  
 ,, Confessionem, & pœnitentiam, Sacra Synaxi  
 ,, percepta, liberatus a dæmone, multas gratias egit.

XV. Et facilius medicos hoc decipi errore, quam alios testatur idem Paschasius ibidem subdens: *Unde de talibus loquuntur Medici quod cumque volunt, qui nec eos immundum habere spiritum arbitrantur, sed corporalem aliquam passionem propter humorem cerebri in Luna cursu vitiatum, quia & Luna humidam habet naturam.*

## Aliqui ostendunt factum maleficium.

XVI. Dupliciter homines vexantur a dæmone, seu obsidentur, vel immediatè per ipsum, vel mediante maleficio, quod nihil aliud est, quam facultas, qua quis ope dæmonis alteri damnum parat. Non me latet, aliquos dixisse, quod maleficium, ut cum D. Bonaventura loquar, in 4. dist. 24. quæst. 2. in corp. nihil erat in Mundo, nec alicujus vis nisi in sola estimatione hominum, qui multos naturales defectus attribuunt maleficiis demonum, propter defectum fidei. Sed ista positio derogat juri, & derogat opinioni vulgi, & quod majus est, experimento, & ideo  
 non



*non habet stabilitatem.* Quod ante Doctorem Seraphicum docuerat etiam Doctor Angelicus *ibidem quest. 1. art. 3. in corp.* Igitur contra istos nobis paulisper est immorandum, & ea, quam tradit S. Bonaventura methodo, utemur.

XVII. Hoc ergo assertum in primis *derogat juri*, & quidem divino, quod prohibet ad magos, & veneficos accedere; si enim non darentur hujusmodi homines, qui maleficiis auxilio demonis in aliorum hominum perniciem uterentur, ad quid diceretur Levitici cap. 19. v. 31. *Non declinetis ad magos, nec ab ariolis aliquid sciscitemini*; Et cap. 20. v. 6. *Anima, qua declinaverit ad magos, & ariolos ponam faciem meam contra eam, & interficiam illam de medio populi sui.* Et Deuter. 18. v. 11. & 12. *Non inveniatur in te..... maleficus, nec incantator, neque qui Pythones consulat.... omnia enim hac abominatur Dominus, & propter istiusmodi scelera delebit eos in introitu suo.*

XVIII. Nec pariter in maleficos, & Magos statuerentur pœnæ a Jure tum Canonico, tum Civili: & primo quidem; nam malefici excommunicandi sunt. *Concil. Rom. 4. sub Damaso c. 4.* Leo IV. *Epist. 2.* & maleficia exercentes per quinquennium pœnitere debent. *Conc. Ancyran. c. 23.* Imò maleficus occidens aliquem maleficio, neque in sine recipiendus est ad Communionem. *Concil. Eliberit. c. 6.* Nunc verò Innocentius VIII. *Constit. 1. Summis*, statuit hujusmodi maleficos esse puniendos per Inquisitores; & Gregor. XV. *Constit. 46. Omnipotentis*, decrevit, quod si ex maleficio sequatur mors, curiæ sæculari malefici tradantur: si verò mors non sequatur, sed vel infirmitas, vel divortium, vel impotentia generandi, vel damnum in frugibus, vel aliis, mu- ro perpetuo in carcere S. Officii claudantur.

XIX. Et jure civili statuitur, quod sortilegi, & multo magis magiæ superstitiosæ rei pœnam publicationis omnium bonorum, & ultimi supplicii, etiam aliquando per ignem inferendi, incurrant: *l. nullus 3. & l. nemo 5. C. de maleficis*. Per constitutionem verò Caroli V. magiam cum damno tertii exercentes, igne cremandi; sine aliorum damno autem, arbitraria pœna Judicis: v.g. relegationis, carceris, vel etiam ultimi supplicii, pro diversitate circumstantiarum puniuntur. Has juris civilis pœnas ex P. Anacleto Reiffenstuel in *lib. 5. Decretal. titul. 22. num. 13. & seqq.* deprompsi.

XX. Derogat secundò *opinionem vulgi*, ut certò certius est; quare remanet solum, ut postremo loco ostendatur, quod derogat *experimento*. Ut verò clare procedatur sciendum est, quod ad tria potissimum genera reduci solet maleficium, nempe ad *somnificum*, seu *soporiferum*; *Amatorium*, Græcis *Philtrum*; & *Hostile*. Primum est, cum magi, vel sortilegi, & sargæ aliqua potione malo carmine, & certis ritibus soporant, ut interea ope dæmonis aliquod damnum hominibus afferant. Secundum est illud, quo aliquis in amorem impudicum sui, vel alterius quempiam incendit, & ad parendum libidini suæ inflectit. Tertium est, cum Magus, aut sortilegus bonis animi, & corporis aut fortunæ damnum infert. De his tribus generibus exempla selecta adducam, ex quibus constabit, dari hujusmodi maleficia.

XXI. Et ut a primo genere incipiamus, narrat Ernaldus, seu Arnaldus Abbas Bonavallis in Vita S. Bernardi *lib. 2. cap. 6.* quod in regione Nannetensi, Erat misera Mulier, quæ a quodam petulante diabolo vexabatur: (apparuit autem ei lascivus ille diabolus in specie  
» mili-

„ militis, valde pulchri aspectu, & in amorem  
 „ suum intus suggestione latenti, extra locutio-  
 „ ne blandienti animum ejus fallaciter inclinavit.  
 „ Cumque mulieris assensum obtinuisset expan-  
 „ sis brachiis pedes ejus super una manuum  
 „ suarum posuit: altera vero manu caput ejus  
 „ operuit, sibi que eam foederis hujus signo dota-  
 „ vit. ) Habebat autem illa virum Itrentum  
 „ militem, sed hujus tam execrabilis commer-  
 „ cii prorsus ignarum. Abutebatur ergo ea,  
 „ etiam in eodem lecto cubante Marito, invisi-  
 „ biliter impurissimus ille adulter, & incredi-  
 „ bili vexabat libidine. „ Quod non nisi per so-  
 „ porem in maritum immisum contingebat.

XXII. De secundo genere, scilicet de malefi-  
 cio amatorio, seu Philtro plura habemus exem-  
 pla, sed ante quam hæc afferamus, adverten-  
 dum est, quod hujusmodi maleficii mentio ha-  
 betur in Sacris Litteris, & in SS. Patribus. Sic  
 Nahum cap. 3. v. 4. *Propter multitudinem for-  
 nicationum meretricis speciosa, & grata, &  
 habentis maleficia.* Ubi S. Hieronymus scribit:  
*Facit enim amare eas, quæ odisse debuerunt, &  
 detestari, quæ amare debebant, ut cum deceptæ  
 fuerint, .... etiam alios malefica arte supplan-  
 tent.* Advertendum tamen quod quamquam ho-  
 minem laceßere, atque aggredi ipsis (nempe  
 demonibus) permiffum sit, nemini tamen illi  
 vim inferre possunt. In nobis enim situm est eo-  
 rum tela vel excipere, vel propulsare. Ut ait  
 D. Joannes Damascenus lib. 2. fidei Orthodoxæ  
 cap. 4. Hinc Facultas Theologica Parisiensis an-  
 no 1389. inter alios, hunc articulum in ordi-  
 ne 14. damnavit: *Quod possibile est per tales ar-  
 tes cogere liberum hominis arbitrium ad volunta-  
 tem, sive desiderium alterius.* Vide dicta supra  
 in Comment. Tituli num. 38. & 39.



XXIII. Nunc ad exempla accedamus, & primum illud sit quod narrat D. Hieronymus in Vita S. Hilarionis: „ De Gazensis emporii oppido  
 „ Virginem Dei, vicinus juvenis deperibat, qui  
 „ cum frequenter tactu, jocos, actibus, sibilis,  
 „ & cæteris hujusmodi, quæ solent morituræ  
 „ Virginitatis esse principia, nihil profecisset;  
 „ perrexit Memphim, ut confesso vulnere suo,  
 „ magicis artibus rediret armatus ad Virginem.  
 „ Igitur post annum doctus ab Æsculapii vatibus  
 „ non remediatis animas, sed perdentis, venit præsumptum animo stuprum gestiens, &  
 „ subter limen domus puellæ tormenta quædam  
 „ verborum, & portentosas figuras sculptas in  
 „ aris Cyprii lamina defodit. Illico insanire  
 „ virgo, & amictu capitis abjecto, rotare crimen,  
 „ fridere dentibus, inclamare nomen adolescentis: magnitudo quippe amoris eam in furorem verterat. „ Hanc postea ab hoc maleficio liberavit S. Hilarion, ut videbimus infra in Comment. Documenti XV. num. 17. & 19.

XXIV. Secundum illud sit, quod legitur in vita S. Irenes Hegumenæ Virginis cap. 5. *penes socios Bollandianos die 28. Julii*: „ Mulier quædam è nobilibus Cappadociæ, & ipsa genus  
 „ trahens, accessit ad Irenen, scæminas inter, admiratione dignissimam. Coma capitis attonsa, & una ex earum, quæ sub ipsa vitam monasticam profitebantur, numero facta. Sed  
 „ spiritus malignus, qui modis variis semper invidet bonis, sponsum in ipsius regione degentem vehementer subingressus, valdè accendit, & amore sponsæ contabescere fecit,  
 „ quo illa relicto, & omnibus contemptis, propter amorem Domini ad Irenes popularis suæ disciplinam confugerat. Nec verò ignorabat  
 „ infelix quod amor erga illam imposterum  
 „ su-

5 supervacaneus foret, prout res tunc erat: in-  
» telligebat enim, jam illam benignum Christi ju-  
» gum subiisse, sed (o diabolicæ improbitatis opus!)  
» discruciabatur, ægre ferebat, patiebatur quæ-  
» cumque tales pati par est. Denique ad Magum  
» quemdam currens, invenit ipsum veluti proba-  
» tissimum satanæ ministrum promittentem, quod  
» omnia, ex sententia ejus, facturum esset, & imple-  
» turus. Atque hæc quidem ille in Cappadocia  
» factitabat. Puellam vero fervor cordis invasit,  
» & totam mente captam præ lymphatico erga  
» sponsum, aliquando suum amore, coegit ad  
» desperationem. Neque permittebat coerceri se  
» vi, saltantem, clamantem, gementem, flentem,  
» magna voce nomen ejus ingeminantem, &  
» nisi quis ipsi dederit oculis eum videre, & con-  
» spectu ejus ad satietatem frui, ac communi-  
» catione, horrendis confirmantem juramentis.  
» quod se ipsam suspensura fuisset. Deinde cer-  
» nere ipsam erat ad fores accurrentem, & exi-  
» tum maturantem, atque hunc inconditis vo-  
» ciferationibus, & inverecundis gestibus januæ  
» custodiam imperantem. Postquam hæc ad aures  
» venerunt B. Irenes, ..... dumque de more in-  
» gressa esset Diaconon, sorores ad se convo-  
» cavit .... Præcepit omnino neque panem, ne-  
» que vinum per totam simul hebdomadam  
» istam gustarent, sed solis ad vesperam fructi-  
» bus sustentarent corporis miseriam, ac ge-  
» nuflexiones ad Deum pro sorore singulas ip-  
» sarum per diem facere numero mille. Audi-  
» tis enim, inquit, Dominum nostrum dicen-  
» tem: quia hoc genus non exit, nisi in ora-  
» tione, & jejunio .... Hæc ubi præcepisset so-  
» roribus, .... ipsaque simul appositæ, ac sine  
» intermissione Deum adorante, tertia jam qui-  
» dem dies præterierat; ad gallorum autem

„ cantus diei quartæ subsequenti, quando ora-  
 „ tioni vacabat, manusque sursum Sancta habe-  
 „ bat, magnum videt Basilium ante oculos suos  
 „ adstare ..... atque ad se dicere .... Domini  
 „ nostri Mater, ecce cras, mane in Blachernis  
 „ aderit. Tu accepta tecum tua discipula, quæ  
 „ malè affecta est, illic statim te siste, ac sani-  
 „ tatem omninò consequetur .... (*Erat autem  
 in Blachernis Constantinopoli Templum, in quo  
 Dei Genitrix summo honore colebatur, ut colli-  
 gitur ex Baronio ad ann. 717. & 740.*) Hanc ac-  
 „ cipiens secundum iussa, una cum duabus præ-  
 „ cipuarum sororum, in Blachernas pervenit ...  
 „ media autem circiter nocte .... visa fuit S. Ire-  
 „ ne videre .... Matrem Domini, .... & audire  
 „ vocem Virginis purissimæ, quæ Basilium vo-  
 „ caret, & Joannem ... Et audivisse iterum quod  
 „ diceret: Anastasiam mihi advocate .... Vide-  
 „ batur ..... vox audiri alicujus, quæ ad Ire-  
 „ nen diceret: Discede ad monasterium tuum,  
 „ & ibi sanabitur .... Sic visis fucatis credentes,  
 „ ad monasterium redierunt: (erat autem dies  
 „ Parasceve) Ad occasum verò solis, reliquis so-  
 „ roribus, ædem monasterii Sacram ingressa,  
 „ ut consuetas expleret orationes, visum nar-  
 „ ravit .... dum ab ipsis in longum extrahere-  
 „ tur precatio .... visi sunt in aere volantes pul-  
 „ chra Martyr Anastasia, & magnus Basilius,  
 „ & quædam vox eorum audiebatur ad Irenen  
 „ dicens: Explica sinum tuum, & cape hæc ....  
 „ quem ubi explicasset, accipit delatum ex æ-  
 „ re fasciculum quasi libris tribus gravem. Con-  
 „ currunt autem sorores inopinato rei eventu  
 „ attonitæ, & percutientes pectora, Deiparam  
 „ glorificabant. Accensis verò cereis, cœperunt  
 „ solvere fasciculum. Continebat is intus omni-  
 „ genas imposturas implexas, & idola duo ex  
 plum-



„ plumbo confecta (hoc quidem Proci, aliud  
„ autem Monachæ, quæ male habebat, simi-  
„ litudinem referebat) & alia quædam mali-  
„ tiæ inventa, alia aliis implexa, & crinibus,  
„ ac filis colligata, nec non malitiæ fabricato-  
„ ris nomine, & dæmonum ipsum propugnan-  
„ tium vocabulis inscripta. Et sic traduxerunt,  
„ quod noctis erat reliquum dissolventes fasci-  
„ culum, & Matri Dei gratias persolventes. Or-  
„ to autem jam sole, cereos, incensum, & ma-  
„ leficia ista duabus monialibus, quæ una in  
„ Blachernis erant adfuturæ commisit. Tra-  
„ didit etiam ipsis eam, quæ male habebat,  
„ atque ad megalo martyris Anastasiæ Templum  
„ dimisit.... Quæ postquam discessissent, .... tem-  
„ pli præfecto, ac Clero miraculi seriem, prout  
„ gesta erat, exposuerunt. Dum autem omnes  
„ qui audierant, glorificassent Deum, templi præ-  
„ ses una cum mulieribus ad sepulchrum Mar-  
„ tyris descenderunt, & simul cum ipsis Deo  
„ actis gratiis, & sorore patiente lampadum  
„ Oleo inuncta, rediit iterum ad Templum,  
„ coque afferri rogavit accensos carbones, cœ-  
„ pitque comburere præstigias. Et videre erat  
„ aliud post aliud sequi miraculum; quantum  
„ enim singulas præstigiarum consumebat ignis,  
„ tantum mulier occultis soluta vinculis, ad sa-  
„ num redigebatur mentis statum, gratias agens,  
„ & laudans eum, qui se liberasset. Postquam  
„ jam omnia in cinerem redacta essent, ita ut  
„ nihil foret super, clamores è carbonibus in-  
„ sonabant, velut si quis audiat vocem porco-  
„ rum multorum, dum mactantur. „

XXV. Prolixitatem hujus historiæ, quam fe-  
re integram retulimus, utpote inservientem ad  
roboranda ea, quæ dicturi sumus in Comment.  
Document. XV., compenset brevitatis duarum,  
quas

„ quas hic subnectimus. „ Cum quidam Juvenis  
 „ amore mulieris cujuspian teneretur, nec eam  
 „ nullatenus posset habere, ipsam præstigiari se-  
 „ cit ab homine artis magicæ perito, taliter quod  
 „ diu, noctuque clamando, juvenem semper  
 „ proprio nomine nuncupabat. Cum pater huic  
 „ tam enormi infamiæ remedium adhibere non  
 „ posset, ad S. Torellum filiam duxit, qui post-  
 „ quam per spiritum cognovit, quod dæmon  
 „ habebat, illum adjurans sic inquit: Maligne  
 „ spiritus, tibi ex parte Omnipotentis Dei præ-  
 „ cipio, quod hinc recedas: & facto Crucis si-  
 „ gno, abire eum coegit; Mulier autem ejecto  
 „ magnis stridoribus dæmone, pristina est tra-  
 „ dita libertati. „ Ita legitur in Vita B. Torelli  
 Puppianensis Solitarii *apud Bollandum die 16. Martii.*  
 In Vita S. Basilii Junioris Anachoretæ *cap. 4. apud*  
*eundem die 26. dicti mensis*, narratur, hunc San-  
 ctum redarguisse quamdam mulierem, „ quæ  
 „ per impuras dæmonum incantationes omnes  
 „ pertrahebat in pudendam sui concupiscentiam,  
 „ & magica Philtra conficiebat: „ *Et ibidem*  
*cap. 6.* legitur de alia muliere „ quæ erat libi-  
 „ dinis adeo effrænata, ut intra breve tempus  
 „ omnes, qui in circuitu commorabantur viros,  
 „ magis suis ad se pertrahebat.

XXVI. De tertio verò genere, scilicet de ma-  
 leficio hostili habemus exemplum de eadem Mu-  
 liere nunc memorata: Hæc enim „ virum suum  
 „ a quo fuerat ob suæ malitiæ impudentiam ex  
 „ merito verberata, usque adeo debilem per mor-  
 „ bos reddiderat, ut ne muscam quidem posset  
 „ a se repellere, nedum prohibere quominus  
 „ ab irata, quandoque fuste, vel fune vapu-  
 „ lans, expelleretur a cella . . . . Si vel unum  
 „ verbum ipsi ingratum dixisset quispiam, eum  
 „ viribus destitutum tribus, vel quatuor an-

„ nis affligebat lecto; si autem manus iniecisset  
 „ in eam, intra tertium diem letho dabat. „  
 Et in Vita B. Nicolai de Rupe *cap. 14. die 22. Mar-*  
*zii* legitur: „ Filiolæ crura venefico contactu,  
 „ seu fascino graviter intumuerant, & carbo-  
 „ ne nigriora, jam putredinem minabantur. Ni-  
 „ colaus veneficium omne brevi sustulit. „ In  
 Analectis S. Agnetis de Monte Policiano, *cap. 1.*  
*penes Bollandianos Continuatores, die 20. Apri-*  
*lis* legitur testimonium quoddam piissimi æque,  
 ac doctissimi Cardinalis Bellarmini dicentis, „ Con-  
 „ cionabatur in summo Templo per Quadra-  
 „ gesimam ( *in Monte Politiano* ) vir quidam val-  
 „ de pius ex Ordine Prædicatorum; & nefarii  
 „ quidam homines magicis incantationibus effe-  
 „ cerunt, ut cum is in suggestum ascenderet,  
 „ continuo vox eum deficeret. Tandem voto  
 „ concepto ad D. Agnetem, detectæ sunt incan-  
 „ tationes, & vox reddita. Ego illum in sug-  
 „ gestu vidi semel, atque iterum cum loqui  
 „ nullo modo posset, & paulò post eundem  
 „ audiui cum in Templo S. Agnetis clarissima  
 „ voce sermonem luculentum de ejusdem B. Vir-  
 „ ginis laudibus haberet ad populum, & simul  
 „ miraculum enarraret, & vota persolveret. „  
 „ In Vita S. Theodori Siccotæ Episcopi Anasta-  
 „ sionopolitani *cap. 5. die 22. Aprilis* habetur,  
 quod quædam mulier a dæmone vexabatur im-  
 misso a mago: dixit enim dæmon coactus a San-  
 cto Theodoro, „ ne mihi irascaris serve Dei; ...  
 „ neque enim ego sum causa, sed invitus ingres-  
 „ sus sum; misit enim me Theodorus cognomen-  
 „ to Carappus ex oppido Mazameæ. „ Hic por-  
 ro erat magus. In supplemento actorum B. Joan-  
 nis Taussiniani Episcopi Ferrariensis §. 6. *apud Bol-*  
*landianos die 24. Julii* narratur, quod quædam  
 Mulier erat „ ab immundo spiritu oppressa,



„ ac malis Necromantiæ artibus circumventa  
 „ ita ut mortifero morbo laboraret „ quæ postea  
 ad B. Sepulchrum fuit liberata. Hunc paragra-  
 phum claudat Guillelmus Abbas in Vita S. Ber-  
 nardi *lib. i. cap. 10.* „ Virum pauperem , inquit , ...  
 „ uxor adultera maleficiis cruciabat . Sicut enim  
 „ ei in ira , & furore fuerat comminata , ege-  
 „ rat per malignas incantationes , ut miser ho-  
 „ mo , consumptis carnibus , nec posset mori ,  
 „ nec vivere sineretur . Sæpius denique , & vo-  
 „ cis usum , & sensum omnem corporis amit-  
 „ tebat , iterumque redibat , non ad vitam ,  
 „ sed ad mortem prolixiorē crudeliter re-  
 „ vocatus „ qui deinde a S. Bernardo libe-  
 ratus fuit . Plura alia huiusmodi exempla oc-  
 currunt in his Commentariis .

XXVII. Ad maleficium hostile , tanquam spe-  
 cies ad suum genus reducitur maleficium , quod  
 dicitur *ligaminis* , de quo hic agendum est , re-  
 liquis speciebus omissis , quia est nimis frequens,  
 & est illud , quo sortilegi , & sagæ hominem fri-  
 gidum , & maleficiatum , & ad actum conjugii  
 impotentem reddunt , aut conjugem alterum al-  
 teri reddunt odiosum , vel invicem odiosos fa-  
 ciunt , aut impediunt , ne conjuges se mutuo  
 contingere possint . De hac maleficii specie men-  
 tio habetur in Decreto c. 33. q. 1. c. 4. *Si per sor-*  
*tiarias , atque maleficas , occulto , sed nunquam*  
*injusto Dei iudicio permittente , & diabolo præ-*  
*parante , concubitus non sequitur , hortandi sunt ,*  
*quibus ista eveniunt .* Et in Constitutione In-  
 nocentii VIII. prima , *Summi desiderantes , quæ*  
*extat in Bullario Romano tom. 1. Sane nuper ad*  
*nostrum non sine ingenti molestia pervenit audi-*  
*tum , quod .... complures utriusque sexus per-*  
*sonæ .... suis incantationibus , carminibus , & con-*  
*juratationibus , aliisque nefandis superstitiosis , &*  
*for-*

*sortilegis excessibus, criminibus, & delictis... homines ne gignere, & mulieres ne concipere, virosque ne uxoribus, & mulieres ne viris actis conjugales reddere valeant, impediunt.* Similiter in hitoriis memoratur, ex quibus aliquas tantum referam.

XXVIII. Prima legitur apud D. Antoninum 2. p. *hist. tit. 17. c. 1. §. 8.* & est hujusmodi., Circa illud tempus, (*scil. anno 1552.*) floruit quidam sanctus vir Petrus nomine Tarentasiensis Episcopus.... Hic.... stupendum miraculum operatus est apud S. Symphorianum, quod est Castrum Lugdunensis Ecclesiæ. Ibi etiam cum esset quidam vir fidelis Petrus de Fraxinetto, .... qui eum ad hospitium suum aliquando, quasi vim faciendo, pertraxit. Huic filia juvencula erat, miserabili incommoditate laborans. Egerat autem quædam mulier malefica per nequitiam, invidiæ socrus inducta, ut languore teperceret desperato, nec viri sui præsentiam, nec aspectus ullatenus toleraret. Affectione autem muliebri genitrix persuasa, ut fatanas satanam ejiceret, famosum quemdam maleficum accersivit. Attuit, & exploravit: agnovit & juvenculam, asserens esse inferratam: terit arborum cortices, & pocula verbis, & herbis infecta propinat. Mordet etiam propriis dentibus brachium miseræ mulieris, in duobus scilicet locis, circa frontem brachii, itaut utraque mensura scilicet superior, aut inferior distaret a fronte brachii quasi uno palmo. Res nova, res mira! Ab illo siquidem languore convaleuit, sed non plene. Nam interdum velut ex corde sentiens acus procedere cruciabatur atrociter, donec per superiorem mensuram brachii, quam nulla catrix, sicut nec inferiorem obduxerat, acus

„ educens vis occulta , jam in hunc modum plu-  
 „ res per temporum intervalla , quasi trigin-  
 „ ta acus prodierant : Quidam , ut vulgò dici-  
 „ tur , *ex capsate* , quidam admittendis idonea  
 „ filis foramina perferentes . Exhibetur igitur vi-  
 „ ro Sancto a patre filia . . . . Et ecce mox eadem  
 „ juvencula sentiens acum , gemebunda deplo-  
 „ rat , ad quam accedens unus de fratribus laicis  
 „ viro Dei serviens , cruentam extraxit , annis  
 „ pluribus ad testimonium conservandam . Orat  
 „ S. Petrus , & locum vulneris tangens , in virtu-  
 „ te Dei pollicetur , nec ferrum , nec calibem  
 „ ultra processurum factumque est ita , sed mu-  
 „ tata est materia , malitia nondum extincta pe-  
 „ nitus . Per alteram brachii morsuram inferio-  
 „ rem , quam vir Sanctus nondum tetigerat ,  
 „ quia nec adhuc aliquid inde exierat , coepe-  
 „ runt fudes lignei parvuli , quos vulgò *brocas*  
 „ vocant , ex quercino robore , vel fraxineo pro-  
 „ ferreis acubus egredi grossiores spinis , & mo-  
 „ dicè longiores , nec tamen omnes unius lon-  
 „ gitudinis , vel grossitudinis , sicut nec acus  
 „ fuerant . Sexdecim jam infra annum , & pau-  
 „ cos menses ex muliere ligna prodierant . Af-  
 „ fuit deinde Reverendus Antistes Petrus , cui  
 „ divinitus servabatur tanti miraculi plenitu-  
 „ do . Offertur mulier missarum solemnia cele-  
 „ branti , sicut præceperat vespere præcedenti .  
 „ Eadem hora ex carne Mulieris lignum egre-  
 „ ditur , quod sub oculis omnium Capella-  
 „ nus extraxit . Confitentem itaque Mulierem  
 „ Præsul absolvit , & sacram ei tradens Eucha-  
 „ ristiam , ab omni deinceps cujuscumque ma-  
 „ teriei progressu jubet eam esse securam , . . .  
 „ sicque ab omnibus præstigiis liberata , adha-  
 „ sit viro suo , liberosque procreavit , virtu-  
 „ temque Viri sancti , quam experta fuerat in  
 „ se ,



se, multis prædicavit. „ Secunda est, quam legimus in Vita S. Herinæ Aletinæ §. 2. *penes Scriptores Bollandian. tom. 2. Maii*, in appendice diei 5. nempe quod „ Conjuges quidam jam „ multos annos veneficio, & incantationibus ob- „ structi, geniali thoro abstinebantur „ qui po- „ stea liberati sunt gossipio, quod ad ossa S. Herinæ admotum fuit. Tertia est, quæ ibidem legitur die 8. *Julii* in Vita S. Pauli novi, nempe, quod quædam „ Mulier, cum adhuc puella quin- „ quennis a dæmonibus possessa, ad adultam per- „ venisset ætatem, legitimoque Marito tradita „ fuisset, a dæmonibus, qui eam latenter læ- „ debant, non permittebatur maritali uti com- „ mercio. „ Quarta est, quæ habetur *penes eosdem die 24. Julii* in Vita B. Antonii Ordinis Eremitarum S. Augustini *cap. 2.* scilicet, quod quædam Mulier „ in juventute per invidiam „ magicis artibus incantata fuit, atque ita per „ 13. annos mansit fascinata, ut non tantum- „ modo maritum suum avversaretur, sed etiam „ sibi ipsi violentam mortem inferre conare- „ tur .... Ab hoc magico maleficio fuit libera- ta in Sacello dicti Beati.

XXIX. Addamus quintam historiam. Inter miracula S. Claudii Episcopi Vesontionensis *cap. 6. penes Bollandian. socios 6. Junii* narratur, quod quædam mulier nomine „ Petronilla annorum duodeviginti ..... insidiatorem sui pudoris pas- „ sa est magum nefarium, .... quem illa ( ut „ erat pia, & pudica ) cum generosè a se, lon- „ gequè ablegasset, parentum denique, & sua „ voluntate nupsit honesto viro populari suo. „ Contigit porrò venefici illius .... malis arti- „ bus, ut ipso nuptiarum die sponsum suum, „ quem casti eatenus dilexerat, mirum in mo- „ dum exhoresceret, atque hunc horrorem sub-

„ inde exceperit mœror ingens, quo illa con-  
 „ fecta, non viri modo fui, sed & mortalium  
 „ omnium ( ut fit ) congressum, aspectum-  
 „ que ipsum, quoad poterat, declinabat....  
 „ Accersitus est Parochus, .... confessam ritè  
 „ absolvit, & Eucharistia Sancta communica-  
 „ vit, & liberata est.

XXX. His exemplis finem imponat quadam  
 species maleñcii hostilis, sed rara, ita ut ab  
 Historico jure *nova* vocatur. Scriptor enim Vita  
 B. Bernardi Patriarchæ Aquilejensis, & Marty-  
 ris *penes Bollandianos die 6. Junii* hæc narrat:  
 „ Lazara Uxor Joannis Odorici, Marculina  
 „ relicta quondam Dominici Mitri, Joanna Uxor  
 „ Piccotti, Maria Uxor Aulivi, Bertulina Uxor  
 „ Joannis de Vivaro.... ætate admodum juve-  
 „ nes, quodam inaudito morbi genere ex male-  
 „ ficio (ujusdam veneficæ mulieris contracti...  
 „ pluribus diebus, & noctibus vexarentur, &  
 „ ferè semper, licet compotes mentis essent,  
 „ bacchantium more invicem tripudiarent, ac  
 „ si in publico carnis privii spectaculo choream  
 „ ducerent, cum maxima membrorum omnium  
 „ agitatione, ita ut ex labore tam longæ, &  
 „ continuæ vexationis, largo sudore madidæ,  
 „ fatigata sæpius corpora in terram ponerent:  
 „ ( *quæ postea intercessione B. Prasulis* ) totius  
 „ dicti morbi furore deposito, ac vi ejus  
 „ non modo mitigata, sed penitus extincta sa-  
 „ næ quidem, & liberæ, ut primum fuerant,  
 „ surrexerunt. „

XXXI. Ex his omnibus apparet, quàm ve-  
 rum sit, quod ii, qui hujusmodi maleñcia ne-  
 gant, contradicant juri, opinioni vulgi, & ex-  
 perimento. Quare ut concludam cum Joanne  
 Gersone *tract. de erroribus circa artem magi-*  
*cam, dicto primo*, ridendi sunt, imo dure corri-  
 gendi,

gendi, qui Theologos derident mox ut ser-  
monem de demonibus faciunt, mox ut eis ef-  
fectus quosdam attribuunt, quasi fabulosa  
sit eorum responsio. Provenit error iste apud  
quosdam Litteratos, tum ex defectu fidei,  
tum ex debilitate, & infectione rationis.  
Quod prius docuerat D. Thom. in 4. dist. 34. q. 1.  
art. 3. in corp. *Procedit*, inquiens, *hæc opinio*  
*ex radice infidelitatis, sive incredulitatis.*

### Et a quibus sit factum.

XXXII. In hoc casu, nunquam maleficiatus  
judicet de proximo suo in particulari, etiamsi  
aliqua indicia habeat; facile enim tentaretur a  
diabolo, ut pro vindicta aliquod malum cogi-  
taret, & tale iudicium, ejus obesset liberationi.  
Hoc unum solum judicet, ejus malum adæmo-  
ne immediatè excitari, permittente Deo. Imò  
si vexatus certo personam maleficam noverit,  
nihil adhuc de hoc curare debet, quia si per-  
fectè contra dæmonem munitus fuerit, malefi-  
cus nihil amplius mali poterit ei inferre, &  
Ecclesiæ auctoritas potestatem habet ad omne  
maleficium dissolvendum.

Et modum ad illud dissipandum,  
sed caveat ne ob hoc ad magos,  
vel sagas, quam ad Ecclesiæ  
ministros confugiat.

XXXIII. Id enim numquam licere, & grave  
peccatum esse colligitur ex Levitici cap. 19. v. 31.  
*Non declinetis ad magos, nec ab ariolis aliquid*  
*seiscitemini, ut polluamini per eos. Ego Domi-*



nus Deus vester ; Et cap. 20. v. 6. *Anima, qua declinaverit ad magos, & ariolos, & fornicata fuerit cum eis ponam faciem meam contra eam, & interficiam illam de medio populi mei.* Et Deuteronomii cap. 18. v. 10. *Nec inveniatur in te, qui lustret filium suum, aut filiam ducens per ignem : aut qui ariolos sciscitetur, & observet somnia, atque auguria, nec sit maleficus, & incantator, neque qui pythones consulat, nec divinos . . . . omnia enim hac abominatur Dominus, & propter huiusmodi scelera delebit eos in introitu tuo.* Et ex D. Paulo ad Rom. cap. 3. v. 8. *justam damnationem comminante illis, qui ipsi affingebant eum mala facere ut bona evenirent : Et non, inquit, sicut blasphemamur, & sicut ajunt quidam nos dicere, faciamus mala ut veniant bona, quorum damnatio justa est.* Quibus significat grave crimen esse mala facere in bonum finem, quod revera facerent si maleficorum opera ad morbos pel- lendos abuterentur, & maleficia aliis maleficiis dissiparent . Hinc Henricus noster Gandavensis quodlib. 5. quæst. 33. ait : *Perniciosum est, operibus superstitiosis communicare, aut facere talia, qualia faciunt superstitiosi, communicando operibus demonum.* Cui consonat Illustrissimus noster Capitonius part. 2. explicat 23. his verbis : *Nec quidem major potest esse iniquitas, quam Deo relicto, a damone auxilium querere.* Et facultas Parisiensis anno 1498. ut refert Joannes Gerson opusc. de erroribus circa artem magicam, *propè finem*, inter alios, hunc articulum in ordine 5. damnavit : *Quod licitum sit magicis artibus, vel aliis quibusdam superstitionibus a Deo, aut ab Ecclesia prohibitis aliqua facere pro quocumque bono fine, error ; quia secundum Apostolum : Non sunt facienda mala, ut eveniant bona.*

XXXIV. Quod adeo verum est, ut nec etiam liceat confugere ad magos, vel sagas jam alias paratas maleficium maleficio tollere; quia non licet assensum præbere peccato alterius, juxta regulam, quam tradit Apostolus ad Rom. I. v. 32. *digni sunt morte, inquit, non solum, qui ea faciunt, sed etiam qui consentiunt facientibus.* Et licet maleficus paratus sit, cum sit addictus dæmoni, hoc tamen peccatum isto tempore non perpetraret, nisi ad ipsum confugeretur. Aliam rationem tradit S. Augustinus lib. 2. de Doctrina Christiana cap. 22. quia nempe tollere maleficium alio maleficio per maleficum parato, provenit ex quadam pestifera societate hominum, & dæmonum, quasi pacta quadam infidelis, & dolosa amicitie constituta, qua penitus sunt repudianda, & fugienda homini Christiano.

XXXV. Et licet primo, sit licitum ab usurario parato usuras petere in summa necessitate: secundo, sacramenta petere a Sacerdote in peccato mortali existente, & ad conferendum parato. Tertio, deferre jusjurandum Idololatæ, quem scimus per falsos deos juraturum. Quæ sunt argumenta sententiæ contrariæ, quam tuentur Petrus Aureolus in 4. sent. dist. 39. q. 2. & Angles verbo Superstitio, §. 13. Tamen dissimilis est ratio; illi enim inducuntur ad id, quod sine peccato facere possunt, si velint, nam & Sacerdos contritionis actum elicere potest, & si per tempus liceat, peccata sua confiteri, antequam Sacramenta conferat: Usurarius mutuum dare potest simpliciter, nihil exigendo ultra sortem: Idololatra per Deum verum jurare potest; at amotio maleficii per aliud maleficium est intrinsecè mala, nec sine peccato fieri potest, ideoque nec peti.

XXXVI. Aliam aliquorum oppositionem exponit

ponit Joannes Gerson *opusc. de erroribus circa artem magicam dicto 3.* his verbis : „ Ecce talis „ infirmus est in grandem , & luctuosam to- „ tius gentis unius perditionem , & ipse despe- „ ratur a Medicis . Cur non , inquiunt , per su- „ perstitiosa curabitur , præsertim si per su- „ perstitiosa præsumitur in agitudine teneri , „ & per similia promittitur liberari ? Nonne „ vana vanis , sicut clavum clavo licet repelle- „ re ? nonne sanitas , & auxilium undecumque „ quæri possunt , sicut ab herbis , ita a verbis , „ & a virtute spirituum , sicut a virtute lapi- „ dum , vel corporum ?

XXXVII. Sed responsio hauriri potest ex iis , quæ habet D. Joannes Chrysostomus *homil. 8. in Epist. ad Colossenses* , qui de Muliere Christiana loquens , cujus filius periculosè agrotavit : *Infans* , inquit , agrotavit , non fecit amuleta ( superstitiona nempe ) reputatur ei Martyrium ; mente enim sacrificavit filium . Et maluit infantem videre mortuum , quam pati idolatriam . Quomodo ergo ipsa est martyr , sive in se ipsa , sive in filio hoc faciat , sive in Marito , sive in aliquo , qui est ei charissimus , ita altera est cultrix Idolorum , ... Ecce dico , & prædico vobis omnibus , quod si quispiam fuerit deprehensus , non parcam iterum , sive amuletum , sive incantationem , sive hujus artis aliquid aliud faciat . Quid verò ? morietur , inquit , infans . Si sic vixerit , tunc morietur , sin autem absque illis mortuus fuerit , tunc vivit . ... Hic autem non est Idolatria , sed solum , inquit , incantatio . Hac est cogitatio satanica , hæ sunt diabolice insidia : tegere imposturam , & in melle dare venenum ; quoniam novit se illa non persuadere , hac via est ingressus ad amuleta , & aniles fabulas . Et crux quidem effecta est ignominia ,  
lite-



*litera autem in majori honore sunt habitæ . Christus fuit eiectus , & introducitur anus ebria , & delirans . Conculcatum est nostrum mysterium , & Chaos ducit fraus diaboli . Hæc Chrysostomus , cui concinit S. Augustinus serm. 286. alias de Diversis 39. Multi , ait , ducunt Martyrium in lecto : Prorsus multi . Est quedam persecutio satana occultior , & astutior , quam tunc fuit . Jacet fidelis in lecto , torquetur doloribus , orat , non exauditur . Imò exauditur , sed probatur , sed exercetur , sed ut recipiatur filius flagellatur . Ergo cum torquetur doloribus , venit linguae tentatio , accedit ad lectum aut muliercula aliqua , aut vir si vir dicendus est , & dicit agroto . Fac illam ligaturam , & sanus eris . Ille & ille , & ille , interroga , sani inde facti sunt . Non cedit , non obtemperat , non cor inclinat ; certat tamen . Vires non habet , & diabolum vincit . Fit martyr in lecto , coronante illo , qui pro illo pependit in ligno . Quorum Patrum doctrina applicari potest , proportionem servata , suprapositæ oppositioni , cum sive de amuletis superstitiosis loquamur , sive de maleficio , eadem sit ratio ; utrobique enim pactum cum dæmone explicitum , vel implicitum saltem intercedit . Præterea , melius est denominationem martyris sibi adipisci , quam socii dæmonum , & melius sic consulitur ægrotantis saluti , etiamsi sic moriatur .*

XXXVIII Hos Christianos Atletas imitatus est B. Jacobus de Oldo Presbyter tertii Ordinis S. Francisci , qui cum quodam morbo decumberet , „ venit aliquando ad eum præstigiatrix „ vetula , dixitque : Si vis Frater Jacobe faciam tibi „ signum , quo sanitatem recuperes . At ille „ le , apage , inquit , malo enim justus mori , „ quam vivere injustus , „ ut legitur in ejus

vita

Vita cap. 3. die 18. Aprilis, & hunc præivit,, Epi-  
 „ scopus Theopentus nomine , natione Syrus,  
 „ de civitate , quæ appellatur Constantia ....  
 „ Veniens in hanc Civitatem Romanam filiam  
 „ unicam, quam secum duxit, misit in mona-  
 „ sterio ad discendas sacras literas.... Accidit  
 „ autem, ut postquam impleffet puella in mo-  
 „ nasterio menses decem & octo, ille invidus  
 „ hostis antiquus humani generis immiserit se  
 „ in puellam, & cœperit eam vexare, & sti-  
 „ mulare. Et cum multi opus suum offerrent,  
 „ ut facerent filacteria ad ejiciendum dæmo-  
 „ nem, ipse nullo pacto acquievit, sed preci-  
 „ bus, & lacrymis ad Deum conversus, in ipso  
 „ habebat fiduciam, & ab ipso petebat auxi-  
 „ lium, dicens: Surgam, & ibo ad Dominum  
 „ nostrum Jesum Christum, & ad S. Martyrem  
 „ ejus Anastasium, qui potest curare meam  
 „ filiam a dæmonis vexatione „ & revera cu-  
 „ rata est, ut ex MSS. Bibliothec. Vallicel. narrat  
 Baronius ad annum 713. num. 6. & seqq. Et qui-  
 dem rectè, ac sanctè, nam *nulla utilitas*, in-  
 quit S. Thomas 2. 2. q. 95. art. 3. ad 3. *tempora-*  
*lis potest comparari detrimento spiritualis salu-*  
*tis, quod imminet ex inquisitione occultorum*  
*per demonum invocationem.* Unde merito stul-  
 ti, & dementes hujusmodi vocantur in cap. *Qui*  
*sine salvatore* 26. quest. 2. & eorum curatio  
 mors potius, quam vita nuncupatur his ver-  
 bis: *Qui sine salvatore salutem vult habere, &*  
*sine vera sapientia æstimat prudentem se fieri pos-*  
*se, non sanus sed ager; non prudens, sed stul-*  
*tus in agitudine assidua laborabit, & in cœ-*  
*citate noxia stultus, ac demens permanebit.*  
*Ac proinde omnis inquisitio, & omnis curatio,*  
*qua a divinis & magis, vel ab ipsis demoniis*  
*in Idolorum cultura experitur, mors potius*  
 dicen-

dicenda est, quam vita; & qui ea sectantur, si se non correxerint, ad aternam perditionem tendunt, Psalmista dicente Psalm. 95. Omnes Dii gentium sunt demonia, qui per deceptos homines, alios decipere quotidie gestiunt, ut perditionis suae faciant eos esse participes.

XXXIX. Quod si ab his quis abstinere nolit amore virtutis, abstineat saltem timore poenae, habeatque prae oculis illud memorabile exemplum, quod refert S. Gregorius Magnus lib. 1. *Dialogor. cap. 10.* de quadam muliere energumena, quam „ propinqui sui carnaliter amantes, & amando persequentes, ad obtinendum „ salutis remedium, maleficis tradiderunt, ut „ ejus animam funditus extinguerent, cujus „ carni magicis artibus ad tempus prodesse carentur. Ducta est itaque ad fluvium, atque „ in aquam merfa, ibique diutius incantationibus agere malefici moliebantur, utis, qui „ eam invaserat diabolus exiret; sed miro Omnipotenti Dei judicio, dum arte perversa unus „ ab ea repellitur, in eam subito Legio intravit. Cœpit ex hoc illa tot motibus agitari, „ tot vocibus, clamoribusque perstrepere, quot „ spiritibus tenebatur. Hæc postea ad Martyris S. Sebastiani Reliquias liberata est.

XL. Sed non solum majus malum evenire potest ipsimet homini vexato, verum etiam interdum illi, qui maleficum adit, ut aliquem maleficiatum maleficio liberet, ut cuidam accidisse legitur in Vita S. Joannis Gualberti *part. 5. Miraculorum apud Bollandianos Continuatores, die 12. Julii*, „ Ex Oppido Lancisa, quod in Arni „ superioris valle situm est, quemdam non in „ fimo loco natum, captum a dæmonio venisse „ ad hoc S. Mariæ Monasterium multis comitantibus, vidimus. Forte tunc quidam, cu-

„ Za-



„ Zanobio nomen erat , supervenit , .... qui  
 „ quidem affinium hujus invasi a dæmone pre-  
 „ cibus compulsus , quemdam necromantem  
 „ virum malignum , & dolis plenum Nepum  
 „ nomine , ob consilia inquirenda ab ipso , quid  
 „ in hoc homine agendum esset , adiverat . Cui ,  
 „ quia ea quæ nefaria sunt agere tentaverat ,  
 „ diabolica videlicet potius , quam divina in-  
 „ quirere auxilia , mirum , stupendumque ma-  
 „ lum accidit in vespere . Nam dum uno in  
 „ loco in hospitali conscenderent ambo , ipse ,  
 „ scilicet a dæmone invasus , illic brevi interval-  
 „ lo , dato .... se se paululum dans quieti ,  
 „ caput inter genua posuit , at paulò post  
 „ experrectus Deo gratias , inquit , convalui .  
 „ E contra Zanobius ille qui Nepum adiverat ,  
 „ ab eodem correptus dæmone , insanire , bac-  
 „ cari furere cœpit . „

XLI. Licere tamen ad maleficum confugere ,  
 vel ipsum cogere , ut maleficum tollat , quan-  
 do probabiliter creditur illum sine maleficio ,  
 modo aliquo licito , id facere posse , sive quan-  
 documque non adest moralis certitudo , quod  
 utatur modo illicito , non inficior , quia sic  
 confugiens , utitur jure suo , & inducit magum  
 ad id , quod facere tenetur , & sine peccato si ve-  
 lit , potest facere , hoc quæ est conforme iis quæ  
 docet Henricus noster , ut constabit infra in Com-  
 ment. ad Documentum XV.

XLII. Adverto tamen cum Natali Alexandro ,  
*in Theolog. Dogmat. & Moral. de Decalog. art. 14.*  
*Regula 26.* quod ille , qui confugit ad talem  
 maleficum debet expressè protestari , se nihil com-  
 mune cum diabolo habere velle , nolleque ejus  
 opera sanitatem consequi , & omni pacto renun-  
 tiare . Cum ergo is , qui maleficii auctor esse  
 creditur compellitur , aut rogatur , ut male-  
 ficium

ficiū tollat, aut ipse, aut alius ad sanandum maleficiatū paratus occurrit, ab eo quærendum est, quo remedio sit usus. Si dicere nolit, non est utendum ejus opera, quia hoc ipso satis indicat, se usurum remedio illicito, si vero indicet, remedium consideret, qui petit, si satis prudens, & doctus est, an sit licitum, nec ne. Si non est idoneus Judex, peritiores interroget; si dubitet an sit remedium naturale, adeat medicos; si dubitet an sit remedium divinum, quærat à Theologis. Si sacrum remedium esse dicant, qui sanitatem ægroto ex maleficio pollicentur, respondeat, satius esse ut a Sacerdote applicetur, si revera sacrum sit, & ab Ecclesia approbatum. Si dicant non profuturum, nisi ipsi adhibuerint, indicium est, adhibituros ex pacto convento. Illud itaque Christianus repudiet, ac rejiciat. Hucusque P. Natalis Alexander.

XLIII. Semper tamen utilius, ac securius erit uti remediis ab Ecclesia præscriptis, Ecclesiasticisque ministris, ut docet Rituale nostrum, & habetur in *Can. Si per sortiarias*, qui loquens de conjugatis maleficio affectis, hæc pro eorum sanitate remedia præscribit: *Hortandi sunt quibus ista eveniunt, ut corde contrito, & Spiritu humiliato Deo, & Sacerdoti ac omnibus peccatis suis puram confessionem faciant, & profusi lacrymis, & largioribus eleemosynis, & orationibus, atque jejniis Domino satisfaciant, & per Exorcismos, ac cetera Ecclesiastica medicina munia ministri Ecclesie, tales, quantum Dominus annuerit, qui Abimelech, ac domum ejus Abrahæ orationibus sanavit, sanare procurent.* Quod pari ratione de aliis maleficiis dicendum est. Utilitatem hujus moniti experta fuit quædam „ nobilis generis Mulier, cujus filiam cum possideret dæmon, aliis nonnullis mediis frustra „ ten-

„ tentatis, adhibuit ipsa omnium vanissimum,  
 „ magicas scilicet incantationes, quas etiam frustra experta Mater, & facti pœnitens ad se-  
 „ pulchrum S. Eneconis obtinuit facillimè quod  
 „ per humanas, vel diabolicas artes frustra quæ-  
 „ fierat, „ ut legitur in Vita prædicti S. Abbatis cap. 7. penes Bollandianos die 1. Junii vide supra num. 27.

## Aut ulla Superstitione, aut alio modo illicito utatur.

XLIV. De illis tantum rebus superstitiosis, modisque illicitis loquitur Rituale nostrum, quæ ad maleficiati sanationem inservire possunt: quare omissis reliquis superstitionis speciebus, de illa solum, quæ *observantia sanitatum* dicitur, sermo, & quidem brevissimus, instituendus est. Ad hoc genus pertinent *molimina magicarum artium, & ligatura, & remedia, quæ medicorum quoque disciplina condemnat, si- ve in præcantationibus, si- ve in quibusdam notis quas characteres vocant, si- ve in quibuscumque rebus suspendendis, & illigandis, vel etiam aptandis quodammodo, non ad temperationem corporum, sed ad quasdam significationes, aut occultas, aut etiam manifestas, quæ mitiore nomine Physica vocant, ut quasi non superstitione implicare, sed natura prodesse videantur, ut loquitur D. Augustinus lib. 2. de Doctr. Christ. c. 20.*

XLV. Porro hæc omnia a SS. Patribus, & Sacris Canonibus reprobantur, & damnantur, quia scilicet ad pacta saltem tacita cum dæmonibus pertinent. Audiatur P. Gregor. Nazianzenus orat. in S. Baptismo. *Infans tibi est? inquit, ne occasionem improbitas arripiat, ab infantia*



fantia sanctificetur, ab ipsis unguiculis spiritus consecretur.... nihil tibi amuletis, nec incantamentis opus est, cum quibus pravus ille in leviorum hominum animas simul irrepit, venerationem Deo debitam furtim ad se transferens. Trinitatem ipsi da, magnum illud, & pulchrum amuletum. Audiatur S. Basiliius homil. in Ps. 45. Multorum, inquit, est dicere: Deus noster refugium, sed eodem, quo Propheta noster, affectu dicere, nimis quam paucorum est.... Etenim cum tribulatione quapiam afflicti sumus ad omnia potius, quam ad ipsum Deum nostrum recurrimus. Puer tibi egrotat? Quaquaversum circumfers oculos, requirens incantatorem, aut certe eum, qui supervacaneos, vanosque characteres, seu figuras puerorum innocentium collo circumliget: vel ad postremum, ad medicum venis, & medicinas, eo interim contentim omisso, qui resistere potest sospitati. Legatur D. August. suprarelatus num. 2. & num. 25. & audiatur in Ps. 70. ferm. 1. ubi ait: Quando filiis caput dolet, male, & infideles matres ligaturas sacrilegas, & incantationes quarunt. Audiatur S. Cyrillus Hierosolymitanus cathechesi Mystalogica. Prima auguria, inquit, divinationes, omnia, aut amuleta, aut inscriptiones in foliis, aut alia male artes, & cetera huiusmodi, cultus diaboli sunt. Cave itaque ista. Tandem audiat D. Casarius Arelatenensis ferm. de auguriis, inter Augustinianos olim de tempore 241. nunc in appendice 278. Ego, inquit, me apud Deum absolvo, dum iterum, atque iterum admoneo, pariter & contestor, ut nullus ex vobis caragos, vel divinos, vel sortilegos requirat, nec de qualibet eos, aut causa, aut infirmitate interroget. Nullus sibi precantatores adhibeat, quia quicumque fecerit hoc

malum, statim peribit Baptismi Sacramentum, & continuo sacrilegus, & Paganus efficitur: & nisi grandi eleemosyna, dura, & prolixâ pœnitentia subvenerit, statim in æternum peribit. Et post pauca subdit: Toto corde nostro ad Dei misericordiam eamus, & sacrilegas observationes fideliter relinquentes, de illius adjutorio semper præsumamus. Nam qui prædictis malis, id est caragis, & divinis aruspibus, vel philacteriis, & aliis quibuslibet auguriis crediderit; etsi jejundet, etsi jugiter ad Ecclesiam currat; & si largas eleemosynas faciat, etsi corpusculum in omni afflictione suum cruciaverit, nihil ei prodere, quâmdiu illa Sacrilegia non reliquerit: quia impia illa Sacrilegii observatio ista omnia bona obruit, & evertit. Videatur D. Joannes Chrysostomus supra laudatus num. 25.

XLV. Sacri verò Canones harum rerum superstitiosos gravissimis pœnis subjiciunt. Concil. Laodicense sub S. Silvestro Papa celebratum statuit can. 36. *Quod non oportet eos, qui sunt sacri, vel clerici, esse magos, vel incantatores, vel mathematicos, vel astrologos, vel facere ea, quæ dicuntur amuleta, quæ quidem sunt ipsarum animarum vincula, eos autem qui ferant, ejici ex Ecclesia jussimus.* Cui fermè in terminis consonat Concilium Agathense sub Symmaco anno 506. celebratum canone 68. Zacharias Papa epist. 1. ad Bonifacium Moguntinum Archiepiscopum, *Chilacteria, quæ gentili more observantur omnibus Christianis detestabilia, & perniciofa esse asserit.* Gregorius junior in Concilio Romano cap. 12. decrevit apud Gratianum 2. parte Decreti, causa 26. q. 5. c. 1. *Si quis ariolos aruspices, vel incantatores observaverit, aut philacteriis usus fuerit, anathema sit.* Plures alios hujusmodi canones ibidem legi possunt.

XLVI. Ratio horum est, quia, ut ait S. Thomas 2. 2. q. 96. art. 2. *cum huiusmodi res non videantur posse tales effectus naturaliter causare, consequens est, quod nec adhibeantur ad hos effectus causandos tamquam cause, sed solum quasi signa, & sic pertinent ad pacta significationum cum demonibus inita. Quod expressius docuit in responsione ad 1. si simpliciter, inquit, adhibeantur res naturales ad aliquos effectus producendos, ad quos putantur naturalem habere virtutem, non est superstitiosum, vel illicitum. Si verò adjungantur vel characteres aliqui, vel aliqua nomina, vel aliæ quæcumque variæ observationes, quæ manifestum est naturaliter efficaciam non habere, erit superstitiosum, & illicitum.*

XLVII. Non tamen per hoc reprobantur sacra amuleta, seu brevia, nec Sanctorum Reliquiæ, figura Crucis, aliqui versiculi Psalmodum, Evangelium S. Joannis, imagines Christi, Deiparæ Virginis, vel Sanctorum, neque pietatis signa ab Ecclesia approbata, ut Rosarium, Coronæ, scapulare B. M. V. Dolorosæ, vel de Monte Carmelo, ad collum suspensa gerere, quia, ut ait D. Thomas loco citato art. 4. ad 3. *si portentur ex fiducia Dei, & Sanctorum, quorum sunt Reliquiæ, vel ad quos respectum habent, non erit illicitum; imo laudandum, modo pio animo gerantur, quod docuit D. Augustinus Tract. 7. in Evang. S. Joannis: Cum, inquit, caput tibi dolet, laudamus si Evangelium ad caput tibi posueris, & non ad ligaturam cucurreris. Ad hoc enim perducta est infirmitas hominum, & ita plangendi sunt homines, qui currunt ad ligaturas, ut gaudeamus, quando videmus hominem in lecto suo constitutum jactari febribus, & doloribus, nec alicubi spem po-*  
N 2      fuisse,



fuisse, nisi ut sibi Evangelium ad caput poneret, non quia ad hoc factum est, sed quia prelatum est Evangelium ligaturis. Si ergo ad caput ponitur, ut quiescat dolor capitis: ad cor non ponitur, ut sanetur a peccatis? Fiat ergo.... ponatur ad cor, sanetur cor.

XLVIII. Hic usus piissimus deinde semper apud fideles perseveravit, pluraque ex hoc beneficia reportarunt, ut ex sequentibus exemplis, quæ ad rem nostram adducam, palam fiet. Legitur namque in Vita S. Eugendi Abbatis cap. 7. apud Bollandum die 1. Januarii. quod dæmonem iste Sanctus expulit per epistolam quæ talis erat, „ Eugendus servus Christi, in nomine „ Domini nostri Jesu Christi, Patris, & Spiritus sancti præcipio per scripturam istam, „ spiritus gulæ & iræ, & fornicationis, & amoris, & lunaticæ, & dinaticæ, & meridiane, „ & diurnæ, & nocturnæ, & omnis spiritus „ immunde, exi ab homine, qui istam scripturam secum habet. Per ipsum te adjuro verum Filium Dei vivi, exi velociter, & cave „ ne amplius introeas in eam. Amen. Alleluja ” qui statim egressus est ab obsessa. Et in Vita S. Bernardi Abbatis lib. 2. cap. 4. auctore Ernaldo, sive Arnaldo ” Rusticus quidam Uxor „ rem dæmoniacam secum adducens, quam „ ante pedes ejus lacrymabili voce intrinsecas „ protestans anxietates deposuit.... Orante attentius viro Dei, nequissimus ille victus abcessit, & mulier sibi reddita quantas potuit „ gratias egit. Revertitur igitur vir cum muliere.... sed.... ubi domus suæ limina mulier attigit, rursus eam intrat diabolus, & infestior solito, miseram discerpit atrocius. „ Quid faceret miser maritus, quo se verteret „ nesciebat.... Surgit igitur, & assumpta se „ cum

„ cum muliere .... indicat viro Dei quid factum  
 „ sit , & ut gratiam inveniat , lacrymabiliter de-  
 „ precatur . Nec deest piæ petitioni , Abbatis  
 „ clementia , sed præcipit ut Ecclesiam ....  
 „ ingrediatur , & orans expectet , donec ipse  
 „ sequatur . Itaque memor promissi , circa no-  
 „ ctis crepusculum , cæteris dormitum eunti-  
 „ bus , ipse , uno tantum prosequente , Eccle-  
 „ siam ingreditur , & tota nocte illa orationi  
 „ vacans , obtinuit a Domino quod petebat ; &  
 „ impetrata mulieri sanitate jubet eam secu-  
 „ ram reverti ad propria . Sed cum illa redi-  
 „ tum ad se diaboli , sicut jam experta fuerat  
 „ formidaret , collo ejus ligari chartulam hæc  
 „ verba continentem præcepit : In Nomine Do-  
 „ mini nostri Jesu Christi præcipio tibi dæmon ,  
 „ ne hanc amodo mulierem præsumas contin-  
 „ gere . Quod mandatum sic expavit diabo-  
 „ lus , ut mulieri regressæ ad propria numquam  
 „ deinceps appropinquare præsumpserit .

XLIX. In libro miraculorum S. Antonii Pata-  
 vini, *cap. 6. penes Bollandianos Socios die 13. Junii*  
 narratur : quod cuidam mulieri a dæmone ve-  
 xatæ apparuit in somnis S. Antonius qui ei di-  
 xit : „ Surge mulier , & hanc custodi cedulam  
 „ per quam a vexatione dæmonis recipies sani-  
 „ tatem , & surgens a somno reperit in corde  
 „ suo quamdam cartam de pergameno , in qua  
 „ litteris aureis talia erant scripta : Ecce cru-  
 „ cem Domini , fugite partes adversæ , vicit Leo  
 „ de Tribu Juda , radix David , Alleluja , Al-  
 „ leluja . Et tunc illam tentationem amisit , &  
 „ quamdiu illam cedulam habuit , eam diabolus  
 „ non vexavit . Sed cum rex Dionysius ( Lusit-  
 „ tanus ) ista , viro referente , audivit , cedu-  
 „ lam prædictam habuit , & statim iterum dia-  
 „ bolus eam mulierem invasit . Vir autem Uxo-

„ ri compatiens.... Rescriptum cedula a Rege  
 „ habuit, & datum mulieri, ipsam, ut principa-  
 „ lis cedula, a vexatione dæmonum liberavit.”

L. In Vita S. Antonini Archiepiscopi Florentini  
 c. 8. apud Continuatores Bollandianos ad diem 25.  
 Maii, in additionibus legitur, Quod quædam  
 mulier dæmonem crudeliter collidentem ejus fi-  
 lium compescuit, Sancti Antonini, Cilicii por-  
 „ tione in modum brevis ligata collo pueruli  
 „ sui lactentis. „ Et in Vita B. Ægidii pariter Or-  
 dinis Prædicatorum cap. 7. ibidem die 24. Maii  
 narratur, quod quidam, Adolescentulus fre-  
 „ quenter a diabolo arreptus, misere vexabatur,  
 „ quem mater ad Patroni sepulchrum secum  
 „ ducens, terram ex eo ad filii collum suspen-  
 „ dit.... Portavit Adolescens ligatum ad col-  
 „ lum pulvisculum, & integrum jam annum  
 „ ab horrenda mali genii vexatione immunis,  
 „ amuletum pulvisculi gestare neglexit. Quod  
 „ sentiens inimicus, atrocius eum aggressus  
 „ tam sæviter affligebat, ut bis nonnumquam  
 „ in die eum collideret, ac lamiares. Compe-  
 „ riens mater, quod ad collum terram sepul-  
 „ chri minime gestaret.... ad tumulum rediit,  
 „ & sumptum ex eo pulverem, fiducia ma-  
 „ gna, collo filii denuo alligavit.... & juve-  
 „ nis cacodæmonis vexatione liber, & inco-  
 „ lumis supervixit.”

LI. Circa tamen hujusmodi brevía, & amu-  
 lera, quæ interdum vere sacra, & pia viden-  
 tur, *Cavendum*, inquit ex S. Thoma D. An-  
 toninus in Summa 2. parte tit. 12. cap. 1. §. 13.  
*quod non reperiatur in eis aliquid horum. Pri-  
 mo ut non sit ibi aliquid pertinens ad invocatio-  
 nem dæmonum, quia sic esset superstitiosum. Secun-  
 do ut non contineat nomina ignota, nec sub illis  
 aliquid lateat illicitum. Tercio, ne aliquid*  
 fal-



falsitatis contineat, quia sic ejus effectus non posset expectari a Deo, quia non est Testis falsitatis. Quarto, cavendum ne cum verbis sanctis contineantur aliqua vana; puta characteres scripti, & hujusmodi signa, prater signum Crucis. Quinto, ut spes non ponatur in modo scribendi, aut ligandi, puta quod scribatur in charta virginea, vel in ortu solis, vel dum legitur Evangelium, vel quod oportet ligari cum tot filis, vel appendi per Virginem hominem, vel quod nullus debet videre, & hujusmodi vanitatibus, quia illicita essent, & superstitiosa.... De portantibus autem Reliquias ad collum dicit Thomas, quod si hoc fit ex reverentia Dei, & Sanctorum, in quibus habent fiduciam, non adjuncta aliqua vanitate, licitum est de se; sed si addatur aliqua observantia, ut quia vas earum debet esse triangulare, & hujusmodi, superstitiosum erit, & malum.

LII. His maturè perpensis, facile explicari possunt Auctor Operis imperfecti in Matthæum, inter Opera S. Joannis Chrysostomi; & S. Eligius Noviomensis Episcopus, sermone ad plebem, quem ejus Vitæ inseruit S. Audoenus lib. 2. cap. 15. Primus enim ait homil. 43. Quidam aliquam partem Evangelii scriptam circa collum portant; sed nonne quotidie Evangelium in Ecclesia legitur & auditur ab omnibus? Cui ergo in auribus posita Evangelia nihil prosunt, quomodo possunt eum circa collum suspensa salvare! Deinde ubi est virtus Evangelii in figuris literarum, an in intellectu sensuum? Si in figuris, bene circa collum suspendit. Si in intellectu, ergo melius in corde posita prosunt, quam circa collum suspensa. Secundus inquit: nullus ad colla, vel hominis, vel cujuslibet animalis ligamina dependere presumat, etiam si

„ ri compatiens.... Rescriptum cedula a Rege  
 „ habuit, & datum mulieri, ipsam, ut principa-  
 „ lis cedula, a vexatione demonum liberavit.”

L. In Vita S. Antonini Archiepiscopi Florentini  
*c. 8. apud Continuatores Bollandianos ad diem 25. Maii*, in additionibus legitur, Quod quadam  
 mulier demonem crudeliter collidentem ejus fi-  
 lium compescuit, Sancti Antonini, „ Cilicii por-  
 „ tione in modum brevis ligata collo pueruli  
 „ sui lactentis. „ Et in Vita B. Ægidii pariter Or-  
 dinis Prædicatorum *cap. 7. ibidem die 24. Maii*  
 narratur, quod quidam, Adolescentulus fre-  
 „ quenter a diabolo arreptus, misere vexabatur,  
 „ quem mater ad Patroni sepulchrum secum  
 „ ducens, terram ex eo ad filii collum suspen-  
 „ dit.... Portavit Adolescens ligatum ad col-  
 „ lum pulvisculum, & integrum jam annum  
 „ ab horrenda mali genii vexatione immunis,  
 „ amuletum pulvisculi gestare neglexit. Quod  
 „ sentiens inimicus, atrocius eum aggressus  
 „ tam sæviter affligebat, ut bis nonnumquam  
 „ in die eum collideret, ac lamiares. Compe-  
 „ riens mater, quod ad collum terram sepul-  
 „ chri minimè gestaret.... ad tumulum rediit,  
 „ & sumptum ex eo pulverem, fiducia ma-  
 „ gna, collo filii denuo alligavit.... & juve-  
 „ nis cacodæmonis vexatione liber, & inco-  
 „ lumis supervixit.”

LI. Circa tamen hujusmodi brevía, & amu-  
 lera, quæ interdum vere sacra, & pia viden-  
 tur, *Cavendum*, inquit ex S. Thoma D. An-  
 toninus in Summa 2. parte tit. 12. cap. 1. §. 13.  
*quod non reperiatur in eis aliquid horum. Pri-  
 mo ut non sit ibi aliquid pertinens ad invocatio-  
 nem demonum, quia sic esset superstitiosum. Secun-  
 do ut non contineat nomina ignota, nec sub illis  
 aliquid lateat illicitum. Tertio, ne aliquid*  
*fal-*

falsitatis contineat, quia sic ejus effectus non posset expectari a Deo, quia non est Testis falsitatis. Quarto, cavendum ne cum verbis sanctis contineantur aliqua vana; puta characteres scripti, & hujusmodi signa, prater signum Crucis. Quinto, ut spes non ponatur in modo scribendi, aut ligandi, puta quod scribatur in charta virginea, vel in ortu solis, vel dum legitur Evangelium, vel quod oportet ligari cum tot filis, vel appendi per Virginem hominem, vel quod nullus debet videre, & hujusmodi vanitatibus, quia illicita essent, & superstitiosa.... De portantibus autem Reliquias ad collum dicit Thomas, quod si hoc fit ex reverentia Dei, & Sanctorum, in quibus habent fiduciam, non adjuncta aliqua vanitate, licitum est de se; sed si addatur aliqua observantia, ut quia vas earum debet esse triangulare, & hujusmodi, superstitiosum erit, & malum.

LII. His mature perpensis, facile explicari possunt Auctor Operis imperfecti in Matthæum, inter Opera S. Joannis Chrysostomi, & S. Eligius Noviomensis Episcopus, sermone ad plebem, quem ejus Vitæ inferuit S. Audoenus lib. 2. cap. 15. Primus enim ait homil. 43. Quidam aliquam partem Evangelii scriptam circa collum portant; sed nonne quotidie Evangelium in Ecclesia legitur & auditur ab omnibus? Cui ergo in auribus posita Evangelia nihil prosunt, quomodo possunt eum circa collum suspensa salvare! Deinde ubi est virtus Evangelii in figuris literarum, an in intellectu sensuum? Si in figuris, bene circa collum suspendit. Si in intellectu, ergo melius in corde posita prosunt, quam circa collum suspensa. Secundus inquit: nullus ad colla, vel hominis; vel cujuslibet animalis ligamina dependere presumat, etiamsi



a clericis fiant, etsi dicatur, quod res sancta sit, & lectiones divinas contineat, quia non est in eis remedium Christi, sed venenum diaboli. Facile, inquam, hi Patres explicari possunt, dicendo, loqui de ligaturis, & amuletis superstitiosis, seu deficientibus a regulis a S. Thoma, & Antonino præscriptis.

Quandoque diabolus infirmum quiescere, & suscipere sanctissimam Eucharistiam permittit, ut discessisse videatur.

LIII. Experientia compertum est, aliquos dæmones conari, ne energumeni ad sacram Synaxim accedant. In Constitutione Innocentii III. qua inter Sanctos Cœlites adscribit S. Homobonum Cremonensem anno 1198. data, legitur: Quod " dum quædam mulier dæmoniaca ad se, „ pulchrum ejus (*nempe S. Homoboni*) dedu- „ cta fuisset, .... Eucharistiam abhorruit, nec „ recepit, quæ & meritis ejusdem sancti libe- „ ta est." Similiter in Vita S. Eutychii Patriarchæ Constantinop. legitur: quamdam puellam a dæmone arreptam " non admittere sanctam Com- „ munionem, sed cum illa accipienda est, ma- „ gno timore, & tremore corripì, exclamare, „ tristari, sanctum Potum averfari: " *Apud Bollandianos die 6. Aprilis.* Ibidem pariter in Vita B. Simonis Tridentini, Ordinis Eremitarum S. Augustini *cap. 3. die 20.* ejusdem mensis narratur. " Quod quædam mulier.... fuit posses- „ sa a dæmone, ..... ita quod non poterat „ aliquid operari, nec sinebat eam videre Cor- „ pus Domini nostri Jesu Christi. " Tandem  
*apud*

apud eosdem Antuerpienses Socios, in Vita  
 S. Udalrici cap. 4. narratur: "Cum quidam im-  
 „ mundo spiritu possessus adduceretur, ut pro  
 „ ejus ereptione ad januam divinæ misericor-  
 „ diæ pulsaret, Jesu Christi famulus (*nempe*  
 „ B. Udalricus) exoratur; victus itaque tam  
 „ supplicantium prece, quam miseri hominis  
 „ vexatione, Salvatori nostro vivificatricem  
 „ passionis suæ hostiam pro illo immolaturus  
 „ ad Altare accessit, perceptaque sacrosancta  
 „ Communione, arreptitium, ut & ipse salu-  
 „ tare Sacramentum fumeret, adduci præce-  
 „ pit. Sed sævissimus inimicus, tanta fortitu-  
 „ dine ne adduceretur reniti cœpit, ut illum  
 „ tam viri præsentiam, quam sacram hostiam  
 „ exhorrere patenter intelligeres .... Sed ore  
 „ illius vi aperto, dandi Eucharistiam locum  
 „ dedit, qua data .... de manibus se tenen-  
 „ tium erupit infelix homo cum terribili insa-  
 „ nia .... Sed dum coactus subsisteret, super-  
 „ na gratia largiente, & B. Udalrici oratione  
 „ suffragante inimicus fugatur. „ Igitur vides  
 energumenos, seu melius, dæmones in energu-  
 menis a Sacra Eucharistia abhorrere; ex alte-  
 ra parte quotidianum experimentum docet,  
 plures obsessos Eucharistiam quietissimè sume-  
 re, ergo scitissimè Rituale nostrum innuit, quod  
 etiamsi Dæmon permittat vexatum Corpus Chri-  
 sti fumere, adhuc non est signum, quod dæ-  
 mon abierit.



Denique innumerabiles sunt artes, & fraudes diaboli ad decipiendum hominem, quibus ne fallatur, Exorcista cautus esse debet.

LIV. Et revera astutias dæmonis contemplans D. Bernardus *serm. 5. in quadragesima*: *Magnum*, inquit, *discrimen adversus diabolicæ fraudis astutias tam crebros, imò continuos habere conflictus, quem nec videre quidem possumus, & quem nimis astutum fecerit tam natura subtilis, quam longa exercitatio malitiæ ejus*. Verum ut circa has magis cautus reddatur Exorcista, necesse est, ipsum scire quæ possit, quæve non possit facere dæmoni. Sed antequam de ejus potentia loquamur, de ejusdem scientia, sive cognitione, atque voluntate aliquid est dicendum. Multarum enim rerum cognitione præditos esse Angelos malos innuit ipsum dæmonum nomen, quod tum sacræ litteræ, tum prophanæ passim ipsis attribuunt. *Dæmones enim dicuntur*, inquit D. Augustinus lib. 9. de Civitate Dei, cap. 20. *quoniam vocabulum Græcum est, ob scientiam nominati*. Et Lactantius lib. 2. divinar. Instit. cap. 14. *dæmones Grammatici dictos ajunt, id est peritos ac rerum socios*. Verum tamen est, quod hoc nomen semper in malam partem usurpatur tum in sacris Litteris, tum apud Prophanos Auctores, ut nos docet S. Augustinus *ibidem cap. 19. inquit*; *Nos autem, sicut Scriptura loquitur, secundum quam Christiani sumus, Angelos quidem*  
par-



partim bonos, partim malos, nunquam verò bonos demones legimus: sed ubicumque illarum litterarum hoc nomen positum reperitur, sive demones, sive demonia dicantur, non nisi maligni significantur spiritus, & hanc loquendi consuetudinem in tantum populi usquequaque locuti sunt, ut eorum etiam qui pagani appellantur, & Deos multos, ac demones colendos esse contendunt, nullus fere sit tam litteratus, & doctus qui audeat in laude, vel sermo suo dicere, demonem habes: sed cuilibet hoc dicere voluerit, non se aliter accipi, quam maledicere voluisse dubitare non possit. Hinc apud Socratem lib. 3. Hist. in editione Valesii cap. 23. redarguitur imprudentia Libanii Sophistæ, qui Julianum Apostatam laudare volens dixerit: O demonum quidem a lumine demonum discipule: demonum assessor. Rationem addit Socrates his verbis: Licet hoc aliter intelligeret, tamen cum ambiguitatem vocabuli, quod in malam partem etiam sumitur, nequaquam vitaverit, eadem visus est dicere, quæ Christiani exprobandi causa dicere consueverunt.

LV. Præterea Patres docent, demones tribus modis cognitionem accipere. Pro omnibus steter D. Augustinus, qui lib. 2. de Genesi ad lit. cap. 17. inquit; Quædam vera de temporalibus nosse permittuntur, partim quia subtilioris sensus acumine, partim quia corporibus subtilioribus vigent; (hoc intellige tantum secundum sententiam, in quam forte inclinavit Augustinus) partim experientia callidior propter tam magnam longitudinem vitæ, partim sanctis Angelis, quod ipsi ab omnipotente Deo discunt, etiam jussu ejus sibi revelantibus, quæ merita humana oculatissima justitia sinceritate distribuit. Experientia porro adjuvat, primo, quod nunquam

quam vel momento a cognitione rerum percipienda cessant, quia non fatigantur, aut somno, vel requies non indigent. Secundo: quod discurrere possunt per universum orbem, nec ullis corporeis obstaculis impediuntur.

LVI. Tandem, hoc idem colligitur ex Sacra Scriptura, quæ *Genesis 3.v. 1. & 2.Chorint. cap. 2. v. 11. & cap. 11. v. 2.* atque alibi. Diabolo, ac cæteris demonibus calliditatem, & versutiam tribuit, quæ quidem sine multa rerum cognitione esse non solet. Hinc D. Augustinus, *lib. 8. de Civit. Dei cap. 22.* vocat demones, *Spiritus fallacia callidos.*

LVII. Sed ut intelligatur quousque se extendat demonis scientia, sequentes tres regulæ tenendæ sunt. Prima sit: Cognitiono demonum, quam habuerunt per naturam sive de Deo, sive de creaturis, nec ablata est ab eis; nec est diminuta. Constat hæc regula ex iis, quæ tradit S. Dionysius, de divinis nominibus cap. 4. §. 23. *Neque totum bonum, ait, quod illis concessum est penitus eversum est, sed ipsimet a toto bono, quod in iis traditum erat, exciderunt; neque dicimus angelicas dotes, quas acceperant penitus, unquam fuisse immutatas: sed etiam nunc integras esse, planeque conspicuas, quamvis eas ipsi minimè cerant, quod videndi vires obstruxerint, quibus bona sua possent intueri.* Ex quibus videtur consequens, non solum potentias naturales integras in demonibus mansisse, sed & eorum agnitionem naturalem, remanentibus in eorum intellectu omnibus rerum naturalium speciebus, quas habuerunt ab initio. Quod & S. Augustinus sentire videtur, dum *lib. 9. de Civit. Dei cap. 22.* inquit: *His Angelis bonis omnis corporalium, temporaliumque rerum scientia, qua instantur demones, vilis est, non quod earum ignari sint, sed*

sed quod illis Dei, qua sanctificantur, caritas cara est; & Ven. Beda tom. 8. lib. variarum questionum quest. 9. ait: *Pravaricatores Angeli, Sanctitate amissa, non amisserunt vivacem creaturæ angelicæ sensum.*

LVIII. Advertendum tamen est, hanc regulam intelligendam esse de cognitione rerum naturalium, quæ naturali virtute cognoscuntur noticia speculativa, non tamen noticia practica; multarum enim rerum, quæ sciendæ essent, ignorantia, & multiplici errore tenentur, maxime circa ea, quæ agenda sunt, dicente Augustino lib. 20. de Civit. Dei cap. 1. *Nec sine illius alto, iustoque iudicio, & in hoc aërio Cælo, & in terris, & demonum, & hominum miserrima vita est, erroribus, ærumnisque plenissima.* Et in Enchiridio cap. 24. loquens de Angelis, & hominibus ait: *Hoc primum est creaturæ rationalis malum, id est prima privatio boni: deinde etiam nolentibus subintravit ignorantia rerum agenda-rum, & concupiscentia noxiarum, quibus comites subinferuntur error, & dolor; & ibidem cap. 25. Verum hæc communia mala sunt, & hominum, & Angelorum pro sua malitia, Domini iustitia damnatorum.* Et revera nesciunt, neque intelligunt se uni Deo servire, & subjici debere, quem justum, & summè bonum esse negant, ideoque, nec super omnia diligendum, colendum, honorandum credunt, sed magis putant his contraria, scilicet Deum tanquam injustè ipsos punientem, odientes, blasphemantes, & quantum in ipsis est, ejus imperio, & potentiæ resistentes; & quamvis male agere cognoscant, tamen ob propriam malitiam in his omnibus rectè se facere arbitrantur; unde est, quod in scripturis, interdum tenebrarum nomine designantur, ut ad Colossenses 1. v. 13. *qui eripuit nos de po-*



*potestate tenebrarum*. Lucae 22.v. 53. *Hae est hora vestra, & potestas tenebrarum*, id est daemonum, quos ita Scriptura appellat, quod in his quæ pertinent ad Deum colendum, sint ob ignorantiam, quasi meræ tenebræ. Tales facti sunt merito primi peccati, quamvis ne hoc ipsum scire, aut intelligere velint, se aliquando peccasse, & per peccatum in has tenebras incidisse, aut omnino in tenebris esse, ut testatur D. Dionysius de Divinis nominibus cap. 4. §. 23. dicens, *Dæmones non videre, quod quamvis eas (tenebras nempe) ipsi minime cernant, quod videndi vires obstruxerunt, quibus bona sua possent intueri*. Quod tamen sic ita intelligendum est, non quod dæmones dicantur non videre sua naturalia, ita quod absolutè non videant, alioquin nihil cognoscere possent, ... sed quod non vident in ordine ad bona gratuita, a quibus considerandis avertit (dæmon) suam intentionem, solis suis naturalibus finaliter in hærens, ut loquitur D. Thomas de malo quest. 16 art. 6. ad. 2. & in hunc sensum adaptatur illud Ezechielis cap. 28. 17. *Perdidisti sapientiam tuam*; quare D. Damascenus lib. 2. de fide cap. 4. scripsit: *Dæmon dux a Creatore conditus, bonusque creatus, propria voluntate caligo factus est*.

LIX. Advertendum insuper est, quod multa contingunt in rebus ad quæ cognoscenda pertingit quidem naturalis facultas daemonum, etiam post peccatum, sed quominus ea videant, & cognoscant sæpe illos a Deo, vel sanctis Angelis impediri, quale est, quod ex S. Ignatio D. Hieronymus refert in Matth. cap. 1. *Martyr*, inquit, *Ignatius quartam addidit causam, cur a desponsata conceptus sit (Christus), ut partus, inquiens, ejus celaretur diabolo: dum eum, putat non de Virgine, sed de Uxore generatum*. Quod & ab Ori-

Origene homil. 6. in cap. 1. Lucae ad notatum est his verbis: *Eleganter in cujusdam Martyris Epistola scriptum reperi, Ignatium dico Episcopum Antiochia, post Petrum, secundum, qui in persecutione Roma pugnavit ad bestias. Principem saeculi hujus latuit Virginitas Maria, latuit propter Joseph, latuit propter Nuptias, latuit, quia habere virum putabatur. Si enim non habuisset sponsum, & putabatur virum, nequaquam potuisset principi mundi hujus abscondi.* Deinde conjecturis suis saepe fallitur, dum ex malitia, & odio, & calumniandi studio pronior est ad facta hominum, & externa signa male interpretanda, quam bene. *Hinc accusator Fratrum dicitur etiam injustus, & mendax, cujus exemplum habemus in accusatione sancti Job, quem calumniatus est apud Deum, quod non sincere Deum coleret, sed propter bona temporalia: quod quidem verè eum putasse, & suspicatum fuisse testatur S. Augustinus enarratione 11. in Psalm. 118. Numquid gratis colit Deum Job? Aiebat inimicus. Putabat enim, inquit S. Doctor, diabolus, quod in Deo colendo vir justus cor inclinatum haberet in avaritiam, & causa emolumenti, vel utilitatis rerum temporalium, quibus eum ditaverat Dominus, velut mercenarius ei pro tali mercede serviret: sed quam gratis Deum coleret, tentatus apparuit, Et enarratione 12. in eundem Psalm. diabolus, scribit, qui de occultis S. Job suspicatus est, quod non gratis Deum coleret, quem poposcit tentandum, ut crimen, quod objiceret, inveniret.* Ex his sequitur, daemones ignorare quid de se boni agatur per divinam providentiam, dum permittuntur humanum genus tentare, seducere, affligere.

LX. Secunda regula est. *Cognitio, quae est per*

*per gratiam in speculatione consistens, non est eis totaliter ablata, sed diminuta, inquit D. Thomas 1. part. q. 64. art. 1. nam daemones, & damnati per signa evidentia convincuntur de pluribus mysteriis fidei, & gratiae, exempli causa, quod Deus sit Trinus, & Unus; quod Christus sit Deus, & homo; quod Beati videant Deum, ideoque Jacobi 2. v. 19. dicitur: daemones credunt, & contremiscunt. Et ad Philipenses 2. v. 9. & seq. de Christo ait Apostolus: Propter quod & Deus exaltavit illum, & donavit illi nomen, quod est super omne nomen: ut in Nomine Jesu omne genuflectatur caelestium, terrestrium, & infernorum, & omnis lingua confiteatur, quia Dominus Jesus Christus in gloria est Dei Patris. Quod clarissime confirmavit S. Augustinus lib. 9. de Civit. Dei cap. 21. inquiens: Ipsi autem daemones etiam hoc ita sciunt, ut eidem Domino infirmitate carnis induto, dixerint: Quid nobis, & tibi Jesu Nazarene? Venisti ante tempus perdere nos. Clarum est in his verbis, quod in eis & tanta scientia erat, & caritas non erat. Pœnam quippe suam formidabant ab illo, non in illo iustitiam diligebant. Tantum verò eis innotuit, quantum voluit: tantum autem voluit, quantum oportuit.... Innotuit ergo demonibus, non per id quod est vita aeterna, & lumen incommutabile, quod illuminat pios... sed per quadam temporalia suae virtutis effecta, & occultissima signa praesentiae, quae Evangelicis signis etiam malignorum spirituum potius, quam infirmitati hominum possent esse conspicua.*

LXI. Advertendum est tamen, quod hæc cognitio, qua daemones cognoscunt quadam mysteria gratiae, est supernaturalis metaphysicè, & præsuppositivè, non verò theologicè, cum



cum per illam non ordinentur ad finem supernaturalem beatitudinis ; & dum hæc mysteria supernaturalia credunt , & contremiscunt , non credunt illa per fidem piam , & theologicam , illisque utilem ad consequendam supernaturalem Beatitudinem , sed *dæmonum fides est quodammodo coactam , ex signorum evidentia* , ut ait S. Thomas 2. 2. quæst. 5. art. 2. ad 5. quod innuitur a D. Augustino , loco supra citato : *Innotuit ergo , inquit , dæmonibus non per id , quod est vita aterna , & lumen incommutabile , quod illuminat pios , cui videndo per fidem , quæ in illo est , corda mundantur , sed per quadam temporalia sue virtutis effecta , & occultissima signa potentia , quæ angelicis sensibus , etiam malignorum spirituum potius , quam infirmitati hominum possent esse conspicua*. Loquitur de notitia , quam dæmones habuerunt de Christo , ac Mysterio Incarnationis.

LXII. Tertia regula est. Cognitio quæ habetur per gratiam effectiva , & productiva divini amoris , nulla prorsus est in dæmonibus , sicut nec ipsa caritas , quæ cognitionem supernaturalem includit . Est expressa Doctoris Angelici , loco supra citato , & deducitur ex illo Ezechielis 28. v. 17. *Perdidisti sapientiam tuam in decore tuo . Est ergo ut concludam cum D. Augustino lib. 9. de Civit. Dei cap. 20. in dæmonibus scientiam sine caritate* . Vide , quæ ad rem hanc spectare possunt in Commentar. Documenti III. num. 8. usque ad 12. & Document. IX. num. 2. & seqq.

LXIII. Hæc de scientia , seu cognitione dæmonum sufficienter sint dicta . Aliqua pro majori dicendorum notitia de eorum voluntate tradenda opportunè occurrunt . Voluntas itaque dæmonum ita depravata est , ut necessi-

tatem habeant moralem peccandi in omnibus suis actibus liberis, & impotentiam moralem faciendi ullum actum moraliter bonum in omnibus suis circumstantiis, ut communiter tradunt Theologi, eruuntque ex Sacra Scriptura; nam Ecclesiast. 9. v. 10. legitur: *Nec opus, nec ratio, nec sapientia, nec scientia erunt apud inferos.* Psalm. 6. v. 6. *Non est in morte, qui memor sit tui: in inferno autem, quis confitebitur tibi?* Job. 10. v. 22. *Ubi nullus ordo, sed sempiternus horror inhabitat; actus autem honesti sunt ordinati.* Et ibidem cap. 41. v. 15. sermonem habens Job de diabolo sub figura Behemot, ait: *Cor ejus indurabitur quasi lapis.* Hinc S. Fulgentius lib. de fide ad Petrum cap. 3. ait: *In quo (nimirum igne inferni) omnes illi pravaricatores Angeli, nec mala possunt unquam voluntate carere.* Et inferius: *neque diabolus, neque aliquis Angelorum ejus, ex quo ruina illius merito in hanc inferiorem sunt detrusi caliginem, bonam potuit, aut poterit resumere voluntatem.* Et non multò post loquens de bona voluntate, quam, inquit, sic amiserunt Angelis, cum haberent, ut amissam deinceps habere non possint. Ac demum concludit: *Et si ibi erit stimulus pœnitudinis nulla tamen ibi erit correptio voluntatis. A talibus enim iniquitas sua ita culpabitur, ut nullatenus possit ab eis vel diligi, vel desiderari iustitia: voluntas enim eorum talis erit, ut habeant in se semper malignitatis suæ supplicium, nunquam tamen percipere possint bonitatis affectum. Quia sicut illi, qui cum Christo regnabunt, nullas in se malæ voluntatis reliquias habebunt: ita illi, qui erunt in supplicio ignis æterni cum diabolo, & ejus Angelis deputati, nullam ulterius habebunt requiem, sic nullatenus bonam*

nam habere poterunt voluntatem. Cui consonat S. Prosper, sive Auctor Librorum vitæ contemplativæ lib. 3. cap. 12. inquiens: *Quid est obmutescere manibus, & pedibus ligari, nisi in inferno, ubi Deo nemo confitetur, actione privari? sicut in exteriores tenebras mitti nihil aliud erit, nisi a Domino, qui est mentium lumen expelli.*

LXIV. Et licet dæmon aliquod bonum facere videatur, non tamen bene facit. Audiatur Doctor Angelicus 1. part. quæst. 64. art. 2. ad 5. qui loquens de actu deliberato diaboli, sic rem explicat: *Talis actus dæmonis semper est malus, quia etsi aliquando aliquid bonum faciat, non tamen bene facit; sicut dum veritatem dicit ut decipiat, & dum non voluntarie credit, & confitetur, sed rerum evidentia coactus. Alius autem actus dæmonis est naturalis, qui bonus esse potest, & attestatur bonitati naturæ, & tamen tali bono actu abutitur ad malum.* Unde autem oriatur in dæmonibus necessitas hæc moralis peccandi in omnibus actibus liberis, & impotentia faciendi ullum actum moraliter bonum, non est nostrum disquirere, sed videri possunt Theologi Scholastici.

LXV. Loquendo verò præcipuè de mala voluntate, qua dæmones in homines feruntur, sufficiat indicare, quod illos impugnent, & tentent: Genesis enim 3. dicitur, *primos parentes a diabolo inductos fuisse ad peccandum.* Joannis 13. v. 2. habetur: *Cum diabolus misisset in cor Judæ, ut traderet eum, Christum nempe.* Ad Ephes. 6. v. 12. *non est nobis colluctatio adversus carnem, & sanguinem, sed adversus principes, & potestates &c.* 1. Petri 5. v. 8. *Adversarius vester diabolus tanquam leo*



*rugiens circuit quarens quem devoret . Hinc S. Irenæus lib. 5. adversus hæreses cap. 24. loquens de hoc nostro hoste : Numquam omnino , ait , quietus est , imò qui nec ipsas quidem gentes vult in tranquillo agere . . . . hoc tantum potest , quod egit in principio , seducere , & abstrahere mentem hominis ad transgredienda præcepta Dei , & paulatim obcæcare corda eorum , qui conarentur servire ei . S. Joannes Damascenus lib. 2. de fide cap. 4. loquens de dæmonibus : Nullum , inquit , vitium , nullum impiorum affectuum genus est , quod non ab ipsis excogitatum sit . Tertullianus in Apologet. cap. 22. Operatio eorum , ait , est hominis eversio . Et tandem D. August. lib. 8. de Civit. Dei cap. 22. ait : Dæmones esse spiritus nocendi cupidissimos , a justitia penitus alienos , superbia tumidos , invidentia lividos , fallacia callidos .*

LXVI. Imò hoc est præcipuum , & proprium eorum ministerium , homines scilicet ad peccandum inducere ; nam statim a principio generis humani serpens antiquus , qui est diabolus , primos homines tentavit , & ad peccandum illexit , ut supra indicavimus ex Genesi 3. & explicuit Salvator Jo: 8. v. 44. dicens : *Ille homicida erat ab initio* . Et D. Paulus 2. ad Corinth. 11. v. 3. inquit , *Timeo , ne sicut serpens Evam seduxit* , significat illam tentationem fuisse initium & quasi exemplar reliquarum . Attente legantur Patres num. præcedenti relati , & ea , quæ diximus in Comment. Document. . . . num. . . .

LXVII. Insuper gaudent de malo spiritali hominis , ut innuit Psalmista Psal. 12. v. 5. inquit : *Qui tribulant me , exultabunt si motus fuero* , idest inquit D. Augustinus Enarrat. in eundem Psalmum : *Diabolus , & Angeli ejus .*

ejus. Et Psal. 37. v. 17. dicitur: *Nequando supergaudeant mihi inimici mei.* Et 1 salm. 40. v. 12. *Non gaudebit inimicus meus super me.* Ecclesiastici 18. v. 31. *Si praestes animae tuae concupiscentias ejus, faciet te in gaudium inimicis tuis.* Hinc S. Augustinus lib. 2. de Genesi contra Manichaeos cap. 17. inquit de diabolo: *Pœna ejus est, ut in potestate habeat eos, qui Dei praecepta contemnunt, & inde major pœna est, quia de hac tam infelici potestate latatur, qui solebat antequam caderet, de sublimi veritate gaudere, in qua non stetit.* Gaudere insuper daemones de potestate in obsessos, quæ major est, sequitur ex paritate rationis.

LXVIII. Motiva verò quare daemon homines libenter impugnet, assignat S. Thomas 1. part. quæst. 114. art. 1. scribens: *Impugnatio ipsa ex demonum malitia procedit, qui propter invidiam profectum hominum impedire nituntur, & propter superbiam divina potestatis similitudinem usurpant.* Utrumque motivum prius docuerunt Patres: De primo sic loquitur D. Clemens Alexandrinus lib. 2. Stromat. *Dominus ... diaboli calliditatem ab alto vidit a principio, qui homini invidens propter remissionem peccatorum, aliquas peccatorum causas servis Dei suggeret, astute hoc molliens, ut ipsi quoque cum eo cadant.* Eusebius lib. 4. Demonstrat. Evangel. cap. 9. inquit: *Demon salutem hominum invidens, in contrariam partem trahebat, omnisque generis malitiae machinis, cunctis gentibus, ipsique etiam sorti Domini ex invidia bonorum insidiabatur.* D. Antonius Abbas, apud S. Athanasium, in ejus Vita: *Hostes sunt nobis acres, & callidi mali daemones .... nobis Christianis invidendo, atque lapidem movendo, nostrum in Calis ascensum impedire capiunt, ne illuc unde*

*ipsi delapsi, nos ascendamus.* S. Augustinus lib. contra Priscillianistas ad Orosius cap. 5. Illi, inquit de dæmonibus, non ob aliud, nisi invidentia stimulis agitati, nostra itinera, quibus in Deum tendimus, perturbare conantur. Idem sentit lib. 8. de Civit. Dei cap. 23.

LXIX. De secundo verò motivo, imò de utroque sic loquitur S. Basilius homil. quod Deus non est auctor mali: Quæris igitur unde illi sit contra nos bellum? quoniam cum omnis ipse mali promptuarium existeret, invidia quoque motum in se recepit, & invidit nobis illatum honorem, nec facile tulit vitam in Paradiso beatam ducere. Quamobrem dolis hominem aggressus, eadem ambitionis cupiditate, quam ipse ab initio habuit velle similem esse Deo, hac rursus ad decipiendum nos usus, lignum ostendit, per cuius degustationem pollicitus est hominem similem fore Deo. Theodoretus lib. 3. de Græcarum affectionum curatione, inquit de malis Angelis: Cum enim datis sibi muneribus contenti non essent, sed altiora quoque appetebant, contraxisse laborem superbia illos dicimus, ..... subinde autem rabie quidam contra humanum genus incitatos, quod ad Imaginem Dei factum videbant, atro bellum adversus hominem suscepisse. Similia habet S. Gregorius Nazianzenus orat. in S. lumina, & D. Irenæus lib. 5. adversus hæreses cap. 24.

LXX. Sed gratias Deo Optimo, Maximo, qui non finit dæmonem, quantum vult, homines impugnare. Diaboli, inquit Augustinus in Psalm. 61. v. ult. potestas quadam est, plerumque tamen vult nocere, & non potest, quia potestas ista sub potestate est. nam si tantum posset nocere diabolus, quantum vult, non aliquis justorum remaneret, aut aliquis fidelium esset in terra. Vide Comment. in Titul. .... num. ....



LXXI. His præmissis circa vulneum ratintellectum , ut pravam dæmonis voluntatem melius percipiamus quid possit , quidve non possit agere , ut deinde facilius Exorcista cognoscere valeat tam callidi hostis astutias.

LXXII. Potentiam naturalem Angelorum bonorum , ac malorum circa res corporeas immutandas latissimè , patere ea ratione ostenditur , quod natura rerum sic instituta sit à Deo , ut creatura corporea naturæ Angelicæ , tamquam præstantiori , ac digniori , subjiciatur , atque ab ea regatur . Hoc autem fieri nequit , nisi competat Angelis potentia quædam naturalis , quæ res corporeas movere , aut immutare possit . Hujusmodi potentiam , ac præfecturam Angelis in genere tam bonis , quam malis Patres attribuant . Sufficiat pro omnibus D. Augustinus , qui *lib.83. Quæstionum* quæst.79. ait : *Unaquæque res visibilis in hoc mundo habet potestatem Angelicam sibi præpositam* . Neque id sine auctoritate Sacræ Scripturæ : nam *Apocalyps.7. 14. & alibi* , certos Angelos certis corporeis creaturis præfectos legimus : & quod ad malos Angelos attinet , de diabolo *Job.41.v.24.* dicitur : *Non est super terram potestas , quæ comparetur ei* . Et eundem vocat Apostolus ad *Ephes. 2. v. 2. principem potestatis aeris hujus* ; & dæmones *cap.6.v. 12.* appellat *principes , potestates , & mundi rectores tenebrarum harum* . Ad hanc igitur dæmonis super rebus corporeis potentiam distinctius explicandam , tenenda sunt quæ sequuntur .

LXXIII. Primo , *Dæmones miracula facere non possunt , nec aliqua creatura* , inquit S. Thom. 1. *part. quæst. 114. art. 4.* idque docent Sacræ Litteræ ; nam *Psalms.71. v. 18.* dicitur : *Benedictus Dominus Deus Israel , qui facit mirabilia solus* ; super quæ verba scribit S. Augustinus enarrat

in eundem Psalm. *Solus, quoniam quicumque faciunt, ipse in eis operatur, qui facit mirabilia solus.* Et B. Bruno Herbipolensis Episcopus in eundem: *Qui facit, inquit, mirabilia solus, quia nullo indiget adiutorio; nam licet Angeli, & multi iusti faciant mirabilia, non solitamen, sed adjuvante Domino perficiunt.* Item Psalm. 135. v. 4. dicitur: *Qui facit mirabilia magna solus, ubi S. Hilarius Pictaviensis tract. in eundem Psalm. In plurimis, inquit, quidem humanorum operum gestis multa magna, & mirabilia extiterunt: sed quidquid in his gestum est, ad eum refertur, cujus virtus illa gessit.* Et Theodoretus in eundem locum: *Miraculorum editiones, ait, sunt etiam benevolorum servorum ejus; etenim Divinas vocamus res Moysi, & Jesu, & miracula Elie; similiter autem & signa, quæ a Sacris Apostolis sunt facta; jure igitur ipsum vates solum dicit maximum miraculorum opificem esse.* Hinc Illustriss. noster Felicianus Capitonius Narniensis, & Archiepiscopus Avenionensis in suis doctissimis explicationibus Catholicis part. 1. explicat. 29. asserit, id esse de fide. Rationem dat Divus Thomas loco citato, scilicet, quia *miraculum proprie dicitur, quod fit præter ordinem totius nature create, sub quo ordine continetur omnis virtus creata.*

LXXIV. Nec obstat, quod Matth. 24. v. 24. dicitur: *Surgent pseudochristi, & pseudoprophetae, & dabunt signa magna, & prodigia.* Et Apoc. 13. v. 13. & 14. Joannes loquens de bestia, quæ denotat Antichristum. *Fecit, inquit, signa magna, ut etiam ignem faceret de Cælo descendere in terram, ... & seduxit habitantes in terra propter signa, quæ data sunt illi facere &c.* Et ibidem cap. 16. v. 14. *Sunt spiritus demoniorum facientes signa.*

LXXV. Non, inquam, obstat; siquidem dicitur quandoque miraculum largè, & est illud, quod excedit humanam facultatem, & considerationem, & sic daemones possunt facere miracula, quæ scilicet homines mirantur, in quantum eorum facultatem, & cognitionem excedunt; ut inquit D. Thomas 1. part. quæst. 114. art. 4. & ita intelligendum est illud: Spiritus demoniorum facientes signa. Sic pariter intelligendi sunt reliqui Scripturæ allati textus, qui de Antichristo loquuntur. Responsum dat S. Paulus 2. ad Thesalonicensis cap. 2. v. 9. *Cujus est adventus, inquit, secundum operationem satanæ in omni virtute, & signis, & prodigiis mendacibus.* In id conspirant Patres. S. Athanasius quæst. 109. ad Antiochum, ait: *Quod Apostolus de Antichristo dicit, eum se se exhibiturum in omnibus signis, & virtutibus mendacii, liquet quod etiam mortuum a se excitatum ostentabit, id autem non verè, sed tantum ex phantasia.* D. Hieronymus ad Algasiam quæst. 11. *Sicut, inquit, in Christo plenitudo Divinitatis fuit corporaliter: ita & in Antichristo omnes erunt fortitudines, & signa, & prodigia, sed universa mendacia.* S. August. de Civit. Dei lib. 20. cap. 19. *Solvetur, ait, Satanas, & per illum Antichristus in omni sua virtute, mirabiliter quidem, sed mendaciter operabitur.* Theodoretus in eundem Pauli locum, inquit: *Porro autem docet etiam ea, quæ futura sunt, non fore vera miracula. Talia autem faciunt, & præstigiatores: ostendunt enim aurum, quod verè aurum non est, & quedam alia, quæ paulò post arguuntur.* Et tandem Berengardus expositione in Apocalyp. inter D. Ambrosii Opera, hæc habet visione 6. cap. 13. *Faciet miracula Antichristus arte diabolica; facient & discipuli ejus, sed eorum miracula falsa erunt, & non*



*vera*, sicut dicit Apostolus: *cujus adventus erit, &c.* Sed etsi erunt veri effectus, non tamen vera miracula, quia erunt per causas naturales operata. Quae etiam mendacia dicuntur, quantum ad intentionem facientis, qui per hujusmodi mirabilia opera inducit homines ad credendum mendaciis, ut concludam cum D. Thoma de potent. q. 6. art. 5. ad argumentum in contrarium.

LXXVI. Quibus autem modis soleat Deus vera miracula a falsis discernere, diversimodè colligitur, & aliqua in primis adducit discrimina S. Augustinus de diversis Quaestionibus 83. q. 79. inquiens: *Cum talia faciunt magi, qualia non nunquam Sancti faciunt, talia quidem visibiliter esse apparent, sed & diverso fine, & diverso jure fiunt. Illi enim faciunt quarentes gloriam suam, isti quarentes gloriam Dei, & illi faciunt per quaedam potestatibus concessa in ordine suo quasi privata commercia, vel veneficia; isti autem publica administratione jussu ejus, cui sancta creatura subjecta est .... quapropter aliter Magi faciunt miracula, aliter boni Christiani, aliter mali Christiani: Magi per privatos contractus, boni Christiani per publicam justitiam, mali Christiani per signa publicae justitiae.* Hæc S. Doctor, qui ut intelligatur, legenda est tota ejus quaestio 79. Alia tria discrimina assignat Theodoretus, loquens de miraculis Moysis, & Magorum Pharaonis quest. 18. in *Exodum*. Primum est: *Mutabant*, inquit, *illi* (nempè Magi) *etiam virgas in serpentes, sed virga Moysis illorum virgas devorabat. Mutabant etiam aquam in sanguinem, sed aquam in pristinam naturam reducere non poterant. Ranas quoque produxerunt, non tamen ab illis potuerunt liberare domos Egyptiorum. Concessit itaque Deus incantatoribus, ut hæc facere possent, ut Egyptios ca-*  
stiga-

figarent, non tamen dedit illis, ut ultionem sedarent; nam dum a Deo puniretur Ægyptiorum, rex, non fuit contentus plagis a Deo illatis sed precepit incantatoribus ultionem augere. Itaque per eos Deus illum affligebat: quasi verò dixisset: quia plecti te delectat, tuorum etiam servorum opera te castigabo, & per tuos te plectam. Secundum est: Cum autem illum (nempe Regem) vehementius indurari videret, hariolorum illorum facultatem cohibuit: ut qui majora animalia, nempe ranas, antea produxerant, crabronem minutulum educere non possent, sed plagam illam esse digitum Dei confiterentur. Tertium est illorum, nempe Magorum, corpora pustulis etiam afflixit, ut tum illi, tum fatuuse eorum rex cognosceret, quod non tantum plagas a Deo immisas auferre non possent, sed etiam illi cum reliquis plecterentur. Alia quatuor signa adducit Cornelius a Lapide *Comment. in Exodum cap. 7.* Primum est: Qui faciunt vera miracula sunt fideles probi, & sancti ut plurimum; qui verò falsa faciunt, sunt improbi, flagitiosi, & sæpè malefici. Secundum: quæ faciunt magi, sæpè sunt tantum phantastica, & simulata, ideoque non sunt diuturna, sed mox detegitur eorum falsitas, & vanitas, vel sunt plane inutilia, imò etiam perniciofa; vera autem miracula sunt opera vera, & solida, & utilia hominibus, nec nisi magna quapiam utilitate aut necessitate facta. Tertium est, quod magi in suis utuntur multis præstigiis, mendacis, ludificationibus hominum, varisque signis, & figuris, litteris, verbis, vel nihil, vel absurda significantibus, aliisque superstitiosis ceremoniis, miscentque sacra prophanis. Nihil tale faciunt sanctis, sed per preces, signum Crucis, aliasque res sacras miracula

ope-

operantur. Quartum tandem: magi, & dæmones mira faciunt malo fine, ob lucrum, vanam ostentationem, gloriam, vel honorem, ut divinum nomen, & cultum sibi concilient, vel ut pervertant veram fidem, falsamque hominibus persuadeant, vel ad patranda maleficia, & scelera, uti sunt furta, adulteria, neces hominum, & animalium; Sancti verò ea faciunt, ut Deum honorent, & glorificent, utque Sanctam Ecclesiam ædificent & illustrent, atque homines tum in corpore, tum magis in animo, & spiritu adjuvent. Hinc S. Augustinus loco supra citato ait: *Magi faciunt, quæ videntur miracula, quærentes gloriam suam: Sancti verò faciunt miracula quærentes gloriam Dei.*

LXXVII. Secundo, non potest dæmon rem aliquam creare. Audiatur D. Augustinus, qui lib. 18. de Civit. Dei cap. 18. clarissimè inquit: *Nec sanè demones naturas creant, si aliquid tale faciunt, de qualibus factis ista vertitur questio, sed specietenus, quæ a vero Deo sunt creata, commutant, ut videantur esse quod non sunt.* Et ratio est, quia creare est solius omnipotentia Dei: Ecclesiastici namque 1. v. 8. *Unus est Altissimus creator omnipotens.* Isaia 44. v. 24. *Ego sum Dominus faciens omnia, extendens Cælos solus, stabiliens terram, & nullus mecum.* Ad Hebræos 3. v. 4. *Qui omnia creavit Deus est.* Apoc. 4. v. 11. *Tu creasti omnia.* Ad Ephes. 3. v. 9. *Qui omnia creavit:* quare D. Fulgentius lib. de Fide ad Petrum Diaconum cap. 3. docet, in Dei omnipotentiam intelligi, quod omnem creaturam de nihilo fecit. In eo, inquit, ejus omnipotentia intelligitur, quia omnem creaturam visibilem, atque invisibilem, idest corporalem, atque spiritualem de nihilo fecit. Et S. Athanasius lib. 3. contra Arianos: *Neque, inquit, vel Angeli quidquam crea-*



creare possunt, cum & ipsi sint creatura.... Con-  
dere, & creare solius est Dei, ejusque verbi, &  
sapientia. D. Cyrillus Alexandrinus lib. 6. Thesau-  
ri cap. 2. Nulla, ait, creatura umquam substan-  
tiam a nihilo producere poterit; infinita namque  
virtutis esse non potest. Rursus lib. 14. cap. 6. Po-  
testas creandi, divina solummodo inest natura.  
Et lib. 2. contra Julianum: Hoc maximè, contra  
divinam gloriam militat, etiam alios putare pos-  
se creare, & ex nihilo producere.... Congruit  
autem ipsi, & soli, & ad summam pertinet glo-  
riam ejus res illa. Et D. Augustinus lib. 9. de Ge-  
nesi ad litt. cap. 15. Angeli nullam, inquit, omnino  
possunt creare naturam; solus enim cujuslibet na-  
tura seu magnæ, seu minima creator est Deus.  
Iterum lib. 12. de Civit. Dei cap. 14. Neque fas est  
ullius naturæ quantumlibet minimæ, mortalisque,  
creatorem nisi Deum credere, ac dicere. Et tan-  
dem S. Joannes Damascenus lib. 2. de fide ad Pe-  
trum cap. 3. Quotquot sunt, qui essentiam ullam,  
quæcumque tandem illa sit, ab Angelis procrea-  
tam esse contendunt, horum ore pater ipsorum  
diabolus loquitur. Deus enim est, qui omnia fe-  
cit, omnibus providet, ac prospicit.

LXXVIII. Tertio non potest formam substan-  
tialem corpoream immediatè producere, quia  
materia corporalis non obsequitur Angelis ad  
nutum, idest immediatè ad transmutationem  
formalem, ut tradit D. August. lib. 3. de Trini-  
tate cap. 8. Non est putandum, inquit, istis trans-  
gressoribus Angelis ad nutum servire hanc visi-  
bilibium rerum materiam, sed Deo potius, a quo  
hæc potestas datur.

LXXIX. Nec obstat quod legitur Exodi 7.  
v. 10. & seqq. Tulitque Aaron virgam cum  
Pharaone, & servis ejus, quæ versa est in co-  
lubrum. Vocavit autem Pharaon sapientes, &  
ma-

maleficos, & fecerunt etiam ipsi per incantationes *Aegyptiacas* & arcana quadam similiter, proiec-  
ceruntque singuli virgas suas, quae versa sunt in  
dracones.

LXXX. Non, inquam, obstat, quod ut  
appareat, sciendum est, aliquos putare magos  
hos non veros exhibuisse dracones, sed per pra-  
estigias suas illusisse oculis spectantium, vel eis  
objecisse tantum larvas, & simulacra qua-  
dam draconum. Ita S. Prosper, sive Auctor  
*lib. de Promissionibus* part. 1. cap. 35. Magi,  
inquiens, quoque Pharaonis.... projicientes vir-  
gas suas, etiam ipsi serpentum species ostende-  
runt. S. Justinus, sive quisquis Auctor sit qua-  
estionum orthodoxarum, quaest. 26. *Miracula*, ait,  
quidem a Moyse praestita, ut quae divina vi, &  
efficacia essent edita, per transmutationem na-  
turae ejus, quod perficiebatur sunt facta: quae  
autem incantatores edidere, daemonum opera-  
tione sunt exhibita, oculos spectantium praesti-  
giis decipientium, ut serpens, qui non esset,  
tamquam serpentem.... cernerent. Idem do-  
cet de ranis, & aqua in sanguinem versa. Et  
Tertullianus *lib. de anima* cap. 57. *Corpora*, in-  
quit, videbantur Pharaoni, & *Aegyptiis* magica-  
rum virgarum dracones, sed Mosei veritas  
mendacium devoravit.

LXXXI. Alii Interpretes opinantur veros  
dracones aliunde adductos ope daemonis, vir-  
garum loco fuisse substitutos, fallendo ocu-  
los, ut nemo praestigias illas animadverteret.  
Ita Jansenius in *cap. 7. Exodi*, Tostatus *ibidem*  
q. 20. aliique.

LXXXII. Alii tandem asserunt magorum  
dracones fuisse veros. Origenes *homil. 13. in Nu-  
mer.* Quis potest, ait, hominum fortitudine cor-  
poris virgam mutare in serpentem, quod ab il-  
lis

lis factum refertur? .... Fecerunt tamen hoc Ægyptiorum incantatores, & magi. Fecerunt enim hac prius Moyses..... Efficit tamen similiter & contraria virtus virgam serpentem, sicut fecerat Virtus Dei. S. August. quæst. 21. in Exodum, proposita sibi hac controversia, respondet, ex ipsa Scripturæ phrasi par utrinque, & in Moyse, & in magis prodigium satis designari: Cur ergo, inquit, ex utraque parte, & virgæ dicuntur, & dracones, ut de figmentis illis nihil differat loquendi modus? Et lib. 3. de Trinit. cap. 7. Magi Pharaonis similiter serpentes fecerunt, & alia similia. Theodoretus de selectis Sacræ Scripturæ quæstionibus ambiguï, quæst. 18. in Exodum differens, ait: Mutabant illi etiam virgas in serpentes.... Concessit itque Deus incantatoribus, ut hac facere possent. Quam sententiam secutus D. Thomas 1. part. quæst. 114. art. 4. ait: Magi Pharaonis per Virtutem demonum veros serpentes, & ranas fecerunt. Hanc sequitur eruditissimus P. Calmet Dissert. in Exod. de veris, fictisque prodigiis.

LXXXIII. Si primam, vel secundam sequamur opinionem, jam sua sponte sequitur, dæmonem formam substantialem immediatè non produxisse, cum non produerit veros serpentes, sed solum per ludificationem apparentes; vel si veros, non tamen ab eo productos, sed aliunde adductos.

LXXXIV. Si verò tertiam amplectamur, nec proinde sequitur veros serpentes ope dæmonis fuisse immediatè productos, sed solum activa passivis applicando, ut innuit D. Augustinus quæst. supra citata. Insunt enim, ait, corporeis rebus per omnia elementa mundi quedam occulta seminaria rationes, quibus cum data fuerit opportunitas temporalis atque causalis pro-

rum-



*rumpunt in species debitas suis modis, & finibus, & sic non dicuntur Angeli, qui ista faciunt, animalium creatores, sicut nec agricola segetum, vel arborum, vel quorumque in terra gignentium, creatores dicendi sunt, quamvis noverint præbere quasdam visibiles opportunitates, & causas, ut illa nascantur. Quod autem isti faciunt visibiliter, hoc Angeli invisibiliter. Deus verò solus creator est, qui causas ipsas, & rationes seminarias rebus inservit. Et lib. 3. de Trinit. cap. 8. Nec sane, inquit, creatores illi mali Angeli dicendi sunt, quia per illos magi resistentes famulo Dei, ranas, & serpentes fecerunt: non enim ipsi eas creaverunt. Omnium quippe rerum, quæ corporaliter visibiliterque nascuntur occulta quadam semina in illis corporeis mundi hujus elementis latent. Alia sunt enim hæc jam conspicua oculis nostris ex fructibus, & animantibus; alia verò illa occulta istorum seminum semina, unde jubente Creatore produxit aqua prima nata bilia, & volatilia; terra autem prima sui generis germina, & prima sui generis animalium. Neque enim tunc in hujusmodi fœtus ita producta sunt, ut in eis quæ producta sunt vis illa consumpta sit: sed plerumque desunt congruæ temperamentorum occasiones, quibus erumpant, & species suas peragant. Et post fusè explicatam hanc doctrinam concludit: Sicut ergo nec parentes dicimus creatores frugum, quamvis eorum extrinsecus adhibitis motibus ista creanda Dei virtus interius operetur, ita non solum malos, sed nec bonos Angelos fas est putare creatores, si pro subtilitate sui sensus, & corporis, semina rerum istarum nobis occultiora noverunt, & ea per congruas temperationes elementorum latenter spargunt, atque ita gignendarum rerum,*

*rum, & acceleratorum incrementorum præbent occasiones. Quod idem sentiendum est de aquis in sanguinem, magis auctoribus, transmutatis, ac de ranis ab iisdem productis. Quare satis constat non posse dæmones immediatè formam aliquam substantialem producere, & ideò si videatur producta, vel res apparens est; vel si vera, non immediatè a dæmone est producta, sed per applicationem activorum ad passiva, dispositionibus sibi notis.*

LXXXV. Ex hac doctrina sequitur, posse dæmonem applicando activa passivis per dispositiones necessarias facere, ut nascantur animalia, quæ possunt etiam sine genitoribus nasci, ut serpentes, & ranæ.

LXXXVI. Ne autem dicatur, quod talis fuerit etiam mutatio virgæ Aaronis in serpentes, atque adeo quod non fuerit verum miraculum, necessarium est advertere latum esse inter has mutationes discrimen. Audiatur Origenes, loco supra laudato: *Efficit, ait, similiter & contraria virtus virgam serpentem, sicut fecerat virtus Dei; sed serpens qui per virtutem Dei factus fuerat, absorbit, & devoravit omnes illos serpentes, qui arte magica ex virgis versi fuerant in serpentes. Non enim potuit virtus demoniaca malum, quod ex bono fecerat, restituere in bonum. Potuit ex virga facere serpentem, virgam verò reddere ex serpente non potuit, & ideo consumuntur omnes ex ea virga, quæ Dei virtute versa fuerat in serpentem. Postea verò per divinam virtutem natura sua redditur, ut natura Dominum fateretur, fecerunt incantatores Ægyptiorum, ut & aqua verteretur in sanguinem, sed non potuerunt iterum sanguinemvertere in aquam. Dei autem virtus non aquam, sed totum fluvium vertit in*  

P san-

*sanguinem; & rursum: orante Moseo, lymphidis eum, ac naturalibus reddidit fluentis, & iterum produxerunt magi Aegyptiorum sciniphes, sed non potuerunt repellere eas. Moses vero & produxit sciniphes, & repulit: Deus enim noster delere facit, & restituit; contraria autem virtus male quidem facere aliquid potest, sed restituere in integrum non potest. Origeni consonat Theodoretus, ut videri potest in Textu supra allato num. 75.*

LXXXVII. Quarto, non potest dæmon in instanti efficere aliquam transmutationem, una simul cum dispositione subjecti, quia cum alteratio sit motus successivum, ut Philosophi loquuntur, fieri necesse est cum tempore, & quamvis dæmon sciat media, quæ alterare possunt, & disponere subjectum ad hanc, vel illam formam, exempli causa serpentis, ranæ &c. & possit media applicare, ipsa tamen suo naturali modo, & in tempore agere debent. Potest verò dæmon hanc facere celerius duplicando media, & auferendo impedimenta ipsi optime perspecta.

LXXXVIII. Quinto, propter eandem rationem potest dæmon brevi sanationes illas operari, quas natura, & ars medicinæ per apta media multo tempore operaretur, cum perfectè calleat medicam facultatem, & medicamentorum virtutem. *Nihil enim* (inquit D. Thomas in quætionibus disputatis, quæst. 6. de miraculis art. 5. ad secundum) *prohibet dæmonum arte velocius aliquem posse sanari, quam per naturam, si sibi relinquatur, quia hoc etiam vidimus per artem hominis fieri: non tamen videtur quod possint subito sanare, licet aliquos alios effectus possint facere quasi subito, quia medicina corpori humani exhibita, operantur ad sanita-*  
tem



*tēm quasi instrumenta : natura autem est sicut agens principale ; unde debent talia adhiberi , quæ possint a natura moveri . . . .* Insuper potest se in corpus intromittere , humores noxios removere , quam citò sistere , si opus sit , vel remedia propria propinare . Non potest tamen incurabiles morbos mederi , ut cæcitatem a natiuitate ex interno defectu provenientem , aut ægrum , cuius organa sint destructa , & universaliter loquendo , nullum morbum sanare ex iis , qui etiam perfectæ medicinæ arte sunt incurabiles . Hæc enim cum supra totam naturam sint , sunt etiam supra ejus activitatem , ut dictum est supra num. 72. & expresse docet Angelicus Doctor loco citato , inquiens : *Unde etiam illæ infirmitates , ad quarum sanitatem naturæ virtus nullo modo potest , operatione demonum sanari non possunt .*

LXXXIX. Sextò , non potest transmutare humana membra in bestialia , vel in arbores &c. Hoc docet S. Aug. lib. 18. de Civit. Dei c. 18. *Nec corpus quidem , inquit , ulla ratione crediderim demonum arte , vel potestate in membra , vel lineamenta bestialia veraciter posse converti . Sed phantasticum hominis , quod etiam cogitando , sive somnians per rerum innumerabilia genera venatur , ut cum corpus non sit , corporum tamen similes mira celeritate formas capit .* Et explicans modum , quo id evenire potest , ait : *Sopitis , aut oppressis corporeis hominis sensibus , ad aliorum sensum , nescio quo ineffabili modo figura corporea posse perducì : itaut corpora ipsa hominum alicubi jaceant , viventia quidem , sed multo gravius , atque vehementius , quam somno suis sensibus obseratis ; phantasticum autem illud veluti corporatum in alicujus animalis effigie appareat sensibus alienis , talisque etiam sibi homo esse vi-*

deatur, sicut talis sibi videri posset in somnis, & portare onera: quæ onera, si vera sunt corpora, portantur a demonibus, ut illudatur hominibus, partim vera onerum corpora, partim iumentorum falsa cernentibus. Nam quidam nomine Prestantius Patri suo contigisse indicabat, ut venenum illud per caseum in domo sua sumeret, & jaceret in lecto suo quasi dormiens; qui tamen nullo modo poterat excitari. Post aliquot autem dies cum velut evigilasse dicebat, & quasi somnia narrasse, quæ passus est, caballum se scilicet factum, annonam inter alia jumenta bajulasse militibus, quæ dicitur Retica, quoniam ad Retias deportatur. Quod ita, ut narravit, factum fuisse compertum est: quæ tamen ei sua somnia videbantur. Aliud simile exemplum narrat S. Antoninus 2. part. hist. tit. 16. cap. 7. §. 5., „ eo tempore, inquit, erant duæ aniculæ in strata, qua Romam itur uno in tugurio commorantes, uno imbutæ maleficio, quæ hospitem, si quando solus superveniebat, in equum, aut asinum, autem suum mutabant: & hoc lector sanè intellige, quia mutatio ista non secundum naturam erat, sed secundum apparentiam phantasiæ aspicientium sic alterata, & oculis aspicientium sic præstigiata, ut sibi, & aliis sic esse viderentur. „ Quod idem docuit Concilium Ancyranum cap. 1. & habetur in can. Episcopi 26. q. 5. Quisquis, inquit, aliquid credit posse fieri, aut aliquam creaturam in melius, aut in deterius immutari, aut transformari in aliam speciem, vel similitudinem, nisi ab ipso Creatore, qui omnia fecit, & per quem omnia facta sunt, procul dubio infidelis est, & paganus. Et ibidem cap. Nec mirum, legitur: Fertur etiam in gentiliū libris, quod quædam maga famosissima Circe socios Ulyssis mutaverit in bestias. Legitur.

gitur & de Sacrificio, quod Arcades Deo suo Lycas immolabant, ex quo quicumque sumerent, in bestiarum formas convertebantur; sed hac omnia magicis prestigiis potius fingebantur, quam rerum veritate complerentur. Quod desumptum est ex lib. 18. de Civit Dei S. Augustini cap. 17. Et ratio horum esse potest, quia hoc esset prater ordinem a Deo natura inditum, ut loquitur S. Thomas quest. 16. de malo, art. 19. ad 1.

XCI. Potest tamen humana corpora variis morbis, Deo permittente, affligere, applicando scilicet activa passivis per dispositiones proprias, ut patet in Job, quem a planta pedis usque ad verticem capitis percussit, & in pluribus aliis sæpè in hisce Commentariis indicatis. Idem dicendum est de animalibus.

XCII. Septimò, non potest in instanti motum localem exercere five in se, five in alio corpore, quia motus localis necessario est successivus, & quamvis Tertullianus in Apologetico cap. 22. scribat: *Angeli, & demones momento ubique sunt. Totus orbis illis locutus est*; tamen sic hoc dictum intelligendum est, ut nempè citissimè moveantur, quodque non habeant locum ita determinatum, ut nequeant ad alium pergere. Respectu verò ad corpora, quæ movere possunt, eadem est ratio; imò sequeretur, eo motu aut nullum pertransiri spatium, aut idem corpus simul in pluribus locis esse, quod utrumque naturaliter saltem, est impossibile, ut ex philosophicis suppono.

XCIII. Potest tamen dæmon movere corpus quodlibet de loco ad locum, & brevi tempore in longinquam deferre regionem, Deo permittente; nam dæmones assumpta a se corpora movent, & rerum semina ad aliquid producendum colligunt. Item satan Christum per aera



transvexit : Nam Matth. 4. v. 5. legimus : *Tunc assumpsit eum diabolus in Sanctam Civitatem, & statuit eum super pinnaculum Templi ;* ubi Interlinearis : *ex permissione ; non ex imbecillitate.* Et v. 8. *Iterum assumpsit eum diabolus in montem excelsum valde, & ostendit ei omnia regna mundi.* Notum est autem ex Christiano Adricomio, in descriptione Terræ Sanctæ num. 97, hoc desertum esse propè Jerico, multumque distare ab Jerusalem. Item certum est montem illum, in quo tentatus est Dominus, altissimum esse, & pinnaculum templi esse fastigium templi, quod 120. cubitis distabat a terra. Insuper, Simonem magum in altum subvexit, ut pluribus adductis Patrum testimoniis, latè probat Baronius *ad annum Christi 68.* Tandem, localiter movet obsessorum corpora, vel ad incesum, vel etiam prorsus violenter, ut constat ex Evangelio de illo dæmone, qui puerum projiciebat nunc in ignem, nunc in aquam : & de alio projiciente hominem in terram, & de iis, qui porcos præcipitaverunt in mare, de quibus omnibus dictum est in Commentario Tituli, num. 19. Compertum quoque est in aera energumenos elevari, ut docuimus in Notis ad 29. signum evidens, in Commentar. Documenti III. num. 13.

XCIII. An autem de facto verè dæmon traducat Magos, & sagas ad nocturna conventicula, celebris quæstio est, sed opinio affirmans est communissima tum apud Jurisconsultos, tum apud Theologos, qui hac de re scripserunt, & inter in numeros recensentur illi tres præstantissimi, Sixtus Senensis *lib. 5. Biblioth. Sanctæ, annotatione 73.* Alfonsus a Castro *lib. 1. de justa hæreticorum punitione cap. 16.* & Abulensis *quæst. 47. in cap. 4. Matth.* qui, *hanc sententiam non posse sine impudentia negari,* scribit, teste Suarez *tom. 1.*

de Relig. lib. 2. de superstit. cap. 16. num. 24. opinionem autem contrariam falsam, & reipublice perniciosam, vocat Lemus de Justitia lib. 2. cap. 44. de magia, dubit. 3. num. 15. cui censuræ consonat Cæsar Carena tract. de Offic. S. Inquisitionis part. 2. tit. 12. §. 2. num. 5. & Binsfeldius lib. de Confessione maleficarum, conclus. 12. tradit, quod contradicere huic nostræ sententiæ repugnat Theologia, Philosophia, & rerum experientie certissime, penes Cardinal. Albitium de inconstantia in fide cap. 32. num. 174. Et tandem Fagund. in 1. Præceptum Decalogi lib. 1. cap. 41. num. 9. scribit opinionem, quam amplectimur, tam certis testimoniis, ac tam evidenti rerum experientia comprobata esse, ut id negare sit prorsus insanire.

XCIV. Et revera potest diabolus per suam potestatem, quam habet circa corpora in ordine ad motum localem id exequi, ut supra dictum est num. 9. Præterea Deus id permittere potest, sicut alias translationes permisit, ut observavimus num. 91. & tandem plura exempla a Scriptoribus fide dignis referuntur, quorum aliqua videri possunt apud prælaudatum Alphonsum a Castro.

XCV. Scio alios scribere, se expertos esse, „ lamias istas non corpore, sed spiritu deferri, „ quia dum illæ sic se delatas esse putabant, „ aliis videntibus, qui de hac re testimonium „ præbuerunt, veluti dormientes jacebant in „ terra. At nihil hoc contra ea, quæ diximus, „ agit. Non enim dicimus semper illas corpore deferri, sed hoc fieri posse, & aliquando factum esse contendimus, concedentes in „ super aliquando etiam fieri oppositum, ita „ ut non corpore, sed solo spiritu per illius „ phantasticam imaginationem a demonibus

„ de loco ad locum deferantur. Veram igitur  
 „ esse illorum experientiam concedimus : sed  
 „ oportet ut etiam illi nostram veram esse  
 „ credant , quia altera alteri non repugnat,  
 „ sed utraque alternis vicibus contingere po-  
 „ test. „ Hucusque a Castro.

XCVI. Sed quod aliquem scrupulum gigne-  
 re potest illud est, quod ex Concilio Ancyra-  
 no habetur , relatum in Decreto 26. *quest. 5.*  
*can. Episcopi* , cuius verba damus non ex de-  
 creto Gratiani transcripta, sed ex *tom. 1.* Con-  
 ciliarum Labæi deprompta. *Illud non est omit-*  
*tendum, quod quedam scelerata mulieres re-*  
*tro post satanam conversa demonum illusionibus,*  
*& phantasmatibus seductæ, credunt, & profi-*  
*tentur se nocturnis horis cum Diana Paganorum*  
*Dea, vel cum Herodiade, & innumera multi-*  
*tudine mulierum equitare super quasdam be-*  
*stias: & multa terrarum spatia intempeste no-*  
*ctis spatio pertransire, ejusque jussionibus velut*  
*domina obedire, & certis noctibus ad ejus ser-*  
*vitium evocari.* Deinde declarat , quod hæc  
 omnia operetur daemon per phantasmatum il-  
 lusionem somni tempore, unde subdit: *Et cum*  
*solus spiritus hoc patitur, infidelis mens, hæc*  
*non in animo, sed in corpore opinatur evenire.*  
*Quis enim non in somniis, & nocturnis visioni-*  
*bus extra se educitur, & multa videt dor-*  
*miendo, quæ nunquam videret vigilando? Quis*  
*verò tam stultus, & hebes est, qui hæc omnia,*  
*quæ in solo spiritu fiunt, etiam in corpore acci-*  
*dere arbitretur?* Deinde infra : *omnibus ita-*  
*que publicè annunciandum est, quod qui talia,*  
*& similia credit, fidem perdit. Et qui fidem*  
*rectam in Domino non habet, hic non est ejus,*  
*sed illius, in quem credit, id est diaboli.*

XCVII. At scrupulus evanesceret, si cum  
 ali



aliquibus diceremus , Decretum hoc non esse Concilii Ancyranum ; Gratianus enim illud refert ex Concilio *Anquirensi* , quod Concilium nunquam extitit ; & etiam si legendum esset *Ancyrano* , in nullo Exemplari habetur aut Græco , aut Latino , neque impresso , neque manuscripto , sed desumptum est ex ejusdem appendice confecta ex quodam libello sexdecim librorum partialium *lib. 6. cap. 7.* ut in 1. tomo Conciliorum , qui libellus non videtur certæ auctoritatis . Deinde magna pars illius canonis invenitur in libro *de Spiritu , & Anima cap. 28.* qui Augustinum præferebat auctorem , sed verius agnoscit parentem , sive Ugonem Victorinum , sive Alcherum Cisterciensem Monachum , sive alium Anonymum , ut observant PP. S. Mauri in admonitione hujus libri *tom. 6. Operum S. Augustini , in Appendice* . Nihilominus omnes canonem illum recipiunt ut authenticum , sed alii conditum putant in quodam Concilio Romano sub S. Damaso , ut Baron. *ad annum 382. num. 20. & 22.* qui haberi , inquit , in Actis Damasi Papæ , quæ in Ecclesia recitari solebant . Et Justus Fontaninus Archiepiscopus Ancyranus in notulis ad hunc Canonem in Decreto Gratiani , quod secundum methodum Cardinalis Turrecremæ edidit Romæ 1726. ait , eadem ferme verba haberi in pervetusto codice S. Mariæ Majoris de Vita Damasi . Alii verò adscribendum illum Canonem putant Concilio Ancyrano , quia traditione antiqua receptum est , a qua non videtur facile recedendum , maximè quia id , quod ex Concilio Romano sub Damaso anno 382. celebrato , assertur , non est contrarium ; ibi enim solum dicitur : *Omnes maleficos , sacrilegos , augures , aliisque superstitionibus vacantes excommunicandos esse.* Fæmi-

minas illas, quæ a demone illuse putant se non esse super animalia ferri, atque cum Herodiade circumvagari, eadem sententia prætendendas esse. Quod potuit rectè fieri etiam si in Ancyrano Concilio, quod antiquius est, (celebratum nempe fuit anno Christi 314.) Canon ille conditus fuisset. Qua ratione Auctor libri *de Spiritu, & Anima* cap. 18. potius transcribit ex Canone, quam è contra, etiamsi Parentem liber iste agnosceret Augustinum.

XCVIII. Sed ut sit de Auctore hujus canonis, qui certè suam habet auctoritatem, quam libenter admittimus, primò dicimus, in eodem non agi de Lamiis, & strigibus, sed de quibusdam Hæreticis, qui credebant, quod Diana fuit in Deam conversa, & quod creaura mutari, aut transformari potest ex una substantia in aliam; unde subdit præfatus Canon: *Quisquis ergo credit posse fieri aliquam creaturam, aut in melius, aut in deterius immutari, aut transformari in aliam speciem, vel similitudinem nisi ab ipso creatore, qui omnia fecit, & per quem omnia facta sunt, procul dubio infidelis est, & pagano deterior.* Secundò dicimus, quædam in illo Canone narrari, quæ per naturam rerum a demone perfici non possunt, ut equitare cum Diana, vel Herodiade, cum nec ulla sit Diana Dea, nec Herodias illa ullibi in terris equitet, sed in inferno crucietur. Item quod equitent super illas bestias, quæ tanta spatia tam cito, & per aerem conficere nequeunt. Item cognoscere aliquam naturam divinam præter Deum, hæreticum est. Quo circa illa merito a Canone proscribuntur, & damnantur. Vera itaque canonis explicatio est, eos hæreticos esse censendos, qui credunt: Primo, quod aliqua sit Dea, quæ vocatur Diana, vel Herodias. Secundo,

do, quod aliqua deportetur ad serviendum alicui tali Deæ. Tertio, quod aliquis possit ab alio, quam a Deo in aliam speciem converti. Non autem censet canon esse hæreticos, qui contendunt striges, & sortiarios personaliter ad dissita loca deportari. Et quamvis ibi sermo etiam sit de translatione, quæ contingat per illusionem, & solum in phantasmate, tamen, Synodus non  
 „ decernit vocationes & translationes illas mu-  
 „ lierum fieri non posse corporaliter, neque de-  
 „ finit motiones illas sola semper imaginatio-  
 „ ne fieri, & nunquam in corpore sed id tan-  
 „ tum affirmat, mulieres illas falsis imagina-  
 „ tionibus decipi, quod & nos non inficiamur  
 „ interdum evenire, imò asserimus fœminas hu-  
 „ iusmodi aliquando immobiliter domi jacuisse,  
 „ cum se crederent in remotis regionibus aspor-  
 „ tatas,, . Hæc Sixtus Senensis, loco citato.

XCIX. Octavo, non potest impedire virtutem agentium naturalium ab intrinseco, ne suos effectus producant, quia impedimentum ab intrinseco est per subtractionem concursus, ut accidit, cum *Dominus mare vertit in siccum divisæque est aqua, & ingressi sunt Filii Israel per medium siccæ maris, & erat aqua quasi murus a dextera eorum, & leva, ut dicitur Exodi 14. v. 21. & 22. Et cum Sidrach, Misach, & Abdenago missi sunt in medium fornacis ignis ardentis.... & ambulabant in medio flammæ laudantes Deum;* ut habetur *Daniel. 3. v. 21. & 24.* Potest tamen dæmon ab extrinseco impedire per externa remedia effectus talium agentium, cum ea media dæmon optimè calleat.

C. Nono, non potest sistere Cœlum, aut contrario motu, aut celerius, tardiusve ipsum movere, quam secundum inclinationem naturalem ipsius movetur: aut stellam Cœlo deducere, quia con-  
 nexio,



nexio, & ordo universi semel a Deo institutus non potest ab ulla particulari causa mutari; hinc S. Augustinus *lib. 21. de Civit. Dei cap. 8.* non dæmoni, sed Deo conditori tribuit: *Quod in stella veneris nobilissima, quam Plautus Vesperuginem, Homerus Hesperon appellat, pulcherrimam dicens, Castor scribit tantum portentum extitisse, ut mutaret colorem, magnitudinem, figuram, cursum; quod factum ita neque antea, neque postea sit.* Qua de re legendum est totum caput 8. citatum.

CI. Hac eadem ratione non potest dæmon aliquod integrum elementum, vel magnam partem destruere, aut è loco suo movere: Quapropter D. Cyprianus *Epist. 75.* Ita, inquit, *principalium demoniorum impetu* (mulier prophetissam se simulans) *ferebatur, ut & facere se terram movere polliceretur.* Non quod dæmoni tanta esset potestas, ut terram movere, aut elementum concutere nisu valeret, sed quod nonnunquam spiritus nequam præsciens, & intelligens terramotum futurum, id se facturum esse simularet, quod futurum videret.

CII. Potest tamen terramotus efficere, immiso vehemente spiritu in cavernas terræ, qua ratione etiam possunt tempestates excitare, fulgura, tonitrua, grandines &c. ne tamen hoc, & præcipuè quæ scribimus de terramotu, contrarium videatur superiori doctrinæ num. antecedenti traditæ; audiatur D. Thomas, qui utrumque conciliat: *quæst. 16. de malo, art. 10. ad 8. Dicendum, inquit, quod idem est naturalis motus totius, & partis, non tamen eadem vis sufficit ad movendum totum, quæ movet partem: unde licet dæmones possint movere aliquam partem terræ, non sequitur, quod possint movere totam terram, quia hoc non est proportionatum naturæ ipso.*

ipforum, ut mutant ordinem elementorum Mundi.

CIII. Decimò, non potest mortuos suscitare, se uniendo corpori refecto vel animam evocando. Prima pars certa est ex his, quæ diximus in Commentar. Tituli num. 32. & 33. ubi pluribus ostendimus dæmones corpora assumere, non tamen se illis unire tamquam eorum formas. Non minus etiam certa est secunda pars; sed tota difficultas sita est in eo, quod legitur 1. Regum cap. 28. de Samuele per Pythonissam suscitato. Hæc enim traduntur: *Dixit Saul servis suis: Querite mihi mulierem habentem Pythonem, & vadam ad eam, & suscitabor per illam. Et dixerunt servi ejus ad eum: Est mulier Pythonem habens in Endor. Mutavit ergo habitum suum, vestitusque est aliis vestimentis, & abiit ipse, & duo viri cum eo, veneruntque ad mulierem nocte, & ait illi: Divina mihi in Pythone, & suscita mihi quem dixerò tibi. Et ait mulier ad eum: Ecce tu nosti quanta fecerit Saul, & quo modo eraserit magos, & ariolos de terra: quare ergo insidiaris animæ meæ ut occidar? Et juravit ei Saul in Domino dicens: Vivit Dominus, quia non eveniet tibi quidquam mali propter hanc rem. Dixitque ei mulier: Quem suscitabo tibi? Qui ait: Samuelem mihi suscita. Cum autem vidisset mulier Samuelem, exclamavit voce magna, & dixit ad Saul: Quare imposuisti mihi? Tu es enim Saul. Dixitque ei Rex: Noli timere, quid vidisti? Et ait mulier ad Saul: Deos vidi ascendentes de terra. Dixitque ei: Qualis est forma ejus? Quæ ait: Vir senex ascendit, & ipse amictus est pallio. Et intellexit Saul, quod Samuel esset, & inclinavit se super faciem suam in terra, & adoravit. Dixit autem Samuel ad Saul: Quare inquietasti me,*

*me, ut suscitarer? Et ait Saul: Coarctor nimis, siquidem Philistiim pugnant adversum me, & Deus recessit a me, & exaudire me noluit, neque in manu prophetarum; neque per somnia: vocavi ergo te, ut ostenderes mihi quid faciam. Et ait Samuel: Quid interrogas me, cum Dominus recesserit a te, & transierit ad amulum tuum? Faciet enim tibi Dominus sicut locutus est in manu mea, & sciendet Regnum tuum de manu tua, & dabit illud proximo tuo David, quia non obedisti voci Domini, neque fecisti iram furoris ejus in Amalec. Idcirco quod pateris, fecit tibi Dominus hodie, & dabit Dominus etiam Israel tecum in manus Philistiim: cras autem tu, filii tui mecum eritis: sed & castra Israel tradet Dominus in manus Philistiim. Textum integrum retulimus, quia de eo, vel de ejus partibus redibit sermo.*

CIV. Hoc posito, nonnulli dicunt, inquit Theodoretus in lib. 1. Regum cap. 28. *eam*, (nempè Pythonissam) *vere retulisse Samuelem*. Moventur, quia Sacra Scriptura sexies eum, qui Sauli Pythonissam consulenti visus est, *Samuelem* vocat, ut constat ex textu; & quia Ecclesiastici 46. v. 23. de Samuele dicitur: *Et post hoc dormivit; & notum fecit Regi, & ostendit illi finem vite sue, & exaltavit vocem suam de terra in prophetia delere impietatem Gentis*. Cui porro regi nisi Sauli? Quando vero? nisi cum Pythonissam adit, & consuluit, ab eoque audivit: *Crastu, & filii tui mecum eritis*? Et quomodo exaltavit vocem suam de terra in prophetia, nisi cum visus est Pythonissæ de terra ascendere, & dixit mulier: *Deos video ascendentes de terra*? Denique, *vere prophetavit: & dabit Dominus etiam Israel tecum in manus Philistiim*.



CV. Hanc sententiam docuerunt S. Justinus Martyr in Dialogo cum Triphone Judæo: *Ani-  
mas*, inquit, *superstites manere etiam eo demon-  
straverim, quod & Samuelis animam ventriloqua  
Pythonissa, itaut Saul petierat, evocavit*. Ori-  
genes Comment. in lib. 1. Regum cap. 28. *Samue-  
lem verè esse eductum*, pluribus argumentis probat.  
S. Ambrosius in cap. 1. Lucæ: *Samuel*, ait, *post  
mortem, secundum Scripturæ Testimonium, futu-  
ra non tacuit*. S. Augustinus lib. 2. de Diversis  
quæstionibus ad Simplicianum quæst. 4. utramque  
opinionem probabilem judicat, diligentiori ta-  
men inquisitioni non præscribens. Verum in li-  
bro de octo Dulcitii Quæstionibus, quæst. 6. re-  
petitis iis, quæ ad Simplicianum ea de quæstione  
scripserat, rem sic absolvit: *Sed quam non fru-  
stra dixerim, pedetentim nos in hac re gesta simu-  
latam Samuelis imaginem maligno Pythonissæ mi-  
nisterio præsentatam existimare debere, ne inquisi-  
tionibus diligentioribus præscribamus, mea po-  
sterior inquisitio declaravit, quando inveni in li-  
bro Ecclesiastico, ubi Patres laudantur ex ordi-  
ne, ipsum Samuelem sic fuisse laudatum, ut pro-  
phetasse etiam mortuus diceretur. Sed si & huic  
libro ex Hebræorum, quia in eorum non est Ca-  
none, contradicatur, quid de Moyse dicturi su-  
mus, qui certè & in Deuteronomio mortuus,  
& in Evangelio cum Elia, qui mortuus non est,  
legitur apparuisse viventibus. Quibus consonant  
ea, quæ scribit in lib. de cura pro mortuis geren-  
da, c. 15. Severus Sulpitius lib. 1. histor. Sacræ:  
Saul, ait, per Mulierem, cujus viscera Spiritus  
erroris impleverat, Samuelem evocatum consu-  
luit. S. Zeno Veronensis, seu alius antiquus Au-  
ctor Sermonis de resurrectione: Samuel, inquit,  
egregius ille Sacerdos mortis jam lege dispunctus,  
Sauli regi desideranti sine ambiguitate, non tan-*

*rum suam praesentiam exhibet, sed etiam ad consulta respondet, liberiusque canit mortuus, quam canere consueverat vivus, unde libet exclamare: Profectus potius est, quam mortuus. Et antiquus auctor Carminum contra Marcionem, sub Tertulliani nomine editorum, lib. 3. canit: Mirificus Samuel, cui Reges ungere primum, Praeceptum dare Chrisma, vivos ostendere Christos, Talibus in vita spatio laudabilis exit, Ut quoque post requiem prophetica jura teneret.*

Denique S. Thomas 2.2. *quest.* 174. *art.* 5. ad 4. hanc sententiam probabiliorem censet, eique adhaerere se significat.

CVI. Nonnulli prosequitur ibidem Theodoretus, *hoc idem refellerunt; dicunt autem quemdam demonem ostendisse figuram Samuelis.* Hanc opinionem veterum pars maxima tradit, ut Tertullianus *lib. de anima cap. 57.* S. Basilus Magnus in *cap. 8. Isaia.* D. Gregorius Nyssenus *Epist. ad Theodosium Episcopum.* Hieronym. in *cap. 7. Isaia &*, 13. *Ezechielis*, nec non 6. *Matthaei.* Cyrillus Alexandrinus *lib. 6. de adoratione in spiritu, & veritate.* Theodoretus *loco cit.* Philastrius *lib. de Heresibus cap. 26.* Procopius Gazzæus in *cap. 28. lib. 1. Reg. & in cap. 10. lib. 1. Paralip.* nec non in *cap. 8. Isaia.* Anastasius Sinaita *quest. 39.* Isidorus Hispalensis *lib. 8. originum cap. 9.* Et tandem Rupertus Abbas *lib. 2. in lib. Regum cap. 17.* quorum argumenta relata, & soluta videri possunt penes Natalem Alexandrum in *Hist. Ecclesiast. Veteris Testament. tom. 2. dissert. 23.*

CVII. Si hanc admittas sententiam, jam planè sequitur, daemones non evocasse, virtute sua, animas. Si verò primam opinionem (quam nos secundæ anteponimus) amplecteris, idem etiam sequitur, cum id factum non fuerit virtute demonis, sed ex dispensatione divinae voluntatis permis-

permissum, ut non invitus, nec dominante, aut subjugante magica potentia, sed volens, atque obtemperans occultæ dispensationi Dei, ut loquitur Theodoretus *loco cit.* in idque conspirant omnes Sancti Patres primæ sententiæ, qui legi possunt circa hoc apud eundem Natalem Alexandrum *ibidem*.

CVIII. Plura alia adduci possent, quæ dæmon facere vel non facere potest; sed hæc dicta sufficiant, additis iis, quæ tradidimus sparsim in hoc Opere, & præcipuè ubi egimus de ejus potestate circa animam, ejusque potentias, circa corpora assumenda &c.

CIX. Advertendum tamen, quod quidquid potest dæmon, solum his tribus modis potest. Primò, per illusionem sensuum tam exteriorum, quam interiorum, de quo modo locuti sumus in Comment. Tituli a *num. 36. usque ad 44.* Secundò, per motum localem, vi scilicet potestatis, quam habet facilè movendi corpora. Tertiò, applicando activa passivis; sunt enim singulares quædam virtutes occultæ, ac ignotæ hominibus, ut in certis quibusdam aquis, terris, succis, gemmis, lapidibus, herbis, lignis, animalibus, & in ipso hominis corpore mirabilium, ac pene incredibilem operum effectrices. Hæ virtutes, quibus in rebus naturalibus insint, ubi locorum lateant, quibus cum rebus componi, misceri, ac temperari debeant, quo tempore tempestive, ac opportune ad operandum adhiberi oporteat, notissimum est dæmonibus; quamvis sub hoc tertio modo etiam primus comprehendatur, cum illusio sensuum fieri non possit, nisi forinsecus adhibitis quibusdam corporibus, aut intrinsecus commotis spiritibus animalibus, aliisve humoribus.

CX. Advertendum insuper, quod quidquid,  
Q face-



facere potest dæmon per se ipsum, potest facere per alium, id est per magum, vel sagam, & vice-versa regulariter, & cum sua proportionem loquendo, cum hi virtute illius solum agant.

CXI. Advertendum tandem, quod ea, quæ diximus dæmonem non posse facere, si aliquando faciat, non revera facit, sed illusiones, apparentiæ, & præstigia dicenda sunt.

CXII. His cognitionibus imbutus Exorcista, auxilioque cœlesti, præcipueque Deiparæ implorato, ut diximus supra in Commentar. hujus Documenti num. 2. sufficienter redditur cautus, *ne artibus, & fraudibus diaboli, ad decipiendum hominem fallatur*, ut loquitur Rituale nostrum.



## DOCUMENTUM VI.

**Q**Uare sit memor, Dominum nostrum dixisse, genus esse dæmoniorum, quod non ejicitur nisi per orationem, & jejunium; *Matth. 17.* Hæc duo potissimum remedia ad impetrandum divinum auxilium, dæmonesque pellendos, exemplo Sanctorum Patrum, quoad ejus fieri poterit, tum per se, tum per alios curet adhiberi.

S U M M A R I U M.

1. **O** Ratio, & jejunium sunt necessaria ad quodlibet genus demoniorum expellendum, & num. 2.
3. Hanc necessitatem docuerunt Christus, & Patres.
4. Obiectio circa jejunium.
5. Est necessarium in Exorcista, obseſſo, & ejusque propinquis.

C O M M E N T A R I U M.

Quare sit memor, Dominum nostrum dixisse, genuseſſe demoniorum, quod non ejicitur, nisi per orationem, & jejunium.

I. **Q**Uod non solum intelligitur de iis spiritibus, qui surdi, & muti dicuntur, scilicet, qui in corporibus hominum usum linguæ, aut auris, Deo permittente, non habent, ut explicat Euthymius in Evangel. Marci cap. 26. inquit: *Mutum dixit spiritum, utpote impediētem filii sui loquelam, nec id tantum, sed & auditum ejus*; verum intelligendum est de omnibus omnino demonibus; nam D. Hieronymus illud Christi Domini lib. 3. *Commentar. in Matth. cap. 17. Hoc genus &c.* exponens, ait: *Dum docet quomodo nequissimus demon possit expelli, omnes instituit ad vitam*; ubi de omnibus indiscriminatim loqui videtur S. Doctor, sicut & alii PP. loquuntur, infra num. 3. referendi. Et Auctor Operis imperfecti inter opera S. Joannis

Chrysostomi homil. 58. in eundem Caput, expressius loquitur: *Universum*, inquit, *demonum genus*, non *lunaticorum solummodo intellexerit*. Cui consonat prælaudatus Euthymius *Comment. in 4. Evangelia cap. 35.* inquiens: *Genus demoniorum omnium non alio modo egreditur, nisi per orationem, & jejunium*. Et Victor Antiochenus ad cap. 9. Marci: *Per duo hæc*, ait, *asserit Dominus omne demoniorum genus profligari posse*.

II. Scio quosdam expositores, inter quos præcipuè S. Leo Magnus, intelligere Christi Domini oraculum de quibusdam dæmoniis fortioribus, & atrocioribus: hæc enim habet S. Pontifex *ferm. 2. cap. 1. In omni agone certaminis Christiani utilitas continentie plurimum valet, ita ut quidam sævisimorum spiritus demonum, qui ab obsessis corporibus nullis exorcizantium fugantur imperiis, sola jejuniorum, & orationum virtute pellantur, dicente Domino: Hoc genus &c.* A qua explicatione dissentire non videtur Rituale nostrum, dum dicit: *Genus esse demonum, quod &c.* sed stemus huic expositioni. Quid ex hac sequatur, adverte. Si necessarium est jejunium ad quosdam dæmones ejciendos fortiores, & saviores; igitur utilissimum erit ad inferioris ordinis dæmones pellendos. Si tantæ est efficaciam in illis; majoris profectò erit in istis. Quam consecutionem agnoscens Rituale Romanum, de omnibus indifferenter dæmonibus loquens, statim subdit:





Hæc duo potissimum remedia ad impetrandum divinum auxilium, dæmonesque pellendos, exemplo Sanctorum Patrum quoad ejus fieri poterit .... curret adhiberi.

III. Hoc espresè docuerunt Sancti PP. Christi oraculo edocti, nimisque longum esset eos recensere. Uno, vel altero tantum contenti erimus. S. Eucherius Lugdunensis *homil. 1. de Jejunio Quadrages.* *Jejunii*, inquit, *beneficium, quid conferre possit adverte* ..... Christum ipsum ab adversario esse tentatum cibi sollicitatione perspicias: ab illo saltem require, abstinere quid prosit, qui se contra diabolum pugnaturus ad informationem tuæ abstinentiæ virtute præcinxit: quam quidem vitam Apostolis suis Jesus insinnavit, ut requirentibus quod remedium ei, qui a demonio vexabatur, possent adhibere, responderit: Hoc genus demoniorum non ejicitur nisi per orationem, & jejunium. Vide quid commodi circa propriam operetur salutem, quod alio jejunante interdum etiam ad alienam pertinet sanitatem, ut homo per abstinentiam angelicam possit expugnare naturam. Ex hoc quantum in ea insit utilitatis intellige. Ecce extrinsecus virtus augetur, corpus affligitur, & diabolus effugatur. D. Isidorus Hispalensis lib. 2. de summo bono, cap. 44. *Jejunia*, inquit, *fortia tela sunt adversus tentamenta demoniorum: citò enim per abstinentiam devincuntur. Unde etiam Dominus, & Salvator noster eorum incursus jejunis, &*

*orationibus pramonet superare, dicens : Hoc genus &c. Victor Antiochenus loco supra laudato . Discis , ait , hinc quomodo Christus Servator noster doctrinam de jejunio proponat , ejusdemque necessitatem , & usum tacitè insinuet . Et Christianus Drutmarus , vulgò Grammaticus in Matth. c. 37. Ad fugandos , inquit , demones abstinentia , & jejunium . . . . potissimum est remedium , nam per orationes , & jejunia noverimus , vel immundorum spirituum tentamenta esse superanda . Hinc S. Carolus in Concilio IV. Mediolanensi statuit , quod Exorcista , pridie illius diei , quo alicui Exorcismum adhibere incæperit se jejunio , & oratione preparare studeat . Porro si Sancti Patres hoc docuerunt , doctrinam Christi sequentes , hoc profectò ipsi executioni mandarunt , & eos prætermitto , cum certum sit abstinentiæ , & jejniis pro Energumenorum curatione operam sedulam navasse , ut sapissimè observavi in Vitis perlegendis eorum , quorum nomina recensebo in Commentario Documenti VIII. num. 12.*

*IV. Neque mihi hic nunc paucorum quorundam , qui citra jejunium demonia ejecerunt exemplum exponas , ut loquar cum Victore Antiocheno , loco cit. qui sibi hanc objectionem efformat ; nam cum eodem respondeo , quod Et si de uno forsàn , aut altero malignos demones increpante , aut profligante verè istud asseri queat , attamen demonum vimpatientes . . . . citra jejunium , ab ea insania quandoque liberari , quodammodo impossibile est . Cui consonat Auctor Operis imperfecti in Matth. homil. 58. inquiens : Nec mihi ea , quæ rara sunt dicas , quod scilicet absque jejunio ejecti demones aliquando fuerint ; si enim unus , aut alter sic expulit , impossibile tamen est , si quis id patitur , & in deliciis vivit , ab hoc furore liberari . Hujusmodi enim morbo laborantibus , jejunio maxime*  
opus

*opus est. Qui Auctor aliam difficultatem sibi proponens, ad rem nostram solvit: Sed si fide opus est, inquires, cur jejunare opus est? Quia una cum fide non parvas vires affert jejunium.*

Tum per se, tum per alios  
curet adhiberi.

V. Non tantum Exorcista se munire debet jejunio, sed etiam, & quidem præcipuè, Energumenus ipse. *Genus demoniorum omnium*, inquit Euthymius, loco supra laudato, *non alio modo egreditur nisi per orationem, & jejunium: non solum ejus, qui sanat, sed ejus etiam, qui patitur*. Imò, & propinqui, seu alii. Vidimus enim supra in Commentar. Documenti V. num. 22. quod B. Irenes omnibus suis Monialibus rigorosum præcepit jejunium, ut suam discipulam a dæmonis vexatione liberaret. Et de obsessa a dæmonio liberata a S. Auxentio Presbytero hæc referuntur ab Auctore Vitæ Sancti, cap. 2. *penes Bollandum die 14. Februarii*, Cum itaque „ una hebdomada jussisset puellam manere cum „ parentibus precatione armatis, & jejunio, & „ ipsam sanam restituisset, dimissit eos in pace. „ Hæc de jejunio Exorcistæ; de jejunio verò vexati peculiarius erit sermo infra in Commentario Documenti VIII. num. 23. Pariter de Oratione Ministri, & aliorum fusè dicam ibidem num. I. & seqq. Quare progrediamur ad





## DOCUMENTUM VII.

**I**N Ecclesiam, si commodè fieri potest, vel in alium Religiosum, & honestum locum, seorsim a multitudine perductus Energumenus exorcizetur, sed si fuerit ægrotus, vel persona nobilis, vel alia honesta de causa, in domo privata exorcizari poterit.

## SUMMARIUM.

1. **I**N Ecclesia exorcizari debent obsessi, ut etiam antiquitus fiebat.
2. Vindicatur quoddam Decretum Sac. Congregationis ab oppositionibus P. Sebastiani a S. Joachim: ad num. 7.
8. Et seorsim a multitudine, quamvis varians fuerit circa hoc Ecclesię disciplina: & num. 9.
10. Placitum Hieronymi Menghi refellitur.
11. In aliquo casu Exorcizari poterit obsessus in domo privata, & tunc quę observanda erunt, remissivè indicantur.

## COMMENTARIUM.

## In Ecclesiam.

- I. **A**D hanc ductos energumenos ut exorcizarentur legimus apud D. Joan. Chrysostomum humil. 3. de incomprehensibili Dei natura, versus

versus finem. *Agitato*s, inquit, quoque.... *Diaconus* tempore illo (nempe Sacrificii) adducit, & jubet caput inclinare. Cum eos una cum Fratribus orare non liceat, adducit eos, ut tu miseratus, & quia tam acerbè vexantur, & quia vocem reddere nequeunt, tua facultate ad eorum utaris defensionem, & auxilium. Hanc Disciplinam, quoad hanc partem, sanctè custodiendam tradit S. Carolus Borromæus in Concilio IV. Non in adibus laicalibus, inquit, locisve privatis, sed in Ecclesia, loco aperto, & conspicuo, nec in omni quavis Ecclesia, sed in iis solum, quas certas Episcopus statuerit.... Energumenum exorcizet, idque in inferiori Ecclesia parte, non in choro, non in Sacellis. Hanc eandem disciplinam adeo observandam præcipit Ecclesia Romanam, ut nec etiam Moniales in Monasteriis, sed in Ecclesiis exorcizandas velit. Referam hîc decretum Sacræ Congregationis, ex Lezana tomo 2. verbo Clausura, num. 28. Monialis nulla energumena infra Monasterii septa a quocumque Presbytero seculari, vel regulari, etiam Confessario Exorcizetur, sed ad Ecclesiam exterio rem ejusdem Monasterii, obtenta prius a Sacra Congregatione licentia, ea de causa deducatur, vel transferatur. In translatione autem hujusmodi, sicut & in actu exorcizationis honesta persona consanguinea, vel alia mulieres provecta atatis, & probæ conversationis energumenam comitentur. Exorcista sit ad actum hujusmodi ab Ordinario approbatus. Exorcizatio minori, quo poterit, fiat strepitu, Ecclesia Janua eo usque occlusa remaneat, quousque exorcizatione completa, ad Monasterium energumena reducatur. Caterum tam in reditu, quam in accessu ad Ecclesiam Monasterium respectivè, rectè, & sine diverticulo tendatur.

II. At huic Decreto standum non esse contendit P. Sebastianus a S. Joachim, Auctor tractatus, inter alios, de *Adjuratione*, in Theologia Morali Salmaticensium, puncto enim 6. §. 3. num. 79. ait: Quidquid sit de hoc decreto, (quod forte pro Italia unice fuit expeditum) ut certum tenendum est, nunquam licere energumenam Monialem a Monasterio deducere ad eam exorcizandam, sed ad crates ferreas adjuranda. Pro ratione adducit Concil. Trident. Sess. 25. de Regularibus, & Monialibus cap. 5. ubi habetur: *Nemini autem Sanctimonialium liceat post professionem exire a monasterio, etiam ad breve tempus quocumque prætectu, nisi ex aliqua legitima causa ab Episcopo approbanda.* Quo decreto renovat Constitutionem Bonifacii VIII. in cap. *Periculoso* de Regularibus in 6. Idipsum confirmavit S. Pius V. Constitut. *Circa Pastoralis officii*, edita anno 1566. quarto Kalendas Junii, declaravitque in alia anno 1570. Kal. Februarii data, quæ incipit: *Decori, & honestati tom. 2.* Bullarii Romani, quænam essent causæ legitimæ aductionis Monialium è Monasterio: *Nulli monialium*, inquit, *nisi ex causa magni incendii, vel infirmitatis, lepræ, aut epidemiæ, quæ tamen infirmitas, præter alios ordinum Superiores quibus cura Monasteriorum incumberet, etiam per Episcopum seu alium loci Ordinarium... cognita, & expressè in scriptis approbata sit a monasteriis præfatis exire, sed nec in prædictis casibus extra illa nisi ad necessarium tempus stare licere.* Nominè autem *infirmitatis*, inquit P. Sebastianus, nullus, quem viderim, assignat *demonum obsessionem*, quia hæc propriè infirmitas non est.

III. Prosequitur deinde ad suam ulterius opinionem roborandam pluribus aliis. Primò, quia



quia cum virtus Exorcismorum sit divina, potest agere in distans, & solum requirit indistantiam moralem, quæ indistantia daretur etiam si energumena sit ad crates ferreas aliis monialibus stipata, ut in necessitatibus occurrentibus ei subveniat. Secundò, quia sic tenet praxis, quæ in Hispania viget, quæ in Regno adeo Catholico sufficiens est ad legem faciendam, obligationemque inducendam, maximè cum in hoc honestati, & clausuræ Monialium valde provideat. Tertiò, quia si janua hæc ut licita ad egressum è monasterio aperiretur, vix esset Monialis, quæ energumena non esset, vix esset infirmitas, aut animi deliquia ex his, quæ communiter eis eveniunt, quæ dæmonis obsessionem non suspicarentur, imò & crederent. Tandem, si Monialis energumena ad Ecclesiam exorcizanda deferretur, quæ contentiones, quæ lites non orirentur inter eos, qui eam comitarentur, & blaterones, qui eam videre inhierent? Quod murmur inter Cives non esset de re adeo nova, & famosa? Itaque ad Crates ferreas debet adjurari.

IV. Tota Auctoris hujus prima difficultas in eo sita est, quod nomine *infirmitatis*, quæ sola in nostro casu motivum esse potest egressus monialis a monasterio, non veniat dæmonum obsessio, cum nullus scriptor id eum docuerit. Edoctus tamen sum ego ab ipso supremo animarum nostrarum, corporumque medico, Salvatore nempe Jesu Christo, cui oblata fuit *mulier quæ habebat spiritum infirmitatis annis decem & octo, & erat inclinata, nec omnino poterat sursum respicere*; ut habetur *Luce 13. v. 11.* Hic porro *spiritus infirmitatis* erat *dæmonis Obsessio*, ut idem Christus declaravit ibidem *v. 16.* *Hanc autem, dixit, filiam Abrahe,*  
*quam*

quam alligavit satanas, ecce decem & octo annis non oportuit solvi a vinculo isto die sabbati? En quomodo Obsessio demonis nuncupatur nomine infirmitatis. Hac phrasi usus est Rituale Romanum, quod in Documento V. de Exorcizandis obsessis a demonio energumenum sexties infirmum vocat, & obsessionem semel infirmitatem ibi appellat: Imò Documento XIII. pro synonymis habet hæc nomina: *infirmus*, *obsessus*, ut legenti manifestum fiet. Quare itat optime, quod obsessio reputanda sit infirmitas, & consequenter, quod relatum Sacræ Congregationis Decretum sanctioni tum Synodi Tridentinæ, tum Constitutioni S. Pii V. non adverteretur.

V. Sed etiam dato (non tamen concessio) quod *obsessio infirmitas* non esset, licentia exeundi a Monasterio dari potest ob alias aque graves causas in Constitutione prædicta non expressas, quia de similibus idem est iudicium, ut dicitur c. *Translato* de Constitut. & ubi eadem est ratio eadem est juris dispositio, ut ait Glosa in l. *Illud*, ff. *ad Legem Juliam*. Nec obstat clausula, seu dictio taxativa a Pio V. citato posita, tum quia Concilium Tridentinum universaliter loquitur de causa legitima per Episcopum approbata, tum quia præfata dictio taxativa non excludit casus similes, tum quia ita habet praxis, & consuetudo passim vigens, quæ est optima legum interpret, ut dicitur l. 37. ff. *de legibus*. Hanc doctrinam pluribus citatis tradit Anacletus Reiffenstuel in Decretales tom. 3. lib. 3. tit. 35. §. 2. num. 30. ex qua objectio plane infirmatur.

VI. Ad reliquas rationes. Ad 1. utique indistantia moralis sufficit, sed interdum immediata necessaria est; si enim dæmon strepitus  
ulu-

ululatus ederet, minas intentaret, monialem fursum elevarer, ipsaque fugam arriperet, sufficeret ne, quod energumena esset sororibus stipata? Quis terror, quæ confusio, qui mestus in sexu adeo imbecilli? Deinde ad crates ferreas, quomodo extrema pars stolæ ad obsessæ collum circumponi potest; quomodo cruces in ejus fronte, pectore fieri, quomodo Reliquiæ ad caput ejus admoveri, & super ipsam manus apponi possent, ut a Rituali nostro præscribitur? Ad 2. Praxi Hispaniarum potiori jure oppono praxim Romanam, totiusque Italiæ, & Sacra Congregatio Majorem, imò totam vim habet condendi super hac re legem, quam praxis ipsa Regni Hispaniarum, licet Catholici. Ad 3. si servantur cautelæ summa prudentia appositæ in Decreto, nullum ex inconvenientibus adductis sequi potest, & insuper honestati, & clausuræ monialium sufficienter provisum est, ut ex Decreto liquet. Nec tandem est timendum, quod aperiretur janua ad facilem egressum a Monasterio; quia vix concipi potest, quod mulier sanæ mentis se obsessam fingat, ut per breve tempus è Monasterio ad Ecclesiam, & statim ab Ecclesia ad Monasterium sine diverticulo ducatur, cum in hac actione nec utile, nec delectabile appareat, imò potius oppositum eluceat; eo vel magis quod nostrum decretum huic inconvenienti satis occurrit per illa verba: *obtentaprius a Sacra Congregatione licentia*; quæ Sacra Congregatio facultatem non concedet nisi ipsi constiterit de vera Monialis obsessione per litteras Episcopi, vel Ordinarii.

VII. Ad illa verba initio difficultatis posita, videlicet: *quidquid sit de hoc decreto*; dico de identitate ipsius non esse prudenter dubitandum



dum, cum indicetur a Gavanto in *Manuali Episcoporum*, Titulo *Monialium cura Spiritualis num. 30.* dicatque expeditum a Sacra Congregatione Episcoporum 1. Julii 1606. referatur a Lezana loco jam citato, a Barbosa in *Summa Apostolicarum Decisionum collect. 115. num. 5.* Tamburino de jure Abbatissarum *disput. 24. quest. 4.* citante Aldanum in *comp. canon Resol. lib. 2. tit. 10. num. 26.* Pellizzario de *Monialibus cap. 5. quesito 30. num. 67.* & Monacello *Tom. 3. Formularii legalis practici formula 47. num. 3.* qui allegat Nicol. in *flosc. Verbo Exorcismus, num. 2.*

## Seorsim a multitudine perductus Energumenus exorcizetur.

VIII. Sancti Joannis Chrysostomi temporibus coram multitudine perducebantur energumeni, ut colligitur ex ejus verbis supra relatis: ibi enim loquitur de efficacia orationis communis tempore Sacrificii. Quod idem colligitur ex D. Prospero, seu Auctore libri *de Predictionibus, & Promissionibus Dei c. 6.* ubi narrat puellam in Ecclesia coram multitudine liberatam a dæmone, de qua mentionem facimus in *Commentar. Documenti VIII. num. 35.* At hæc, quæ vigeat, disciplina variata est, & rectè quidem; nam dæmones valdè cupiunt numerum adstantium habere, ut multa vana, & plura mendacia, ac subtiles deceptiones ipsis spectatoribus infundant, ac quædam superstitionosa, sub prætextu devotionis, & pietatis persuadeant. Insuper, ut occulta crimina in proximorum injuriam revelent, ut sæpè faciunt, & de hoc exempla attulimus in *Comment.*

ment. Documenti III. num. 11. Rursus interdum conantur cogitationes pravas excitare; fingunt se quosdam ex adstantibus metuere tanquam sanctitate pollentes, ut vanæ gloriæ crimen incurrant: quæ omnia sunt vitanda. Præterea Exorcista se exponeret periculo inanis gloriæ, quam cavere debet, ut docuimus supra, in Commentario Document. I. num. 36. & seqq.

IX. Ad quæ omnia incommoda forte respiciens S. Martinus Turonensis: *Si quando*, inquit Severus Sulpitius in Dialogo cap. 6. *exorcizandorum demonum Martinus operam recepisset .... admotis energumenis, ceteros jubebat abscedere, ac foribus obseratis in medio Ecclesiæ cilicio circumrectus, cinere respersus, solo stratus orabat &c.* Quem S. Antistitem secutus est B. Ambrosius Sandedonius, ut legitur in ejus Vita penes Bollandum 20. Martii, cum enim ad eum accessisset energumenus „ percunctatus est vir Dei, an Populus „ adhuc in Ecclesia esset. Postquam jussu fratrum Populus de Ecclesia recessit, intra sacristiam dæmoniacus introductus est. „ Imò sanctos hos viros in similibus prævit exemplo suo Christus Dominus, de quo Lucæ 8. v. 51. legitur: *Et cum venisset domum, non permisit secum intrare quemquam nisi Petrum, & Jacobum, & Joannem, & Patrem, & Matrem Puella.* Super quæ verba hæc habet Theodoretus relatus a D. Thoma in Catena aurea in cap. 8. Lucæ: *Mortuam autem suscitaturus, ejecit omnes, quasi nos docens, absque inani gloria esse, & nihil ad demonstrationem facere, & quod cum quis debet miracula perpetrare, non decet esse in medio plurimorum, sed solitarium, & ab aliis separatum;* unde sequitur: *Et cum venisset &c. solos autem hos intromisit, tamquam discipulorum vertices, & potentes miraculum occultare, non enim vole-*  
bas

*bat ipsum ante tempus pluribus revelari* . Et quamvis expulsio demonum per Exorcismum, & ab habente, seu Charisma, seu Ordinem miraculum non sit, ut latè probat doctissimus Cardinalis Laurea in 3. *sent.* tom. 4. *de Miraculis, disput.* 20. *art.* 7. tamen ob paritatem rationis præindictæ a Theodoro, multitudo adstantium est excludenda.

X. Hinc non est sequendus Hieronymus Menghus in *flagello demonum documento* 4. qui adstantium multitudinem admittendam sustinet. Et quamvis, ut ipse asserit, Christus præsentē turba dæmoniacos sanaret, & idem fecerint plures sancti Viri; tamen Christus impedire poterat per suam virtutem præindicta incommoda, nec in ipsum inanis gloriæ spiritus cadere poterat, & Sancti idem poterant ob uberem a Deo acceptam gratiam. Quare nostro Rituali omnino est obtemperandum, & S. Caroli monito adherendum in Mediolanensi Concilio IV. promulgato, Exorcistam scilicet *in conspectu multitudinis* non debere adjurare.

Sed si fuerit ægrotus, vel persona nobilis, vel alia honesta de causa in domo privata exorcizari poterit.

XI. In hoc casu observanda sunt inevitabiliter ea, quæ a nostro Rituali præscribuntur Documento X. & XIV.



## DOCUMENTUM VIII.

**A**dmoneatur obsessus, si mente, & corpore valet, ut pro se oret Deum, ac jejUNET, & Sacra confessione, & Communione sæpius ad arbitrium Sacerdotis se communiat, & dum exorcizatur totum se colligat, & ad Deum convertat, ac firma fide salutem ab eo deposcat cum omni humilitate. Et cum vehementius vexatur, patienter sustineat, nihil diffidens de auxilio Dei. Habeat præ manibus Crucifixum. Reliquiæ quoque Sanctorum, ubi haberi possint, decenter, ac tuto colligatæ, ac coopertæ ad pectus, vel ad caput obsessi reverenter admoveantur: sed caveatur, ne res Sacræ indignè tractentur, aut illis a dæmone ulla fiat injuria. Sanctissima verò Eucharistia super caput obsessi, aut aliter ejus corpori non admoveatur, ob irreverentiæ periculum.

## S U M M A R I U M.

1. **O** Stenditur necessitas fusè tractandi de oratione obsessi,
2. Qui debet orare Deum unum, & trinum, nempe Patrem,
3. Filium,
4. Et Spiritum Sanctum.
5. Non tamen per hoc excluduntur Sancti Cœlites.
6. Quapropter oranda est a vexato B. Maria Virgo; & num. 7.
8. Orandi sunt sancti Angeli,
9. Et præcipuè sancti Archangeli Michael, Gabriel, Raphael,
10. Nec non sancti Angeli Custodes,
11. Et reliqui sancti Cœlites,
12. Præsertim illi, qui viventes demonibus imperarunt, quorum quamplurimum Catalogus prolixus datur.
13. Ab Exorcista proponenda sunt vexato conditiones, quæ ad impetrandum requiruntur, & prima est attentio,
14. Secunda est, ut oratio sit fervida,
15. Tertia, ut sit assidua,
16. Quarta, ut sit fecunda,
17. Quinta, ut sit pia,
18. Sexta, ut sit de necessariis ad salutem,
19. Septima, ut sit pro se ipso.
20. Explicatur quare non semper impetremus a Deo id quod poscimus, etiam positis fere omnibus enumeratis conditionibus. Et num. 21.
21. Hæc omnia ad Orationem Exorcistæ extenduntur.
22. Vis, & necessitas jejuniû in vexato exponuntur:

24. De-

24. Debet vexatus sacramentali Confessione se communire, ad num. 28.
29. Exponitur opinio P. Gasparis Juvenin de disciplina Ecclesie circa Communionem energumenum, & num. 30.
31. Refertur sententia Severini Binnii de eadem re.
32. Placitum Auctoris exponitur,
33. Quo conciliantur due opiniones relatae.
34. Ostenditur quam merito Rituale Romanum statuatur dandam esse Eucharistiam energumenis, ad num. 37.
38. Quod tamen intelligendum est cum limitatione.
39. Liberatio Obsessi maxime pendet ab eius fiducia,
40. Quae etiam in astantibus requiritur.
41. Exorcista debet adjuvare vexatum a demonio ad fiduciam acquirendam, ipsi exponendo quaedam motiva,
42. Quorum primum est: consideratio omnipotentiae Dei,
43. Secundum est Divinae providentiae contemplatio.
44. Tertium est contemplatio infinitae Dei bonitatis, & num. 45.
46. Quartum est consideratio veracitatis, & fidelitatis Dei.
47. Afferuntur Divinae promissiones.
48. Respondetur quorundam quarelis.
49. Ad quid valeat horum motivorum seria meditatio, iterum repetitur.
50. Debet vexatus humiliter Deum orare,
51. Et patienter,
52. Cum inhesitanti fiducia.
53. Ostenditur efficacia Imaginis Crucifixi contra daemones,
54. Et reliquiarum Sanctorum,



55. *Et formarum cere, quæ Agni Dei nuncupantur.*  
 56. *Eucharistia non est admovenda super caput Obsessi, licet aliter aliquando factum sit.*  
 57. *Similiter non est utendum hostia non consecrata ad explorandam demonis præsentiam.*

## COMMENTARIUM.

**Admoneatur Obsessus, si mente,  
 & corpore valet, ut pro se  
 oret Deum.**

I. **Q**uia Oratio est una ex præcipuis dispositionibus, quæ requiruntur in vexato, juxta illud Christi Domini, Matth. 9. v. 28. *Hoc genus in nullo potest exire nisi in Oratione &c.* ideo circa hanc est bene instruendus, & a nobis est hic uberius immorandum.

II. Igitur vexatus oret Deum Trinum, & Unum; ipse enim est fons, & origo omnium bonorum. *A Domino nostro*, inquit Augustinus serm. 56. alias de diversis 48. . . . Deo Patre Prophetarum, Apostolorum, & Martyrum a Patre Domini nostri Jesu Christi, a Deo qui fecit cælum, & terram, mare, & omnia, quæ in eis sunt, ab illo petendum est, si quid petendum est.

III. Oret Deum, scilicet etiam æternum Dei Filium; ipse namque est unus mediator Dei, & hominum, qui semetipsum dedit redemptionem pro omnibus. 1. ad Thimoth. c. 2. v. 5. *Et qui salvare in perpetuum potest accedentes per semetipsum ad Deum, semper vivens ad interpellandum pro nobis*; ad Hæbreos c. 7. v. 25. *Advocatum habemus*, inquit S. Joannes Epist. 1. c. 2. v. 2. *apud Patrem Jesum Christum*. Hinc ut  
 alios

alios mittam Patres, S. Bernardus Serm. in Nativit. B. M. V. de aquæ, ductu num. 7. ait: *Ad Patrem verebaris accedere solo auditu territus, ad folia fugiebas: Jesum tibi dedit mediatorem, Quid non apud talem Patrem Filius talis obtineat? Exaudietur utique pro reverentia sua.... Exaudiet Filium Patrem.... Quid enim? Potest ne Filius aut repellere, aut sustinere repulsam? Non audire, aut non audiri filius potest? Filius ostendit Patri latus, & vulnera.*

IV. Oret Deum, scilicet etiam Spiritum Sanctum; Ipse enim postulat pro nobis gemitibus inenarrabilibus, ut loquitur D. Paulus ad Rom. 8. v. 26. *Hoc est postulantes nos facit in quantum in nobis recta desideria causat*, inquit S. Thomas hic Lectione 5. & *gemitus in corde nostro causat*. Igitur ut bene, & efficaciter oremus, orandus est.

V. Nec per hoc, quod a nostro Rituali præscribatur, quod vexatus Deum oret, excludit orationem ad sanctos Cœlites; nam quamvis orentur alii sancti, semper tamen oratur Deus, quia a sanctis solum petimus, ut nostri patrocinium suscipiant, & pro nobis, & nobiscum orent Deum, nobisque a Deo impetrent ea, quorum indigemus. Hinc Deum invocantes dicimus: *Misere nobis, exaudi nos &c.* Cum autem Sanctos invocamus, dicimus: *Orate pro nobis, intercedite pro nobis.*

VI. Quare post Deum oranda est a vexato B. Virgo Maria; quia sic est voluntas ejus, inquit D. Bernardus Sermone prælaudato: *qui totum nos habere voluit per Mariam*. Hac, inquam, voluntas ejus est, sed pro nobis. In omnibus siquidem, & per omnia providens miseris, trepidationem nostram solatur, fidem excitat, spem roborat, diffidentiam abigit, eri-

git pusillanimitatem. An verò trepidas & ad ipsum? (Mariæ Filium) Hunc tibi Fratrem Maria dedit. Sed forsitan & in ipso maiestatem vereare divinam; quod licet factus sit homo, manserit tamen Deus? Advocatum habere vis & ad ipsum? Ad Mariam recurre.... Nec dubius dixerim, exaudietur & ipsam pro reverentia sua. Exaudiet utique Matrem filius.... Hac peccatorum scala, hac mea maxima fiducia est. Hac tota ratio spei meæ. Quid enim? Potestne Filius..... repellere..... non audire?

VII. Aliam peculiarem, ad rem nostram, rationem efficaciam B. Mariæ Virginis ad impetrandum pro energumenis adducit idem Mellifluus Abbas *homil. 2. super Missus est*, ubi explicans illud Genesis 3. v. 15. Ipsa conteret caput tuum, ait: Qui hac servata victoria est, nisi Mariæ? Ipsa procul dubio caput contrivit venenatum, quæ omnimodam maligni suggestionem tam de carnis illecebra, quam de mentis superbia deduxit ad nihilum. Hinc S. Bonaventura de B. Virgine ait, in *spec. Lect. 3. Hac virga Virgo Maria, virga virtutis contra inimicos infernales*; vocatque eam *Dominam Infernorum & demonum*. Et S. Germanus orat. in Zonam Deiparæ, eam sic alloquitur: *Tu nequissimi hostis contra servos tuos invasiones sola nominis tui invocatione sanctissima repellens, tutos, atque incolumes servas*. Nec dissimiliter S. Cyrillus Alexandrinus, *homil. contra Nestorium* inquit: *Per te..... fugantur demones*. Et mille in locis potentiam Virginis contra demones deprædicant Sancti Patres sed quid diutius immoramur? Nimis enim longum esset omnes super hac re vel leviter indicare. Dicat ergo vexatus ad Virginem cum Mellifluo *serm. 4. de assumptione B. M. V. Virgo benedicta, sit pie-*



pietatis tuæ ipsam, quam apud Deum gratiam invenisti, notam facere mundo, reis veniam, medelam ægris, pusillis corde robur, afflictis consolationem, periclitantibus adiutorium, & liberationem sanctis tuis precibus obtinendo.

VIII. Deinde orandi sunt sancti Angeli: *Assistunt namque hi precibus nostris, non pennarum flatu, sed donorum spiritu, quorum volasse voluisse est, inquit Alcimus Avitus fragmento 6. in Epist. ad Philipp. Et clarius S. Augustinus enarrat. in Psalm. 62. Adtendunt, inquit, nos peregrinos, & miserantur nos, & jussu Domini auxiliantur nobis. Neque enim, sequitur D. Petrus Damianus lib. 1. Epist. 17. ad Alexandrum II. Pontificem; versutia tam calidi, & exercitati hostis posset fragilitas humana resistere, nisi cum a tentationibus electorum virtus Angelica propulsaret.*

IX. Præcipue tamen auxilium implorandum est Sanctorum Archangelorum Michaelis, Gabrielis, & Raphaelis, nec non Sanctorum Angelorum Custodum. De primo enim hæc scribit Alcimus, loco prælaudato: *Inter hos (scilicet Angelos) sibi vindicat Michael Princeps principem locum.... duo circa etiam hic Michael noster sinceritate voti..... devotione populi provocatus adstat, conferendo magna, maxima obtinendo. Et Ecclesia de eodem canit in hymnis:*

*Draconis hic dirum caput*

*In ima pellit tartara,*

*Ducemque cum rebellibus*

*Cælesti ab arce fulminat. De secundo verò nosse sufficiat, quod interpretetur fortitudo Dei, iuxta Patres, & præcipue S. Gregorium hom. 34. in Evang. Si enim illum nuntiare veniebat, qui ad debellandas aereas potestates descendeat, profectò ejus auxilium contra dæmones effica-*

cissimum erit : quapropter Ecclesia pariter precatur eum

----- *ut hostes*

*Pellat antiquos* ..... De tertio satis sit mente revolvere id , quod Tobiaë legitur *cap. 8.* hunc scilicet Archangelum apprehendisse dæmonium , illudque religasse in deserto superioris Ægypti ; unde Ecclesia sic ipsum invocat :

*Angelus nostræ Medicus salutis*

*Adsit e cælo Raphael , ut omnes*

*Sanet agrotos* .....

X. De Sanctis Angelis Custodibus clarè colligitur ex Sacra Scriptura ; Angeli namque custodes omnes sunt *administratorii spiritus in ministerium missi propter eos , qui hereditatem capient salutis* , ut ait Apost. ad Hebr. i. v. 14. Et in Psalmo 50. v. 11. legitur : *Angelis suis Deus mandavit de te , ut custodiant te in omnibus viis tuis . Quare obsecrandi sunt Angeli pro nobis , qui nobis ad præsidium dati sunt* , inquit S. Ambrosius lib. de viduis cap. 9. & D. Bernardus serm. 11. super prædictum Psalmum . *Ascendunt* , inquit , *per contemplationem Dei , descendunt per compassionem tui , ut custodiant te in omnibus viis tuis* . Et quod præcipuè custodiant contra dæmonum vexationem constat ex Theologica ratione , quam adducit Guillelmus Parisiensis 2. *parte de universo cap. 158.* „ Si hominibus , inquit , „ datur potestas in homines , & preficiuntur „ eis rectores hominum , & hoc contra perturbatores publicè faciunt homines , atque private , quanto fortius contra malignos Spiritus , „ qui maximè infesti , maximè noxii sunt hominibus , necessarii sunt eis rectores , & defensores ; Si igitur cura est Creatori , videlicet Deo Altissimo , ut omnes rectores , & defensores habent „ ant sive Reges , & Principes contra infestatores ,

„ &

„ & perturbatores homines ; quanto fortius cura  
 „ est eidem Creatori benedicto , ut sint eis recto-  
 „ res , & defensores contra infestatores , & per-  
 „ turbatores spirituales , videlicet malignos spi-  
 „ ritus , ubi tanto magis indigent hujusmodi re-  
 „ gimine , & cura , quanto majora sunt spiri-  
 „ tualia bona , & mala corporalibus , & tem-  
 „ poralibus „ . *Quoties ergo concludendum est*  
*cum D. Bernardo loco supra citato Serm. 12. gra-*  
*vissima cernitur urgere tentatio , & tribula-*  
*tio vehemens imminere , invoca Custodem tuum ,*  
*Adjutorem tuum , in opportunitatibus , in tribu-*  
*lationibus , inclama eum , & dic Domine , sal-*  
*va nos perimus .*

XI. Nec omittendi sunt reliqui sancti Cœlites ,  
 quia & possunt , & volunt nobis benefacere . D.  
 Bernardus Serm. in Vigilia SS. Apostolorum Pe-  
 tri , & Pauli id apertissimè fatetur : *Considera-*  
*re , inquit , debemus , auxilium Sancti , quia*  
*qui potens in terra fuit , potentior est in cœlis*  
*ante faciem Domini Dei sui . Ecce potentiam .*  
*Si enim dum hic viveret misertus est peccato-*  
*ribus , & oravit pro eis : Nunc tanto ampli-*  
*us , quanto verius cognoscit misérias nostras ,*  
*orat pro nobis Patrem : quia beata illa Patria*  
*charitatem ejus non immutavit , sed augmenta-*  
*vit ; neque enim , quia impassibilis omnino , ideo*  
*& incompatibilis factus est , sed nunc potius induit*  
*sibi viscera misericordiæ , cum ante fontem mi-*  
*sericordiæ assistit . Ecce voluntatem in nos bene-*  
*ficam , ad quam respiciens D. Basilius , postquam*  
*de Sanctis Martyribus dixit : Hi sunt , qui quasi*  
*quadam turres contra adversariorum incursum*  
*refugium nobis exhibent , statim exclamat : Orat.*  
*in 40. Martyres : O Sanctum Chorum ! O Sacrum*  
*Ordinem ! O cuneum inexpugnabilem ! O commu-*  
*nes gentis humani Custodes ! Optimi curarum so-*  
*cii ,*



*cii, precum, ac votorum invicem suffragatores, legati apud Deum potentissimi.*

XII. Præsertim verò illi Sancti viri orandi sunt, qui dum inter viatores erant dæmonibus imperarunt; si enim ex regula, quam supra tradidimus ex S. Bernardo, dum hic viverent adversus dæmones potentes fuerunt, potentiores sunt in cælis ante faciem Domini Dei sui; quare Catalogum hic subnectemus plurium eorum, qui sive virtute Charismatis, sive potestate Ordinis dæmones expulerunt, ut possint sive ab Exorcista, seu ab energumeno pro devotione, vel conjunctim, vel singillatim invocari, & rogari: hoc unum interim advertens, quod cum horum nomina ferè omnia ex eruditissimo, ac insiggi Opere, quod Acta Sanctorum inscribitur a P. Bollando, ejusque Continuatoribus glorioso labore feliciter incepto, ac feliciter profecuto deprompserim, numquam hos celeberrimos Scriptores nominabimus, ne idem centies repetere coacti simus, sed solum vitam, caput, & diem, in quo mentionem faciunt, indicabimus, ut sæpe etiam factum est in referendis quamplurimis Historiis. En ergo noster Catalogus, cui Lector plures alios Sanctos addere poterit, cum non omnes, sed solum illos, quos in excurrendis eorum Vitis adnotavimus referamus.

S. Achilles Diaconus, & Martyr. *in ejus actis*  
23. *Aprilis.*

S. Achillius Episcopus Larissensis. *In Vita* 15.  
*Maii.*

S. Adalgisus Presbyter, *in Vita cap. 1. 2. Junii*

S. Adelelmus Abbas, *in Vita cap. 4. 30. Januarii.*

S. Adjutor Monachus, *in Vita 30. Aprilis.*

S. Ægidius Abbas. D. Antoninus 2. part. hist. tit.  
13. cap. 6. §. 33.

S. Agathangelus Diaconus, & Martyr. *in Actis*  
S. Cle-

- S. Clementis Ancyran, quest. 3. 23. Januarii.
- S. Agilus Abbas. D. Antonin. loco citato §. 22.
- S. Aicardus Abbas, in Vita penes Lipelloum 15. Septembriis.
- S. Albertus Ordinis Carmelitarum, in Vita apud Surium 7. Augusti.
- S. Albinus Episcopus Andegavenfis, in Vita cap. 2. 1. Martii.
- S. Aldebrandus Episc. Forosempronienfis, in Vita 1. Maii.
- S. Alferius Abbas Cavenfis, in Vita 12. Aprilis.
- S. Alphius Martyr. in Vita 9. Aprilis.
- S. Alphius item Martyr. in ejus Actis cap. 3. 10. Maii.
- S. Alpinianus Presbyter, in Vita 27. Aprilis.
- S. Amandus Episcopus Trajectenfis, in Vita cap. 26. Februarii.
- S. Amator Episc. Autissiodorensis, in Vita cap. 2. 1. Maii.
- S. Ambrosios Episcopus Mediolanensis. Paulinus in ejus Vita.
- S. Ampelius Eremita, in Vita cap. 1. 14. Maii.
- S. Andronicus, in Vita 17. Maii.
- S. Anselmus Archiepiscopus Cantuariensis. D. Antoninus 2. part. hist. tit. 16. cap. 11. §. 1.
- S. Anthimus Episcopus, & Martyr. in Actis SS. Indes, & Domne. Ex Metaphrast. apud Lipellorum 2. Decembris.
- S. Antonius Patriarca Constantinopolitanus, in vita cap. 4. 12. Februarii.
- S. Antonius Magnus Abbas, in vita c. 4. 17. Jan.
- S. Aphraas Anachoreta, in vita 7. Aprilis.
- S. Apollinaris Episcop. Ravennæ, & Martyr. D. Antonin. 1. part. hist. tit. 6. cap. 27. §. 2.
- S. Arbogastus Episc. Argentoratensis in vita 21. Julii.

- S. Armentarius Episc. Ticinensis. *Ferrarius in Catalog. SS. Italia.*
- S. Arnolphus Martyr. *in vita cap. 1. 18. Julii.*
- S. Arnulphus Metensis Episc. D. *Antonin. 2. part. hist. tit. 13. cap. 6. §. 13.*
- S. Athanasius Episc. Metensis, *in vita cap. 5. 31. Januarii.*
- S. Audoenus Episc. Rothomagensis. D. *Antonin. loco cit. §. 17.*
- S. Aventinus Presbyter. *in vita cap. 3. 4. Febr.*
- S. Aventinus Episc. Castrodunensis, *in vita 4. Februarii.*
- S. Avitus Eremita, *in vita 17. Junii.*
- S. Aurelianus Martyr. Romanus, *in actis 22. Maii.*
- S. Aufonius Episcopus, & Martyr. Engolimensis, *in vita 22. Maii.*
- S. Austregisillus Archiepiscopus Bituricensis, *in Vita lib. 1. cap. 2. 20. Maii.*
- S. Auxentius Presbyter, & Archimandrita, *in Vita cap. 1. 2. & 3. die 14. Februarii.*
- S. Baitheneus Abbas, *in Vita 9. Junii.*
- S. Barbatus Episcopus Beneventanus, *in Vita cap. 1. 19. Februarii.*
- S. Bartholomæus Eremita Farnensis, *in Vita cap. 3. 24. Junii.*
- S. Basilius Magnus Neocesareæ Episc. D. *Antonin. 2. part. hist. tit. 10. cap. 4. §. 1.*
- S. Bassianus Episc. Laudensis, *in Vita cap. 2. & 4. 19. Januarii.*
- S. Benedictus Abbas. D. *Gregorius lib. 2. Dialogor. cap. 16.*
- S. Berachius Abbas, *in Vita cap. 2. 15. Febr.*
- S. Bernardus Abbas Clarævallensis. *in Vita ejus operibus præfixa lib. 2. cap. 2. 3. & 4.*
- S. Bernardus Archidiaconus Augustæ Pretoriæ, *in Vita cap. 2. 15. Junii.*
- S. Bertolfus Abbas Bobiensis. *Beda in ejus Vita.*  
S. Bes-



- S. Bessarion Abbas Anachoreta in Ægypto, in *Vita* 17. Junii.
- S. Bonifacius Episcopus Lausanensis, in *Vita* cap. 3. 19. Februarii.
- S. Bonitus Episc. Claramontanus, in *Vita* cap. 4. 15. Januarii.
- S. Bruno Episc. Signienfis, in excerptis ad ejus *Vitam*, cap. 41. 18. Julii.
- S. Cadroe Abbas, in *Vita* cap. 3. & 4. die 6. Martii.
- S. Calogenus Eremita, in ejus *actis*, 18. Junii.
- S. Caluppanus Presbyter, in *Vita* 3. Martii.
- S. Cajus Papa, & Martyr, in *Actis* S. Sebastiani cap. 19. die 20. Januarii.
- S. Canio Episc. Afer, in *Vita* cap. 3. die 25. Maii.
- S. Cantianus Martyr. in *actis* 31. Maii.
- S. Cantius Martyr. *ididem*.
- S. Caradocus Prebbyter Eremita, in *Vita* 13. Apr.
- S. Caraunus Martyr Carnotensis, in *Vita* 28. Maii.
2. S. Carthacus Episcopus Lismonienfis in *prima Vita* 14. Maii.
- S. Carolus Borromæus. in *actis Translationis SS. Siffinii, & Socior.* 29. Maii.
- S. Carus Episcop. Atini, & Martyr, in *Vita* 29. April.
- S. Cassius Episc. Narnienfis. 29. Junii.
- S. Castrensis Episc. Afer, in *Vita* cap. 3. 11. Februar.
- S. Castus Episc. & Martyr. in *Vita* cap. 1. die 1. Julii.
- S. Castulus Martyr. in *actis* 26. Martii.
- S. Charalampus Presbyter, & Martyr. in *Vita* cap. 2. 10. Februarii.
- S. Chryspolitus Episc. Bettonensis, in *Vita* 12. Maii.
- S. Clarus Abbas Viennensis, in *Vita* cap. 4. die 1. Januarii.
- S. Clemens Ancyranus Episc. & Martyr. in *actis quest.* 3. 23. Januarii.
- S. Columba Abbas Hienfis, in *prima Vita* cap. 1. die 9. Junii.

270 *Commentar. in Documentum VIII.*

- S. Columbanus Abbas. *Beda in Vita c. 20. & 24.*
- S. Comgallus Abbas Benchorensis, *in Vita cap. 3. 10. Maii.*
- S. Conon Martyr, *in Vita 5. Martii.*
- S. Conon Monachus, *in Vita 28. Martii.*
- S. Contestus Episc. Bajocensis, *in Vita, in addendis ad diem 19. Januarii.*
- S. Cosmas Martyr, *in Actis apud Surium 27. Septembris.*
- S. Crescentius Subdiaconus Florentinus, *in Vita 19. April.*
- S. Cronanus Abbas Rosveensis, *in Vita cap. 2. 28. Aprilis.*
- S. Cuthbertus Episcop. Ludisfarnensis, *in Vita cap. 5. 20. Martii.*
- S. Cyriacus Episc. Hierosolymitanus. D. Antoninus 2. part. hist. tit. 9. cap. 5. §. 7.
- S. Cyriacus Diaconus, & Martyr. idem 1. part. hist. tit. 8. cap. 1. §. 13.
- S. Cyrinus Martyr. *in actis cap. 3. 10. Maii.*
- S. Damianus Martyr. *in actis apud Sur. 27. Septembris.*
- S. Daniel Stylita : *Ex Metaphrasse apud Lipelloum 11. Decembris.*
- S. Datius Episc. Mediolanensis. D. Gregor. lib. 3. Dialogor. cap. 14.
- S. Desideratus Episc. Bituricensis, *in Vita 8. Maii.*
- S. Deodatus Episc. Nolanus, *in Vita 27. Junii.*
- S. Dius Archimandrita Thaumaturgus, *in ejus gestis 19. Julii.*
- S. Dominicus Ordinis Prædicatorum Fundator. D. Antonin. 3. part. hist. tit. 23. cap. 1. §. 3.
- S. Domitianus Episc. Trajectensis, *in secunda Vita 8. Maii.*
- S. Domnolus Episc. Cenomanensis, *in Vita cap. 2. 16. Maii.*

S. Do-

- S. Donatus Episc. Aretinus, & Martyr. D. *Antoninus* 2. part. hist. tit. 9. cap. 5. §. 6.
- S. Donatus Episc. Euroeæ in Epiro, in *Vita* 30. *Aprilis*.
- S. Donatus Presbyter, & Martyr Afer. in *Vita penes Lipelloum* 1. *Septembris*.
- S. Dunstanus Abbas, & Episc. Cantuariensis. D. *Antoninus* 2. part. hist. tit. 16. c. 6. §. 2.
- S. Eberhardus Archiepiscopus Salisbugensis, in *Vita* cap. 2. 22. *Junii*.
- S. Ebremundus Abbas, in *Vita* 10. *Maii*.
- S. Ebrulfus Abbas. in *Vita* 25. *Julii*.
- S. Edmundus Cantuariensis Episcop. D. *Antoninus* 3. part. hist. tit. 19. c. 10. §. 2.
- S. Eleutherius Abbas. D. *Gregorius* lib. 3. *Dialog. cap. 33*.
- S. Eleutherius Episc. Tornacensis, in *prima Vita* cap. 2. & in *alia* cap. 5. 20. *Februarii*.
- S. Eligius Episc. Noviomensis, S. *Audoneus* in *Vita* lib. 2. cap. 11. & 19. penes D. *Acherium* tom. 2. *Spicilegii*.
- S. Elpidius Episc. Atellensis, in *Vita* 24. *Maii*.
- S. Emantus Presbyter, & Martyr. in *Vita* cap. 2. 16. *Maii*.
- S. Eneco Abbas Onniensis, in *Vita* cap. 3. 1. *Junii*.
- S. Ephræm Syrus, in *Vita* cap. 3. 1. *Februarii*.
- S. Epitectus Presbyter, in *Vita* c. 1. & 2. 8. *Julii*.
- S. Epiphanius Episc. Ticinensis, in *Vita* cap. 8. & 13. 21. *Januarii*.
- S. Eparchius Presbyter. D. *Gregor. Turonens.* lib. 6. hist. *Francor.* cap. 8.
- S. Equitius Abbas. D. *Antonin.* 2 part. hist. tit. 12. cap. 9. §. 2.
- S. Erasmus Episc. Antiochenus. D. *Antonin.* 1. part. hist. tit. 8. cap. 1. §. 6.
- S. Erminoldus Abbas Prussemigenis, & Martyr. in *Vita* lib. 2. cap. 6. 6. *Januarii*.



- S. Eucharis Treviris Episc. *in vita S. Valeris cap. 4. 29. Januarii.*
- S. Eugendus Abbas, *in vita cap. 7. 1. Januarii.*
- S. Evotius Episc. Aurelianensis, *in vita penes Surium 7. Septembris.*
- S. Eufanius Martyr. *in actis cap. 2. 9. Julii.*
- S. Euthimius Magnus, Abbas, *in vita cap. 24. 20 Januarii.*
- S. Eutychius Patriarca C. P. *in vita cap. 6. 6. Aprilis.*
- S. Eutyches Presbyt. & Mart. *in actis 15. April.*
- S. Faustinus Presbyter, & Martyr. *in secunda vita cap. 2. die 15. Februarii.*
- S. Fechinus Abbas, *in vita cap. 4. 21. Januar.*
- S. Felicianus Episcop. Fulginei, *in vita cap. 3. 24. Januarii.*
- S. Felix Presbyter, *in vita 14. Januarii.*
- S. Felix Presbyter, & Martyr. *in actis 23. April.*
- S. Flavianus Anachoreta, *in vita 16. Februarii.*
- S. Florentius Presbyter, D. Antonin. part. 2. *hist. tit. 9. cap. 3. §. 4.*
- S. Fortunatus Episcopus Tudertinus. D. Gregor. lib. 1. *Dialogor. cap. 10.*
- S. Fortunatus Diaconus, & Martyr. *in actis S. Felicis Martyr. 23. Aprilis.*
- S. Franciscus Assisias. D. Anton. 3. part. *hist. tit. 24. cap. 2. §. 6.*
- S. Franciscus de Paula, *in vita cap. 4. 2. Apr.*
- S. Frodobertus Abbas Trecensis, *in vita cap. 2. 8. Januarii.*
- S. Fructuosus Archiepiscop. Bracharensis, *in vita cap. 2. 16. Aprilis.*
- S. Furseus Confess. *in vita cap. 7. & in lib. miracul. cap. 2. 16. Januarii.*
- S. Gallus Abbas. *apud Lipelloum 16. Octobris.*
- S. Gaudentius Episc. Novariensis. *in vita cap. 1. 22. Januarii.*

- S. Geminianus Episc. Mutinensis, in *Vita* cap. 1. & 2. 31. *Januarii*.
- S. Genesius Episc. Claromontanus, in *vita* 3. *Junii*.
- S. Genulphus Episc. Cathurcensis, in *vita* cap. 3. 17. *Januarii*.
- S. Georgius Episc. Mitylenensis, in *vita* 7. *April*.
- S. Georgius Solitarius, in *vita* 4. *Aprilis*.
- S. Germanus Episc. Parisiensis, in *vita* cap. 2. & 3. 28. *Maii*.
- S. Germanus Episcopus Antissiodorensis, *Beda Hist. Anglor. lib. 1. cap. 17.*
- S. Germanus Episc. Ambianensis, & Martyr, in *vita* cap. 2. die 2. *Maii*.
- S. Germanus Martyr, apud *Lipelloum* 16. *Octobr*.
- S. Gervinus Abbas Aldemburgensis, in *vita* 17. *Ap*.
- S. Gilbertus Fundator Ordinis Sempringhamensis, in *Commentario p. c. v. io* §. 3. die 4. *Februarii*.
- S. Gildas Sapiens Presbyter, in *vita* c. 2. 29. *Jan*.
- S. Gilduinus Canonicus Dolensis, in *vita* cap. 2. 27. *Januarii*.
- S. Godehardus Episc. Hildesheimensis, in *vita* cap. 4. 4. *Maii*.
- S. Godricus Eremita, in *vita* cap. 2. 21. *Maii*.
- S. Gratianus Martyr, in *vita* part. 2. 1. *Junii*.
- S. Gregorius Thaumaturgus Episc. Neocæsareæ, *Brev. Rom. 17. Novembris*.
- S. Gregorius Episcopus Lingonensis. *D. Gregor. Turonensis in vit. PP. cap. 7.*
- S. Gualfardus Solitarius, in *vita* 30. *Aprilis*.
- S. Gualterius Abbas Stirpensis, in *vita* c. 3. 11. *Mai*.
- S. Guilelmus Politienſis Eremita, in *vita* cap. 1. 16. *Aprili*.
- S. Guilielmus Abbas, Fundator Congregationis Montis Virginis, in *vita* cap. 5. 25. *Junii*.
- S. Guthlacus Anachoreta, in *vita* 11. *Aprilis*.
- S. Heribertus Archiepisc. Colonienſis, in *vita* cap. 5. 16. *Martii*.

- S. Hermagoras Episc. & Martyr, in *actis* cap. 2.  
12. *Julii*.
- S. Hervæus Abbas, & Exorcista, in *Vita* c. 2. 17. *Junii*.
- S. Hefychius Thaumaturgus, in *Vita* 16. *Martii*.
- S. Hieronymus Episc. Papiensis, in *ejus elogio*.  
22. *Julii*.
- S. Hilarion Abbas. D. *Antonin.* 2. part. *hist. tit.* 15.  
*cap.* 5. §. 1.
- S. Hilarius Episc. Arelatensis, in *Vita* 5. *Maii*.
- S. Hilarius Abbas Galeatensis, in *vita* c. 1. 15. *Maii*.
- S. Hillidius Arvenorum Episc. D. *Gregorius Tu-*  
*ronensis lib.* 1. *hist. Francor.*
- S. Hospitius Eremita Niciensis, *ibid. lib.* 6. *cap.* 6.
- S. Hucbertus Monachus, in *Vita* cap. 3. 30. *Maii*.
- S. Hugo Abbas Cluniacensis. *Baron. ad ann.* 1058.  
*num.* 8.
- S. Hyacinthus Martyr, in *Vita* 17. *Junii*.
- S. Hypatius Abbas, in *Vita* 17. *Junii*.
- S. Hypolitus Presbyter, & Martyr, in *actis* 1. *Maii*.
- S. Jacobus Alphæi, & Cleophæ Apostolus, in *actis*  
1. *Maii*.
- S. Jacobus Eremita, in *vita* cap. 2. 28. *Junii*.
- S. Innocentius Episcopus Dertonensis, in *vita*  
*cap.* 2. 17. *Aprilis*.
- S. Joannes Abbas Reomaensis, in *vita* lib. 1.  
*cap.* 3. 28. *Januarii*.
- S. Joannes Eremita, in *vita* cap. 2. 27. *Martii*.
- S. Joannes Gualbertus Abbas, & Fundator Or-  
dinis Vallumbrosani. D. *Antonin.* 2. p. *hist. tit.* 15  
*cap.* 17. §. 4.
- S. Joannes Archiepisc. Eboracensis, in *vita* 7. *Maii*.
- S. Joannes Abbas Pulsanensis, in *vita* cap. 3. & 4.  
20. *Junii*.
- S. Joannes a Cruce, in *Vita Roma impressa* 1726.  
*lib.* 3. *cap.* 7.
- S. Joannes Chrysostomus, in *Vita*, penes Lipel-  
loum 14. *Septembris*.



De Exorcizandis Obsessis: 275

- S. Jovita Diaconus, & Martyr, in *secunda vita* cap. 2. 15. *Februarii*.
- S. Isaac Abbas Syrus. D. Gregor. lib. 3. dialog. cap. 14.
- S. Julianus Episc. Cenomanorum, in *Vita* cap. 6. 27. *Januarii*.
- S. Juventius Presbyter. D. Anton. *secunda part. hist. tit. 9. cap. 3. §. 4.*
- S. Juventius Episc. Ticinensis, in *Vita* §. 2. 8. *Feb.*
- S. Ketingernus Episcop. Glascuensis, in *Vita* cap. 6. 13. *Januarii*.
- S. Lanfrancus Archiepiscop. Cantuariensis. D. Anton. 2. part. *hist. tit. 16. cap. 10. §. 1.*
- S. Launomarus Presbyter, & Abbas Curbonien-  
sis, in *Vita* cap. 3. 19. *Januarii*.
- S. Laurentius Justinianus Patriarcha, in *Vita* cap. 8. *eius operibus prefixa.*
- S. Leo-Lucas Abbas Mulensis, in *Vita* cap. 3. & 4. 1. *Martii*.
- S. Leo Episc. Catanensis, in *Vita* 20. *Februarii*.
- S. Leo Papa IX. in *Vita* cap. 3. 19. *Aprilis*.
- S. Leonardus Confessor, apud Surium 6. *Novembr.*
- S. Leucius Episc. Brundusii, in *Vita* cap. 3. 11. *Jan.*
- S. Leutfredus Abbas, in *Vita* cap. 3. 21. *Junii*.
- S. Liborius Episc. Cenomanensis, in *Vita* 23. *Julii*.
- S. Licinus Episc. Andegavensis, in *Vita* cap. 3. 13. *Februarii*.
- S. Linus Papa, & Martyr. *Breviar. Rom. 23. Se-  
ptembris.*
- S. Longinus Miles, & Martyr, in *actis* 15. *Martii*.
- S. Lucas junior, Thaumaturgus, in *Vita* cap. 9. 7. *Februarii*.
- S. Ludovicus Bertrandus Ordinis Prædicatorum.  
Clemens X. in *Bulla Canonizationis.*
- S. Lupus Senonensis Episc. D. Anonin. 2. p. *hist. tit. 13. cap. 6. §. 34.*
- S. Lupus Episcopus Treassinus. *Beda Hist. An-  
glor. lib. 1. cap. 17.*

276 *Commentarium in Docum. VIII.*

- S. Macharius Presbyter, & Abbas, *in vita secunda* 15. *Januarii*.
- S. Macedonius Anachoreta, *in vita* 2. 24. *Januar.*
- S. Macharius Discipulus S. Antonii Abbatis. D. *Antoninus* 2. part. *hist. tit.* 15. cap. 6.
- S. Macharius item alius Discipulus S. Antonii, *ibidem*.
- S. Majolus Abbas Cluniacensis, *in secunda vita* lib. 2. 11. *Maii*.
- S. Magnus Diaconus, *in vita* cap. 1. 16. *Januar.*
- S. Malachias Episc. Hiberniæ. D. *Antonin.* 2. part. *hist. tit.* 17. cap. 2.
- S. Marcellianus Diaconus, & Martyr. *in Actis S. Sebastiani* cap. 19. 20. *Januarii*.
- S. Marcellinus Episc. Ebredunensis, *in vita* cap. 2. 20. *Aprilis*.
- S. Marcellinus Episc. Ravennæ, *in vita* apud *Lipelloum* 5. *Octobris*.
- S. Martianus Episcopus Syracusanus, & Martyr. *in vita* cap. 2. 14. *Junii*.
- S. Marcianus Episc. Frequentinus, *in vita* 14. *Julii*.
- S. Marcellus Martyr, *in actis Martyrii* 29. *Junii*.
- S. Martinianus Eremita, *in vita* cap. 1. 13. *Februarii*.
- S. Martinus Episc. Turonensis, *Venantius Fortunatus* *in vita* lib. 2. & *Sulpitius Severus* cap. 16. *Vita*.
- S. Martinus Episcopus Tungrensis, *in vita* 21. *Junii*.
- S. Martius Abbas Arvernus, D. *Gregor. Turonensis*, *in vit. PP.* cap. 14.
- S. Marculphus Abbas, *in vita* *secunda* c. 2. 1. *Maii*.
- S. Marcus Evangelista, *in ejus vita* de *Apostolatu Alexandrino* 25. *Aprilis*.
- S. Marcus Episcop. Atini, & Martyr. *in vita* cap. 2. 28. *Aprilis*.

S. Mar-

- S. Marcus Diaconus, & Martyr. in *actis S. Sebastiani cap. 19. 20. Januarii.*
- S. Marcus Episcop. Lucerinus, in *vita cap. 2. 14. Junii.*
- S. Maro Anachoreta, in *vita 14. Februarii.*
- S. Maurus Abbas, in *vita cap. 7. 15. Januarii.*
- S. Maurilius Episc. Andegavenfis. D. *Antonin. 2. part. hist. tit. 10. cap. 13. §. 1.*
- S. Medardus Episc. Noviomensis. *Fortunatus in vita, penes d' Acherium tom. 2. Spicilegii.*
- S. Melanius Abbas. D. *Antoninns ibidem tit. 11. cap. 19. §. 4.*
- S. Melanius Episc. Redonensis, in *vita cap. 2. & 3. 6. Januarii.*
- S. Meneleus Abbas, in *vita cap. 6. 22. Julii.*
- S. Modestinus Martyr. in *addendis ad primum tomum Februarii die 2.*
- S. Mochua Abbas Legiensis, in *vita cap. 3. 1. Jan.*
- S. Mochua Monachus Ballensis, in *vita c. 6. 1. Jan.*
- S. Mochoemocus, seu Pulcherius Abbas Liatmorensis, in *vita cap. 3. 13. Martii.*
- S. Montanus Martyr. in *actis cap. 1. 17. Junii.*
- S. Morandus Monachus Cluniacensis, in *vita cap. 2. 3. Junii.*
- S. Narcissus Episcop. D. *Antonin. 1. part. tit. 8. cap. 1. §. 18.*
- S. Nicetas Confessor, in *vita cap. 3. 3. Aprilis.*
- S. Nicetius Episc. Lugdunensis. D. *Greg. Turo- nen. in vitis PP. cap. 8.*
- S. Nicetius Episc. Treverorum, *ibidem cap. 17.*
- S. Nicolaus Tolentinas Ordinis Eremitarum S. Augustini *Eugen. IV. in Bulla Canonizationis.*
- S. Nicolaus Peregrinus, in *vita cap. 3. 2. Junii.*
- S. Norbertus Archiepisc. Magdeburgens. & Fundator Ordinis Præmonstratensis. D. *Antonin. 2. part. hist. tit. 17 cap. 1. §. 3.*
- S. Odilo Abbas Cluniacensis, in *vita c. 15. 1. Jan.*



178 *Commentar. in Documentum VIII.*

- S. Oddo Abbas pariter Cluniacensis . D. *Anton.*  
2. part. *hist. tit. 15. cap. 16. §. 2.*
- S. Onesinus Episc. Sveslionensis , *in vita 13. Maii.*
- S. Orientius Episc. Ausciorum , *in secunda vita*  
1. *Maii.*
- S. Ofuvaldus Archiep. Eboracensis, *in vita 29. Febr.*
- S. Pachomius Abbas , *in vita cap. 4. 14. Maii.*
- S. Pamphilus Episcop. Sulmonensis , & Cornifien-  
sis , *in vita 28. Aprilis.*
- S. Panutius Ægyptius Episc. D. *Anton. secunda*  
*part. hist. tit. 9. cap. 3. §. 4.*
- S. Parthemius Episcopus Lampfaci, *in Vita cap. 1.*  
7. *Februarii.*
- S. Patapius Monachus Thebanus . D. *Andreas*  
*Cretenfis , orat. in eundem , apud Bibliothec.*  
*TP. tom. 10.*
- S. Paternus Episc. Venetensis , *in Vita cap. 2. 15.*  
*Aprilis.*
- S. Paternus Episc. Abrincensis , *in Vita cap. 3. 16.*  
*Aprilis.*
- S. Patritius Hiberniæ Apostolus , *in Vita cap. 1.*  
17. *Martii.*
- S. Patroclus Diaconus , & Abbas . D. *Gregor. Tu-*  
*ron. in vitis TP. cap. 9.*
- S. Paulinus Episc. Nolanus . D. *Antonin. 2. part.*  
*hist. tit. 11. cap. 12.*
- S. Paulus Apostolus . *Actor. cap. 16. v. 18.*
- S. Paulus Mylasensis Episc. *in Vita S. Eusebiæ , si-*  
*ve Xena cap. 4. 24. Januarii.*
- S. Paulus simplex , *in Vita cap. 2. 7. Martii.*
- S. Petrus Apostolus . *Actorum cap. 5. v. 16.*
- S. Petrus Abbas Cavenfis Episc. *in vita c. 3. 4. Mar.*
- S. Petrus Damianus Episc. & Cardinalis , *in vitis*  
*ejus operibus prefixis.*
- S. Petrus Exorcista . D. *Antonin. 1. part. hist.*  
*tit. 8. cap. 1. §. 32.*
- S. Petrus Galata Eremita , *in Vita 1. Februar.*  
S. Pe-

- S. Petrus Martyr, Ordinis Prædicatorum, in  
*Vita cap. 3. 29. Aprilis.*
- S. Petrus Thaumaturgus Episc. Argivorum, in  
*vita 3. Maii.*
- S. Petrus Tarentasiensis Episc. D. Antonin. 2. par.  
*hist. tit. 17. cap. 1. §. 8.*
- S. Petrus de Alcantara. Clemens X. in Bulla Ca-  
*nonizationis.*
- S. Petrus Cœlestinus Papa, in *vita c. 4. & 5. 19.*  
*Maii.*
- S. Petrus Athonita, in *vita cap. 5. 12. Junii.*
- S. Philadelphus Martyr, in *actis c. 3. 10. Martii.*
- S. Philibertus Abbas, in *vita apud Sur. 20. Augus.*
- S. Philippus Presbyter Agyrensis, in *vita cap. 2.*  
*& 3. 12. Maii.*
- S. Philippus Neri Fundator Congregationis  
Oratorii, in *eius vitis 26. Maii.*
- S. Pius Papa V. Ordinis Prædicatorum, in *vita*  
*cap. 7. 5. Maii.*
- S. Placidus Monachus. D. Antonin. 2. part. *hist.*  
*tit. 15. cap. 14. §. 4.*
- S. Polycarpus Episc. & Martyr, in *vita cap. 3.*  
*& 6. 26. Januarii.*
- S. Pontius Abbas, in *vita 26. Martii.*
- S. Poppo Abbas Stabulensis, in *vita cap. 10.*  
*25. Januarii.*
- S. Poticus Martyr. in *vita cap. 3. 13. Januarii.*
- S. Procopius Abbas, in *Commentar. prævio ad vi-*  
*tam §. 1. 4. Julii. Et ibidem, in vita cap. 2.*
- S. Procopius Lector, & Martyr. in *actis 8. Julii.*
- S. Proculus Episc. & Martyr. in *actis relatis in*  
*tract. preliminari ad tom. 1. Junii.*
- S. Psalmodius, in *vita 13. Junii.*
- S. Pulchronius Episc. Virdunensis, in *vita 17.*  
*Februarii.*
- S. Quintianus Episc. Rutenorum. D. Gregor.  
*Turonen. in vitis PP. cap. 4.*

- S. Quintinidius Episc. Vasionensis, *in vita cap. 3. 15. Februarii.*
- S. Quintus Thaumaturgus, *in vita 1. Martii.*
- S. Rabulas Abbas, *in vita 19. Februarii.*
- S. Raynaldus Episc. Nucerinus, *in vita cap. 2. 9. Februarii.*
- S. Raynerius Pisanus, *in vita cap. 6. 17. Junii.*
- S. Regulus Episc. Arelatensis. D. Antonin. 1. part. *hist. tit. 6. cap. 28. §. 2.*
- S. Regulus Episc. Silvanectensis, *in secunda vita cap. 2. 30. Martii.*
- S. Rembertus Archiepisc. Hamburgensis, *in vita cap. 6. 4. Februarii.*
- S. Remigius Episc. Remensis. Flodoardus *in hist. Ecclesie Remen. lib. 1. cap. 12. in Bibliothec. PP. tom. 17.*
- S. Robertus Abbas Casæ-Dei, *in vita cap. 3. 24. Aprilis.*
- S. Rodanus, sive Ruadanus Abbas Lothrensis, *in vita cap. 1. 15. Aprilis.*
- S. Romanus Abbas, *in vita cap. 1. 28. Februar.*
- S. Romanus Episc. in Britania Armorica, *in vita 1. Junii.*
- S. Romualdus Abbas Fundator Ordinis Camaldulensis, *in vita cap. 16. & 18. 7. Februarii.*
- S. Romulus Episc. & Martyr. *in actis cap. 2. 6. Julii.*
- S. Romolus Episc. Fesulanus. D. Antonin. 1. part. *hist. tit. 6. cap. 27. §. 4.*
- S. Rumoldus Episc., & Martyr, *in vita cap. 2. & 4. 1. Julii.*
- S. Sabas Martyr, *in vita 24. Aprilis.*
- S. Salvius Episc. Ambianensis, *in vita cap. 3. 2. Januarii.*
- S. Sampson Episc. Dolensis, *in vita c. 2. 18. Jul.*
- S. Secundinus Episc. & Martyr, *in vita cap. 1. 1. Julii.*



- S. Senoch Abbas Turonensis. *D. Greg. Turonensis, in vita PP. cap. 15.*  
 S. Servandus Martyr, *apud Lipelloum 23. Octobr.*  
 S. Servandus Episc., *in vita 1. Julii.*  
 S. Servulus Martyr, *in vita 24. Maii.*  
 S. Severinus Abbas Agaunensis, *in vita cap. 2. 11. Februarii.*  
 S. Severinus Noricorum Apostolus, *in vita cap. 10. 8. Januarii.*  
 S. Severus Episc. Abriacensis, *in vita cap. 5. 1. Febr.*  
 S. Silvinus Episc. Alciensis, *in vita cap. 2. 17. Febr.*  
 S. Simeon Priscus Abbas Montis Amani, *in vita §. 1. 26. Januarii.*  
 S. Simeon Stylita Senior, *in secunda vita cap. 3. 5. Januarii.*  
 S. Simeon Stylita junior, *in vita cap. 7. 24. Maii.*  
 S. Simeon Eremita Trevirensis, *in vita cap. 3. 1. Junii.*  
 S. Simeon Monachus Padolironensis, *in vita cap. 2. 3. & 4. 26. Julii.*  
 S. Simeon Salus, *in vita cap. 5. 1. Julii.*  
 S. Sifoe Magnus, *in actis 6. Julii.*  
 S. Stephanus Sabaita, *in vita cap. 3. 13. Julii.*  
 S. Sulpitius Pius Episc. Bituricensis, *in vita cap. 1. 17. Januarii.*  
 S. Suvibertus Episc. *Baron. ad ann. 705.*  
 S. Syrus Episc. Genuensis, *in vita 29. Junii.*  
 S. Thalassius Anachoreta, *in vita 22. Februarii.*  
 S. Thallelaus Martyr, *in actis recentioribus cap. 1. 20. Maii.*  
 S. Theobaldus Eremita, *in vita cap. 2. 30. Junii.*  
 S. Theodoricus Presbyter, *in prima vita 1. Julii.*  
 S. Theodorus Martyr, *in secunda Vita cap. 3. 7. Februarii.*  
 S. Theodorus Trichinas Eremita, *in vita 20. Apr.*  
 S. Theodorus Siceota Episc. Anastasiopolitanus, *in vita cap. 3. 5. 6. & 11. 22. Aprilis.*

S. Theo-

282 *Commentarium in Docum. VIII.*

- S. Theodorus Episc. Papiensis, *in Vita* 20. Maii.
- S. Theodorus Martyr, *in actis* cap. 2. 9. Julii.
- S. Theophanes Monachus, *in Vita* cap. 2. 12. Martii.
- S. Theotoni Presbyter, & Canonicus Regularis, *in Vita* part. 1. cap. 1. & part. 2. cap. 2. 18. Febr.
- S. Tigernacus Episc. in Hibernia, *in Vita* cap. 2. 5. Aprilis.
- S. Thimoteus Anachoreta, *in Vita* 21. Februar.
- S. Thomas Thaumaturgus, *in actis* 7. Julii.
- S. Tozzo Episc. Augustanus, *in Vita* cap. 1. 16. Jan.
- S. Tranquillinus Presbyter, & Martyr, *in actis* S. Sebastiani cap. 19. 20. Januarii.
- S. Valentinus Episc. Passaviensis, *in Vita* cap. 2. 7. Januarii.
- S. Valentinus Episc. Batavensis, *in Vita* cap. 2. tom. 1. in addendis.
- S. Valerianus Martyr. Forolivii, *in actis* 4. Maii.
- S. Udalricus Presbyter, & Monachus, *in Vita* cap. 4. & 5. 10. Julii.
- S. Veremundus Abbas Hyrachensis, *in Vita* cap. 1. 8. Martii.
- S. Victor Presbyter Gallus, *in Vita* cap. 1. 26. Febr.
- S. Victorianus Abbas Assanensis, *in Vita* cap. 2. 12. Januarii.
- S. Vigilius Episcopus Tridentinus, & Martyr, *in actis* cap. 1. 26. Junii.
- S. Vigor Episc. Bajocassinensis, D. Antonin. 2. part. hist. tit. 11. cap. 19. §. 7.
- S. Vincentius Ferrerius Ordinis Prædicatorum, *in Vita* lib. 3. cap. 4. 5. Aprilis.
- S. Virgilius Archiepisc. Arelatensis, *in Vita* cap. 1. 5. Martii.
- S. Vitalis Abbas Armenti, & Rapollæ, *in Vita* cap. 3. 9. Martii.
- S. Vitalius Abbas. *In vita S. Joannis Eleemosynarii* cap. 11. 23. Januarii.

- S. Viventius Presbyter, in *Vita* cap. 1. 13. *Januarii*.  
 S. Uldaricus Presbyter, & Monachus, in *Vita*  
 cap. 4. & 5. 10. *Julii*.  
 S. Ulricus Presbyter, & Eremita, in *vita* cap. 1.  
 20. *Februar.*  
 S. Vodalus Benedictus, in *eius Vita* 5. *Februar.*  
 S. Urbanus Episcopus Lingonensis, in *Epitome*  
*vite* 23. *Januarii*.  
 S. Ursmarus Episc. & Abbas Lobienfis, in *Vita*  
 cap. 1. & 3. 18. *Aprilis*.  
 S. Ursus Abbas Senopariensis. D. Gregor. Turon.  
 in *Vita PP.* cap. 18.  
 S. Wandoegifillus Presbyter, & Abbas. D. An-  
 tonin. in 2. part. hist. tit. 13. cap. 6. §. 31.  
 S. Walaricus Abbas Leuconaensis, in *vita* cap. 2.  
 1. *Aprilis*.  
 S. Wilfridus Episc. Eboracensis, in *vita* c. 5. 24. *Apr.*  
 S. Willhelmus Abbas Roschildensis. Honorius  
 III. in *Litteris Canonizationis*.  
 S. Vinebaudus Abbas Trecensis, in *Vita* 6. *Apr.*  
 S. Winvualseus Abbas, in *tertia V. lib.* 2. 3. *Martii*.  
 S. Wolfgangus Episcopus Ratisbonensis. Apud  
 Jodoccum Coccium in *Thesauro Catholico* tom. 2.  
 lib. 6. de *Eucharistia* art. 8.  
 S. Vultanus Episc. Wigorniensis, in *Vita* cap. 2.  
 19. *Januarii*.  
 S. Yvo Presbyter, in *Vita* cap. 8. 19. *Maii*.  
 S. Zeno Episc. Veronensis, in *Vita* 12. *Aprilis*.  
 S. Zenobius Episc. Florentinus, in *Vita* 25. *Maii*.

XIII. Ut hos igitur, reliquosque Sanctos Cœ-  
 lites ferventius oret vexatus, debet Exorcista  
 ipsum seriò monere de eorum potentia, quod  
 facilè præstare poterit, allata Sanctorum Patrum  
 testimonia præ oculis habendo; & ut fructuo-  
 sè hoc præstet, exponendæ erunt eidem vexato  
 orationes conditiones; nam absque istis, profe-  
 cto non assequetur finem. Prima ergo est at-  
 tencio.



*tentio*. Sicut enim Deus adorandus est in Spiritu, & veritate, juxta illud Joannis 4. v. 24. *Spiritus est Deus, & eos, qui adorant eum in Spiritu, & veritate oportet adorare*; Sic non adoratur in spiritu, & veritate, si non versetur in corde, quod profertur in ore. *Quomodo enim, (inquit D. Cyprianus lib. de Orat. Domini) te audiri postulas a Deo, cum te ipse non audias? Vis esse Deum memorem tui, cum rogas, quando tu ipse tui non sis? Clamor ad Dominum, proficitur Augustinus enarrat. in Psalm. 118. serm. 29. qui fit ab orantibus, si sonitu corporalis vocis fiat, non intento ad Deum corde, quis dubitet inaniter fieri? .... Tunc porro in corde clamatur quando aliunde non cogitatur.*

XIV. Secunda est, ut oratio *feruens* sit, non tepida. O rem profluvio lacrymarum deplorandam! *Nonne aliquando, inquit idem S. Doctor lib. 1. ad Simplicianum, versus finem, quaest. 2. ipsa oratio nostra sic tepida est, vel potius frigida, ut pene nulla, imò omnino interdum ita nulla, ut neque hoc in nobis cum dolore advertamus? Quia si vel hoc dolemus, jam oramus.*

XV. Tertia conditio est, ut *assidua* sit, & *perseverans*. Ideo Lucae 18. v. 1. habetur: *Oportet semper orare, & nunquam deficere*. Et Jacobi 5. v. 16. *Multum valet deprecatio Justī assidua*. Et Paulus 1. ad Thessalonicenses cap. 5. v. 17. nos monet: *Sine intermissione orate*.

XVI. Quarta orationis conditio est, ut non sit *sterilis*, sed *fœcunda*, hoc est bonis operibus sociata. *Orantes, inquit D. Cyprianus lib. de Oratione Domini: non infructuosi, nec nudis precibus ad Deum veniant. Inefficax petitio est, cum precatur Deum sterilis oratio .... & ideo Scriptura nos Divina instruit, dicens: Bona est oratio cum jejuniis, & eleemosynis.* Similiter D. Augusti-

gustinus in Psalm. 42. *Quam celeriter*, ait, *accipiunt orationes bene operantium! .... Vis orationem tuam volare ad Deum? Fac illi duas alas, jejunium, & eleemosynam.* Quod pulchrè explicat D. Petrus Chrysologus serm. 43. *Tria sunt*, inquit, *per quæ stat fides, constat devotio, manet virtus. Oratio, jejunium, misericordia. Quod oratio pulsat, imperat jejunium, misericordia accipit. Oratio, misericordia, jejunium sunt hæc tria unum; dant hæc sibi invicem vitam; Est namque orationis anima jejunium, jejunii vita misericordia est. Hæc nemo rescindat, nesciunt separari. Horum qui unum habet, ista qui simul non habet, nihil habet. Ergo qui orat jejundet, misereatur. Audiat petentem, qui potens optat audiri. Auditum Dei aperit sibi, qui suum supplicanti non claudit auditum.*

XVII. Quinta est ut oratio sit pia, idest ut vexatus orans habeat intentionem piam, & benevolam, & efficax desiderium impetrandi postulata. Ad quod necesse est impedimenta pro virili amovere: nam Deus peccatores non audit, quatenus peccatores sunt, & in affectu peccati perseverant, vel cum eorum postulatio interpretis est concupiscentiæ, non pœnitentiæ. *Peritis*, ait D. Jacobus cap. 4. v. 3. *& non accipitis, eo quod male petatis, ut in concupiscentiis vestris insummat.* Horum oratio non exauditur; sic enim de Antioco scriptum est 2. Machabæorum cap. 9. v. 13. *Orabat hic scelestus Dominum, a quo non esset misericordiam consecuturus.* Et Isaiæ cap. 1. v. 15. habetur: *Cum multiplicaveritis Orationem, non exaudiam: manus enim vestre sanguine plene sunt.* Quare deponendus est animus, & affectus peccati. *Ante Orationem*, inquit Sapiens Eccl. 18. v. 23. *prepara animam tuam, & noli esse quasi homo, qui tentat Deum.*

Et Job cap. i. v. 14. & 15. dicitur: *Si iniquitatem, quæ est in manu tua abstuleris a te, & non manserit in tabernaculo tuo iniustitia, tunc levare poteris faciem tuam absque macula, & eris stabilis, & non timebis.* Super quæ verba, ait D. Gregorius lib. 10. Moral. cap. 15. *Iniquitas in manu, est culpa in opere; iniustitia in tabernaculo, iniquitas in mente; .... faciem levare, est in Deo animum per studia Orationis attollere. Sed elevatam faciem macula inquinat, si intendentem mentem reatus sui conscientia accusat. .... Hinc per Joannem dicitur: Si cor nostrum non reprehenderit nos, fiduciam habemus apud Deum, & quidquid petierimus ab eo, accipimus .... Qua in re hoc est salubre remedium, ut cum se mens ex memoria culpæ reprehenderit hoc prius in oratione defleat, quod erravit.*

XVIII. Sexta conditio est, ut sit de necessariis ad salutem, vel ad eam conducentibus. Huiusmodi interdum esse potest liberatio a vexatione, & obsessione dæmonis, quatenus ab ipsa immunis energumenus, non versaretur in tanto periculo offensæ Dei, ob graviores internas, quas patitur diaboli tentationes, sicque facilius sibi sterneret viam ad æternam salutem consequendam. Hinc quotidie Deum rogamus: *sed libera nos a malo*; sub quibus verbis comprehendere liberationem ab isto irreconciliabili malo inimico testatur D. Ambrosius lib. 5. de Sacramentis cap. 4. *A malo, inquit, hoc est, ab inimico, & a peccato liberetur. Potens est autem Dominus .... tueri, & custodire vos adversum diaboli adversantis insidias, ut non vobis obrepat inimicus, qui culpam generare consuevit.* Et D. Joannes Chrysostomus homil. 9. ex variis Matth. locis, ait: *Libera nos a malo. Quid est perfectum malum, nisi diabolus princeps huius mundi, & auctor operis mali?*



*mali? Cum ab ipso nos liberaverit, vere liberi erimus.*

XIX. Septima est ut sit *pro se ipso*. Quamvis enim oratio profit omnibus, tamen infallibilem impetrationem non habet, nisi sit pro se, ut docet D. Augustinus tract. 102. In Joannem, super illa verba: *Si quid petieritis Patrem in nomine meo dabit vobis: ut ea beneficia significata sciantur his verbis, quæ ad eos qui petunt propriè pertinent. Exaudiuntur quippe omnes Sancti pro se ipsis, non autem pro omnibus exaudiuntur vel amicis, vel inimicis suis, vel quibuslibet aliis, quia non utrumque dictum est, dabit, sed dabit vobis.* Ratio autem, cur homines iusti semper exaudiantur pro se, & non semper exaudiantur pro omnibus esse potest, quia non semper ii, pro quibus oramus idonei sunt, ut accipiant. Quare Dominus Luca 10. v. 5, cum Apostolos monuisset, ut in quamcumque domum intrarent, primum dicerent: *Pax huic domui*; quoniam sciebat non omnes esse filios pacis: postea, adjunxit v. 6. *Et si ibi fuerit Filius pacis, requiescet super illum pax vestra; sin autem, ad vos revertetur.*

XX. Alias condiciones dabimus appositè infra n. 50. & alibi. Interim oritur dubium, quare scilicet positis omnibus orationis conditionibus, vel non statim, vel nullimodè interdum exaudiat Deus? sed occurritur primo cum D. Augustino Enarrat. in Psalm. 144. dicendo: *Quomodo medicus si forte imponat aliquid vel oculo, vel visceribus, quod urendo sanet, si roget ager, ut tollatur illi, medicus expectat tempus, non facit quod rogat ager, non tamen recedit, & prope est, & non facit: & ideo magis non facit, quia prope est. Curando enim imposuit, quod imposuit, & curando non facit quod rogatur. Non te exaudit ad præsentem voluntatem, exaudi-*

diendo ad futuram sanitatem: & hoc utique ad voluntatem. Nam utique sanus esse vult etiam qui uri non vult.... Ita Deus, etsi non faciat ad horam, faciet tamen.... vides ad hoc exaudire medicum, ut salvos faciat: quando hoc? Audi Apostolum dicentem: Spe enim salvi facti sumus: Spes autem, quæ videtur, non est spes: Si autem quod non videmus speramus, per patientiam expectamus.

XXI. Secundò respondemus, multos nunquam exaudiri in eo, quod petunt, vel quia Deus majora, & ampliora bona impertitur, vel quia petunt, quod salutem eorum conducibile non est, contra conditionem supra assignatam num. 18. Primum docet D. August. enarrat. in Psalm. 59. *Quis enim, ait, sanitatem non petat cum agrotat? Et tamen forte adhuc agrotare ei utile est. Potest fieri, ut hinc non exaudiaris: non tamen exaudiaris ad voluntatem, ut exaudiaris ad utilitatem.* Et Sermone 354. alias 53. de Verbis Domini cap. 7. *Non habeatis pro magno exaudiri ad voluntatem: habete pro magno exaudiri ad utilitatem.... illi committite ut si prosunt, det; si scit obesse, non det; Quid autem obsit, quid prosit, medicus novit, non agrotus.* Secundum pariter docet idem S. Doctor tract. 102. in Joannem ad illa verba: *Si quid petieritis Patrem in nomine meo, dabit vobis;* dicens: Jam dictum est in superioribus hujus Domini Sermonis partibus, propter eos, qui nonnulla petunt a Patre in Christi nomine, nec accipiunt, non peti in nomine Salvatoris, quidquid petitur contra rationem salutis.... qui verò.... in ejus nomine petit, & accipit quod petit, si non contra suam salutem sempiternam petit. Hinc S. Bernardinus Senensis Tom. 4. Serm. 41. de amore ineffabili, ad rem nostram, loquens de energumeno, super quem invocantur nomen Jesu, ait:

ait : *Liberabitur , si erit pro meliori anima sua.*

XXII. Quæ hucusque dicta sunt de Oratione pro instructione vexati a dæmone , dicta volumus etiam de Oratione Exorcistæ , quæ & ipsi , ex oraculo Christi Domini , necessaria est , ut innuimus in Commentar. Documenti VI.

## Ac jejUNET.

XXIII. Aliqua de jejunio diximus supra . Aliqua item hic addemus , ut magis , magisque hujus remedii vis percipiatur . Jejunium itaque ad dæmonem superandum , & vincendum necessarium esse , Christus exemplo suo nos docuit , teste D. Athanasio , sive quocumque alio in Exhortatione ad Monachos , dicente : *His , nempe jejuniiis , Jesus Salvator noster in carne hominis , quam assumpserat eruditus , suadelas diaboli tentantis obtundit , quas etsi aliter potuisset expellere , docendos tamen populos voluit hac imitatione formare .* Et S. Basiliius homil. 2. de laudibus jejunii : *Non est , inquit , colluctatio adversus sanguinem , & carnem , sed adversus principatus , adversus potestates , adversus mundi dominos tenebrarum harum , adversus spirituales malitias , hos oportet per sobrietatem , ac jejunium ad certamen exerceri . . . neque enim assultus dæmonum quidquam audet adversus jejunantem .* Quare oportet , ut vexatus a dæmone possit verè cum Psalmista dicere Psalm. 68. v. 11. *Operui in jejunio animam meam .* Bonum operimentum , prosequitur D. Ambrosius de Helia , & jejunio cap. 4. *quod animam tegit , ne a tentatore deprehendatur , ne a tentatore nudetur .*



## Et Sacra Confessione.... se communiat.

XXIV. Hæc plurimum valet ad Deum placandum, ut omiſſis cæteris Patribus, colligo ex doctrina, quam tradit D. Auguſtinus enarrat. in Pfalm. 84. ſuper illud: *Veritas de terra orta eſt, & juſtitia de cælo proſpexit.* Intende, inquit, illum Publicanum longe a Phariſæo in templo orantem, qui neque oculos ad cælum audebat levare, ſed percutiebat pectus ſuum, dicens: *Domine propitius eſto mihi peccatori.* Ecce veritas de terra orta eſt, quia confeſſio peccatorum ab homine facta eſt: Orta eſt veritas de terra in confeſſione peccatorum, & juſtitia de cælo proſpexit, ut descenderet juſtificatus Publicanus ille magis, quam ille Phariſæus; nam, ut noveritis, quia veritas pertinet ad confeſſionem peccatorum, ait Joannes Evangeliſta: Si dixerimus quia peccatum non habemus nos ipſos ſeducimus, & veritas in nobis non eſt. Quomodo ergo veritas de terra oritur, ut juſtitia de cælo proſpiciat, audi illum ſequentem, & dicentem: Si confiteamur peccata noſtra; fidelis eſt, & juſtus, ut remittat nobis peccata, & purget nos ab omni iniquitate. Veritas ergo de terra orta eſt, & juſtitia de cælo proſpexit.... Veritas de terra orta eſt: confeſſio peccatorum ab homine: & juſtitia de cælo proſpexit: id eſt a Domino data eſt juſtificatio. Quare ſi confeſſio peccatorum ſeu Pœnitentiæ Sacramentum iram Dei avertit, Deum iratum placat, imò ipſum ad nos convertit, hoc planè medio Deum ſibi propitium reddet vexatus, a quo facilius ſuam liberationem ſperare poterit. Et revera Pœnitentia, teſte Chryſoſtomo homil. 3. de Pœnit.

nit. est adversus Diabolum arma, gladius vim  
ejus pracidens, caput ejus amputans.

XXV. Quod exemplis confirmare possemus  
quamplurimis, sed uno, vel altero contenti  
erimus. In Vita S. Guilielmi Eremitæ *part. 2.*  
*cap. 7.* penes Bollandum *tom. 2. Februarii die 10.*  
legitur, quod, „ Puella a septennio, peccato-  
„ rum suorum nexibus exigentibus, tradita  
„ dæmonio immundissimo fuerat, quæ au-  
„ diens B. Guilielmi proferri miracula, illuc  
„ ex longinquis partibus non tam advenerat,  
„ quam accurrerat, & sperans de salute fidu-  
„ cialiter, coram sacro tumulo se se contulit  
„ procaciter. Sed revera eam malignus spiritus  
„ compede cujusdam incestuosi criminis illa-  
„ queaverat, & simul cum eo vasculum illud  
„ introjerat, ideo absque collega nequaquam  
„ exiturum decreverat. Cæterum miserabilis  
„ utriusque hospita peccatum suum Confesso-  
„ ri suo pandere non proposuerat; nam ad hoc  
„ forte dæmon ipsius laborabat, sed Dei virtus,  
„ qui salvat sperantes in se, illum coegit, ita  
„ quod, audientibus universis, dixit: Sumat  
„ de suo delicto pœnitentiam, & ego sine mo-  
„ ra recedam. Quo audito universi, qui ade-  
„ rant, ex Dei misericordia dictum esse cogno-  
„ verunt, & ad pœnitentiam accipiendam de  
„ suis mulierem criminibus vix tandem aliquan-  
„ do efficaciter adduxerunt. Et ò mira Confes-  
„ sionis virtus! O' mira confitentis salus! nam  
„ subito per sanguinis vomitum cum sœtore  
„ intollerabili, & clamore horribili immundum  
„ emisit spiritum. „

XXVI. In gloria postuma S. Ubaldi Episco-  
pi Eugubini *cap. 4. die 16. Maii* legitur, quod  
ad sepulchrum Sancti, „ adducta novennis puel-  
„ la, tamquam energumena a pluribus spiri-

„ tibus, post exorcismos admotos, dimissa est,  
 „ uno solo remanente, qui identidem a collo ad  
 „ pectus sursum, ac deorsum commeans, adjuran-  
 „ tium se Sacerdotum operam ludere videba-  
 „ tur. Unus ergo eorum suspicatus occultum  
 „ in puella latere peccatum, interrogavit pa-  
 „ rentes ejus, eoque deprehenso, confessam sa-  
 „ cramentaliter, liberam dimisit. „ Ibidem pa-  
 „ riter legitur, quod „ simili impedimento de-  
 „ prehensus est teneri Sanctes Andrea, ne quid-  
 „ quam proficerent exorcismi; cum autem gra-  
 „ vissimum, quod gerebat delictum, confes-  
 „ sione facta, expiasset, subito immunem se  
 „ sensit ab ignota trium annorum infirmitate,  
 „ propter quam accesserat ad S. Ubaldum, alia  
 „ omnia remedia frustra expertus. Sic & civis  
 „ quidam Eugubinus solitus ad biduum, tri-  
 „ duumque in furias agi, deprehensus est ideo  
 „ demonibus traditus, quia enormia quadam  
 „ crimina occultabat: mox autem atque menti  
 „ suæ redditus, ea confessus, sana deinceps men-  
 „ te permansit.

XXVII. Similiter ibidem narratur: „ Mu-  
 „ lier, .... quæ annis multis obnoxia fuerat  
 „ tribus demoniis, quorum immunditiis ægre  
 „ resistebat: sed erat perquam devota Deipa-  
 „ ræ, quam sabbathino jejunio solebat honora-  
 „ re.... & hanc ob causam impediabantur da-  
 „ mones eam occidere, quemadmodum facere  
 „ nitebantur. Hoc in statu peccatricem ani-  
 „ mam miserata Mater misericordiæ, eidem  
 „ omni nocte apparebat, dicens: Vade, Filia,  
 „ ad S. Ubaldum, & confitere Patribus pec-  
 „ catum istud, quod nosti præ verecundia num-  
 „ quam a te explicatum fuisse. Appropinquante  
 „ autem Paschate, addebat Eadem: Quaso Fi-  
 „ lia, noli cum tanta spurcitie recipere corpus  
 „ Fi-



„ Filii mei; magis enim expediret tibi sic polluta  
 „ ferrum ignitum ore accipere. His mota,  
 „ illa ad Ecclesiam S. Ubaldi accessit, confessa-  
 „ que est quidem, sed non integre. Desiit ergo  
 „ ad mensem integrum apparere ei indignata  
 „ Deipara, quia tamen devotum jejunium conti-  
 „ nuabat mulier, rursus ei apparuit, repre-  
 „ hendens ipsam de non integre facta Confessio-  
 „ ne, & addens: Scito, Filia, quod nisi ego,  
 „ & S. Ubaldus te fervaremus, jampridem fuif-  
 „ ses a dæmonibus suffocata. Hoc autem ut co-  
 „ gnosceret certius, accidit, ut occasione la-  
 „ vandæ supellectilis lineæ, vehementer impel-  
 „ leretur a dæmonibus, ut filiolum suum quem-  
 „ dam injiceret caldariæ bullientis lixivii, sed  
 „ simul audiebat ad aurem loquentis sibi Dei-  
 „ paræ vocem, atque a tanto scelere absterren-  
 „ tis tam efficaciter, ut denique portari se ad  
 „ S. Ubaldum jussit, riteque confessa, plene  
 „ fuerit liberata.

XXVIII. Hinc S. Carolus Borromæus, in Con-  
 cilio Mediolanensi IV. præscripsit: *Energume-  
 nis verò exorcismum ne adhibere incipiat* (Exor-  
 cista) *nisi illi primum confessi sint, ad hocque*  
*eos cohortetur, ut omnis antea acta vitæ peccata*  
*diligenti conscientia discussione, confiteantur.*  
 Cum prius dixisset: *Videat item*, Exorcista nem-  
 pe, *an ille*, Energumenus scilicet, *excommu-  
 cationis vinculo irretitus unquam fuerit, atque*  
*absolutionem ritè perceperit.*

Et communione sæpius ad arbitri-  
 um sacerdotis se communiat.

XXIX. Eruditissimus S. Gaspar Juvenin, in  
 Commentariis Historicis Dogmaticis de Sacra-

mentis, *Dissertatione 4. de Eucharistia, quæst. 6. cap. 2.* putat duplicem viguisse in Ecclesia disciplinam circa Communionem energumenis ministrandam; unam austeriorem, qua prohibebantur ad sacram mensam accedere: mitiorem alteram, qua sacra permittebatur sinaxis. Primam probat ex variis antiquis monumentis, quæ hic paulò fusiùs exhibemus, a suis fontibus hausta. Primum est Canon 78. Apostolorum, Gentiano Herueto Interprete; ibi enim statuitur: *Si quis demonem habeat, ne fiat Clericus, sed neque cum fidelibus precetur.* Secundum est liber 8. Constitutionum, quæ tribuuntur Apostolis, *cap. 7.* in quo, post præscriptam Orationem pro energumenis faciendam, statim subditur: *Et dicat Diaconus: Exite energumeni; ac post egressum eorum dicat: Orate, qui baptismum petitis.* Tertium est D. Dionysius de Ecclesiastica Hierarchia *cap. 3. §. 6.* Porro *Catechumenos, & Energumenos.... Sacrosanctæ Hierarchiæ mos patitur quidem audire sacram psalmodiam, divinamque sacrarum Scripturarum recitationem: Verum ad ea, quæ deinceps sequuntur sacrificia, spectaculaque, nequaquam eos convocat.* Et infra *§. 7.* *Quamquam etiam ipsis (energumenis scilicet) rerum sacratissimarum aspectus, communioque subtrahitur.* Quartum est, Concilium Eliberitanum, celebratum anno Christi 305. quod canone 29. sancivit: *Energumenus, qui ab erratico spiritu exagitur huius nomen neque ad Altare cum Oblatione recitandum.* Porro ille qui non offerebat, nec Eucharistiam sumebat, ut eruitur ex Canone 28. ejusdem Concilii: *Episcopos placuit, ab eo, qui non communicat, munera accipere non debere.* Et tandem Canone 37. clarissimè statuit: *Eos, qui ab immundis spiritibus vexan-*

tur, si in fine mortis fuerint constituti, baptizari placet; si Fideles fuerint, dandam esse Communionem.

XXX. Secundam mitiorem disciplinam incepisse anno 441. quo celebrata fuit Arauxicana Synodus, tradit idem Auctor; in ipsa namque decretum fuit: *Energumeni jam baptizati, si de purgatione sua curant, & se sollicitudini Clericorum tradunt; monitisque obtemperant; omnimodis communicent, Sacramenti ipsius virtute, vel muniendi ab incurſu demonis, quo infestantur, vel purgandi, quorum ostenditur vita purgatio.*

XXXI. At præstantissimus Severinus Binnius unam tantum invariata Discipulam Ecclesie circa Eucharistiam obsessis dandam, agnoscere videtur, & quidem eam, quam mitiorem vocavimus; ipse enim in notis ad Canonem 37. relatum Concilii Eliberitani, asserit, Concilium loqui de energumenis, qui propter publica aliqua scelera publicè etiam a demonibus vexantur, & ab Ecclesia excommunicantur, juxta illud Pauli 1. Corinthiorum cap. 5. v. 5. *Judicavi tradere hujusmodi Satana in interitum carnis, ut spiritus salvus sit in die Domini.* Istos namque non modo a Sacramentorum, verum etiam Orationum publicarum participatione, & communione arcendos esse hoc capite decerni putat eruditissimus Scriptor, non verò intelligi debere de aliis, qui sui compotes sunt, & corporaliter dumtaxat, vel ad majorem Dei gloriam, vel ad peccati occulti pœnam, Deo sic disponente, vexantur. Hæc doctrina facile applicari potest monumentis a Juvenino pro severiori disciplina stabilienda adductis; qua posita sequitur numquam Eucharistiam energumenis generatim loquendo, fuisse interdictam.

XXXII. Verum, si liceret inter horum doctis-



simorum virorum discrepantes opiniones nostrum aperire sensum, diceremus, antiqua monumenta pro austeriore disciplina tuenda relata, esse intelligenda de illis energumenis, qui licet baptizati, de sua sanitate non curabant; qui se exorcismis subdere negligebant, quique Exorcistarum documentis non obediebant. Id colligi putamus ex Arauxicanæ Synodi Canone 14. supra relato, qui explicare videtur, quomodo intelligenda sunt Patrum Eliberitanorum Decreta, dum sic loquitur: *Energumeni jam baptizati, si de purgatione sua curant, & se sollicitudini Clericorum tradunt, monitisque obtemperant, omnimodis communicent, Sacramenti ipsius virtute, vel muniendi ab incursum demonii, quo infestantur, vel purgandi, quorum jam ostenditur vita purgatior.* Non ergo generalis disciplina Ecclesiæ fuit, quod energumeni arcerentur a synaxi, sed tantum illi, qui non erant ex inclusis in Canone Arauxicano.

XXXIII. Hinc optimè conciliantur nedum testimonia primitivæ Ecclesiæ Patrum, sed etiam ea, quæ apud Joannem Cassianum *Collat. 7. cap. 29. & 30.* leguntur. Germanus dixit: *Et quomodo non solum eos, loquitur de energumenis, despicere ab hominibus, vel horreri: sed etiam a communione Dominica in nostris Provinciis perpetuò videmus abstinere?* Et cap. 30. Abbas Serenus reposuit: *Communione verò eis Sacrosanctam, a senioribus nostris numquam meminimus interdiciam, quinimò si possibile esset, etiam quotidie eis impartiri eam debere censebant.* Et adducit exemplum Abbatis Andronici, infra referendum. Conciliantur, inquam, hæc loca si dicatur, Germanum loqui de iis, qui de purgatione sua non curabant, hoc est crebro ad Ecclesiam se se non præsentabant, ut exorcizarentur, seu qui se

se sollicitudini clericorum non tradebant, nec monitis obtemperabant; secus verò Abbatem Serenum fuisse locutum. Ita explicari non incommode potest locus D. Dionysii, nisi dicere velimus, intelligendum esse de iis, qui nondum erant baptizati, ut intelligit D. Thomas 3. *part. quest. 80. art. 9. ad 2.* quod tamen non assero.

XXXIV. Hæc conjectare, exercitationis tantum causa, mihi in votis fuit, totum libentissimè relinquens meliori eruditorum iudicio, sed siue unica fuerit, siue diversa hac in re Ecclesiæ disciplina, certum est, non absque gravi fundamento Rituale nostrum statuere, quod energumenus *Communione sepius, ad arbitrium Sacerdotis se communiat*; Cum enim, ut loquar verbis D. Cypriani Epist. 54. ad Cornelium, *ad hoc fiat Eucharistia, ut possit accipientibus esse tutela, quos tutos esse contra adversarium volumus, munimento Dominicæ saturitatis armemus.* Et sicut, ut phrasi utar S. Joannis Chrysostomi, *hom. 45. in Joannem, Sanguis agni Paschalis, fronti adium præfixus, eas ab Angelo exterminatore præservabat; ita demones, cum sanguinem Dominicum in nobis vident, in fugam vertuntur.* Similia habet homil. ad Neophitos: Cum te, inquit, egredientem post convivium Dominicum viderit inimicus, post Cælestes epulas, tanquam ignem leonis ore flammantem, fugit, & deserit omni vento velocior, nec appropinquare contendit, & cum cruentam linguam tuam de longe ille crudelis perspexerit, mihi crede, non stabit: & cum os tuum senserit rutilare, gressum suum retro cum timore torquebit. Et S. Petrus Damianus lib. 4. Epistolar. Epist. 21. ad Nepotem suum, inter alia monita, hoc tradit: Videat occultus hostis labia tua Christi cruore rubentia,

que

qua territus perhorrescat, & mox, in tenebrarum suarum latibula pavescendo, diffugiat. Et lib. 7. Epist. 19. ad Blancum, ait; Terretur adversarius, cum Christiani labia, Christi videt cruore rubentia: Agnoscit enim praesto suae perditionis indicium, & Divinae victoriae, qua captivatus est, & obtritum, non tollerat instrumentum.

XXXV. Nec omittenda sunt, quae habet Cassianus Collat. 7. cap. 30. Sacrosancta Communio, inquit, ... quae ab homine percepta, eum, qui in membris ejus insidet, spiritum, seu in ipsis latitare cognoscitur, velut quoddam exurens fugat incendium. Hoc namque modo curatum, & Abbatem Andronicum nuper aspeximus, aliosque quamplures. Sic curatam fuisse quamdam puellam refert Auctor Libri de Promissionibus, & Praedictionibus Dei, qui D. Prospero tribuitur, par. 4. quae increbitur: Dimidium temporis cap. 6. Nostris quoque temporibus, inquit:

„ Aspero VI. Col. Chartagini constituto, hoc  
 „ signum diabolicum, monstruosumque, quod  
 „ illic accidit, quis illius patriae civis ignorat?  
 „ Quaedam Juvenula Araba natione, Ancilla  
 „ Dei habitum gestans, cum in balneo lavans  
 „ simulacrum quoddam Veneris impudicè respi-  
 „ ceret, & se ipsam, eique se consimilans, do-  
 „ micilium se diabolo praebeat. Statim ille leo,  
 „ qui rugiens circuit, quem quarebat invenit.  
 „ Meatus igitur gutturis ipsius occupans, nul-  
 „ lum cibum, nullumque potum trajiciens, per  
 „ septuaginta ferme dies, totidemque noctes,  
 „ jejunium sibi diabolus, ex capto, possessoque  
 „ vase, exhibuit. Hoc monstrum Parentes puel-  
 „ lae per tot dierum spatia auferri posse speran-  
 „ tes, dum jure malum ulterius tollerare non  
 „ possent, simul cum filia se se ingesserunt sa-  
 „ cerdoti, quae acta erant fideliter intimantes.

„ Hoc



„ Hoc tantum puella fatebatur, avem quam-  
 „ dam, noctis medio apparere, quæ sibi ore,  
 „ nescio quid infunderet. Accidit autem, ut... Do-  
 „ minicus illucesceret dies, ascendente nobiscum  
 „ sacerdote, ut matutinum illuc Sacrificium so-  
 „ litò offerretur. Puellam Præpositus ad Alta-  
 „ re perduxit. .... Peracto itaque Sacrificio,  
 „ cum eadem inter cæteras brevem particulam  
 „ corporis Domini tinctam, a Sacerdote perci-  
 „ peret, semihora mandens, trajicere non vo-  
 „ luit, nondum illo fugato, de quo dicit Apo-  
 „ stolus: *Quæ consonantia Christi ad Belial? Et*  
 „ iterum: *Non potestis calicem Domini bibere,*  
 „ *& demoniorum; non potestis mensæ Domini par-*  
 „ *ticipare, & mensæ demoniorum.* Manu igitur  
 „ faciem ejus sustentante sacerdote, ne sanctum  
 „ projiceret, a quodam Diacono suggestum est,  
 „ ut calicem salutarem gutturi ejus Pontifex  
 „ applicaret. Quod ut factum est, statim ut  
 „ locum illum, quem diabolus obsederat, Sal-  
 „ vatoris imperio reliquit, Sacramentum, quod  
 „ ore gestabat, cum laude Redemptoris transglu-  
 „ tisse puella clamavit. Hinc lætitia, hinc voces  
 „ in gloriam Dei, quod post octoginta, & duos  
 „ dies, diabolo expulso, puella de potestate  
 „ fuerit eruta inimici. „

XXXVI. Sic plures alios a dæmone liberatos  
 fuisse legimus. In Historia miraculorum inter-  
 cessione SS. Justī, & Clementis Confessorum pa-  
 tratorum, die 5. Junii. „ Narratur, quod quæ-  
 „ dam Virgo Politiana, cum a spiritu nequissi-  
 „ mo modis omnibus torqueretur, cumque co-  
 „ ram Sanctorum Confessorum Reliquiis aliquan-  
 „ diu cum Matre, & propinquis aliquot itetis-  
 „ set.... in die Pentecostes sumpta Eucharistia,  
 „ spiritus nequam ab ea statim discessit. „ In  
 Vita S. Austregisilli Archiepiscopi Bituricensis

*lib. 1. cap. 2. die 20. Maii* legitur, quod „ Puella  
 „ adolescentula, .... quæ nequissimus spiritus  
 „ oppressione, crudeli cruciatu vexabatur, ....  
 „ adducitur ad .... virum Dei, ille intuens eam,  
 „ cognovit callidi hostis contritione afflictam,  
 „ præcepitque eam propius ad Altare admove-  
 „ ri, & accepto Pane, & Calice, more solito,  
 „ Spirituales hostias Domino offerens, mysticum  
 „ prece conficit Corpus Domini. Ille prius per-  
 „ cepit, deditque Puellæ: at ubi illa accepit,  
 „ .... ex illa hora fugato dæmonio, .... pristi-  
 „ næ sanitati restituta est. „ Hoc anno in Gallia  
 (nempè 1566. ait Spondanus in *Annal. Ecclesiast.*  
*ex Florimundo Remundo, & ex Genebrardo*  
*ad eundem annum num. 31. )* „ apud Lugdu-  
 „ num, Nicolaa Obry, ex oppido Vervinio ener-  
 „ gumena, porrectione Sacrosanctæ Eucharistia,  
 „ ab Episcopo liberata est, circumstantibus de-  
 „ cem hominum millibus, & Notariis publi-  
 „ cis, acta omnia excipientibus.

XXXVII. Sed pluribus aliis exemplis omissis,  
 redeamus ad Castianum, qui *loco citato*, prole-  
 quitur: *Magis namque, ac magis inimicus in-*  
*sultabit obsesso, cum eum a cælesti medicina vi-*  
*derit segregatum, tantoque dirius, ac frequen-*  
*tius attentabit, quanto eum ab spiritali reme-*  
*dio longius senserit abdicatum.*

XXXVIII. Hoc tamen intelligendum est, si  
 obsessus *mente valet*, ut loquitur Rituale no-  
 strum, in initio hujus Documenti. Quod si men-  
 te non valeret, attendendum est id quod tra-  
 dit Acto Episc. Vercellensis, in suo Opusculo,  
 quod *Capitulare* inscribitur, penes d'Ancherium  
 tom. 1. Spicilegii. *Nulli liceat porrigere corpus,*  
*vel sanguinem Domini nostri Jesu Christi energu-*  
*menis, donec in eadem passione sunt, nisi forte*  
*discrimen mortis incurrerint.* Et advertendæ sunt  
 regu-

regulæ quas tradit Doctor Angelicus pro amentibus circa susceptionem Eucharistiæ, 3. par. quest. 80. art. 9.

Et dum exorcizatur, totum se colligat, & ad Deum convertat, ac firma fide salutem ab eo deposcat.

XXXIX. Hic non parum nobis est immorandum, cum præcipue a fide, seu fiducia obsessi, ipsius liberatio pendeat. Clarum hoc fit ex eo, quod Matth. 17. v. 14. & seqq. legitur de quodam Judæo, qui Christo obtulit filium suum vexatum a dæmone, dicens: *Domine, miserere Filio meo, quia lunaticus est, & male patitur; nam sæpe cadit in ignem, & crebro in aquam, & obtuli eum Discipulis tuis, & non potuerunt curare eum.* Respondens autem Jesus, ait: *O generatio incredula, & perversa, quousque ero vobiscum, usquequo vos patiar?* Quasi diceret: O generatio sine fide; nam ille homo non credebatur *firma fide*, quod Christus posset Filium ejus sanare; unde dixit ei: *Si quid potes, adjuva nos, misertus nostri.* Non dixit, *quia potes*, sed *si quid potes*. Quare Paschasius Ratbertus lib. 8. in Evangel. Matth. ait: *Impossibilitas curandi non semper ad imbecillitatem curantium, sed ad eorum, qui curandi sunt fidem refertur, dicente Domino: Fiat tibi secundum fidem tuam.* Et perspicue D. Cyprianus de Idolor. vanitate: *Damones, inquit, vel exiliunt statim, vel evanescunt gradatim, prout fides patientis adjuvat, aut gratia curantis aspirat.* Idem in terminis docet Minutius, in Octavio.



XL. Imò est adeo necessaria hæc fiducia in hoc sacro Ministerio, ut nedum in Exorcista, in patiente, in parentibus requiratur, sed etiam in adstantibus. Quod manifestum fit ex eo, quod legitur in Vita S. Philippi Nerii, auctore Hieronymo Bernabeo, apud Bollandianos *tom. 6. Maii, die 26.* scilicet, quamdam nobilissimam scæminam solemnî ritu Romæ adjuratam in Ecclesia S. Crucis in Hierusalem, haud liberari potuisse, ob unius etiam astantis incredulitatem: *Scitote*, palam dixit S. Philippus, his qui aderat, *miseram hanc, ob unius adstantium incredulitatem nunc liberari non potuisse.*

XLI. Hæc ad intentum nostrum forte sufficient; verum quia ad excitandam tum in Exorcista, tum in vexato requisitam a nostro Rituali, imò a Christo Domino fiduciam, plures considerationes haud parum juvabunt: ideò eas hic dabimus a Ministro apud se meditandas, & ab eodem explicandas obfesso.

XLII. Itaque primum motivum excitandi fiduciam est consideratio *omnipotentia Dei*; Nulla enim res, inquit Catechismus Romanus part. 1. de 1. Symboli articulo num. 13. *tam ad fidem, & spem nostram confirmandam valet, quam si fixum in animis nostris teneamus, nihil non fieri a Deo posse: quidquid enim deinceps credere oportet, quamvis magnum, & admirabile, rerumque ordinem, ac modum superet, illi tamen facile humana ratio, postquam Dei omnipotentis notitiam perceperit, sine ulla hesitatione assentitur.... quare hac fide præcipue munitos nos esse oportet, vel cum admiranda aliqua opera ad proximorum usum, & utilitatem edere cogimur, vel cum a Deo precibus impetrare aliquid volumus.* Quare a vexato contemplandum est, Deum esse Omnipotentem; dicente ipso Genes. 17. v. 1.

Ego

Ego Deus omnipotens , Et c. 18. v. 14. Nunquid Deo est quidquam difficile? Et Job. 42. v. 2. Scio quia omnia potes . Matth. 19. v. 26. Apud homines hoc impossibile est : apud Deum autem omnia possibilia sunt . Marc. 14. v. 36. Abba , Pater , omnia tibi possibilia sunt . Unde postquam energumenus divinam omnipotentiam meditatus fuerit , concludat cum D. Augustino serm. 213. alias 119. de Tempore. Credamus ergo in eum , & omnia nobis de ipsius misericordia promittamus , quia omnipotens est . Ideo in Deum Patrem omnipotentem credimus .

XLIII. Secundum motivum est , Divina providentia contemplatio . Hæc enim apertissime in Sacris insinuat litteris , & ut innumera pene loca omittam , unum , vel alterum seligam . Prov. 15. v. 3. In omni loco oculi Domini contemplantur malos , & bonos . Quibus verbis utitur Salvianus l. 2. de gubernatione Dei ad probandum id , quod prius dixerat , nempe : Ecce habes presentem , ecce intuentem , ecce in omni loco cura , ac provisione vigilantem : idcirco enim & bonos ab eo considerari , & malos dixit , ut probaret scilicet , nihil ab eo negligi , quem ostenderet universariari . Psalm. 33. v. 16. Oculi Domini super justos , & aures ejus ad preces eorum : vultus autem Domini super facientes mala : ubi intelligis generalem esse in omnes , inquit idem Salvianus , Domini visionem ; Neque enim , prosequitur S. Joannes Chrysostomus homil. de Paralytico sub finem , res creatas tantum produxit Deus , sed & productas ipsas continet . . . . sive , ut semel dicam , omnia ipsius providentia perfruuntur . Et revera , quis operator negligat operis sui curam ? Inquit D. Ambrosius lib. 1. de officiis cap. 13. Quis deserat , & destituat quod ipse condendum putavit ? Si injuria est regere , nonne est major injuria fecisse ? Cum aliquid non fecisse nulla injustitia

tia sit; non curare quod feceris, summa inclementia. Quam rationem exemplificat, atque adducit etiam Nemefius lib. de Natura hominis cap. 43. dicens: *Neceſſe eſt autem, eundem eſſe, qui res efficiat, & effectis provideat. Neque enim rectum eſt, nec decet alium efficere, alium ea quæ effecta ſint, procurare. Nam hoc quidem certè imbecillitatis eſt; multa ſunt etiam in animalibus ſimulacra, & imagines eorum, quæ diximus: Quidquid enim gignit, cibum quoque fœtui procurat. Et homo etiam de cæteris omnibus, quæ ad vitam degendam ſpectant, quoad ejus fieri poteſt, proſpicit; quæ verò non provident, ob imbecillitatem non provident. Quare projicite ò energūmeni omnem ſollicitudinem veſtram in ipſum, quoniam ipſi cura eſt de vobis, ut loquitur D. Petrus Epistol. 1. cap. 5. v. 7.*

XLIV. Alterum motivum eſt contemplatio infinitæ Dei bonitatis, ex qua ſequitur *miſericordia*. *Univerſa via Domini miſericordia, & veritas. Pſalm. 24. v. 10. Diligit miſericordiam, & judicium, miſericordia Domini plena eſt terra. Pſal. 32. v. 5. Domine in Cælo miſericordia tua, & veritas tua uſque ad nubes. Pſalm. 30. v. 6. Deus meus miſericordia ejus præveniet me. Pſalm. 58. v. 11. Et miſericordia ejus ſubſequetur me omnibus diebus vitæ meæ. Pſalm. 22. v. 6. Pater miſericordiarum, & Deus totius conſolationis. 2. Corinth. cap. 1. v. 3. Et quamvis etiam Dei juſtitia infinita ſit, magis tamen miſericordiam exercet, quam juſtitiam. Pſalm. 144. dicitur v. 9. Suavis Dominus univerſis, & miſerationes ejus ſuper omnia opera ejus. Et Eccleſia canit: Deus cui proprium eſt miſereri ſemper, & parcere. Hinc S. Hilarius in Pſalm. 144. ſuper illud: memoriam abundantia ſuavitatis tuæ eructabunt, & juſtitia tua exultabunt, ſcribit: Habet Dei juſti-*



*iustitia miserandi voluntatem.... Hoc in Deo precipuum, hoc in potente laudandum.... misericordem esse, qui iustus est; miserantem esse, qui rex est; dissimulantem esse, qui Deus est.*

XLV. Præterea Deus Pater noster est: Nunquid non ipse est pater tuus, qui possedit te, & fecit, & creavit te? Deuter. 32. v. 6. & Malachia 2. v. 10. Nunquid non Pater unus omnium nostrum? Singulariter verò Deus est Pater Christianorum, qui non acceperunt spiritum servitutis in timore, sed spiritum adoptionis filiorum, in quo clamamus: Abba (Pater.) Hanc enim charitatem dedit nobis Pater, ut Filii Dei nominemur, & simus. Ad Rom. 8. v. 15. & 1. Joannis 3. v. 1. Quare redire debet energumenus ad Patrem cum Filio prodigo dicens: Luc. 15. v. 18. Surgam, & ibo ad Patrem meum, & dicam ei: Pater, peccavi in cælum, & coram te. Qua spe, qua fiducia, qua confidentia? Interrogat S. Petrus Chrysologus, statimque respondet *serm. 2. de duobus Filiis prodigo, & frugi: qua spe? Illa, qua Pater est. Ego perdidici quod erat Filius: Ille quod Patris est non amisit. Apud Patrem non intercedit extraneus: intus in Patris pectore ipse, qui intervenit, & exorat affectus. Urgentur Patris viscera iterum Filium gentura per veniam.*

XLVI. Ultimum tandem motivum, quod genere potest fiduciam pro vexati liberatione, est contemplatio veracitatis, seu fidelitatis Dei in suis promissis, & hæc omnino requiritur, quia ut ait D. Augustinus tract. 34. in cap. 8. Joannis: *Quis auderet sperare, quod Deus non dignatus esset, vel polliceri vel dare?* Hæc igitur consideratio erui poterit ex his quæ habentur Numerorum 23. v. 19. *Non est Deus quasi homo, ut mentiatur.* Ad Romanos 3. v. 4. *Est autem Deus*

*verax; omnis autem homo mendax. Ad Hebræos 6. v. 18. Est impossibile mentiri Deum.*

XLVII. Sed ubinam sunt, inquires, Divina promissiones de energumenorum liberatione? Audi Matthæum 7. v. 7. & 8. *Petite, & dabitur vobis: querite, & invenietis: pulsate, & aperietur vobis: omnis enim qui petit, accipit, & qui querit, invenit, & pulsanti aperietur.* Similia habentur Lucae 12. v. 9. & 10. Matthæi 21. v. 22. *Omnia, quaecumque petieritis in oratione credentes, accipietis.* Marci 11. v. 23. *Habete fidem Dei. Amen dico vobis, quia quicumque dixerit huic monti: Tollere, & mittere in mare; & non hesitaverit in corde suo, sed crediderit, quia quodcumque dixerit, fiat, fiet ei.* Propterea dico vobis, omnia, quaecumque orantes petitis, credite, quia accipietis, & evenient vobis; ubi montis nomine, inquit Beda lib. 3. *Commentar. in hunc locum Marci, nonnumquam diabolus significatur.* Et tandem Joannis 15. v. 7. *Si manseritis in me, & verba mea in vobis manserint: quodcumque volueritis petetis, & fiet vobis.* Hujusmodi promissionibus plena sunt Divina eloquia; (*V. Commentarium Tituli num. 24.*) Hinc Deus Debitor factus est, inquit D. Augustinus serm. 158. alias 16. de Verbis Apostoli. Rom. 8. *non aliquid a nobis accipiendo, sed quod ei placuit, promittendo.... Bonitas enim ejus, qui promisit, dabit, ne in malitiam fides convertatur; qui enim fallit, malus est.*

XLVIII. Et licet aliqui fructum harum promissionum non sint adhuc experti, audiatur quid istis respondeat S. Augustinus serm. 38. alias 245. de Tempore, de Verbis Eccl. 2. *Senti, inquit, quoniam qui promisit, verax est, nondum ostendit, quia nondum est tempus ut ostendat: multa jam tamen ostendit: Christum suum promisit,*

Et dedit: resurrectionem ejus promisit, Et dedit: evangelium suum promisit, Et dedit: tribulationes ipsas, Et aggeres calamitatum in rebus humanis prädixit, Et ostendit. Quanta sunt, quæ restant? Impleantur, quæ promissa sunt; impleantur, quæ prædicta sunt, Et titubas ne non veniat quod festat? ... lege, vide, quia omnia, quæ vides prædicta sunt: Et crede te visurum esse quod nondum venit, numerans quanta venerunt. Tu autem videndo Deum ostendere, quæ prædixit, non credis daturum esse quod promisit? Ibi credere debes, ubi turbari capisti.

XLIX. His motivis perspicuè penetratis, excitabitur illa fiducia, quæ mediante obsessus victoriam planè consequetur. Sed advertatur id, quod 1. Jo: 3. scribitur: *Charissimi, si cor nostrum non reprehenderit nos, fiduciam habemus ad Deum, Et quidquid petierimus, accipiemus ab eo, quoniam mandata ejus custodimus, Et quæ sunt illi placita, coram ipso facimus.* „Hic jam (inquit „noster Illustriss. Capitonius explicat. 17. part. „2.) clarè cernitur, quam vana sit illa fiducia, „quæ in misericordiam Dei reposita, neque a „peccatis cessat, neque præcepta Dei observat; „ait enim: *Si cor nostrum non reprehenderit „nos, fiduciam habemus ad Deum.* Tunc verò „reprehendit nos cor nostrum, quando in peccatis viventes, præceptorum Dei obliviscimur. „Hæc quæ exposuimus motiva nedum a vexato, sed & ab Exorcista contemplari debent, cum utrisque fiducia necessaria sit.

## Cum omni humilitate.

L. *Umilitas enim*, inquit D. Ambros. de *Officiis Ministrorum* lib. 2. cap. 14 *gratiam auget.* Supplicans igitur, coram Divina Majestate se deprimat, seque pulverem, imò nihil esse co-



gnoscat, dicatque: *Loquar ad Dominum meum, cum sim pulvis, & cinis.* Genes. 28. v. 27. Enim vero *Oratio humiliantis se nubes penetrat.* Eccl. 35. v. 21. & *odit pauperem superbum.* Omnes enim, ait D. Augustinus serm. 83. alias 15. de Verbis Domini: *Quando oramus, mendici Dei sumus, ante januam magni Patris Familias stamus, imò etiam prosternimur, supplices ingemiscimus, aliquid volentes accipere, & ipsum aliquid ipse Deus est.* Hac humilitate impetrabit energumenus quæ petit, juxta Domini oraculum, *Isajæ 66. v. 2. Ad quem respiciam, nisi ad pauperculum, & contritum spiritum, & trementem sermones meos? Quare, ait S. August. enarrat. 2. in Psalm. 29. gemit, & clama. Propinquat tribulanti, qui deseruit superbientem: Deus enim superbis resistit, humilibus autem dat gratiam.* Igitur cum omni humilitate salutem deposcat vexatus, supplexque clamet cum Propheta: *Ego verò egenus, & pauper sum: Deus adjuva me.* Psalm. 69. v. 6.

**Et cum vehementius vexatur,  
patienter sustineat.**

LI. Exemplo Job, qui percussus a Satana ulcere pessimo a planta pedis, usque ad verticem ejus, aiebat: *Si bona suscepimus de manu Dei, mala quare non suscipiamus?* Cap. 2. v. 7. & 10. & Jacobi habetur c. 5. v. 10. & 11. *Exemplum accipite, Fratres, exitus mali, laboris, & patientiæ; Prophetas, qui locuti sunt in nomine Domini. Ecce beatificamus eos, qui sustinuerunt. Sufferentiam Job audistis, & finem Domini vidistis, quoniam misericors Dominus est, & miserator; cum prius dixisset cap. 1. Omne gaudium existimate fratres mei, cum in tentationes*

nes varias incideritis : scientes quod probatio fidei vestra patientiam operatur , patientia autem opus perfectum habet : ut sitis perfecti , & integri , in nullo deficientes .

## Nihil diffidens de auxilio Dei.

LII. *Fides namque* , ait D. Augustinus in Enchiridio cap. 117. *impetrat , quod lex imperat . Postulet autem* , ait D. Jacobus in sua Epist. cap. 1. *in fide , nihil hesitans ; qui enim hesitat , similis est fluctui maris .... non ergo aestimet homo ille , quod accipiet aliquid a Domino . Confer quæ diximus supra de fiducia num. 38. & seqq.*

## Habeat præ manibus, vel in conspectu Crucifixum.

LIII. Si enim figura Crucis tantæ est efficaciæ adversus dæmones , ut ostendam infra in Commentario Documenti XI. num. 12. & seqq. quantæ majoris virtutis contra diabolum erit Crucifixi imago ? Primò , quia *figura Crucis , nulla parte similis est corpori ejus , scilicet Christi . Secundò , quia Imago Christi primum , & sine medio statim , & primo congressu speciem ejus indicat , & memoriam affert , siquidem eum , qui effigiatus est in ipsa effigie tamquam in speculo spectamus . Crux autem non hoc facit . Tertiò , Crux simplicem quodammodo , & sine varietate nobis passionem repræsentat .... Sacra verò Imagines non solum passionem variant , & subtilius describunt , sed etiam .... quæ Christus fecit , latius , & clarius nobis exprimunt . Quartò Crux passionis symbolum est , modum , quo qui passus est , passionem sustinuit , in enigmate significat ....* Im-

go . . . . . ipsum Christum nobis designat . Quintò;  
 nomen Christi hononymè de Imagine Christi pradi-  
 catur . Christus enim vocatur ipsa imago , sicut  
 vocatur Rex , ipsa imago Regis : de Cruce autem  
 non potest pradicari ; nemo enim cordatus , cru-  
 cem ullo modo appellabit Christum . Sextò tandem :  
 Quod alicujus causa factum est , inferius est eo ,  
 propter quod factum est : Si igitur Crux propter  
 Corpus Domini facta est , necesse est ut in figuris ho-  
 rum, Corporis scilicet Christi, & carnis ejus inferiore-  
 res partes ferat figura Crucis . Ita ad rem no-  
 stram discurret S. Nicephorus Patriarca Constan-  
 tinopolitanus opusc. de differentia Imaginis Chri-  
 sti, & Crucis . Et exemplo suo id ipsum confir-  
 mat S. Godricus Eremita ; legitur enim in ejus  
 Vita cap. 2. penes Bollandianos Continuatores  
 die 21. Maii , quod cum Sanctus a dæmone ei  
 apparente infestaretur „ Imaginem Salvatores sci  
 „ licet , & Crucifixi , & B. Mariæ , & Joannis  
 „ Evangelistæ , venerabiles , suæ Crucis assistri-  
 „ ces in membrana depictas de sinu protulit , &  
 „ seductoris ori festinanter obtulit . At ille tan-  
 „ tæ virtutis impatiens . . . . . evanuit . „

**Reliquiæ quoque Sanctorum ,  
 ubi haberi possint decenter , ac  
 tutò colligatæ , & coopertæ ad  
 pectus , vel ad caput obfessi re-  
 verenter admoveantur .**

LIV. B. Victor Papa III. lib. 2. *Dialogor. in Bi-  
 blioth. PP. tom. 18.* narrat , quod quidam Ado-  
 lescens a dæmone correptus , intercessionè S. Mau-  
 ri Abbatis in monte Cassino liberatus est , *cujus*  
*Reliquias* , inquit , *Fratres* , *qui cum eodem*  
*obfesi*



obsesso in Ecclesia remanserant , super pectus ejus , magna cum devotione , ac spe posuerant . Et Baron. ad ann. 713. num. 7. & seqq. loquens de illa energumena , de qua sermonem fecimus in Commentar. Document. III. num. 14. in Notis ad signum 29. profequitur ; ex MSS. Biblioth. Valli-cellanae : „ Tunc sunt reliquiae venerabilis Martyris Anastasii ( id est caput ejus ) positae super Altare . Petiit insuper Episcopus ab ipso Abbate , ut ex eo aliquam modicam portiunculam acciperet , & appenderet ad cervicem Filiae suae . Fecit Abbas , & unum dentem acciptum appendit ad collum ejus . . . . elicientes caput Beati Martyris de paropside argentea , imposuerunt super caput puellae . „ Non vacat hic immorari ad ostendendam utilitatem hujus moniei ; ferè enim nomina omnium Sanctorum , quae in Martyrologiis enunciantur repetenda forent , si tantum indicare vellemus eos , ad quorum Sepulcra energumeni fuerunt liberati : Quare , omissis historicis monumentis , unum , vel alterum Patrem exhibebimus . S. Justinus Martyr quaest. 18. ad Orthodoxos : *Sanctorum corpora* , inquit , & *Sepulcra Martyrum demonum amoliantur insidias* . Basilius Magnus orat. in 40. Martyres , loquens de reliquiis ipsorum per totam regionem dispersis , ait : *Hi sunt , qui nostram obtinentes regionem , quasi quadam turres , contra adversariorum incursum , refugium exhibent* . D. Gregorius Nazianzenus , *Jambico* 18. quod est de virtute , loquens de Sanctorum reliquiis , hæc habet . . . . *quid febres , ac demones*

*Mirum hinc fugatos in modum recenseam ?*

*Quin & sepulcra sacra , ubi olim corpora*

*Jacere , praeuos spiritus pellunt procul .*

D. Joannes Chrysostomus , *sermone de virtutibus , & vitiis* , postquam dixit , quod Pau-

*li vestes morbos fuderunt*, Petri umbra mortem fugarunt, statim subdit: *Sanctorum martyrum cinis improbos daemones expulit*. S. Ambrosius lib. 10. Epistol. 22. editionis TP. S. Mauri, quæ est de inventione Corporum SS. Gervasii, & Protasii, loquens de eorum Reliquiis, scribit: *Cognovistis, imò vidiſtis ipsi multos a demoniis purgatos*. D. Hieronymus lib. adversus Vigilantium, cap. 4. ait: *Spiritus est immundus qui hæc te cogit scribere: sæpe hoc vilissimo tortus est pulvere*, (nempe cineribus Sanctorum Martyrum) *imò hodieque torquetur, & qui in te plagas dissimulat, in cæteris confitetur*. Et tandem D. Augustinus Epist. 78. alias 137. inquit: *Nam & nos novimus Mediolani apud memoriam Sanctorum, ubi mirabiliter, & terribiliter daemones confitentur, &c.*

LV. Ubi verò non possint haberi Reliquiæ, poterunt adhiberi cereæ formæ, quæ *Agni Dei* dicuntur; hi enim *Agnum pro nobis factum immaculatum designant*. Scribit Alcuinus Flaccus, de *Sabbato Sancto*, postquam dixerat, quod *Fideles ex eis in domibus suis faciunt acendi incensum ad fumigandum pro quacumque necessitate*; unde ne dum ob id, quod repræsentant, sed etiam ob benedictionem, & consecrationem vim habebunt etiam in necessitate energumenum liberandi a demonis vexatione: quod expresse docuit Urbanus V. dum hujusmodi Agnos cereos ad Imperatorem Constantinopolitanum misit, inter alia hæc scribendo:

*Morte repentina servat, satanaque ruina:  
Si quis honoret eum, retinet super hoste trophaum;  
Parsque minor tantum tota hic valet, integra quantum.*

Hæc Pontifex apud P. Macedo Schola 12. cap. 8. de Sacramentalibus.

Sanctissima verò Eucharistia super caput Obsessi, aut aliter ejus corpori non admoveatur, ob irreverentiæ periculum.

LVI. In Vita S. Bernardi Clarevallenſis Abbatſ l. 2. cap. 3. Auctore Guillelmo Abbate, legitur, Sanctum virum in expulſione dæmonis a quadam muliere, Eucharistiā capiti ipsius imposuisse; sic enim scribit: „ Expleta Oratione „ Dominica, efficacius hostem aggreditur vir „ Beatus. Patenæ siquidem Calicis sacrum Domini corpus imponens, & mulieris capiti superponens, talia loquebatur: Adest, inique „ spiritus, judex tuus, adest summa potestas. „ Jam resiste, si potes. Adest ille, qui pro nostra salute passurus. Nunc, inquit, princeps „ hujus mundi ejicietur foras. Hoc illud corpus, quod de Corpore Virginis sumptum „ est, quod in stipite Crucis extensum est, quod „ in tumulo jacuit, quod de morte surrexit, „ quod videntibus discipulis, ascendit in cœlum. „ In hujus ergo majestatis terribili potestate, „ tibi, spiritus maligne, præcipio, ut ab hac „ Ancilla ejus egrediens, contingere eam deinceps non præsumas. Cumque eam invitus deferens, & manere ultro non valens, atrocius „ affligeret, tam magnam iram, quam modicum tempus habens; rediens Pater Sanctus „ ad Altare, fractione hostiæ salutaris ritè „ complevit, diffundendamque in populum pacem ministro dedit, & confestim pax, & salus „ integra reddita est mulieri. „ Et c. 10. narrat, hominem a dæmone vexatum adductum fuisse



se ad S. Abbatem, qui cum eum vidisset, Vele-  
 „ menter indignans antiqui hostis malitiam, tan-  
 „ tum sibi in Christianum hominem usurpasse,  
 „ vocans duos e fratribus, ante sanctum Altare  
 „ iussit hominem deportari, ibique superpo-  
 „ sito capiti ejus vasculo Eucharistiam conti-  
 „ nente, in ipsius Sacramenti virtute, a læsione  
 „ Christiani jubet dæmonem prohiberi. Factum  
 „ est, ut præcepit, & miserum hominem, post  
 „ tantos cruciatus fides perfecta perfectè reddi-  
 „ dit sanitati. „ A qua tamen praxi ab hodiernis  
 Exorcistis abstinendum omnino est, tum ob  
 præscriptum Ritualis nostri, tum quia ab ipsis  
 forte non adeo facillè arceri potest *irreverentia  
 periculum*, sicut S. Abbas de isto non metuebat.

LVII. Et quia hic sermo est de Eucharistia  
 super energumenos amovenda, non abs re erit  
 Exorcistam monere, ut caveat ne Hostia non  
 consecrata utatur ad dæmonis obsidionem ex-  
 plorandam; hoc enim illicitum omnino est. Ra-  
 tio desumitur ex D. Augustino, qui Enarrat.  
*in Psalm. 98. explicans illud: Adorate scabel-  
 lum pedum ejus, quoniam sanctum est*; intelli-  
 git Eucharistiam; deindeque subdit: *Nemo il-  
 lam carnem manducat, nisi prius adoraverit.*  
 Hinc D. Thomas 3. parte q. 80. art. 6. ad 2. ait:  
*Hostia non consecrata, nullo modo debet dari loco  
 consecrata, quia Sacerdos hoc faciens, quantum  
 in se est, facit idolatrare illos, qui credunt es-  
 se hostiam consecratam, sive alios præsentem, si-  
 ve etiam ipsum sumentem.* Et quodlib. 5. q. 6.  
 art. 2. ad 3. Peccat, inquit, sacerdos fictionem  
 faciens in Sacramento Christi.... Sacerdos gra-  
 vius peccaret fictionem faciens in Sacramento  
 veritatis. Quæ rationes utique militent, etiam si  
 obsessus hostiam non consecratam non sumeret,  
 sed tantum illa Exorcista uteretur ad explo-  
 ran-

rādam dæmonis præsentiā . Hinc non imi-  
 tandum exemplum illius Exorcistæ , de quo  
 legitur in Constitutione Canonizationis S. Ho-  
 moboni Cremonensis , ab Innocentio III. exara-  
 ta anno 1198. „ Dum enim quædam dæmonia-  
 „ ca mulier ad sepulcrum ejus, ( *Sancti scilicet*  
 „ *Homoboni* ) deducta fuisset , ne aliqua frus-  
 „ lateret , eadem primo fuit aqua non benedi-  
 „ cta respersa : quæ se patienter aspergi permit-  
 „ tens , aquam secundo respuit benedictam . Et  
 „ ut res evidentiori experimento pateret , obla-  
 „ tam non consecratam absque aliqua præscien-  
 „ tia sibi recipiens præsentatam , Eucharistiam  
 „ consecratam subsequenter abhorruit , neo re-  
 cepit . „



## DOCUMENTUM IX.

**E**Xorcista ne vagetur in multi-  
 loquio , aut supervacaneis ,  
 vel curiosis interrogationibus , præ-  
 fertim de rebus futuris , & occul-  
 tis ad suum munus non pertinenti-  
 bus : sed jubeat immundum spiri-  
 tum tacere , & ad interrogata tan-  
 tum respondere , neque ei credatur ,  
 si dæmon simularet se esse animam  
 alicujus Sancti , vel defuncti , vel  
 Angelum bonum .

## S U M M A R I U M.

1. **Q**Uale peccatum sit de vanis, & curiosis demonem interrogare, indicatur; & num. 2.
3. Refertur exemplum a P. Brugnolo de quodam, qui magisterio demonis utebatur;
4. Sed refellitur, quia veritatem non continet; usque ad num. 17.
18. Quatuor genera futurorum explicantur, & an a demone cognosci possint, resolvitur; ad n. 21.
22. Quomodo nonnumquam demones futura predicant: ad num. 27.
28. Imperandum est demoni, ut taceat,
29. Et ad interrogata tantum respondeat:
30. Nec ei credendum est, si dicat se esse alicujus animam, vel spiritum bonum. Et num. 31.
32. Afferuntur rationes, quare hoc mendacio non infrequenter diabolus utatur.
33. Aliquando demon se esse Angelum bonum, vel animam alicujus Sancti suadere conatur, & quare.

## C O M M E N T A R I U M.

Exorcista ne vagetur in multiloquio, aut supervacaneis, vel curiosis interrogationibus.

- I. **I**N his namque semper est aliquod peccatum, quamvis a mortali excuset imperfectio actus, scilicet quando etsi actus sit perfectè humanus, non tamen perfectè habet rationem actus socialis cum demone. Ita Cajetanus in 2. 2. *quest. 90. art. 1.* relatus ibidem a Sylvio.
- II. Et



II. Et ut melius hæc doctrina intelligatur , tenendum est in primis , peccare mortaliter , qui longos , & inutiles sermones cum dæmone obsidente habet ; quia jam hoc esset cum eo amicitiam inire , cum tantum cum amicis ita familiariter agamus . Secundò , lethaliter peccare qui hanc , vel illam rem a dæmonio , media interrogatione , addiscere vult : etenim hoc est beneficium aliquod ab eo expectare , quod certe superstitiosum est . Tertiò , si adsit periculum , quod dæmon occulta delicta prodat , quia graviter tenemur infamiam proximi vitare . Quartò , si quis ea interroget non coactivè , sed deprecativè , quia hoc esset discipulus ejus fieri , & humiliter illi subjici , quod illicitum est . Deinde tenendum est , quod si coactivè , & imperativè hanc , vel illam rem vanam , & inutilem a dæmone interroget , tantum committere peccatum veniale curiositatis ; sed notandum est , quod hos communes actus exercere possumus cum diabolo , vel tanquam cum hoste , vel tanquam cum socio , seu cum non hoste . Primo modo , nullum est peccatum , quia sic agimus contra eum compellendo , vel exorcismis , vel Divina virtute , ut ab obsessis exeat . Secundò modo , quandoque est mortale , quandoque est veniale ; est mortale , si cum eo amicitiam inimus , aut actum perfectè socialem habemus ; est verò tantum veniale , quando actum imperfectè socialem cum eo gerimus . Notandum secundo , quod actus socialis cum dæmone & potest esse perfectus , & imperfectus ; actus socialis perfectus , est uti voluntaria dæmonis confabulatione , servitio , doctrina , & similibus , quia hæc sunt munera propria socialis vitæ . Actus verò socialis imperfectus est , si quis ex levitate , aut curiositate , non credens se in hoc  
Divi-

Divinam majestatem offendere, cum dæmone casu occurrente in assumpto corpore, vel arreptio, per modum transeuntis, loquitur, inquit curiosa, exigit aliquid vanum ab eo fieri, puta movere lapidem &c. In his enim actibus, licet sit perfectè ratio humani actus, non tamen est perfecta ratio socialis. Sic explicatur nostra doctrina ex Cajetano desumpta, loco supra citato.

III. Actum sociale perfectum habuisse cum dæmone quemdam Puerum, suumque Magistrum, quia videlicet doctrina, & diaboli magisterio uterque utebatur, narrat P. Candidus Brognolus *part. 2. Alexicac. cap. 2. sect. 1. §. 6. nu. 267. pag. 142. Editionis Venet. 1714. apud Pezzana*. Ibi enim, postquam scripsit, quod scientia ope dæmonis acquisita evanescit, cum quis relicto diabolico magisterio ad veram lucem pervenit, statim subdit: „ Hoc evenisse in comper-  
 „ to est Romæ anno Domini 1447. dum ibi com-  
 „ morabar. Pervenit illuc quidam puer annos  
 „ circiter octo ætatis habens cum suo Magistro  
 „ Religioso cujusdam Religionis, quos ego vidi:  
 „ qui quidem puer publicas theses proposuit  
 „ disputandas, continens (*fortè continentes le-*  
 „ *gendum est*) totam Philosophiam, ac Theolo-  
 „ giam universam D. Thomæ, quas dicavit sum-  
 „ mo Pontifici felicitis recordationis Innocentio X.  
 „ easque publicè defendit in Ecclesia Minervæ,  
 „ presentibus multis Cardinalibus, Episcopis,  
 „ Prælatibus, Theologis, Religiosis, ac cujuslibet  
 „ conditionis, ac status hominibus, qui omnes  
 „ hujusmodi puerum ut prodigiosum admira-  
 „ bantur, post quarum defensionem multis a  
 „ Cardinalibus denariis acceptis, una cum suo  
 „ Magistro è Roma honorificè discessit. At cum  
 „ Lauretum pervenisset, & quidam Prælati in  
 „ ma-

„ magnam Ecclesiam Lauretanam eum adduxif-  
„ sent,observarunt,quod nec aqua benedicta fron-  
„ tem absterfit, nec signo Crucis Christianorum  
„ more se munivit, at tandem dum in Sanctissi-  
„ mam Ædiculam beatissimæ Virginis introducere  
„ vellent, illicò dæmon illum se possidentem pro-  
„ didit voces clamorosas emittendo; Magister ve-  
„ rò illius aufugit, qui cum a Ministris Sanctæ In-  
„ quisitionis quæreretur, seipsum voluntariè ex  
„ alta turri præcipitem dedit. Puer verò dæ-  
„ moni abrenuntias, totam illam scientiam a dæ-  
„ mone infusam amisit, ac pristinæ ignorantia  
„ restitutus in quodam Conventu piorum Re-  
„ ligiosorum inclusus sub Magistro Catholico,  
„ ac pio educatus vitam in melius commutavit.  
„ Ex quo patet, quod illius pueri scientia in  
„ publica Ecclesia Minervæ patefacta non fuit  
„ habitus acquisitus, vel infusus, sed potius  
„ dæmonis illusio, seu fanatica conspersio, at-  
„ que infectio., Hucusque Pater Brognolus.

IV. Verum hic, alias clarissimus Scriptor vel  
labitur, vel imponit; & cum Puer, de quo  
hic sermo est, fuerit Jacobus Martini Modanese  
Butriensis, Magister verò ejus P. Joannes Bapti-  
sta Mezzetti, pariter de Butrio ditionis Bono-  
nienfis Instituti nostri Servorum B. M. V. in sa-  
cra Theologia Magister, & in Felsinea Uni-  
versitate Doctor Collegiatus, hinc in gratiam  
tanti Viri, & multò magis in obsequium verita-  
tis, aliquantis per digressionem facere, & bre-  
vem Apologiam texere cogor.

V. Et licet verum sit, hunc Puerum adhuc  
septennem Romæ anno 1647. coram insigni Vi-  
rorum Illustrium, & Ecclesiæ Procerum, &  
maximè S. R. E. Cardinalium, qui numero un-  
decim fuere, diebus Pentecostes, & SS. Trini-  
tatis summa omnium admiratione honorificentis-  
simè



sime Professoris ad instar plures Conclusiones propugnasse; attamen has non in templo *Minervæ*, sed in Ecclesia S. Marcelli nostri Ordinis publicè, plausibiliterque defendit.

VI. Licet verum sit proposuisse Theses disputandas, totam Philosophiam ac Theologiam universam continentes; non tamen has solas, nec ad mentem *D. Thomæ*, sed Conclusiones propugnavit ex Grammatica, Rhetorica, Logica, Physica, Metaphysica, Ethica, Polytica, Theologia, S. Scriptura, Medicina, & Jurisprudencia, pluribus indiscriminatim (pro ut lubebat, & dato omnibus arguendi loco) argumenta in oppositum producentibus, inter quos P. Sfortia Pallavicinus Soc. Jesu insignis Theologus, postea S. R. E. Cardinalis. Insuper quosdam miscellaneas Theses exposuit ex variis disciplinis, & Nationum Characteribus depromptam; nempe disceptavit de Characterè Syriarmeniaco, Arharabnico, Maronitico, Brachmanico, Sabæo, Ægyptiaco, Æthiopico, Indico, Græco, Chaldaico, Hæbraico, Armeno, Scythico, Arabico, Syriaco, Saraceno, & Turcico,

VII. Licet verum sit è Roma *honorificè*, id est magna proprii nominis fama, cum Magistro suo discessisse, tamen verum non est, *multis donariis acceptis* iter suscepisse; nam si de Magistro loquamur, hic post tot itineris, Typographi, & Incisoris, aliorumque expensas, post tot vigilias, labores, incommoda videns se præmio, & spe præmii orbatum, in tantam animi tristitiam devenit, ut pene extra se videretur, & esset. Ex hac porro spiritus gravissima amaritudine factum est, ut inopinato casu mortem obiret anno sequenti, non quod a *Ministris S. Inquisitionis* quæreretur, ut melius infra videbimus. Si verò sermo sit de Puero, adeò pauper

per ab Urbe discessit, ut eodem pariter sequenti anno, nempe 1648. dum Habitum nostrum induere cogitaret, coactus fuerit Eminentissimus Cardinalis Sachettus Ordinis Protector, per suas litteras die 30. Maii anni prædicti datas, Patres Conventus nostri Servorum de Bononia hortari, ut eundem reciperent sola medietate modicæ pecuniæ contenti, quæ pro victu anni Probationis, five Novitiatus tradi consuevit, *in riguardo*, ait Cardinalis, *della sua povertà*. Ad summum (si verum est, quod fama refert) ejus Pater Cellæ vinariæ Lauretanæ custos electus fuit, ut illius ministerii annuo parvo censu posset suum Filium aliquo modo providere, maximè in scientiis eo magis acquirendis. De hoc tamen nihil scriptum habemus.

VIII. Reliqua, quæ adducit P. Brognolus, imposturam profectò redolent. In primis constans firmaque traditio est, quod Jacobus noster *Laurentum non perrexerit*, sed Florentiam, deinde Pisas recto tramite adierit a Magno Etruriæ Duce, & a publicis Pisanae Universitatis Artium Professoribus expetitus, ut hoc Millenarium, & penè monstruosum ingenium perbegnissimè intuerentur.

IX. Sed dato etiam, quod sacram Ædem invisisset; quo fundamento prædictus Auctor scribit, *quod nec aqua* benedicta frontem absterfit, nec signo Crucis Christianorum more se munivit? Quosnam testes adducit? Prælatos? Quinam fuere? Quis hos numeravit? Quis hoc scriptis mandavit? Si Cathedram Romæ ascendit, profectò de more hoc saluberrimo signo frontem suam signavit.

X. Præterea si demonis arte scientias didicit, quomodo Magister ejus patientia, studio, assiduitate, labore ipsum disciplinis imbuisset?

Quomodo graves ei minas intentasset, ad ipsum usque per fenestram projiciendum, si Lectionibus improbo labore non incubuisset? Primum constat ex teste de visu, qui id scriptum in uno ex Documentis infra citandis reliquit. Secundum ex teste de auditu omni exceptione majore, & in dignitate constituto, qui sacro juramenti vinculo fatetur se id audivisse a quodam nostri instituti Professore, qui & ipse una simul cum Jacobo nostro discipulus P. Mezzetti erat. Certè quod diaboli ministerio discitur, aut traditur, non tanto labore, & arte traditur, vel discitur.

XI. Quomodo & Adolescens, & Magister ejus in schemmate suarum Thesium posuissent insculpta sacræ Paginæ verba: *Laudate pueri Dominum, quia initium sapientia est timor Domini*; & hæc alia: *hæc est autem vera sapientia nosse te Deum verum, & quem misisti Jesum*; & alia: *Non nobis Domine, non nobis*; & *Abscondisti hæc a sapientibus, & revelasti ea parvulis*. Et rursus: *Nisi efficiamini sicut parvuli, non intrabitis in Regnum cælorum*; & *Gloria in excelsis Deo, & in terra pax*. Et tandem: *Testimonium Domini fidele, sapientiam præstans parvulis*.

XII. Profecto P. Magister Mezzettus vir erat non modicæ pietatis, ut ipsi tale quid imponere, mera calumnia videatur; nam præter dicta, quæ ipsum virum catholicum, humilem, timentem Deum clarè demonstrant, certum est, animarum salutem, & verbis, & scriptis procurasse; ipse enim & Evangelium publicè prædicavit, & documenta catholica publici juris fecit, ad Christianorum utilitatem. Adhuc invenitur Liber in 16. cui titulus est: *Affetti pietosi, ne' quali giornalmente dovrebbe esercitarsi ogni Cristiano. Operetta del P. Fr. Gio: Battista Mezz-*



*Mezzetti dell' Ordine de' Servi di M.V. Professore di Theologia nel pubblico Collegio di Bologna, ed al presente Predicatore ne' Servi di Bologna.*  
Hunc Libellum edidit Bononiæ Typis Jacobi Monti anno 1644. eodem scilicet tempore quo Jacobum scientias docebat, cum incœperit ipsum instruere anno 1643. *nel timor di mio*, ut ait testis de visu infra citandus *num. 17.*

XIII. Deinde Butrii sub Porticu Conventus, & Ecclesiæ Parochialis S. Laurentii Ordinis Nostri, adhuc sequens Elogium invisitur.

Hic

Imago virtutum clauditur.

P. M. Jo: Bapt. Mezzettus a Butrio Cœnobii Filius,  
Patriæ decus.

Viator: excellens in arte mori non debet

Ornatu linguarum omnium,

Scientias parvulo septenni tanta facilitate dictavit,

Ut Romæ certamini publico expositas

Tribus diebus in Ædibus S. Marcel. Ord. Ser. B. M. V.

Anno Domini MDCXLVII.

Nova Urbis, & Orbis admiratione probaverit.

Porro si a *Ministris S. Inquisitionis* ob commercium cum diabolo quæsitus fuisset, Butrii planè non se recepisset, ubi in Conventu PP. inclytæ S. Dominici Familiæ S. Tribunal erectum est, nec ibi impunè, pacificè, & liberè cum suo discipulo moratus fuisset, ut videbimus infra *num. 15.* neque præfatum etiam nunc existens Elogium S. Officium aut tum permisisset, aut nunc toleraret.

XIV. Sed ad nostrum Jacobum redeamus, & observemus, an *Puer dæmoni abrenuntiaverit*, an *totam illam scientiam a damone infusam amisserit*? Post somnium Lauretanum iter, adhuc Urbi, & Orbi admirationi erat; nam præter supra dicta *num. 8.* pluribus aliis in locis in-

genii sui , atque suæ doctrinæ præclara specimina exhibuit . Insuper diē 8. Junii anni 1648. unanimi PP. consensu in Cœnobio Servorum Bononiæ receptus fuit ad Religionis Habitum , tamquam ejusdem Conventus Alumnus , urgente potissimum Eminentissimo Cardinali Sachetto per Litteras jam supra laudatas , valdè honorificas , habilitatem , ingenium , scientiam commendantes , licet hoc executioni demandatum non fuerit , propter obitum proximè secutum ejusdem Pueri , ejusque Magistri . Porro , si suspicio fuisset tunc de actu sociali cum dæmone habito , factum ne fuisset ut Patres nostri ipsum in Fratrem , & Filium acceptarent ? Prædictus Cardinalis ipsum ne commendasset ! Absit omninò .

XV. Observemus tandem , *an in quodam Conventu piorum Religiosorum inclusus sub Magistro catholico , ac pio educatus vitam melius commutaverit ?* Hoc totum verum est ; at quinam fuit Conventus piorum Religiosorum ? profectò noster Butriensis . Quinam fuit Magister iste Catholicus , ac pius ? P. Magister Joannes Baptista Mezzetti . Audiatur præfatus Eminentissimus Cardinalis in pluries indicatis Litteris sub diē 30. Maii 1648. datis , atque incipientibus : *Se il Putto Giacomino che si trattiene presso il P. Mezzetti ha fatto onore alla Religione de' Servi fin sotto l'ombra di essa , pare &c.* Quo nil clarius ad rem nostram .

XVI. Sed ad radicem falcem imponamus . Non defuere quidem , qui Romæ vererentur de quodam hujus Pueri , & sui Magistri cum nefariis spiritibus commercio ; quapropter a sacris Censoribus in Urbe ad examen noster Jacobus vocatus fuit , ut suæ doctrinæ , & quomodo ipsa masssecutus fuisset , exactam rationem redderet . Verum ipsa rei veritate , & Pueri innocentia

tia protegente, censura quacumque superior, libere dimissus, a prælaudato Cardinali circumductus per Urbem fuit candido indutus habitu ad innocentiae significationem, & palmam manibus præferens ad indicandam victoriam de hostibus reportatam. Quam victoriam etiam nunc tum ipse, tum ejus Magister referunt de Patre Candido Brognolo, qui eis tam falsa, tamque gravia verè, sed non candidè imposuit.

XVII. Et ne quis putet has vindicias me proprio Marte, & sine Auctore scripsisse, hæc omnia me decerpisse sciat ex Annalium nostrorum tom. 3. cent. 5. lib. 2. cap. 14. postremæ Editionis Lucensis Typis Marescandoli 1725. ad ann. 1648. Ex Libro, vulgò *Campione* existent. in Archivo Conventus Servorum Bononiæ obsignato num. 7. rerum notabilium ejusdem Cœnobii fol. 61. tergo §. 3. Ex altero ejusdem Conventus Libro, vulgò *de' Partiti* ibidem existente, obsignato num. 4. fol. 142. in quo præindicatæ Litteræ Cardinalis Sachetti per extensum referuntur. Ex schemmate conclusionum, quas incidit Franciscus Curtus Bononiensis, penes me existen. Et tandem ex Libro Thesium ejusdem Pueri Romæ Typis Vitalis Mascardi 1647. impresso. Parcat interim Lector, si fortè nimis in longum, ultra quam proposueram, digressus sum, & usurpet illud Adagium: *Cicero pro domo sua.*

Præsertim de rebus futuris, &  
occultis ad suum munus  
non pertinentibus.

XVIII. Quomodo occulta cognoscere possit dæmon, vidimus supra in Comment. Documenti III. a num. 8. Quomodo verò futura, explicandum



est in præfenti. Quadruplicis generis sunt futura, Alia sunt, quæ habent causas necessarias, & eodem modo semper se habentes, ut cœlestium orbium conjunctiones, solis, ac lunæ defectiones &c. Hæc certò cognoscuntur ab Angelis, & dæmonibus, secundum usitatum, & ordinarium cursum. Tamen ita absolutè, & certò sciri non possunt, ut non secus evenire possint, arbitrio Creatoris; nam solem in medio cursu sistere iussit Josue, & ad Isaia, atque Ezechia nutum retrocessit.

XIX. Alia sunt futura, quæ naturales quidem causas habent, sed eas multas, & varias, quæ invicem fortuitò connectuntur, ut sunt cometa, terræmotus, tempestates, ac venti: item morbi, & elementorum, ac corporum affectiones: tum quæ casu, ac fortuna evenire dicuntur, probabili ratione colliguntur a dæmonibus, & sæpè eos conjectura fallit; etenim supradicta non rarò prohibentur hominum precibus, meritisque Sanctorum, tum contra, aut præter ordinem conflantur, ut cum eadem a Prophetis immissa sunt ad Populorum supplicium, dicente D. Augustino de Divinatione dæmonum cap. 6. *Falluntur, quia cum suas dispositiones prænuntiant, ex improvviso desuper aliquid jubetur, quod eorum consilia cuncta perturbet.*

XX. Alia insuper sunt futura, quæ tota ex libera voluntate pendent, vel hujus impulsu geruntur extrinsecus. Hæc prorsus sunt ignota dæmoni, ut cogitationes liberæ &c. Ex quibus solis futura illa proficiscuntur. *Quis enim, ait Apostolus 1. ad Corinth. cap. 2. v. 11. hominum scit, quæ sunt hominis, nisi spiritus hominis, qui in ipso est? Ita & quæ Dei sunt nemo cognovit, nisi spiritus Dei.*

XXI. Alia tandem sunt futura mixta, quæ  
sci-

scilicet ex libero, & necessario pendent, quorum efficiens causa est voluntatis arbitrium, sed cum eo externa quoque concurrunt, ut aeris, & corporum qualitates, & quæ extrinsecus adjacent, magnamque vim habent ad commutandos, & quodammodo afficiendos hominum animos. Sic bella, seditiones, mores tum publici, tum privati, ac reliqua hujusmodi, quorum origo magna quidem ex parte ad voluntates refertur hominum, sed multum tamen ad ea conferunt habitus corporum, & locorum, ac cœli temperies, & alia hujusmodi, quæ a corporibus in animos solent redundare. Hæc non certo præsentiant dæmones, quamvis aliqua probabilitate divinare possint. Quare concludendum est cum D. Anselmo lib. 1. Elucidarii cap. 9. *Futura nesciunt (dæmones) nisi quantum ex transactis colligunt, vel quantum Deus eos finit scire.*

XXII. Quomodo autem, his non obstantibus, nonnunquam dæmones futura prædicant, dico primò: Ex syderum cœlestiumque corporum contemplatione, ex conjecturis, & syderum influentiis, quas optimè norunt: Nam, inquit Tertullianus in Apologetico cap. 22. *habent de incolatu aeris, & de vicinia syderum, & de commercio nubium cœlestes sapere paraturas, ut & pluvias, quas jam sentiunt, repromittant, juxta tamen dicta supra num. 3.*

XXIII. Secundò, experientia præteritorum. Sicut medici, ait D. Augustinus lib. 4. de Trinit. cap. 17. *multa prævidendo etiam litteris mandaverunt, quæ ipsi experta notaverunt: sicut denique agricola, vel etiam nauta multa prænuntiant, ita dæmones plura prædicunt, quam homines, partim, quia subtiliori sensus acutius, .... partim experientia callidior, pro-*

*pter tam magnam longitudinem vitæ*, ut scribit idem S. Doctor *lib. 2. de Genesi cap. 17.* Quare, cum naturas omnium rerum, & animantium, hominumque propensiones, & indoles accuratè calleant, quid ex iistam singulis, quam invicem conjunctis effici, atque oriri consuevit, intelligunt.

XXIV. Tertiò, futurorum notitiam dæmones percipiunt sive ab Angelis bonis ea significantibus, sive a Prophetis: *Audiunt*, ait S. Augustinus *lib. 4. de Trinit. cap. 17.* & *aeræ potestates, sive Angelis ea nuntiantibus, sive hominibus, & tantum audiunt, quantum opus esse ille judicat, cui subjecta sunt omnia.* Et Tertullianus in *Apologetico cap. 22.* *Dispositiones etiam, ait, Dei, & nunc Prophetis concionantibus exceperunt, & nunc lectionibus resonantibus carpunt.* Ita, & hinc sumentes quasdam temporum sortes emulantur Divinitatem, dum furantur divinationem.

XXV. Quartò, futura prænuntiant aperiendo ea, quæ jam jam imminere alio in loco certo sciunt: *Tanquam*, inquit Augustinus loco citato, *si quisquam de montis vertice aliquem longè videat venientem, & proximè in campo habitantibus antenunciet: etenim omnis Spiritus ales est, ut scribit Tertullianus loco prælaudato, hoc, & Angeli, & dæmones. Igitur momento ubique sunt. Totus orbis locus illis unus est. Quid ubi geratur tam facile sciunt, quam enunciant, velocitas divinitas creditur, quia substantia ignoratur: sic & auctores interdum videri volunt eorum, quæ annunciant.*

XXVI. Quintò: aliquando iidem nefandi spiritus etiam quæ ipsi facturi sunt, velut divinando prædicunt, inquit S. Augustinus *lib. 2. de Genes. ad lit. cap. 17.* quemadmodum, & accepta divinitas potestate lædunt primò, deinde remedia



media præcipiunt curiosa, sive contraria, post-  
que desinunt lædere, & curasse creduntur.

XXVII. Sextò videntur futura prædicere, ex  
responforum ambiguitate. *Fallunt autemetiam  
studio fallendi*, ait D. Augustinus lib. de Divinat.  
dæmon. cap. 6. & *invida voluntate, qua ho-  
minum errore letantur*: Sed ne apud cul-  
tores suos pondus auctoritatis amittant, id  
agunt, ut interpretibus suis, signorumque suo-  
rum conjectoribus culpa tribuatur, quando,  
vel decepti fuerint, vel mentiti. Quod duobus  
exemplis ostendit D. Hieronymus ad cap. 41. Isaia  
propè finem: *Quod si aliquis, inquit, dixerit,  
multa ab idolis esse prædicta, hoc sciendum est,  
quod semper mendacium junxerint veritati, &  
sic sententias temperarint, ut seu boni, seu ma-  
li quid accidisset, utrumque posset intelligi, ut  
est illud Pyrrhi Regis Epirotarum*:

*Sciote Æacide Romanos vincere posse; & Cræsi:  
Cræsus transgressus Halym maxima regna perdet.*  
En quomodo de rebus futuris loqui possint dæ-  
mones. A quarum tamen interrogatione abstinere  
Exorcistam jubet Rituale nostrum.

**Sed jubeat immundum spiritum  
tacere.**

XXVIII. Exemplo Christi Domini, qui ut  
habetur Marci 1. v. 25. *Comminatus est, ei di-  
cens: Obmutesce; & iterum v. 34. Non sinebat ea  
loqui.* Nos per hoc, ait Victor Antiochenus,  
in hunc locum, *docere volens ne ullum omnino  
testimonium a demonibus recipiamus.* Hanc pra-  
xim secuti sunt sancti Dei homines, ut pluri-  
bus docere possem: verum unum, vel alterum  
sufficiat. S. Leucius Episcopus Brundusii cui-  
dam

dam energumeno ipsi adducto statim ait: *Obmutescē spiritus diaboli*; & deinde eum liberavit, ut legitur in ejus Vita cap. 3. *penes Bollandum die 11. Jan.* S. Auxentius Archimandrita, imposita manu ejus capiti (*puella nempe obfessa*) cum esset precatus, spiritum quidem non finit loqui, Vide quæ diximus in Comment. Documenti V.

## Et ad interrogata tantum respondere.

XXIX. Interrogationes autem debent esse de rebus ad expulsionem dæmonis conducentibus, cum solum ad hunc effectum sit data Ecclesiæ spiritualis potestas, & consequenter etiam ad media conducentia ad hunc finem; unde Abulensis q. 60. in cap. 10. Matth. ait: *Potestas data Apostolis super dæmones, non fuit absoluta, itant possent quidquid vellent super dæmones, sed solum ut possent eos ejicere.* Interrogationes autem siue utiles, siue necessarias assignat infra Rituale Nostrium Documento sequenti.

Neque ei credatur si dæmon simularet se esse animam alicujus sancti, vel defuncti, vel Angelum bonum.

XXX. *Frequenter*, inquit D. Thomas 1. p. q. 117. art. 4. ad 2. *dæmones simulant se esse animas mortuorum*; & revera legitur in vita B. Ambrosii Sanfedonii Ordinis Prædicatorum *apud Bolland. die 20. Martii*, quod quædam energumena, cœpit  
cla-

„clamare, & dicere, talis, & talis me cruciant,  
 „aliquos defunctos, secundum deceptionem,  
 „dæmonis, nominando. „ Et in Vita B. Ritæ de  
 Cassia Ordinis Eremitarum S. Augustini *cap. 3.*  
*die 22. Maii* narratur: „Quod quædam mulier,  
 „nomine Cassandra correpta a dæmone fuerat,  
 „fingente se spiritum esse Filii sui defuncti. Intro-  
 „dixerunt ubi corpus sanctum erat . . . Cassan-  
 „dra . . . ruit velut mortua. Dum interim, videba-  
 „tur guttur ejus inflari, auditus est spiritus tam-  
 „quam si filii fuisset, clamare: miraculum, mi-  
 „raculum! Hæc sunt signa, quæ me daturum  
 „promiseram, quando a corpore matris meæ  
 „discederem. „ Et tandem in parte 14. mira-  
 culorum S. Joannis Gualberti *penes Continuato-*  
*res Bollandianos die 12. Julii* scribitur, quod  
 quædam Mulier fuit obsessa, „ & dæmon, qui  
 „eam invaserat, ut plurimum solent, se cu-  
 „jusdam Liguris, cui nomen Baltramo, ani-  
 „mam fuisse fatebatur.

XXXI. Hoc totum longè prius docuerat Ter-  
 tullianus lib. de anima cap. 57. *Hanc, inquit, quoque fallaciam spiritus nequam sub personis defunctorum delitescens, nisi fallor etiam rebus probamus, cum in Exorcismis interdum aliquem se ex Parentibus hominem sui affirmat, interdum gladiatorem, vel bestiarium, sicut & alibi Deum, nihil magis curans, quam hoc ipsum excludere, quod predicamus, ne facile credamus, animas universas ad inferos redigi, ut & judicii, & resurrectionis fidem turbent. Et tamen ille dæmon, postquam circumstantes circumvenire tentavit, instantia divina gratia victus, id quod in vero est, invitus confitetur. Et S. Joannes Chrysostomus homil. 29. in cap. 8. Matth. inquit: Dæmones perniciosissimam opinionem ingerere hominibus conantur, quod homi-*




num, qui obierunt, anima demones fiant, quod etiam a cogitatione nostra utinam absit. Sed quid respondebis, objiciet quispiam, cum multi incantatores pueros nacti, eos jugulent, ut habeant animam sibi postea subservientem, & ipsos juvantem? Sed unde hoc patet? quod quidem jugulent, multi asserunt, quod verò immolatorum puerorum anima ipsis cooperentur, unde mihi persuadebitur? An quia ipsos demoniacos clamare nonnumquam audisti: Anima talis ego sum? Verum hac quoque oratio a fraude, atque deceptione diabolica est. Non enim anima defuncti est, quæ ista dicit, sed demon, qui hac, ut audientes decipiat, effingit. Et Concione 2. de Lazaro, ait: Hic malum quemdam morbum cupio vestris animis eximere. Sunt enim plerique simplices, qui putant animas violenta morte decedentium fieri demones. Hoc autem non fit, non fit, inquam, istud; non enim anima violenta morte decedentium fiunt demones, sed anima potius in peccatis viventium; non quod mutetur illarum substantia, sed quod voluntas demonum pravitatem imitetur. Et post pauca addit: Verum non sunt ista vera, non sunt inquam. Quid igitur est, quod demones dicunt: Monachi illius sum anima? Sane propter hoc ipsum, non credo quia demones dicunt: decipiunt enim auditores. Hunc errorem latè impugnat S. Pater tum hic, tum homilia supra laudata.

XXXII. Rationem hujus non infrequentis demonis mendacii dat ibidem S. Doctor his verbis: At cujus rei gratia diabolus istam perversam opinionem invexit? Conatus est martyrum defodere, & obruere gloriam. Etenim cum illi morte violenta decesserint, cupiens pravam de illis gignere suspicionem, hoc fecit: Verum quod voluit non potuit. Perseverant enim martyres

tyres proprium obtinentes splendorem. Quin aliud multo crudelius perpetravit maleficis, ipsisque inservientibus per has opiniones persuasis, ut tenera multorum adolescentium corpora trucidarent, sperantes futurum, ut fiant demones, rursusque ipsis inservirent. Verum non sunt ista vera &c. Alia ratio adduci potest, scilicet ad inducendam hæresim, quam deinde docuit Tertullianus, ex quo Tertullianistæ, de qua S. Augustinus de Hæresibus ad Quodvultdeum hæresis 86. scribit Dicit sanè (Tertullianus) etiam ipse, animas hominum pessimas, post mortem, in demones verti. Similem aliam rationem reddit D. Thomas 1. p. q. 117. art. 4. ad 2. nempe ad confirmandum Gentilium errorem, qui hoc credebant.

XXXIII. Suadere deinde conatur esse sive Angelum bonum, sive animam alicujus Sancti, vel ut hunc errorem inducat, contra quem nos admonet Apostolus 2. Cor. v. 11. dicens: Ipse satanas transfigurat se in Angelum lucis, vel ut Patiens non credat, se esse a damonio vexatum, sicque sui liberationem negligat.





## DOCUMENTUM X.

**N**ecessariæ verò interrogationes sunt, ut de numero, & nomine spirituum obsidentium, de tempore, quo ingressi sunt, de causa, & aliis hujusmodi. Cæteras autem dæmonis nugas, risus, & ineptias Exorcista cohibeat, aut contemnat, & circumstantes, qui pauci esse debent, admoneat ne hæc curent, neque ipsi interrogent obsessum, sed potius humiliter, & enixè Deum pro eo precentur.

## SUMMARIUM.

1. **L**icet interrogare demones de numero eorum in corpore obsessi.
2. Sententia P. Brognoli refertur,
3. Et refellitur.
4. Similiter licet interrogare de nomine spirituum obsidentium, & aliquibus aliis num. 6.
7. Nomina demonum sunt nomina Officii, non nature.

8. Affe-



8. *Afferuntur eorum nomina, quæ in Sacris litteris reperiuntur.*
9. *Et quædam alia ignotorum Angelorum.*
10. *An sint nomina bonorum Angelorum hinc inde differitur, ad num. 12.*
13. *Item alia nomina latina, quibus dæmones in Sacra Scriptura appellantur, exhibentur, & num. 14.*
15. *Talia autem nomina, non ita sunt propria unius, ut nequeant aliis competere, & num. 17.*
18. *Respondetur objectis, ad num. 19.*
20. *Licetum est dæmonem interrogare de tempore obsessionis,*
21. *Et de causa ingressus, & num. 22.*
23. *Non est permittendum ab Exorcista dæmoni, ipsum nugas agere, & num. 24.*
25. *Serio monentur astantes, ut humiliter, & enixe Deum pro vexato precentur.*

## COMMENTARIUM.

Necessariæ verò interrogationes sunt, ut de numero.

I. **E**Xemplo Christi Domini, qui numerum obsidentium dæmonum manifestari voluit, dum Marci 5. v. 9. interrogavit: *Quid tibi nomen est?* super quæ verba scribit Victor Antiochenus: *Quamvis Dominus dæmonum, qui in homine habitabant multitudinem non ignoraret, attamen, quod illi, qui spectaculo huic aderant, unum tantum hominem cernerent, unamque solum vocem haurirent, ne ipse multos esse dicere compellatur, sed ipsimet dæmones palam, id profiteantur, propterea, quod tibi nomen est interrogat.*

II. At

II. At P. Candidus Brognolus in *Manual. Exorcistar. part. 1. art. 5. quest. 3.* asserit, hanc interrogationem fallacem esse, imò Divinæ Omnipotentiae injuriosam. Rationem primi esse ait, quia dæmon est fallax in suis responsionibus: rationem verò secundi, quia cum Exorcista operetur virtute Dei, virtute scilicet infinita, & illimitata, ac potestate totius inferni superiore, tam faciliè expellet centum millia dæmoniorum, ac unum tantum, si adsint omnes aliæ dispositiones.

III. Sed quam ineffaciter hæc adducat P. Brognolus, videamus. Utique dæmon læpè fallit, at nonne in pluribus obedire tenetur? Nonne obtemperat aliis Exorcistæ præceptis? Quare ergo non obediet præcepto de numero spirituum obsidentium, ipsi facto in Nomine Jesu? *Dæmones*, inquit Tertullianus in Apologetico cap. 2. & 3. *Christiano mentiri non audent*; quod tamen intelligendum est in dicto nostro sensu. Ad aliam rationem. Verum quidem est, virtutem Exorcistæ, quatenus proveniente a virtute Dei, longè superiorem esse, ac majorem omnibus dæmonibus simul sumptis: sed non per hoc interrogatio de nomine injuriosa evadit Divinæ Omnipotentiae, imò respicit Divinæ gloriæ incrementum. Sicut enim Christus Dominus interrogavit dæmonem de nomine, *ut confessa peste virtus curantis gratior emicaret*, ut num. sequenti videbimus; & ideo ut suam potestatem magis manifestaret, postquam audivit esse legionem in corpore obsessi, ait: *Exi spiritus immunde ab homine*; super quæ verba subtilissimè notat Euthymius Zigabenus in Evangel. Marci cap. 11. *Multis dæmonibus imperat, quasi unus esset, propter imbecillitatem ipsorum*. Ita interrogatio ad hoc conducere poterit,

terit , ut cognito dæmonum numero , virtus nominis Christi efficaciter appareat ; sicque hæc interrogatio ad maiorem Dei gloriam , ejusque SS. Filii nominis cedat .

## Et nomine spirituum obsidentium .

IV. Hoc pariter statuit Rituale nostrum exemplo Salvatoris, qui *Marci 5. v. 9.* interrogavit dæmonem: *Quod tibi nomen est? Non velut inscius,* ait Beda in Evangel. lib. 3. super Lucæ cap. 8. *nomen inquiri, sed ut confessa coram peste, quam furens tollerabat, virtus curantis gratior emicaret.* Sic ejus ministri de nomine spirituum obsidentium, per quod pestis, & potestas, atque malicia ipsius manifestatur, interrogare poterunt, ut virtus Dei curantis gratior emicet. Quod profectò valdè cedit in honorem Dei, nostræque Christianæ religionis, ut ad rem Lactantius advertit, lib. 2. *Divinar. Institut. cap. 15.* his verbis: *Dei cultores metuunt (dæmones) cujus nomine adjurati, de corporibus excedunt, quorum verbis tamquam flagris verberati non modo dæmones se esse confitentur, sed etiam nomina sua edunt, illa, quæ in Templis adorantur, & quod plerumque coram cultoribus suis faciunt, non utique in opprobrium religionis, sed honoris sui, quia nec Deo per quem adjurantur, nec justis quorum voce torquentur, mentiri possunt..... tantum habet Dei cognitio, ac justitia potestatis.*

V. Sed & tempore S. Bedæ viguisse hanc consuetudinem apud Exorcistas interrogandi de nomine, docet idem Venerabilis Doctor loco citato: *Sed & nostri, inquit, temporis sacerdo-*  
Y                      res,



tes, qui per Exorcismi gratiam demones ejicere norunt, solent dicere, patientes non aliter valent curari, nisi quantum sapere possunt, omne quod ab immundis spiritibus.... pertulerint, confitendo patenter exponant, & nomen demonis, quo se censeri dixerit. Hac omnia mature perpendantur, deinde inferatur quam irrationabiliter P. Candidus Brognolus loco citato q. 2. conetur ostendere, hanc interrogationem de nomine superfluum esse, ac ipsi Exorcistæ periculosam. Quare ut cum ejusdem Bedæ verbis concludam contra P. Candidum. *Hac contra fraudes demonum paucis explicare curavi, ut quam non frustra Dominus Nomen ejus, quem expulsurus erat spiritus, interrogaret, intelligas.*

VI. Ex doctrina num. 4. posita sequitur, non esse illicitum Exorcistam aliquid a dæmone semel, aut iterum coactivè quærere, quod ad gloriam Dei, & proximorum utilitatem cedit, nam D. Thomas 2. 2. q. 95. art. 4. ad 1. post illa verba Bedæ, quæ & ipse refert, ait: *Aliud autem est inquirere aliquid a dæmone sponte occurrente, quod quandoque licet propter utilitatem aliorum, maxime quando Divina virtute potest compelli ad vera dicenda: Et aliud dæmonem invocare ad cognitionem occultorum inquirendam ab ipso.* In quibus verbis primò docet, quod licet non frequenter, quandoque tamen licitum est inquirere a dæmone sponte occurrente aliquid, ad aliorum utilitatem conducens. Secundò docet, quod hoc præcipuè licet quando Divina virtute potest compelli ad vera dicenda; Divina autem virtus, qua compelli potest, est virtus in Exorcismis, & Ecclesiæ ministris existens. Tertiò in auctoritate allata contradistinguit S. Doctor, invocare dæmonem ad cognitionem occultorum ab ipso acquirendam, & quærere ab eo sponte occurrente

rente aliquam utilem veritatem: & differentiam docet esse in eo, quod invocatio affert secum pactum explicitum cum dæmone, & ideo est illicita: inquisitio verò veritatis utilis, nullum pactum, seu societatem cum dæmone habet. Sed ad rem nostram redeamus.

VII. Advertendum tamen, quod sicut nomina Sanctorum Angelorum sunt nomina officii, non naturæ, ut docet D. Gregor. homil. 34. *Et cum ad nos aliquod ministraturi veniunt, apud nos etiam nomina a ministeriis trahunt*, ut exemplificat in nominibus SS. Angelorum Michaelis, & Gabrielis; ita & nomina malorum Angelorum officii, non naturæ esse dicimus. Nomina autem horum, quæ in Divinis Scripturis habentur, cum eorum litterali interpretatione ad maiorem Exorcistæ eruditionem hic dabimus, ex Dictionario Sac. Scripturæ a Doctissimo P. D. Augustino Calmet composito, deprompta.

VIII. *Abaddon*, sive *Abaddon*, Apoc. 9. v. 11. Job. 28. 22. interpretatur *abyssus exterminans*, vel *perditio*. *Anamelech*, 4. Reg. 7. v. 31. unum ex Idolis Sepharvaïm urbis Assyriorum. *Responsum*, sive *Canticum Regis*, vel *consilii*, ex bona, responsum, & *Melec Rex*, sive *consilium* juxta ætymologiam Caldæam, sive *Rex*. *Asima*, Idolum, 4. Reg. 17. v. 30. *Delictum*, ex *ascham*; *fitus* ex *sum*, *ponere*; *Ignis maris*, ex *esch*, & *jam*, *mare*. Nomen est ab hebræo alienum. *Asmodæus*, *Dæmon*, Job. 3. v. 8. *Mensurans ignem*, ex *esch*, & *madad*, *mensurare*. *Crimen abundans* ex *Ascham*, *crimen*, seu potius *Vastator*, *exterminator* ex *Sichamad*. *Astarthen*, *Astaroth*, *Aseroth*, 3. Reg. 11. v. 5. Dea Sidoniorum.

*Baal*, Idolum Moabitarum, 2. Num. 22. v. 41. *Dominans*, & *subjiciens*. *Herus*, *Dominus*, *vir*. *Baal-Berith*, Idolum Sichimitarum, Judic. 9. v. 4.

*Idolum fœderis*; possidens, sive submittens se fœderi, ex Baal, & Berith. *Fœdus*, pactum. *Beel-Phegor*, Idolum Moabitarum, Josue 22. v. 17. in hebræo tantum *Phegor*, Dominus, hiatus, ex *Bel*, Dominus, Deus, & *pahar*, sive *pagar*, aperire. *Beemoth*, Job. 40. v. 20. *Bellua*, vel *Elephas*; ex plurali *beem* animalia utcumque significante. *Bel*, Idolum Babyloniorum, Isai. 46. v. 1. Danie. 14. v. 2. *Vetus*, ex *bala*, senescere, deperire; *nihil*, ex *beli*, non, unde *beliva*, nihil. *Beelzebub*, Idolum Accaronitarum, 4. Reg. 1. v. 2. *Deus Musca* ex *baal*, & ex *Zebub*, *musca*. *Belial*, 2. Corinth. 6. v. 15. significat *inutilem*, *impatientem* *jugi*, *impium*, *rebellem*, *contumacem*.

*Demon* nomen ex Græco *Daimon*, scilicet *Sapiens*, *intelligentia praditus*. *Dagon*, Idolum Philistinorum, Judic. 16. v. 23. *Frumentum*, *piscis* ex *Dag*, *piscis*. *Diabolus*, 1. Macch. 14. v. 16. *Calumniator*, *accusator*, Græcum est.

*Leviathan*, Job. 40. v. 20. *Monstrum marinum*, *crocodilus*: Ad litteram, *magnus piscis*, *glutine junctus*; fortè ob squamas durissimas, & impenetrabiles, ex hebræo *than*, *magnus piscis*, & *levi*, *junctus*.

*Mammona*, Luc. 16. v. 9. Chaldaea vel Syriaca vox, *Divitia*. Vera lectio est: *Matmon*, *avaritia*, *cupiditas*, *divitia*. *Melchom*, sive *Moloch*, 4. Reg. 23. v. 10. & 13. *Eorum Rex*, ex *Melec*, *Rex*, & pronomine *am*, *eorum*.

*Nergel*, numen Cuthæorum, 4. Reg. 17. v. 30. *Explorator*, *pedester*, ex *Ragal*: *lumen detectum*, vel *servatum*; ex *ner*, *lumen*, & *galal*, *explicare*: *novalia detecta* ex *nir*, *novale*, & *galal*, *explicare*.

*Rempha*, Idolum, juxta Septuaginta, Amos 5. v. 26. Vulgata habet, *sidus Dei vestri*. Hebræum est *chiun* uti, & *Aquila*, & *Symmachus*: *basis*, *pedamen*, & *preparatio*.



*Satan*, vel *Satanas*, 2. Reg. 19. *Hostis*, *contrarius*. Hæc ex prælaudato P. Calmet.

IX. Hic addenda sunt quædam nomina ignotorum Angelorum, quos Albertus in Oratione a se composita invocabat, ut constat ex fragmento quod in Synodo Romana habita sæculo VIII. sub Zacharia Pontifice, recitatum est: *Precor vos, & conjuro vos, & supplico me ad vos Angele Uriel, Angele Raguel, Angele Tubuel: Angele Michael, Angele Inias, Angele Tubuas, Angele Sabaoch, Angele Simiel.* Quibus de nominibus Romana Synodus dixit: *Non enim nomina Angelorum, præter nomen Michaelis, sed nomina demonum sunt, quæ in suis orationibus invocavit, ad præstandum auxilium. Nos autem, ut a vestro Sancto Apostolatu edocemur, & divina tradit auctoritas, non plus quam trium Angelorum nomina cognoscimus, id est Michael, Gabriel, Raphael.* Item Concilium Aurelianense statuit: *Ne falsa Angelorum nomina colant, sed ea tantum, quæ prophetica, & Evangelica docet Scriptura, id est Michael, Gabriel, Raphael.* Ex quibus colligi videtur, prædicta nomina, præter nomen Michaelis, maiorum Angelorum nomina esse.

X. Verum aliqui credunt *Uriel*, quod interpretatur *lux mea Deus*, esse nomen bonum, his rationum monumentis. Primò, ejus nomen legitur in libro, licet apocripho, Judæorum inscripto: *Oratio Josephi*, in quo Jacob cum Uriele, & Raphael sermonem miscens inducitur. Secundò, ejus nomen tamquam boni Angeli occurrit in Esdra lib. 4. c. 5. v. 20. *Sicut mandavit mihi Uriel Angelus.* Tertiò, occurrit & apud Ambrosium, lib. 3. de Fide c. 3. *Non moritur Gabriel, non moritur Raphael, non moritur Uriel.* Quartò, *Uriel* sive *Uriel* tamquam bonus Angelus invocatione colitur in Liturgiis Orientalibus, & Eucologiis.

Græcorum: *Honoremus Surielem, quartum inter Angelos*; quæ sunt verba Eucologii Cophtorum. Quintò, nec desideratur in veteribus Litaniis, iis potissimum quas P. Mabillon publici juris fecit *tom. 2. Analect.* atque Carolinas, quod Caroli Magni ætatem referant, appellavit; in quibus non solum invocatur *Sancte Orihel, ora*; sed etiam dicitur, *Sancte Raguel, ora. Sancte Tobibel, ora.* Tandem inventum Romæ ann. 1544. Sepulcrum Mariæ Imperatricis, Honorii Uxoris, refert Surius, in quo lamina aurea insculpta Græco caractere hæc nomina præferebat: *Michael, Gabriel, Raphael, Uriel.*

XI. Alii verò, & præcipuè clarissimus Thierfius in Epistola dedicatoria ad S. Lucam Dacherium, libro suo *De retinenda voce Paraclitus*, præmissa, nomen *Uriel* malum Angelum designare contendit, præcipuè supra adductis Conciliorum testimoniis fretus.

XII. Sed quidquid sit de hoc dissidio, certum est, non licere alia nomina Angelorum invocare, præter nomina Michaelis, Gabrielis, & Raphaelis, ex prælaudato Concilio Romano, sed reliqua nomina ignota, esse saltem suspecta, nec constare nobis num bonorum, vel malorum sint Angelorum.

XIII. Porro, ut ad intentum nostrum redeamus, alia quædam latina nomina, quæ in Divinis Scripturis dæmoni tribuuntur enumerabimus. Dicitur itaque: *Angelus crudelis*, Proverb. 17. v. 11. *Angelus Satana*, 2. Corinth. 12. v. 7. *Angelus Abyss*, Apoc. 9. v. 11. *Accusator nostrorum Fratrum*, Apoc. 12. v. 10. *Adversarius noster*, 1. Petri 5. v. 8. *Bestia habens septem Capita*, Apoc. 13. 14. 16. 17. & 18. *Deus hujus sæculi, mentes infidelium excæcans*, 2. Corinth. 4. v. 4. *Dii gentium damonia*, Psalm. 95. v. 5. *Dæmonium meridianum*, Psalm.

Pfalm. 90. v. 6. *Draco*, Isajæ 13. v. 34. *Draco magnus*, Apoc. 12. *Draco*, Pf. 103. v. 26. *Habens mortis imperium*, Ad Hebræos 2. v. 14. *Homicida ab initio*, qui in veritate non stetit, c. 8. v. 44. *Habens iram magnam*, Apoc. 12. v. 12. *Inimicus*, Luc. 10. v. 10. *Malus*, Ephes. 6. *Meretrix Babylonica*, Apoc. 17. *Leo*, Isa. 13. v. 34. & 1. Petri. *Principatus*, *Potestates*, *mundi rectores tenebrarum harum*, *Spiritualia nequitia in Cælestibus*, Ad Ephes. 6. v. 12. *Princeps potestatis aeris hujus*, ibid. 2. v. 2. *Princeps hujus mundi*. Jo: 14. & 16. *Qui seducit universum Orbem*, Apoc. 12. v. 9. *Rex super universos Filios superbia*, Job. 41. v. 25. *Serpens*, Genes. 3. *Serpens antiquus*, Apoc. 12. v. 9. *Serpens tortuosus*, Isai. 27. v. 1. *Scorpio*, Luc. 10. v. 19. *Spiritus Dei malus*, 1. Reg. 16. v. 15. *Spiritus nequam malus*, Ibid. v. 14. *Pessimus*, Jud. 9. v. 23. *Spiritus ad vindictam creati*, Eccl. 39. v. 33. *Spiritus vertiginis*, Isai. 19. v. 14. *Spiritus fornicationum*, Oseæ 4. v. 12. *Spiritus Divinationis*, Levit. 20. v. 27. *Spiritus mendax*, 3. Reg. 22. v. 22. *Spiritus immundus*, Matth. 10. v. 1. Marci 3. v. 11. Lucæ 9. v. 43. *Actor*. 5. v. 16. *Spiritus erroris*. 1. ad Timoth. 4. v. 1. *Spiritus iræ*, Job. 4. v. 9. *Tentator*. Matth. 4. v. 13. *Ultor*, Psalm. 8. v. 3. *Venator*, *laqueus*, *timor nocturnus*, *sagitta volans in die*, *pestis in tenebris grassans* &c.

XIV. De quorum diversitate, ut loquar cum Cassiano collat. 7. c. 32. per longum est, si volumus omnia Scripturarum volumina, perscrutantes sigillatim percurrere, qui per Prophetam onocentauri, qui sirena, qui lamia, qui ulula, qui struthiones, qui ericii designantur, qui aspis, qui basiliscus in Psalmo, qui leo, qui draco, qui ve scorpis in Evangelio nuncupatur; qui Princeps mundi hujus, qui rectores tenebrarum harum, qui ve spiritualia nequitia ab Apostolo nominentur.



*Quæ vocabula non casu, nec foruito indita illis debemus accipere; sed significationes istarum ferarum, quæ apud nos vel minus noxiæ, vel magis perniciosæ sunt, illorum ferocitates, rabiesque distingui, & ex similitudine nequitia virulenta, seu principatus, quem istis inter cæteras feras, sive serpentes, quadam excellentia malitiæ suæ confert, illos quoque eorum vocabulis nuncupari, ut scilicet alius quidem, ob vehementiam furoris, & rabiem ferocitatis suæ, Leonis appellationem, alius basilisci, ob illud mortiferum virus, quod priusquam sentiat, interimit; alius verò ob temporem malitiæ suæ onocentauri, aut ericii nomen, struthionisve sortitus sit.*

XV. Licet autem hæc sint nomina, quæ ex diversitate officiorum fortiuntur dæmones, non tamen ita propria unius esse putes, quin etiam alteri competere possint. Fuit ejusdem Cassiani sententia, dæmones ita inter sese distinctas functiones habere, ut alius uni vitio, alius alteri præsit. Hoc tamen, inquit Collat. 7. cap. 17. nosse debemus, non omnes dæmones universas hominibus inurere passiones, sed unicuique vitio certos spiritus incubare, & alios quidem immunditiis, ac libidinum sordibus oblectari, alios blasphemis, alios iræ, furorique peculiariter immineere, alios pasci tristitia, alios cenodoxia, superbiaque mulceri, & unumquemque illud vitium humanis cordibus, quo ipse gaudet, inserere. Quæ opinio tribuitur Origeni, homil. 14. super Josue, S. Hieronymo in Comment. ad Ephes. 6. & D. Gregorio, qui lib. 15. Moral. cap. 27. hæc habet: *Maligni spiritus certis quibusque vitiis singuli obsequi sunt credendi; Et infra: In cujus ergo mentem vitia vitiis succedunt, rectè de eo dicitur: Vident, & venient super eum horribiles:*

les: quia quot vitiis decedentibus, & succedentibus premitur, tot malignis spiritibus ejus animus, quasi euntibus, ac redeuntibus, devastatur. Hanc secutus est Magister in 2. dist. 6. qui hoc ex Scriptura argumentum profert: Unde dicitur spiritus Superbia, spiritus Luxuria, & hujusmodi, quia de illo vitio maxime potest homines tentare, a quo dominatur. Inde etiam est, quod nomine demonis divitia vocantur, scilicet Mammona. Est enim mammon nomen demonis.

XVI. Verum, licet hæc opinio probabilis sit, & facile defendi possit, ut ait Suarez de Angelis lib. 8. cap. 21. num. 28. nec ipse animo impugnandi eam, argumenta sua contraria proferat, tamen opposita communiter a Theologis sustinetur, quia dæmonum quisque per se paratissimus, & cupidissimus est ad tentandum, & sollicitandum homines ad quæcumque vitia, & peccata; nec enim eis, ad hoc faciendum peritia, & malitia deest, modo permittantur a Deo. Præterea, idem ipse dæmonum princeps de triplici, aut quadruplici peccato Dominum tentasse legitur in Evangelio Matthæi cap. 4. super quod hæc scribit D. Gregor. homil. 16. Per gulam quippe tentat, cum dicit: Dic ut lapides isti panes fiant. Per vanam gloriam tentat, cum dicit: Si Filius Dei es mitte te deorsum. Per sublimitatis avaritiam tentat, cum regna omnia mundi ostendit, dicens: Hac omnia tibi dabo, si proci dens adoraveris me. Nec apparet ratio, cur non & per Angelos suos, etiam singulos, similia faciat.

XVII. Quidquid verò sit de auctoritate Origenis, quæ certè hac in re pluris fieri non debet, cum multa de Angelis tam bonis, quam malis commentus sit, quæ Ecclesia Christi non recipit: ad D. Hieronymum respondeo, ipsum Origenis sententiam lege Commentarii transcripsisse,

se, non approbasse; scribit enim: *aiunt*. Satis per hoc significans alienam se sententiam referre, pro qua certare nolit.

XVIII. Ad D. Gregorii auctoritatem respondere possumus, spiritus, de quibus loquitur, secundum nomina intelligi diversa. Quoniam, enim dæmonibus nomina tribuuntur ex Officio; hinc si mutetur Officium, sive persona sit eadem, sive non, quasi mutato nomine plures atque alios videri, quod & de Angelis contingere potest. Cæterum hanc esse Magni Gregorii mentem colligitur ex ejusdem verbis prolatis *lib. 33. Moral. cap. 38.* ubi uni Leviatham tribuit, quod *humanae mentes ad delectationes illicitas pertrahit: Alias nempe Superbia, alias Invidia, alias Luxuria, alias Avaritia facibus inflamat. Superbia quippe facem menti Evæ supposuit, cum hanc ad contemnenda verba Dominica jussionis instigavit. Invidia quoque flamma Cain animum succendit, cum de accepto Fratris sacrificio doluit, & per hoc usque ad fratricidii facinus pervenit. Luxuria facibus cor Salomonis exussit, quem tanto mulieribus amore subdidit, ut usque ad Idolorum venerationem deductus, dum carnis delectationem sequeretur, Conditoris reverentia oblivisceretur. Avaritia quoque igne Achab animum concremavit, cum eum ad appetendam alienam vineam impatientibus desideriis impulit, & per hoc usque ad reatum homicidii pertraxit.*

XIX. Similis adhibetur solutio ad Scripturas a Magistro relatas, in quibus leguntur hæc nomina: *Spiritus mendacii, spiritus fornicationis, spiritus vertiginis, spiritus zelotypia &c.* nam unus, & idem dæmon, quatenus ad diversa vitia sollicitat, variis significari potest nominibus, sicut Spiritus Sanctus, cum sit unicus, vocatur



tur Isai. 11. v. 2. *Spiritus sapientia, & intellectus, Spiritus consilii, & fortitudinis, Spiritus scientia, & pietatis.... Spiritus timoris Domini.* Neque enim Scriptura dicit, hos spiritus esse plures, aut inter se distinctos.

## De tempore, quo ingressi sunt.

XX. Hoc Ritualis nostri monitum ex Christi exemplo sumptum est, qui cum ipsi oblatus fuisset quidam habens spiritum mutum, interrogavit: *Quantum temporis est, ex quo ei hoc accidit?* Marci 9. v. 20. cui responsum fuit: *Ab infantia.* Quod Christi exemplum secuti sunt Sancti, nam in Vita S. Hermagoræ Episcopi Aquilejæ, & Martyris cap. 2. penes Bollandianos die 12. Julii, qui passus est sub Nerone, legitur, quod cum ad eum reductus fuisset puer a dæmonio vexatus, interrogavit: *Quantum tempus est, ex quo hac causa ei evenit?* cui respondit Pater pueri: *Hodie per triennium non est dies, neque nox, in quo potuerit modicum quid a vexatione quiescere.* Et de S. Parthemio Episcopo Lamplaci narratur, quod antequam energumenum liberaret, dæmonem interrogavit: *Est ne longum tempus ex quo in eo inhabitas?* Dixit dæmon: *A pueritia.* Bolland. in ejus Vita secunda cap. 1. die 7. Februarii. Porro hæc interrogatio necessaria est, ut sciat Exorcista, quæ media adhibere debeat ad disponendum vexatos, qui difficilioris sunt curationis, si a multo tempore sint obsessi, non quidem ex parte virtutis nominis Jesu, sed ipsius energumeni, dicente D. Clemente lib. 4. Recognitionum: *Igitur dæmones, ... si multo tempore permaneant in eis (scilicet corporibus hominum) per negligentiam ipsorum, quia anima sua quod est utile non*

*non requirunt ; necessario cogunt eos habitantium in se demonum facere voluntates . Quæ tamen ultima verba intelligenda sunt , juxta dicta in Commentario Tituli num. 38.*

## De Causa, & aliis hujusmodi.

XXI. Hanc praxim secuti sunt sancti Exorcistæ, alique qui huic muneri operam navarunt. In Vita S. Vincentii Ferrerii *cap. 4. penes Continuatores Bollandianos die 5. Aprilis* narratur, sanctum, priusquam puellam energumenam liberaret, de causa interrogasse dæmonem, præcepto in nomine Jesu facto dæmonemque respondisse. „ Septem anni sunt, quod  
 „ ego una cum nonnullis sociis meis domum  
 „ Parentum hujus puellæ media nocte ingressi,  
 „ conati sumus viro suggerere, ut uxorem  
 „ suam dormientem trucidaret; verum longè  
 „ aliter evenit; ipsa enim uxor ob magnum  
 „ strepitum, quem fecimus, somno excitata,  
 „ munivit se Crucis signaculo, nomenque Christi,  
 „ & Mariæ Virginis nominavit.... Itaque  
 „ nos cernentes eam munitam tam fortibus  
 „ armis, indignantesque totam domum magnis,  
 „ & terribilibus motibus concussimus: puella  
 „ autem hæc, quæ tunc erat decennis, metuens ne domus ipsa corrueret, sub lectum  
 „ fugit, putans se ibi fore tutiorem...., vidensque me nemini nocere posse, quoniam  
 „ omnes se se signo crucis muniverant, corpus  
 „ hujus puellæ, quæ nihil tale fecit, confestim intravi. „ In Vita S. Domnoli Episcopi Cenomanensis *cap. 2. apud Bollandianos die 16. Maii* legitur: „ quod adducti sunt ad eum duo  
 „ dæmoniaci..... sciscitabatur autem ex eis  
 „ S. Antistes, cur id ipsis accidisset, & pereorum  
 „ rum

„ rum ora respondebant immundi spiritus , se  
„ torqueri ab ipso , nec posse coram eo celare  
„ præstigias suas. „ Plura alia similia exempla  
vide passim in hoc Opere nostro , & præcipuè  
in Commentario Tit. num. 59. 69. & 78.

XXII. Necessariam esse hanc interrogationem  
tradunt communiter Doctores , ut nempe cau-  
sa cognita , possint eadem tolli , & consequen-  
ter etiam effectus ; & si sit aliquod peccatum  
obsessi , eo expiato facilius liberetur energume-  
nus , quidquid in contrarium dicat P. Candidus  
Brognolus in *Manuali Exorcistarum parte 1.  
cap. 3. art. 5. quæst. 4.* qui tamen prudenter ad-  
vertit , magnam cautelam esse adhibendam in  
hac interrogatione , quæ fieri non debet , nisi  
paucis ipsius obsessi consanguineis , vel parenti-  
bus præsentibus : nec verbis dæmonum creden-  
dum est , nisi veritati rei sint conformia . Hoc  
ultimum P. Candidi dictum consonat Documen-  
tis V. VII. XIV. & præsentis Ritualis nostri.  
Utinam & tale esset antecedens ejus dictum .

Cæteras autem dæmonis nugas ,  
risus , & ineptias Exorcista co-  
hibat , aut contemnat ; circum-  
stantes , qui pauci esse debent ,  
admoneat , ne hæc curent , ne-  
que ipsi interrogent , &c.

XXII. Solet enim dæmon verbis , & factis nu-  
gari , & lepidum habemus exemplum in mira-  
culis S. Joannis Gualberti , parte 3. apud Bol-  
landianos Scriptores die 12. Julii . „ Anus quæ-  
„ dam , ex Milliano monte , quam ridiculus  
„ in-



33 invaserat demon, a suis ad hoc Virginis Ma-  
 33 riæ Cœnobiū ducta est, jucundum de se,  
 33 & mirabile spectaculum præbens, ut etiam Re-  
 33 ligiosis viris gravitate ornatīs, risum nonnum-  
 33 quam concuteret. Demon enim & hymnum  
 33 Angelicum, & Kyrie eleyson, quandoque  
 33 etiam & Psalmos canens, itaut Sacerdotis  
 33 alicujus animam putares, haud fieri pote-  
 33 rat, quin præ insolita re risum præsentibus  
 33 non daret: interdum verò Sacerdotis ius-  
 33 su his silentium faciens, ut in rem suam  
 33 iret, conjurabatur. Cui ille eachinnans in-  
 33 quit: Concedam alio, si me paululum an-  
 33 tiphonam, seu Psalmum canere jusseritis,  
 33 nulli vestrum in psallendo, & rite canendo  
 33 cedere: & his finitis, nullum a Sacerdote  
 33 expectans responsum, dulciter, more solito,  
 33 divinum aliquid canendo dicere. Cæterum  
 33 Monachis moram longam in hujusmodi nugis  
 33 & ridiculis non valentibus perferre, Sacer-  
 33 doti a Decano imperatum fuit, ut his canti-  
 33 lenis juberet finem imponi. Quid multis opus  
 33 est? Tandem dulciter canendo, absque ulla  
 33 aniculæ læsione, ut fertur, lætitiā osten-  
 33 dens, abiit. 33 Has, & similes nugas cohibe-  
 33 ri jubet Rituale nostrum, ut prædicti Mo-  
 33 nachi fecerunt, & ut etiam cohibuit S. Auxen-  
 33 tius Presbyter, & Archimandrita, de quo in  
 33 ejus vita *cap. 4.* legitur, quod, 33 quadam puel-  
 33 la.... vexata a sævo damone, ... scissa ve-  
 33 ste, cucurrit ad Beatum. Cum autem vidisset  
 33 Christi athleta ejus cum vexaretur a damo-  
 33 ne nuditatem, magna ira percitus, non sinit  
 33 eam loqui: sed eum increpasset immundum  
 33 spiritum, clamans voce magna dixit: egre-  
 33 dere immunde spiritus ex hac creatura in no-  
 33 mine Domini nostri Jesu Christi, qui in-  
 33 car

„ carnatus fuit de Spiritu Sancto ex Maria Vir-  
 „ gine. Stridens itaque, & ejulans dæmon, exiit  
 „ protinus a puella, cum nec ei quidem fuisset  
 „ omnino permissum nugari per creaturam. „  
*Apud Bollandum 14. Februarii.*

XXIV. Rationem hujus saluberrimi moniti  
 dat Angelicus Doctor 1. 2. q. 89. art. 4. ad 3. ubi  
 docet, quod *Angeli mali.... provocando homi-*  
*nes ad risum, & ad alias hujusmodi levitati-*  
*tes, .... procurant, ut homines ad sui familia-*  
*ritatem attrahant, & sic deducant eos in pec-*  
*catum mortale.* Aliam rationem deducere pos-  
 sumus ex quodam facto S. Eberhardi Archiepi-  
 scopi Salisburgensis, apud Bollandianos *Conti-*  
*nuatores die 22. Junii.* Scribit enim Auctor vi-  
 tæ „ quædam dæmoniaca adducitur, supra quam  
 „ cum Exorcismum legeretur, spiritus nequam,  
 „ qui inerat, variis linguis fabulabatur. Dum  
 „ verò fit illi comminatio a Clero per Beatum  
 „ Virgilium, dæmon Clerum subsannat, & in in-  
 „ ferno reliquisse clamat. Quæritur ergo quis,  
 „ vel cujus ille Virgilius sit? At ille, Mantua-  
 „ num Poetam fuisse respondi, Virgilium au-  
 „ tem, per quem adjurabatur dæmon, erat  
 „ S. Virgilius Salisburgensis Episcopus, qui co-  
 „ litur 27. Novembris. Ex quo apparet, dæ-  
 „ monem nugari non solum ut homines in pec-  
 „ catum inducat, sed etiam ut justos infamet.

Sed potius humiliter, & enixe  
 Deum pro eo precentur.

XXV. Si enim hæc non observabunt adstan-  
 tes, sed potius curiositate ducti, functioni in-  
 tersunt, caveant, ne ipsis accidat quod cui-  
 dam evenit, de quo habetur sermo in colle-  
 ctio-

atione miraculorum S. Philippi Presbyteri Agyriensis, indicata a Bollandianis in Commentario prævio ad Vitam Sancti die 12. Maii. Legitur enim, quod cum in festo S. Philippi energumena 200. quæ ad festum convenerant, fuerint liberatæ,, dæmon ab ipsa (*scilicet una damoniaca*) mox in servum quemdam hæc curiosis insipientem.... migravit.,,



## DOCUMENTUM XI.

**E**Xorcismos verò faciat, ac legat cum imperio, & auctoritate, magna fide, & humilitate, atque fervore: Et cum viderit spiritum valdè torqueri tunc magis instet, & urgeat, & quoties viderit obsessum in aliqua corporis parte commoveri, aut pungi, aut tumorem alicubi apparere, ibi faciat signum Crucis, & aqua benedicta aspergat, quam exorcizando in promptu habeat.

### S U M M A R I U M.

1. **Q**uid sit Exorcismus.
2. **Q**ui fiat cum imperio, cum insit in eo magna vis;

3. Et



3. Et vis Exorcista explicatur, usque ad num. 7.
8. Fides Theologica requiritur in Exorcista, usque ad num. 11.
12. Quadam difficultas refertur,
13. Et solvitur.
14. Fiducia, qua est necessaria Exorcista definitur, & explicatur.
15. Ejus necessitas ostenditur,
16. Et qualis esse debeat.
17. Hac petenda est a Deo.
18. De humilitate Exorcista, aliqua indicantur remissive.
19. Exponitur vis signi Sanctae Crucis, & n. 20.
21. Ubi faciendum sit hoc signum traditur,
22. Et quam frequenter,
23. Et qua fiducia.
24. Assignantur rationes, quare tanta vis insit signo Crucis, & num. 25.
26. Alia item rationes adducuntur quare non semper suum producat effectum.
27. Vis aquae Benedictae,
28. Et usus ejus in exorcizando obsessos,
29. Et in abigendis demonum terribilamentis,
30. Et ad Maleficia, & prestigia dissolvenda, & num. 31.
32. Quare non semper idem operetur, explicatur.

## COMMENTARIUM.

### Exorcismos.

1. **E**Xorcismus, ex D. Isidoro lib. 2. de Ecclesiasticis officiis cap. 20. Est sermo incantationis contra immundum spiritum in energumenis, sive Cathecumenis factus, per quem ab illis diaboli nequissima virtus, & inveterata

*rata malitia, vel excursio violenta fugatur.*  
 Exorcismi forma tradit Prudentius in Apothecosi contra Judæos his versibus:

- - - - - *torquetur Apollo*

*Nomine percussus Christi, nec fulmina verbi  
 Ferre potest: agitant miserorum tot verbera lingua,  
 Quot laudat Dei resonant miracula Christi.  
 Intonat Antistes Domini: fuge callide Serpens,  
 Exue te membris, & spiras solve latentes.  
 Mancipium Christi fur corruptissime vexas:  
 Desine, Christus adest, humani corporis ultor:  
 Non licet ut spoliū rapias cui Christus inhaesit.  
 Pulsus abi ventose liquor, Christus jubet, exi.  
 Has inter voces, &c.*

**Faciat, ac legat cum Imperio,  
 & auctoritate.**

II. Sic legimus fecisse Christum, de quo scribitur Matthæi 17. v. 18. *Et increpavit illum Jesus, & exiit ab eo demonium.* Et Marci 9. v. 24. *Et cum videret Jesus concurrentem turbam, comminatus est spiritui immundo, dicens illi: Surde, & mute spiritus, ego precipio tibi, exi ab eo, & amplius ne introeas in eum;* Præterea, maxima vis inest exorcismis, interposito Jesu Nomine: Divini enim sunt, atque ex divinis scripturis collecti, inquit S. Cyrillus Hierosolymitanus, in *Præfat. Catecheseon*. Sed audiat S. Justinus Martyr in *Dialogo cum Tripphone*: *Dei nominis, inquit, potentiam demones tremunt, & reformidant, & hodie quoque illi per nomen Jesu Christi Crucifixi sub Pontio Pilato, qui Judæa procuratorem egit, adjurati, nobis parent, ut inde etiam omnibus pateat, Patrem ei tantam dedisse potentiam, &*  
*virtu-*

virtutem, ut & demonia nomini ipsius, & passionis ipsius obita functioni subiecta sint. Quemadmodum, explicat S. Cyrillus Hierosolymitanus loco citato, aurifabri per quadam subtilia instrumenta sufflantes ventulum igni, & aurum in fornace conflantes, excitantesque propositam flammam, id quod quarunt reperiunt: sic cum Exorcista per Spiritum sanctum incutiunt timorem, & in corpore, tamquam in fornace, animam accendunt, fugitque tunc inimicus demon. Et Catechesi Mystagogica 2. Dei invocatio, ait, tamquam vehementissima quædam flamma urit demones, & in fugam convertit.

III. Hinc tenendum est, in Exorcismis inesse virtutem ex opere operato, ut colligitur ex D. Thoma 3.p. quæst. 71. art. 3. inquirens enim: *An ea quæ aguntur in exorcismo aliquid efficiant*; in corpore articuli sic respondet: *Dicendum, quod quidam dixerunt, ea, quæ in exorcismo aguntur, nihil efficere, sed solum significare: sed hoc patet esse falsum per hoc, quod Ecclesia in exorcismis imperativis verbis utitur ad expellendam demonis potestatem; puta cum dicit: Ergo maledicte diabole exi ab eo, &c. Et ideo dicendum est, quod aliquem effectum habet, differenter tamen ab ipso Baptismo.* Idem docet in 4. dist. 6. q. 2. art. 3. *quæstiuncula 2.* Cum autem ejusdem rationis sint Exorcismi, quibus adjuratur baptizandus, ac energumenus liberandus, sequitur, quod si primi semper aliquid operantur in ordine ad demonis expulsionem, ita & secundi, & consequenter ex opere operato.

IV. Et quamvis expulsionem demonis infalibiliter non consequantur (ut præter experientiam, patet Matth. 17. v. 14. & 15. *Accessit ad*



*eum homo genibus provolutus ante eum, dicens: Domine miserere Filio meo, quia lunaticus est, & male patitur: nam saepe cadit in ignem, & crebro in aquam, & obtuli eum discipulis tuis, & non potuerunt curare eum*) sicut consequuntur Sacramenta, quæ quia gratiam ex opere operato causant, semper causant quantum est ex se, si ex parte subjecti non ponatur obex.

V. Tamen adhuc stat, quod virtutem ex opere operato habeant Exorcismi, ac proinde semper suum causent effectum; dæmonis namque expulsio dupliciter considerari potest; Primo completè, & perfectè: Secundò incompletè, seu inchoatè. Primo modo importat expulsionem totalem dæmonis a corpore obsessi, ita ut nullimodè in eo remaneat: Secundo modo non dicit hanc expulsionem totalem, sed inchoatam, in quantum potestas, & virtus dæmonis, in ordine ad torquendum energumenum, aliquo modo per exorcismos minuitur, & attenuatur; & dicitur expulsio inchoata, quia est via, & principium, quo pervenitur ad ultimam, & perfectam dæmonis expulsionem. Itaque Exorcismi ex opere operato habent virtutem ad expellendos dæmones, vel expulsionem perfectam, & completam, vel saltem expulsionem imperfectam, & inchoatam, ac proinde infallibiliter semper aliquem ex his effectibus obtinent; vel primum, si Deo placet; vel secundum. Hæc Doctrina deducitur ex D. Thoma loco citato, ubi concedit Exorcismo, qui fit in Baptismo aliquem infallibilem effectum; quæ ratio militat etiam in aliis exorcismis, cum ejusdem generis sint, ab eademque Ecclesiæ auctoritate dimanent.

VI. Sic intelligenda sunt, quæ diximus in Commentar. Document. I. num. 26. quod scilicet forma Sacramentorum nedum est efficax, sed infal.

infallibilis in ordine ad suum effectum completum, positis omnibus requisitis; in exorcismis verò non sic interdum evenit, etiam positis omnibus conditionibus, loquendo de expulsiōe completa, non verò de inchoata, cum hæc semper sit infallibilis. Eodem modo intelligendi sunt S. Augustinus, & D. Bernardinus *ibidem* adducti.

VII. Imò tanta est Exorcismorum vis, ut non solum voce prolati, sed & solum scripti demones abigant, ut colligitur ex facto quodam S. Philippi Presbyteri Agyrinensis, qui floruit Sæculo IV. nam hic Sanctus a Pontifice Romano Sacerdos creatus, ab eodem accepit librum Exorcismorum, per quem *signo facto, visa est demonum turba instar lapidum volutari ex montis vertice*, (montis scilicet Argyri in Sicilia, qui est è regione Ætnæ) *fugientesque lugubri voce clamabant: Vae nobis .... hinc pellimur!* ut legitur in ejus Vita cap. 2. *penes Bollandianos* 12. Maii. Vide quæ diximus in Comment. Document. IV. num. 3.

VIII. Præter vim Exorcismorum, attendenda etiam est auctoritas ipsius Exorcistæ, de qua Hugo Rothomagensis *lib. 2. contra Hæreticos sui temporis cap. 6.* hæc scribit: *Exorcistas benedictio Pontificalis Imperatores facit, non emolumentum terreni, non potentia carnalis, sed ex virtute Dei, qua Satanam, & omnem nequitiam ab energumenis, & quibusque damoniis, invocato nomine Jesu, præmissa oratione, facta exufflatione, propellunt.* His Patrum testimoniis perspectum habet Exorcista, quo imperio, & auctoritate adjurationes legere debeat.

## Magna fide.

IX. De fide plura diximus supra in Commentario Documenti VIII. *num. 39. & seqq.* quæ ad instructionem tum vexati, tum Exorcistæ pertinent. Hic solum aliqua addemus solius Exorcistæ Officio accomodata. Igitur nomine fidei potest hic intelligi fides Theologica, & fides, quæ vocatur fiducia. Si de prima loquamur, in Exorcista planè requiritur, ut constat ex Marci ultimo v. 17. *Signa autem eos qui crediderint hac sequentur: in nomine meo demonia ejicient.* Et ratio esse potest, quia si debent Exorcistæ expellere dæmonem per invocationem nominis Dei; quomodo invocabunt in quem non credunt? ut loquitur Apostolus *ad Rom. 10. v. 14.* Hinc Hæretici dæmones ejicere non solent ob defectum Theologicæ Fidei, & id audentes illis accidit, quod septem filiis Scevæ, qui Paulum exorcizando imitabantur, de quibus *Actor. 19. v. 13.* dicitur: *Tentaverunt autem quidam, & de circumventibus Judæis Exorcistis invocare super eos, qui habebant spiritus malos, nomen Domini Jesu, dicentes: Adjuro vos per Jesum, quem Paulus predicat: Erant autem quidam Judæi Sceva Principis sacerdotum septem filii, qui hoc faciebant. Respondens autem spiritus nequam dixit eis: Jesum novi, & Paulum scio, vos autem qui estis? Et insiliens in eos homo, in quo erat demonium pessimum, & dominatus amborum invaluit contra eos, ita ut nudi, & vulnerati effugerent de domo illa.* Huic simile legitur in Vita S. Polycarpi Episc. & Martyris *cap. 3.* apud Bolland. in actis Sanctorum *tom. 2. Januarii die 24.* ubi narratur, quod servus cujusdam Ducis, a dæmone arreptus vociferabatur, neque sui



„ ipse compos erat . . . . . adfuerunt Judæi incan-  
„ tare eum cupientes : Ipse verò unicus cum  
„ esset, ii verò multi, ita illos verberibus mul-  
„ ctavit, ut parum abfuerit, quin eos interfi-  
„ ceret, & dilacerans eorum vestes, nudos, &  
„ sanguine conspersos dimisit. „ Nec absimile est  
illud, quod refert Staphilus in responsione con-  
tra Jacobum Schmidelinum : „ Possum ego, in-  
„ quit, redigere mihi in memoriam anno 1545.  
„ damoniacam quamdam puellam è Misniæ di-  
„ tione, adductam Wittembergam ad Lutherum  
„ ea spe, quod Lutherus puellam illam a malo  
„ damonio liberaturus esset. Quamvis autem  
„ Lutherus ad hoc admirandum, & magni mo-  
„ menti opus initio non parum difficilem se  
„ ostenderet, ac tandem tamen jussit puellam  
„ adduci in Parochianæ Ecclesiæ Wittembergæ  
„ sacrum, illicque coram aliis plerisque  
„ Doctoribus, & eruditis viris ( inter quos ego  
„ tum quoque magister Juvenis aderam ) dæ-  
„ monem cœpit adjurare, & exorcizare; sed  
„ id tamen more suo, non eo, qui apud catho-  
„ licos receptus, & usitatus est. Cum autem  
„ ille diu multumque adjurasset damonem, ce-  
„ dere ille noluit; sed eas in angustias, sit ve-  
„ nia verbo, Lutheri caligas redegit, ut is  
„ quamprimum è sacro se proripere vellet.  
„ At quid accidit? Malignus ille demon usque  
„ adeo fores sacrarii obstruxerat, ut neque fo-  
„ rinsecus, neque intrinsecus aperiri possent.  
„ Quæ res Lutherum in majores etiam angu-  
„ stias adduxit, itaut etiam ad fenestram pro-  
„ peraret, sperans per eam se posse effugere,  
„ & exilire. Verum obstabant illi cancelli ferrei,  
„ sicque compulsus est una nobiscum tantisper  
„ inclusus hære, donec per cancellos ferreos  
„ ab adituo nobis oblata securis, mihiq; ceu

„ Juveni ultro tradita, ut ea fores effringerem,  
 „ quod equidem tum conatus sum, ut ad effie-  
 „ tum perduxim. Interea verò risu admirandum  
 „ erat, ut Lutherus angoribus correptus, sur-  
 „ sum, deorsumque cursitaret, atque instar  
 „ parturientis, huc, illucque se inverteret. „  
 Hæc Staphilus.

X. Id mirè confirmant ea, quæ ex Surio tradit  
 Odoricus Raynaldus in *Annal. Ecclesiastic. tom.*  
*21. part. 2. ad ann. 1563. num. 225.* „ Mense Mar-  
 „ tio hujus anni, in suburbio Augustæ Vinde-  
 „ licorum, apud S. Georgium, Textor quidam  
 „ habuit Filiam annorum viginti a malo dæmo-  
 „ ne obsessam, atque dirissimè vexatam, adeo  
 „ ut Parentes ejus tantam calamitatem cernere  
 „ amplius non sustinentes, Augustanæ Confes-  
 „ sionis Lutheranos Concionatores ejusdem ur-  
 „ bis (erant enim ipsi quoque Lutherani) con-  
 „ filii, & opis petendæ causa adierunt. Et ve-  
 „ nerunt quidem nonnulli ex evangelicis illis  
 „ præconibus ad puellam dæmoniacam, arbi-  
 „ trati se virtute, & efficacîa Lutherici evan-  
 „ gelii satanam illum expulsuros, sed satanas  
 „ satanam non ejicit. Conati sunt tamen aliqui  
 „ facere, sed securus eos contempsit teter spi-  
 „ ritus, quippe qui Lutheri carnale evangeli-  
 „ um floccipendat; ne tamen nihil fecisse puta-  
 „ rentur, jusserunt Parentes diligentem habere  
 „ puellæ curam. Posse enim Deum facile rursus  
 „ liberare puellam, si ejus permissu id illi ac-  
 „ ciderit. Porro virgo quædam Mathiæ Jurati,  
 „ ejus urbis quondam Chirurgi Filia, Anna  
 „ nomine, cum famula Margarita ex pia qua-  
 „ dam Christianæ pietatis commiseratione ad  
 „ eandem puellam, invisendi gratia, in Hy-  
 „ pocaustum venit, perspectaque ejus miseria,  
 „ cum existimaret eam non posse unum vivere  
 „ die n

„ diem, agrè tantum Parentes puellæ permo-  
„ vere potuit, ut accersitum mitterent D. Si-  
„ monem sacrae Theologiae Doctorem, & apud  
„ D. Mauritium Augustæ Catholicum Ecclesia-  
„ stem. Rogatus ille, ut laboranti puellæ suam  
„ præsentiam non denegaret, ad iter se accin-  
„ xit..... & ad limen domus, ubi ea jacebat,  
„ accessit.... Postquam verò Theologus Dei cœ-  
„ pit implorare opem, ... simul atque a Theo-  
„ logo dictum est: Præcipio tibi &c. aliquanto  
„ post respondit: Compellor igitur hinc egredi ?  
„ Ait Theologus: In nomine Jesu Regis Gloriæ  
„ præcipio tibi. Tunc aliqua interjecta mora....  
„ puella.... sursum erectis luminibus, Deo lau-  
„ des, gratesque agens, ita ait: Jam nunc ego  
„ agnosco, & video Deum meum .... liberata  
„ sum Dei gratia.... Hanc historiam quisquis  
„ sincero perlegit animo, facile videt, apud  
„ Sectarios nullam esse dæmonum expellendo-  
„ rum potestatem, eamque apud Catholicos in  
„ hanc usque diem permanere; nec erit quis-  
„ quam tam impudens, qui rei hujus verita-  
„ tem negare ausus sit; cum graves viri eam  
„ apud Augustanos compertissimam esse testen-  
„ tur: „ Hucusque Surius.

XI. Sed quomodo Hæretici interdum obsessos  
liberaverint, audiat a Spondano in Annal. Ec-  
clesiast. *ad ann. 1562. num. 50.* qui hæc scribit: „  
„ Quo eodem anno (*nempe 1562.*) acta est in  
„ Belgio apud Insulanos fabula minimè tacenda,  
„ quam idem ipse, qui egit, Matthæus Lau-  
„ noy Gallus descripsit in responsione ad Calvi-  
„ nistas, ex quorum ministerio ad Catholicam  
„ Ecclesiam rediens, causas reditus in publicum  
„ ediderat, contra quas Calvinistæ scripserant.  
„ Igitur is, cum Tornaci hæresim magno no-  
„ mine prædicaret, ac contigisset in Insulis, Ec-  
„ clesiæ



33 clesiae Catholicae Ministerio, daemon è quodam  
 33 honorato homine exorcismis pulsus esset, mul-  
 33 tique pariter Rotornaci urbe Flandriae Sancto-  
 33 rum precibus curari demoniaci dicerentur:  
 33 ejus ditionis seniores haëreticorum multum  
 33 suae apud homines existimationi decessurum  
 33 rati, si quod esset ab Apostolis factitatum, & in  
 33 Ecclesia Papistica, ut vocabant, fieri homines  
 33 coram intuerentur, id præstare suae reforma-  
 33 tionis Antistites minus possent: cum quodam  
 33 Ludovico in Pago Quesnoy, & uxore cujusdam  
 33 ipsorum Diaconi Perenchei, ejus item ditio-  
 33 nis Pago commorantibus paciscuntur, nume-  
 33 rata pecunia, atque in annos singulos certo  
 33 redditu, ut daemoniacos se se profiterentur, cu-  
 33 rarique se a suis paterentur. Pactis susceptis,  
 33 illisque indecoris motibus, & inconditis ser-  
 33 monibus rem mentientibus, rogatur Mat-  
 33 thæus technæ inscius, eorum curam suscipe-  
 33 re; qui diu reluctatus, demum expugnatus  
 33 ad eos seorsim accedens, primo mulierem,  
 33 deinceps & virum, egregie suas collusionis  
 33 partes agentes, post multos ludos & repu-  
 33 gnantias, tandem liberasse visus est, tamquam  
 33 vir Divinus, inde ab omnibus cultus. Qui  
 33 post aliquos annos technam edoctus, occasione  
 33 litis, quam illi demoniaci movere debitori-  
 33 bus, ob pecunias non præstitas, obstupuit  
 33 ad fraudem, & facinus detestatus, publicum  
 33 illud facere voluit in confusionem falsæ, &  
 33 deceptricis religionis, quod etiam Florentius  
 33 Vanderhaer eodem fine inferere tractatui suo  
 33 de initiis tumultuum Belgicorum consenta-  
 33 neum judicavit. „ Ecce quomodo Sectarii  
 33 energumenos liberent.

XII. Scio quid referat S. Irenæus *lib. 2. cap. 5.*  
 de Judæorum Exorcismis his verbis: *Divini no-*  
*minis*

minis invocationem tremit universa creatura,  
 & principatus, & potentia, & omnis subiecta  
 virtus. Et propter hoc Judæi usque nunc hac  
 ipsa advocacione demones effugant, quando om-  
 nia timeant invocationem ejus, qui fecit omnia:  
 Non me latet quod scribit S. Martyr Justinus in  
 Dialogo cum Tryphone Judæo. Si demonia, in-  
 quit, adjuretis per nomina vestrorum regum,  
 Prophetarum, Patriarcharum, atque Justorum  
 nullum non erit contumax. At si quis vestrum  
 adjuret ea per Deum Abraham, Isaac, & Jacob,  
 fortasse obsequentur: & consequenter a perfidis  
 Judæis absque fide olim fuisse ejecta demonia.

XIII. Verum hæc obstare minimè videntur;  
 dicerem namque id interdum Deum permisisse  
 Judæis, ut ostenderet efficaciam sanctissimi sui  
 nominis, atque etiam per tale medium ad cre-  
 dendum in eum, quem crucifixerunt, induce-  
 ret. Præterea, id permisisse, ut omnipotentiam  
 suam, ac bonitatem apud omne hominum ge-  
 nus manifestaret, ac effunderet: cæterum de  
 lege ordinaria hoc non evenire certum est tum  
 experientia, tum ex regula Christi: *Signa autem  
 eos, qui crediderint, hæc sequentur: in Nomi-  
 ne meo demonia ejicient.* Addo, quod D. Ju-  
 stinus dubitanter loquitur; ait enim, *fortasse;*  
 imò videtur asserere hoc accidisse Judæis pro-  
 pter media supersticiosa, & magica, quæ in in-  
 vocatione Dei adhibebant: statim enim subjun-  
 git: *utuntur tamen vestri Exorcista arte hac,  
 sicut & Gentes, adbidendo suffitus, & alliga-  
 menta.*

XIV. Si sermo sit de fiducia, quæ ex D. Tho-  
 ma 2. 2. q. 129. art. 6. est *robur spei proveniens ex  
 aliqua consideratione, quæ facit vehementem,  
 & firmam opinionem de bono assequendo, cre-  
 dendo verbis alicujus auxilium promittentis,*  
 est

est necessaria in Exorcista, & exprellius defini-  
niri potest, quod sit spes firmissima, & robu-  
stissima futuri auxilii concepta ex frequentatis  
actibus fidei Theologicæ, qua quis firmiter cre-  
dit Deum nedum posse ratione suæ Omnipoten-  
tiæ, sed ratione etiam suæ infinitæ boni-  
tatis, benignitatis, ac fidelitatis velle ei conce-  
dere quod animæ est salutare.

Fides, & fiducia minimè idem sunt, imò lon-  
gè differunt. ( Ut loquar cum nostro doctissimo  
Capitonio in explicationibus catholicis *part. 2. ex-  
plicat. 17.* ) „ Primum enim Deum agnoscere, in  
„ illumque credere, quod est fides, quam in illum  
„ confidere oportet, sicut 2. *ad Timoth. 1.* de se  
„ dixit Apostolus: *Scio cui credidi*, en tibi fi-  
„ des, & *certus sum, quia potens est depositum*  
„ *meum servare in illum diem*; en fiducia. Ju-  
„ das Christi Discipulus credebat utique in eum,  
„ sed magno traditionis scelere considerato, fi-  
„ duciam salutis non habuit. „ Non ergo una  
res fides, & fiducia. Hucusque Capitonius. Dif-  
fert insuper fiducia a fide theologica, ut docet  
Sylvius in 2. 2. *q. 1. in initio*; quia fides resi-  
det in intellectu, fiducia in voluntate; fides ver-  
satur circa bona, & mala, fiducia tantum cir-  
ca bona; fides omnem dubitationem excludit;  
fiducia compatitur secum aliquid dubitationis:  
hoc est, fiducia non requirit certitudinem in-  
tellectus de re impetranda, sed solum firmam  
adhæssionem voluntatis erga bonitatem Dei, a  
qua sperat homo se impetraturum quod postu-  
lat, ut explicat Bellarminus *tom. 4. Controver-  
siar. lib. 3. de Justificatione cap. 13. in responsio-  
ne ad primum argumentum Bucerii*. Bona enim,  
prosequitur Sylvius, cum fiducia quadam tene-  
mus, de quibus non sumus planè certi, neque  
omnino firmiter ea existimamus, ut nos obtinuif-  
se



se remissionem peccatorum, esse in statu gratiæ &c.

XV. Ratio autem quare hæc fiducia in Exorcista requiratur; est primò, quia hæc fide, ac spe solidata, imò fidem, & spem perficiens, virtutem habet impetrandi, juxta illud: *fides*, hoc est fiducia, *impetrat*. Secundò, quia Christus Dominus cum interrogatus a Discipulis fuit, quare ipsi non potuissent expellere dæmonem ab illo lunatico, sicut ejecerant ab aliis obsessis: *Quare nos non potuimus ejicere illum*, respondit, Matth. 17. v. 19. *Propter incredulitatem vestram*, scilicet propter vestram modicam fiduciam. Hinc appositè Paschasius Ratbertus lib. 8. in Evang. Matth. ait: *Ideo quotiescumque petentes non accipimus, non Salvatoris nostri est impossibilitas, sed culpa deprecantium, dum aut male petunt, aut non cum integra fide petunt.*

XVI. Porro hæc fiducia talis esse debet, ut excludat timorem, vel animi trepidationem; juxta supra datam explicationem, nam ut ait D. Thomas 2. 2. q. 129. art. 6. ad 2. Cum fiducia sit quoddam robur spei, ideo opponitur timori; debet esse non trepida, nec tepida, sed sit fiducia, id est, fides non ficta, seu spes non infirma, ut ait Guarricus Abbas Ignaciensis serm. 2. de S. Benedicto in Biblioth. PP. tom. 23. Debet esse sicut granum synapis, dicente Christo Domino Matth. 17. v. 19. *Si habueritis fidem sicut granum synapis, & dicetis monti huic: Transi hinc, & transibit.* Super quæ verba ait Christianus Drutmarus, vulgò Grammaticus in cap. 37. Matthæi: *Non ideo fides grano Synapis comparatur, quod parva sit, sed quia flagrans est, & magna.... Dicetis huic Monti transi inde, & transibit. Mons hic ipse diabolus, intelligitur, quia ejectus fuit tunc de ho-*

*homine, & inde dicit monti huic; unde in Apocalypsi dicitur: diabolus tamquam mons magnus missus est in mare; & in alio loco: mons pestifer, qui corrumpit omnem terram.*

XVII. Hæc eadem fiducia a Deo petenda est, cum sit donum ejus, ex D. Augustino, *enarrat in Psalm. 88. serm. 1. dicente: Deus dat nobis ad eum fiduciam, non meritum nostrum, sed illius misericordia.* Hoc tamen non obstat, quin nos gratiæ Dei cooperantes, eam fiduciam excitare in nobis, atque accipere possimus, considerando promissiones Dei, ejus veritatem, fidelitatem &c. ut dictum est in Commentario Documenti VIII. a *num. 42*

## Et humilitate, atque fervore.

XVIII. De humilitate similiter videantur, quæ diximus in Commentar. Documenti I. *num. 36* & de fervore, confer pariter Commentarium Documenti VIII. *num. 14.*

## Et quoties viderit obsessum in aliqua corporis parte commoveri, aut pungi, aut tumorem alicubi apparere, ibi faciat signum Crucis.

XIX. *Quanto terrori sit demonibus hoc signum, inquit Lactantius Institut. Divinar. lib. 4. cap. 27. sciet, qui viderit quatenus adjurati per Christum de corporibus, quæ obsederint fugiant.... Sectatores ejus (nempe Christi) eosdem spiritus inquinatos, de hominibus & nomine magistri*

*Arisui, & signo Passionis excludunt.* Rursus D. Athanasius Orat. de Incarnatione Verbi, ejusque corporali ad nos adventu : Solo, ait, Crucis signo utens homo, dolos illorum (scilicet dæmonum) a se propellit; cum prius dixisset: Signo Crucis omnia magica compeſeuntur, veneficia inefficacia fiunt.

XX. Hanc vim agnoscentes Sancti, interdum solo Crucis signo dæmones effugarunt. Sic S. Furſeus Confessor " facto Crucis signaculo „ effugavit dæmonium, reddiditque .... salu- „ tis remedium " duobus energumenis, ut *cap. 7. Miraculorum ejus*, legitur penes Bollandum die 16. *Januarii*. Sic S. Gregorius Episc. Lingonien- sis " sine ullo tactu, facto tantum signo Crucis „ è contra, dæmonia discedere imperabat: quod „ illa protinus audientia, corpora quæ sua ne- „ quitia divexerant absolvebant. " Ut narrat S. Gregorius Turonensis in *Vitis PP. cap. 7*. Sic de S. Hicetio Treverorum Episcopo, narratur pa- riter *ibidem*, quod " tres energumeni pressi so- pore quiescebant, cernensque eos somno dedi- „ tos, fecit signum Crucis è contra, statimque „ expergefacti elevantes in sublime voces, da- „ to impetu ad vomitum, emundati sunt. " S. Petrus Cluniacensis Abbas *lib. 2. de Miraculis cap. 20*. scribit: quod Matthæus Cluniacensis, & Episc. Albanensis " morbo diutino fatigatus, quie- „ ſcentibus sociis, in lecto decumbebat. Et ec- „ ce subito velut in perturbatam vocem pro- „ rumpens, circumjacentes vocavit: Quibus „ astantibus horribilem malignorum spirituum „ turbam sibi apparuisse, seque valde terruiſ- „ se narravit. Ita, inquit, mihi conspicui fue- „ runt, ut mirum mihi sit si vos latere potue- „ runt; qui signo quidem Crucis a me facto, „ pavefacti statim disparuerunt. " S. Andreas



Cretensis orat. in S. Patapium Monachum Thebanum tom. 10. Biblioth. PP. scribit, quod hic Sanctus energumenum liberavit" digito in aere „ Crucis figuram exprimens. " S. Beda in vita S. Arnolphi Episcopi, narrat, quod" opposito Crucis „ vexillo, liberavit mulierem ab hoste maligno. " D. Antoninus 2. part. hist. tit. 10. cap. 13. §. 1. hæc refert de S. Maurilio Episcopo Andegavensi, quod „ dæmonia in Idolis latentia clamare ceperunt, quid nos Maurilius hic etiam persequeris? .... Signo autem Crucis per ipsum opposito, repente rugitu magno dæmonia non „ sine immenso fetore fugerunt. „ Tandem, ut plura alia omittam exempla, de S. Melanio Episcopo Rhedonensi in ejus Vita cap. 3. narratur: „ „ mox verò ut signum Sanctæ Crucis Sanctus „ Dei Antistes Melanius contra eam ( scilicet „ energumenum ) digitis expressit, ab ea protinus „ malignum spiritum expulit, & eam sanam, „ Domino cooperante, reddidit. „ Penes Bollandum 6. Januarii.

XXI. In casu a nostro Rituali proposito, faciendum est signum Crucis in parte corporis singulariter a dæmone vexata; at verò extra prædictam hypotesim, potest fieri in aere *contra locum*, ubi adversarius timetur, ut quibusdam relatis exemplis patet. Secundò, in *fronte*. Non pudeat, ait S. Cyrillus Hierosolymitanus Catechesi 13. nos *Crucifixum confiteri*, sed in fronte *confidenter signaculum Crucis digitis imprimatur* ..... *magna hæc est custodia*, ..... & *timor dæmonum*. D. Cyrillus Alexandrinus lib. 6. contra Julianum: *Ipsam impugnat, eo quod garriat, Catholicos Domus, & frontes signo pretiosa Crucis signare*; & S. Hieronymus Epist. ad Demetriadem: *Cludas*, inquit, *cubiculum pectoris, & crebro signaculo Crucis munias frontem tuam*,

ne exterminator Aegypti in te locum reperiat.  
Tertiò in corde. Aurelius Prudentius in Hymno  
ante somnum, canit:

*Fac, cum vocante somno  
Castum petis cubile,  
Frontem, locumque cordis  
Crucis figura signet.*

Sic energumenos liberabat S. Frodobertus Abbas  
Trecensis, signando scilicet eos in fronte, & in  
pectore; legitur namque in ejus Vita cap. 2. pe-  
nes Bollandum die 8. Januarii. „ In effugandis  
„ dæmonibus ea virtutis præstantia præpolle-  
„ bat, ut cuicumque energumeno in fronte, vel  
„ pectore signum Crucis imprimeret, mox,  
„ ejus compellente imperio, malignus spiritus  
„ effugatus abiret. „ Quartò, in ore. Martialis  
Epistol. ad Burdigalenses cap. 8. scribit: *Crucem  
Domini, in quem credidistis Deum verum, &  
Dei Filium, semper in mente, in ore, in signo  
tenet. Crux enim Domini armatura vestra invi-  
cta contra satanam, galea custodiens caput, lorica  
protegens pectus, clypeus tela maligni repellens,  
gladius iniquitatem, & angelicas insidias per-  
versa potestatis sibi propinquare nullo modo si-  
nens.*

XXII. Quam frequenter autem adhibendum  
sit hoc salutiferum signum, constat nedum ex  
Hieronymo supra relato, sed etiam ex Cyrillo  
Hierosolymitano, qui post pralaudata verba sta-  
tim subdit: *In aliis omnibus Crux fiat: in pa-  
nibus comedendis & poculis bibendis, in egressu,  
& ingressu; ante somnum recumbendo, & sur-  
gendo, eundo, & quiescendo. Et Tertullianus  
lib. de corona Militis cap. 3. Ad omnem, inquit,  
progressum, atque promotum: ad omnem aditum,  
& exitum, ad vestitum, & calceatum, ad lava-  
tra, ad mensas, ad lumina, ad cubilia, ad sedilia,*

*quacumque nos conversatio exercet, frontem Crucis signaculo terimus. Si ergo tam frequens esse debet Christianis omnibus signum S. Crucis; qua frequentia adhibendum erit ab obsessis?*

XXIII. Advertendum tamen, quod cum fiducia fiat, ut monet S. Joannes Chrysostomus homil. 55. in Matth. *Quando, inquit, te Cruce signas, magna tuam frontem arma fiducia, .... nam si hoc modo cum faciei tuae impresseris, nullus scelestorum demonum cum hastam videat, quales lethale vulnus suscepit, congregari tecum audebit.*

XXIV. Si autem quæras, ex quo proveniat tanta vis signi Crucis adversus dæmones, rationes colligere poteris ex allatis SS. Patribus. Duas tamen potissimas dabo. Prima est, tantam vim oriri ex virtute ipsi signo a Deo impressa, quod contra dæmones vim habet vi sua, seu ex opere, ut ajunt, operato; cum valeat etiam si ab infidelibus adhibeatur, ut D. August. scribit lib. 83. *Quæstionum, quæst. 79. inquit: Nec mirum est, quod hæc signa valeant, cum a bonis Christianis adhibentur, quando etiam cum usurpantur ab extraneis, qui omnino suum nomen ad istam militiam non dederunt: propter honorem tamen excellentissimi Imperatoris valent.* Hanc S. Doctoris doctrinam mirè probat id, quod refert S. Gregorius Magnus lib. 3. *Dialogor. cap. 7.* "Judæus quidam, scribit, ex Campania partibus Romam veniens, Appiæ carpebat iter, qui ad Fundanum clivium perveniens, cum jam diem vesperasse cerneret, & quo declinare posset minimè reperiret, juxta Apollinis templum fuit, ibique se ad manendum contulit. Qui ipsum loci illius sacrilegium pertimescens, quamvis fidem Crucis minimè haberet, signo tamen se Crucis munire curavit. Nocte autem media ipso



„ ipso solitudinis pavore turbatus, pervigil ja-  
 „ cebat, & repentè conspiciens, vidit maligno-  
 „ rum spirituum turbam, quasi in obsequium  
 „ cujusdam potestatis præire; cum verò, qui  
 „ cæteris præerat, in ejusdem gremio loci con-  
 „ sedisse, qui cœpit singulorum spirituum obse-  
 „ quentium sibi causas, actusque discutere,  
 „ quatenus unusquisque, quantum nequitia  
 „ egisset, inveniret .... Cumque Judæus, qui  
 „ advenerat, hoc vigilans cerneret, & magnæ  
 „ formidinis anxietate palpitaret, ab eodem spi-  
 „ ritu, qui cunctis illic obsequentibus præe-  
 „ rat, jussu est, ut requirerent quisnam esset  
 „ ille, qui jacere in templo eodem præsum-  
 „ psisset. Quem maligni spiritus pergentes, &  
 „ subtilius intuentes, Crucis Mysterio signatum  
 „ viderunt, mirantesque dixerunt: Væ, Væ,  
 „ vas vacuum, & signatum. Quibus hoc re-  
 „ nunciantibus cuncta illa malignorum spiri-  
 „ tuum turba disparuit. Judæus verò, qui  
 „ hæc viderat, illicò surrexit, &c.

XXV. Secunda ratio desumitur ex apprehen-  
 sione dæmonum, qui ubi Crucem vident, mox  
 recordantur se Cruce Christi victos, atque su-  
 peratos fuisse. Hanc rationem dat Origines ho-  
 mil. 6. in Exodum. *Quid timent, ait, demones?  
 Quid tremunt? Sine dubio Crucem Christi, in  
 qua triumphati sunt, in qua exuti sunt prin-  
 cipatus eorum, & potestates. Timor ergo,  
 & tremor cadent super eos, cum signum in no-  
 bis viderint Crucis fideliter fixum.* Consonat  
 S. Athanasius in Vita S. Antonii: *quia, in-  
 quit, metuunt illud trophaum, in quo Sal-  
 vator aereas expolians potestates, eas fecit osten-  
 tui.* Nec dissonat D. Cyrillus Hierosolymi-  
 tanus *Cateshesi* 13. ubi postquam dixit, signum  
 Crucis esse timorem dæmonum, addit: *Trium-*

phavit enim de illis in hoc signo. Ostenta illud adauget. Quando enim viderint Crucem, recordantur Crucifixi: metuunt eum, qui contrivit capita draconis.

XXVI. Porro, si iterum petas, quare non semper suum producat effectum signum Crucis, quamvis ex opere operato vim habeat, & illud daemones ad eo reformident, respondet D. August. loco supra citato: *Cum autem non cedunt his signis huiusmodi potestates, Deus ipse prohibet occultis modis, cum id iustum, atque utile iudicat; nam nullo modo ulli spiritus audent hac signa contemnere. Contremiscunt hac ubicumque illa conspexerint. Aliam rationem habes ex D. Chrysostomo supra relato num. 16. scilicet quando non fit cum fiducia.*

Et aqua benedicta aspergat,  
quam exorcizando in prom-  
ptu habeat.

XXVII. Nam, inquit Alexander 1. Epistola ad omnes Orthodoxos, apud Gratianum 2. p. Decreti, cap. *Aquam* de Consecr. dist. 3. *Si cinis vitulae sanguine aspersus populum sanctificabat, atque mundabat; multo magis aqua sale aspersa, divinisque precibus sacrata populum sanctificat, atque mundat. Et si sale asperso per Helisaum Prophetam, sterilitas aqua sanata est, quanto magis divinis precibus sacratus, sterilitatem rerum aufert humanarum, & coinquinatos sanctificat, atque mundat, .... & insidias diaboli avertit, & a phantasmatum versutius homines defendit?*

XXVIII. Ad hanc vim aquae benedictae respicientes antiqui Patres, praesertim contra daemones

mones, in ipsam energumenos immergebant pro eorum liberatione. Richerius namque in Historia Abbatiae Senonensis lib. 1. cap. 19. apud d' Acherium tom. 2. Spicilegii, scribit: *Habebatur in ipso Oratorio dolium aqua exorcizata plenum, ut energumeni, & alii a demoniis obsessi, in ipso mersti sanarentur, quod ita fiebat.* Et Fulcuinus, de gestis Abbatum Lobiensium cap. 34. penes eundem d' Acherium, ibidem, narrat: *Nuper quoque quidam energumenus ad supradictam memoriam (nempe S. Ursmani) est delatus, quem Clerici Ecclesiae .... per se tentant increpare, immissumque in aqua consecrata, Exorcistarum more exorcizavere.* Et tandem Auctor Vitae S. Norberti cap. 8. narrat, quod cum ad Sanctum adducta fuisset quaedam puella a dæmone obsessa, Pater Norbertus consilium duxit, ut in aqua exorcizata eam imponeret, & ita factum est ...., & perfecte sanata apparuit. Et cap. 11. de alio energumeno scribit: *Ponitur in aqua exorcizata, ... tandem exivit demon.*

XXIX. Sed non tantum hæc consuetudo fuit in usu, sed etiam aspersio aquæ, quæ obsessos liberavit, dæmones apparentes atque terrentes abegit, & insuper eorum prestigias, & maleficia dissolvit. De primo plura exempla habemus; nam S. Viventius Presbyter, „ aquam con-  
 „ ceptis precibus, & signo Crucis consecrat, &  
 „ potandam Cleopatronicæ dat, simul dæmonem  
 „ increpans, ... ut illicò facessat. „ Ita legitur in Vita S. Cleopatronicæ Virginis penes Bollandum 8. Martii. S. Parthemius Episcopus Lampfaci duos energumenos liberavit aqua eos aspergens, ut habetur in ejus Vita cap. 2. ibidem die 7. Februarii. S. Ulricus Presbyter Eremita: „ Aqua  
 „ benedicta contra faciem inimici aspergens,



„ ipsum valdè confusum.... effugavit, „ ut  
narratur in Vita cap. 2. apud Bollandum 20. Fe-  
bruarii.

XXX. De secundo plura alia habemus exem-  
pla passim in Historia Ecclesiastica; unum vel  
alterum transcribam. „ Infirmirate carnis ur-  
„ gente, Laicus quidam.... monachico habi-  
„ tu .... indutus, ... ad domum infirmorum  
„ delatus, per aliquot dies inter vitæ mortif-  
„ que confinia laborabat. Nocte itaque obi-  
„ tus sui diem præcedente in lecto jacebat,  
„ & velut morti jam proximus, a duobus fa-  
„ mulis per vices sibi succedentibus custodie-  
„ batur.... Illa igitur noctis vigilia.... vigi-  
„ lantem famulum æger ille vocavit, qui cum  
„ ei astans, quid sibi veller quæsisset, ... Non  
„ cernis, ait, tetros homines omne jam hujus  
„ domus spatium complevisse, quorum hor-  
„ renda species, & rostris longissimis facies  
„ exacutæ terrorem mihi non parvum impor-  
„ tant? Tunc.... famulus intellexit.... non  
„ hominum, sed malignorum spirituum hanc  
„ esse frequentiam; ... unde vas, quod forte  
„ cum aqua benedicta in proximo dependebat,  
„ fide plenus, arripit, & sanctificatum elemen-  
„ tum huc, illucque confidenter aspergens,  
„ omnia illius habitaculi loca infudit. Hoc dum  
„ faceret, clamare ille fortiter cœpit: Eia, in-  
„ quit, eia fac quod facis, insta, perurge  
„ adversarios, quoniam ecce velut a facie gla-  
„ dii fugientes, summa cum celeritate exire  
„ contendunt; & quia moras patiuntur, in  
„ alterutrum impingentes, primos hi, qui se-  
„ quuntur, violenter impellunt. Quo ille au-  
„ dito, instare acriter, & aqua benedictionis  
„ filios maledictionis a domo excludere conten-  
„ debat, „ ut narrat S. Petrus Cluniacensis  
Abbas

Abbas lib. 1. de miraculis cap. 7. Similiter in Vita  
 S. Bartholomæi Eremitæ Farnensis cap. 3. apud  
 Bollandianos die 24. Junii legitur, quod hic  
 Sanctus dum officia charitatis erga Priorem sui  
 Monasterii, in extremis laborantem, exhibe-  
 ret, " vidit diabolum in angulo propius assiste-  
 re.... allata autem Bartholomæus aqua be-  
 nedicta, locum simul, & bestiam asperfit.  
 At illa tactum aquæ declinans resiliit, &  
 protinus in angulum rediit. Cumque aliquo-  
 ties hoc faceret, & aquarii sollicitudinem  
 hostis deluderet, sumpto, vir Domini, in  
 manibus vase aqua benedicta pleno, in fa-  
 ciem ejus projecit, & omni loco rore perfuso,  
 diversas tandem in formas paulatim deficiens  
 hostis, evanuit. " Quid simile legitur in Vi-  
 ta S. Philippi Nerii, ab Antonio Galonio con-  
 scripta, apud eosdem Continuatores tom. 6. Maii  
 die 26. Cum S. Pater ad invisendum Persianum ro-  
 sa ægrotantem accessisset, æger, clamare conti-  
 nuò cœpit: Adjuva me S. Philippe: est hic canis  
 colore nigerrimus, qui me lacerare nititur;  
 succurre, quæso, succurre quod potes, ne  
 devorer. Quibus verbis motus Beatus Pater,  
 humi illico.... se se prostravit. Quod cum  
 faceret, ecce sibi ille de repente magna voce  
 dicere cœpit: Canis recedit, fugit canis: en in  
 limine ostiî stat. Tunc surgens ab oratione  
 Philippus, piacularis aquæ aspersione damo-  
 nem ab eo etiam loco fugavit, magno cum  
 solatio morientis. "

XXXI. De tertio verò duo pariter exempla  
 referam. Primum sit illud, quod narrat Pal-  
 ladius in Historia Sanctorum Patrum cap. 19.  
 & 20. " Egyptius quidam captus amore cujus-  
 dam mulieris ingenuæ, quæ viro nupserrat, cum  
 non posset eam inescare propter pudicitiam, &

„ castitatem erga suum maritum Parthenicum,  
 „ convenit improbus praestigiatorem, dicens: Aur  
 „ eam incita, ut me amet, aut arte tua effice, ut  
 „ ejus maritus eam dimittat. Cum ergo praestigia-  
 „ tor satis ab eo accepisset, usus est suis praesti-  
 „ giis, & incantationibus, & cum non posset ejus  
 „ animum movere, ut ei assentiretur, efficit,  
 „ ut videretur iis, qui eam intuebantur, equa.  
 „ Cum ergo foris venisset ejus maritus, aspexit  
 „ uxorem suam in forma equae; cumque in suo  
 „ lecto cubuisset, alienum ei videbatur, quod  
 „ in suo cubili equa jaceret. Flet ergo mari-  
 „ tus ejus ..... quae, cum esset adducta ad  
 „ Macharium, aquam benedixit, in caput ejus  
 „ nudum effudit, statimque effecit, ut omnibus  
 „ videntibus, foemina videretur. „ Secundum  
 „ sit illud, quod refert S. Epiphanius *lib. i. adver-*  
 „ *sus haereses, haeresi 30. quae est Ebionitarum, n. 12.*  
 „ Josephus Tiberiade Ecclesiam aedificare coe-  
 „ pit. Erat in eadem Urbe templum ingens  
 „ olim exstructum, quod Adrianum, nisi fal-  
 „ lor, appellabant. Quod cum imperfectum  
 „ hactenus mansisset, oppidani publicos in bal-  
 „ neos commutare studebant. Hoc Josephus na-  
 „ ctus, ad id, quod animo conceperat, accom-  
 „ modare instituit. Et ut quadrato lapide qua-  
 „ ternum cubitorium certam ad altitudinem  
 „ erectum invenerat, veteri structurae novam  
 „ Ecclesiae molem imponere statuit. Ad id calce-  
 „ viva opus erat, reliquaue omni materia. Igi-  
 „ tur caminos extra urbem fieri non paucos im-  
 „ perat, septenos circiter, quos vulgò fornaces  
 „ nominant. Sub hac Judaei ad audenda  
 „ quaelibet projecti, ad usitata ei genti malefi-  
 „ cia confugiunt. Etenim magicis carminibus,  
 „ ac praestigiis vim ignis impedire egregii ho-  
 „ mines aggressi sunt: sed non perpetuò po-  
 „ tue-



„ tuerunt. At initio tamen cessabat ignis, ni-  
 „ hilque coquebat, naturæ suæ velut officio  
 „ destitutus. Tum qui suppeditando igni pa-  
 „ bulo, virgultis scilicet, ac fructibus erant  
 „ appositi, cum nihil se proficere animadvertē-  
 „ rent, rem ad Josephum deferunt. Pupugit  
 „ ea res hominem, statimque cœlesti in Domi-  
 „ num ardore succensus, extra Urbem advo-  
 „ lat, aquam postulat: affertur in aneo vase,  
 „ quod Campsacen vulgò, illic Cacubium vo-  
 „ cant. Eo coram omnibus accepto, (nam ad  
 „ hoc spectaculum Judæorum turba convenē-  
 „ rat, ut rei eventum, ac quid tandem Jose-  
 „ phus ageret, viderent) Crucis signum super  
 „ illud digito ducit, ac Jesu nomen invocans,  
 „ magna voce sic loquitur: In Nomine Jesu Na-  
 „ zareni, quem mei pariter, atque horum  
 „ omnium, qui hic adstant, majores in Cru-  
 „ cem egerunt, hæc aqua vim habeto ad ma-  
 „ gicas artes, maleficiaque omnia restinguen-  
 „ da, quæ isti compararunt, ab eademque vis  
 „ igni sua restituatur, quo Domini domus  
 „ absolvi possit. His dictis, fornacibus singulis  
 „ aquam aspergit. Ita dissolutis præstigiis co-  
 „ ram omnibus ignis afferbuit, quo miraculo  
 „ commota turba magnis vocibus exclamavit:  
 „ unus est Deus, qui Christianos adjuvat. Ita-  
 „ que discessit. His omnibus clarum fit, quàm  
 „ merito Rituale nostrum dicat: *Et aqua benedi-*  
 „ *cta aspergat &c.*

XXXII. Advertendum tamen, quod si ali-  
 quando aqua benedicta aspersa suum, & opta-  
 tum non habeat effectum, hoc non provenit ex  
 sui imbecillitate, sed ex vexati obice, quod cla-  
 re colligitur ex alio exemplo, quod loco præ-  
 laudato c. 6. narrat idem S. Petrus Cluniacensis,  
 scilicet quemdam Monachum a diabolo in for-

ma equi vexatum non potuisse a vexatione liberari aqua benedicta propter peccatum: Sed ne miretur aliquis, statim subiungit, benedicta aqua aspersione demonem non fugatum; agnoscat, tabe interius latente, unguenta exterius adhibita nihil proficere posse.... Sic ager iste, & aqua saluari potuit aspergi, & tamen propter occultam, ut post apparuit, peccati labem, non potuit a damone liberari.



## DOCUMENTUM XII.

**O**bservet etiam ad quæ verba dæmones magis contremiscant, & ea sæpius repetat, & quando pervenerit ad comminationem, eam iterum, & sæpius proferat, semper pœnam augendo, ac si videat se proficere in ipsa perseveret per duas, tres, quatuor horas, & amplius, prout poterit, donec victoriam consequatur.

### S U M M A R I U M.

1. **D**æmones magis torqueri per quadam verba potius, quam per alia remissivè ostenditur.

2. Item

2. Item remissivè alio de vi Exorcismorum indicantur.
3. Quomodo intelligenda sint ultima verba hujus Documenti, explicatur.

## COMMENTARIUM.

Observer etiam ad quæ verba dæmones magis contremiscant,  
& ea sæpius repetat.

- I. **V**ide, quæ diximus in Commentario Documenti IV. num. 3. 4. & 5.

Et quando pervenit ad comminationem, eam iterum, & sæpius proferat, semper pœnam augendo.


II. Sic enim magis magisque vires dæmonis debilitantur, & confringuntur. Vide, quæ diximus de vi Exorcismorum supra, in Commentario Documenti XI. num. 2.

Et si viderit se proficere, in ipsa perseveret per duas, tres, quatuor horas, & amplius, prout poterit, donec victoriam consequatur.

- III. Quæ intelligenda videntur de objurgatione,



ne, quæ est operationum dæmonis reprehensio, quæque ejus superbiam coercet, & impedit, ne actu ita acriter vexatum tentet, & affligat; vel intelligenda sunt de præcepto, quod vocant lenitivum, per quod scilicet tolluntur actuali energumeni vexationes, & coincidit cum objur-gatione; vel tandem de præcepto instructivo, quod scilicet ad ostendendam vexato dæmonis obedientiam ei imponitur: nam præceptum expulsi-vum nunquam fieri debet, nisi cum obsessus ad suam liberationem perfectè dispositus fuerit, atque probatus; in hoc enim casu non tanto labore opus erit Exorcistæ, sicut requiritur ad disponendum, sed fermè statim victoriam consequetur.



## DOCUMENTUM XIII.

**C**Aveat proinde Exorcista, ne ullam medicinam infirmo, vel obfesso præbeat, aut suadeat: sed hanc curam medicis relinquat.

### S U M M A R I U M.

1. **N**ulla res corporea vim habere potest in dæmones.
2. Tres objectiones referuntur.
3. Quibus luculenter fit satis; ad num. 8.
9. Ex doctrina tradita oritur difficultas in specie gravis.
10. Quidam naturalibus remediis indirectam vim in dæmones tribuunt;

11. Alii

11. *Alii etiam hanc negant.*
12. *Quæ sententia magis arridet.*
13. *Ex qua, sicut ex aliis rationibus, conciliatur cum Rituali Romano nostra doctrina, & difficultas num. 9. indicata solvitur; & num. 14.*

## C O M M E N T A R I U M.

Caveat proinde Exorcista, ne ullam medicinam infirmo, vel obfesso præbeat, aut suadeat.

I. **C**UI enim bono id ageret Exorcista? nam, ut loquitur S.Th. de Potentia q.6. art.10. *Non est potestas super terram qua ei possit comparari, scilicet diabolo: major autem potestas non cogitur à minori; ergo per nihil terrenum demones cogi possunt.* Cui consonat Henricus noster quodl.18. quæst.35. *Vis diaboli naturaliter omnem corpoream creaturam excedit; nec est aliqua vis in lapidibus, aut herbis, quæ ipsum cogere potest, vel fugare ullo modo.* Quæ Doctores Angelici, & solemnis ratio sumpta est ex illo Job. 41. v.24. *Non est super terram potestas, quæ comparetur ei.* Aliam adducit rationem Lirani in 1.Reg. cap.17. *Nulla, inquit, res sensibilis, aut virtus corporalis potest in eis aliquid agere directe, vel indirecte, cum sint omnino spirituales substantia, per quod possint ad aliquid compelli, nec per consequens ab obsessis corporibus expelli.* Quod idem docet ex nostris Capitonius Avenionis Archiepiscopus Explicat. Catholicar. part. 1. explicatione 54. his verbis: „ demones „ nequeunt aliqua re sensibili, præter eorum „ voluntatem compelli.... quod verò plerum-  
„ que

„ que accidit sive minis, sive herbis, aut lapidibus, aut verbis incognitis tamquam fugatos „ dæmones videri, a corporibus obsessis ejici, est, „ quod se projectos, & compulsos simulent: „ quo decepti homines Idololatriam, superstitiones, & pacta cum illis sequantur. „ Hinc rejiciendi omninò sunt Exorcistæ illi, (non quidem pauci) qui varia medicamenta tum simplicia, tum composita assignant tradenda obsessis, ut seu simpliciter, seu facilius liberentur, dæmonesque fugentur.

II. Verum tria huic doctrinæ opponi videntur. Primum est illud, quod legitur *Tobia* 6. v. 8. ubi dicitur, quod Tobia juniore interroganti, quam virtutem haberent ea, quæ servata erant ex pisce, Angelus respondit: *Cordis ejus particulam, si super Carbones ponas, fumus ejus extricat omne genus demoniorum, siue a viro, siue a muliere, ita ut ultra non accedat ad eos.* Secundum est id, quod habetur *1. Reg. cap. 16. v. 23.* *Quandocumque spiritus Domini malus arripiebat Saul, David tollebat citharam, & percutiebat manu sua, & refocillabatur Saul, & levius habebat. Recedebat enim ab eo spiritus malus.* Tertium est id, quod scripsit Josephus *Antiquitatum* lib. 8. cap. 2. *Vidi etenim, inquit, quemdam Eleazarum de gente nostra, presente Vespasiano, & ejus filiis, & Tribunis, alioque simul Exercitu curantem eos, qui a demonibus vexabantur, demoniaci naribus admoto annulo, habente sub signaculo radicem a Salomone monstratam: deinde per nares odorantis demonium abstraxit, & repente cecidit homo. Postea id adjuravit, ne amplius rediret.* Et *lib. 7. de bello Judaico cap. 25.* de quadam radice, ait: *Nam quæ vocantur demonia, pessimo-*

rum



rum hominum spiritus, vivis immersa, eosque necantia, quibus subventum non fuerit: hac cito, etiamsi tantummodo admoveatur egrotantibus, abigit.

III. Sed ad primum dico cum Lirano, loco supra citato: *Quod fumus illius jecoris non expulit demonem, sed meritum orationis Tobie, quod per fumi odorem designabatur; & hoc patet per illud, quod ibidem dicitur, quod Angelus Raphael apprehendit demonem, & religavit eum in superioribus Egypti. Ex quo patet, quod non ex virtute fumi jecoris, sed virtute S. Angeli voluntatem Divinam exequentis fuit ille demon expulsus.* In hac eadem sententia est Capitonius noster supra laudatus *part. 1. explicat. 54.* Quare autem voluerit Raphael cremari jecur piscis, cum ipse solus virtute sua demonem expulerit; dici potest hoc fecisse, ut se occultaret; nam cum esset Angelus, & in forma viri se repræsenteret: dixerat enim *cap. 5. v. 18. Ego sum Azarias Ananiae magni filius*, nolletque se manifestare, usquequò omnia completa essent, ut legitur *cap. 12. v. 15.* tacuit se velle religare demonem in deserto, ne se Angelum patefaceret, & dixit, fumum jecoris illius piscis, casilidis scilicet, demones effugare. Nec per hoc mendacium protulit; usurpavit namque (ut sæpe fieri solet) signum pro signato: fumus enim ille ex Dei, & Angeli beneplacito assumptus fuit ad significandam vim, quæ inerat non in corde piscis, sed in oratione Tobiae ex oorde profilientis.

IV. Aliam responsionem allegorico innixam sensui tradit D. Prosper, sive alius, qui fit Auctor libri de Prædictionibus, & Promissionibus Dei; vim scilicet illam cordis ei fuisse insitam,

ob relationem ad Christum Dominum, qui & Magdalenam a dæmonibus, a quibus possessa erat, & nos a tyrannide diaboli liberavit: sic enim loquitur part. 2. cap. 39. *Mysticum verò actionis hujus hoc est, quod ex interioribus piscis & demon fugatus est, & Tobias illuminatus. Hoc agit piscis magnus, ex passione sua, Christus, purgans Mariam, aqua expulit septem dæmonia: anima sic capta desperationem tollens, quam septem spiritus nequiores, dum vexaverint, purgari, sanarique etiam talem necesse est per jecinora nostri piscis, si penitens reversa intelligat, quia ex illa spiritus maligni surgentur, eosque caveat inimicos. Indus namque latine piscem sacris litteris majores nostri hoc interpretati sunt, ex sybillinis versibus colligentes, quod Jesus Christus filius Dei Salvator, piscis in sua passione decoctus, cujus ex interioribus remediis quotidie illuminamur, & pascimur. Quod forte desumpsit ex lib. 18. de Civit. Dei D. Augustini cap. 23. ubi colligit ex verbis Sibillæ Erythrææ, sive, ut quidam magis credunt, Cumææ, quod Christus dicatur piscis. Piscis, ait, in quo nomine mysticè intelligitur Christus, eo quod in hujus mortalitatis abyssu, velut in aquarum profunditate vivus, hoc est sine peccato esse potuit.*

V. Ad secundum responderi potest primò, quod Josephus lib. 6. *antiquit. cap. 9.* censet corruptum fuisse Saulem violenta morbi vi a dæmone causati, qui sanè morbus adeo hominem suffocabat, ut nullum aptius rimediu succurreret medicis, quam ex cantare miserum, vel pulsu. Suavium instrumentorum muliere. In ea enim persuasione fuit Josephus, eo morbi genere laborasse Saulem, quod veteres pelli censebant ex cantationibus, & musica, ut ali-

quibus

quibus adductis, probat eruditissimus P. Calmet  
*Comment. in 1. lib. Reg. cap. 16. v. 14.*

Secundò responderi potest cum Judæis Doctoribus, aliisque Christianis Scriptoribus, hunc Saulis morbum ab atra bili, & mania potius, quam a dæmone profluissse, ut allatis horum congruentiis indicat idem clarissimus Scriptor ibidem. Quare si prima, vel hæc secunda sententia amplectatur, difficultas prorsus evanescit.

Verum quia communior Patrum, & Scriptorum sententia est, Sauli dæmonem revera infedis-  
 se, responde in primis cum prælaudato Nicolao de Lira ibidem: *Quod per melodiam virtute naturali Saul levius poterat ferre, sed per eam, ut sic demon non recedebat, sed magis virtute Divina immediatè, videlicet median-  
 tibus Angelis Sanctis, ex merito David, qui laudes Divinas in cithara canebat pro salutē Saulis, sicut per orationes Sanctorum frequen-  
 ter leguntur demones expulsi a corporibus obsessis. Melodia etiam ad hoc aliquo modo faciebat, non agendo in dæmonem, sed in quantum devotionem David excitabat; cui adhaeret Illustriss. Capitonius Explic. Cathol. explic. 54. par. 1. Et revera, quod David laudes Divinas in cithara caneret, colligitur ex ipso textu, in quo eodem capite v. 15. & seqq. habetur: Dixeruntque servi Saul ad eum: Ecce spiritus Dei malus exagitat te. Jubeat Dominus noster, & servi tui, qui coram te sunt, quærent hominem scientem psallere cithara, ut quando arripuerit te spiritus Domini malus, psallat manu sua, & levius feras.... Misit ergo Saul nuntios ad Isai dicens: Mitte ad me David Filium tuum. Ecce, quod David nedum citharam percutiebat, sed & psallebat. Porro Psalmus, inquit D. Basilus in proemio Psalmorum, est pro ostigandis demonibus, ac de-*



*pellendis quoddam amuletum. Et D. Ambrosius Præfat. in Psalm. Psalmus, inquit, iracundiam mitigat, sollicitudinem abdicat, marorem allevat. Quod verò devotionem in David excitaret, ejusque orationem Deo gratiorem redderet, hoc facile intelligi potest, cum iste sit unus ex præcipuis musicæ sacræ effectibus, quos in se expertus fuit D. Augustinus, ut lib. 9. Confessionum cap. 6. testatur: Quantum flevi, inquit, in hymnis, & canticis tuis suave sonantis Ecclesiæ tuæ vocibus commotus acriter. Voces illæ influebant auribus meis, & eliquabatur veritas tua in cor meum, & exastuabat inde affectus pietatis, & currebant lacrymæ, & bene mihi erat cum eis.*

VI. Respondeo secundo, fugatum dæmonem pulsu citharæ, sed in virtute, ac merito Crucis Christi, cujus figura illa cithara fuit. Hunc allegoricum sensum similiter nobis exhibet D. Prosper loco citato parte 2. cap. 25. ubi postquam dixit Davidem signare Pastorem unctum Christum Dominum: *Suavi, inquit, sono citharizans David, non tantum animalium mulcebat auditus, quantum etiam in ipso Saule vexationem mali spiritus temperabat. Si nostri temporis manu fortis Christi Domini citharam respicias personantem, quam ligno Crucis carnis membrorumque suorum aptatam plectro dum tangit Sancti spiritus, omne animal replens benedictione ipsum quoque diabolum fugavit de cordibus inimicorum.*

VII. Ad tertium tandem respondeo cum prælaudato Lirano ibidem: *Quod hoc arte magica faciebat (Eleazarus) per pacta cum demonibus inita tacita vel expressa, quibus se expelli fingunt, ut homines in errore teneant, & in sua servitute. Quæ responsio fit manifesta, si attendantur ea, quæ*

quæ habet idem Iosephus locis citatis. In libro enim Antiquitatum, post relata verba, ait: *Postea id adjuravit, ne amplius rediret, Salomonis interim mentionem faciens, & incantationes ab illo inventas recitans. Volens autem satisfacere, ac probare presentibus Eleazarus hanc se habere virtutem, ponebat ante eos aut calicem, aut pelvim aqua plenum, & demonio imperabat, ut ab homine egressum ea averteret, ut videntibus præberet indicium, quod hominem reliquisset. Quo factò sapientia Salomonis omnibus innotuit. Hoc profecto superstitionem sapit, cum Eleazarus iste, & Salomonis mentionem faceret, & incantationes ab illo inventas recitaret. Nec mirum sit alia de Salomone Flavius Iosephus proloquatur, & nos ipsi assentiamur; siquidem alii doctissimi viri hoc idem sentiunt. Audiatur D. Thomas de potentia q. 6. art. 10. ad 3. *Si Salomon Exorcismo suo eo tempore fecit, quando erat in statu salutis, potuit esse in illis exorcismis vix cogendi demones ex virtute Divina. Si autem tempore illo, quo Idola adoravit, ut intelligatur eum per magicas artes fecisse, non fuit in illis Exorcismis vis cogendi demones, nisi modo predicto, scilicet, non rebus corporalibus propter se ipsas.... sed in quantum homines per eas in peccatum adducuntur, & inde est, quod alliciuntur mendaciis, & his, quæ homines in errorem, vel peccatum inducere possunt. Cui consonat Liranus loco memorato; Joannes Gerson, de erroribus circa artem magicam dicto 3. & omnes penè Theologi.**

VIII. Porro ad id, quod attinet ad radicem, de qua agit Iosephus *lib. 7. de bello Judaico cap. 25.* sufficit, quod vel leviter inspiciamus modum evellendi talem radicem, ut cognoscamus totam rem a superstitione, seu pacto cum dæmone pen-

dere. Subjiciamus ergo eruditi Lectoris oculis Flavii verba: *Quidam*, inquit, *locus Baaras appellatur, ubi radix eodem nomine gignitur, quae flamma quidem assimilis est colore, circa vesperam vero velut jubare fulgurans, accedentibus, eamque evellere cupientibus facilis non est, sed tandiū refugit, nec prius manet, quam si quis urinam muliebrem, (nota Lector) vel menstruum sanguinem super eam fuderit; quia etiam tunc si quis eam tetigerit, mors certa est, nisi forte illam ipsam radicem ferat de manu (iterum adverte) pendentem. Capitur autem alio quoque modo sine periculo, qui talis est. Totam enim circumfodiunt ita ut minimum ex radice terra sit conditum, deinde ab ea religant canem, (rursus reflecte) illoque sequi eum, a quo religatus est, capiente, radix quidem facile evellitur, canis vero continuo moritur tamquam ejus vice, a quo herba tollenda erat, traditus; nullum enim postea accipientibus metus est. Tantis autem periculis propter unam vim capi eam opere pretium est. Nam quae vocantur demonia &c.*

IX. Sed quod majorem gignit difficultatem, est Rituale nostrum, quod postquam interdixit Exorcistis, ne obsessis medicamenta praebeant, statim subjungit: *Sed hanc curam medicis relinquat*; si enim res naturales nihil in daemones possunt, quare ad medicos provocat? At solutio difficultatis ex sequenti Commentario mox patebit. Igitur

## Hanc curam medicis relinquat.

X. Communiter naturalibus medicamentis secundariam, & indirectam vim tantum tribuunt in daemones Theologi, & Medici, quos usque ad viginti quatuor enumerat P. Candidus Bro-  
gno-



Brognolus tom.2. *Alexicacon disput.2.art.2.num.378.*

In explicanda autem hac indirecta, & mediata vi, fere omnes conveniunt, quod dæmon, ut plurimum, homines vexare consuevit prius per aliquam rem sensibilem, causando dispositionem in corpore humano, per quam fit aptum ad suscipiendam dæmonis actionem. Excitetur v.g. a dæmone in homine humor melancholicus, quo maleficiatus, vel obsessus affligatur, & continuis teneatur angustiis, ut sæpissime evenire solet; nonne poterit medicus suis pharmacis saltem compescere humorem? Sicque ablata causa, per quam afflictio causatur, fugabitur dæmon, qui per talem humorem afflictionem inducit.

XI. Sed P. Brognolus *loco citato*, contendens, quod nec indirectè res sensibiles in dæmones agere possint, insurgit, & arguit, & ut puto non inefficaciter. Licet aliqui a dæmone vexentur quandoque per prævias dispositiones ab eo in corpore inductas, exinde tamen non sequitur, quod per medicamina purgato tali humore, cesset dæmon vexare hominem obsessum, vel maleficiatum. Nam cum dæmon sit causa libera, non necessaria, a corpore humano non dependens, qui se occultè in illud potest intrinittere, adhuc iterum, & iterum potest illicò novos excitare humores, novasque dispositiones inducere, & fovere, quibus continuos causet dolores, imò sine hujusmodi præviis dispositionibus acerbissimas valet excitare torsiones.

XII. Quare cum Lirano in 1.Reg. cap. 16. dico: *Nulla res sensibilis, aut virtus corporalis potest in eis (dæmonibus scilicet) aliquid agere directè, vel indirectè.... Videtur tamen rationabiliter concedendum, quod per sensibilia possunt afflicti a dæmonibus afflictionem levius ferre. Uno modo,*

quia actus activorum sunt in patiente pradisposito, ut dicitur 2. de anima. Dæmones autem non possunt materiam corporalem, secundum suam voluntatem transmutare, sed hoc faciunt mediantibus activis corporalibus, propter quod in suis actibus homines affligendo, aliquando considerant dispositionem materie corporalis, unde & dicuntur aliqui lunatici, ut habetur Matth. 4. & 17. quia secundum variam dispositionem luna affliguntur a dæmonibus ex divina permissione, quia Luna habet dominium super humida, & secundum hoc cerebrum hominis, quod inter omnes partes corporis est magis humidum, magis est actum ad suscipiendum actionem dæmonis uno tempore, quam alio secundum varium motum Lune; & eodem modo ad contrarium per aliquam rem sensibilem potest causari dispositio in corpore humano, per quam minus subicitur actioni dæmonum, & sic afflictio ab eis causata diminuitur, & alleviatur. Alio modo potest hoc contingere, quia ad afflictionem requiritur perceptio. Delectatio enim est conjunctio convenientis cum convenienti cum perceptione ejusdem, ita quod ubi nulla est perceptio, nulla est delectatio. Et eodem modo est de tristitia, seu afflictione, quæ est de presenti malo, seu conjunctio cum perceptione ejusdem, & ideo illud, quod diminuit perceptionem hujusmodi, diminuit, & alleviat afflictionem. Melodia vero ( loquitur de cithara David, quæ Saulem alleviabat ) extrahit ad semet attentionem, & per consequens ab alio retrahit, & sic potest alleviare afflictionem a dæmone causatam in homine, in quantum attrahit ad se attentionem, & retrahit ab afflictionis perceptione, sed dæmonem affligentem non potest expellere.

XIII. Est & alia ratio, quare ad medicos remittat

mittat Rituale nostrum; quia, si infirmitates a dæmone inductæ per res naturales, exempli gratia per venenâ, venenatasque potiones, vel id generis in corpore immissas, a medico agnoscantur, nec dæmon amplius malefaciendo assistat, sed spontè, vel coactè per Exorcismos, vel alia remedia spiritualia ab ægroto totaliter recesserit, poterit medicus remediis naturalibus morbos curare; quæ enim mediantibus causis naturalibus proveniunt, mediantibus contrariis ejusdem ordinis tolli possunt.

XIV. En quare Rituale nostrum ad medicos provocet, quia licet nullum medicamentum, nec quælibet alia res sensibilis vim habeat sive directam, sive indirectam in dæmones, tamen per res sensibiles potest morbus causatus a dæmone mitigari, & alleviari, pro modico saltem tempore, secundum Lirani doctrinam, vel in totum tolli, si relinquatur post expulsionem dæmonis. Unde in hoc sensu inquit: *Sed hanc curam medicis relinquat.*







## DOCUMENTUM XIV.

**M**ulierem exorcizans, semper secum habeat honestas personas, quæ obsessam teneant, dum exagitur a dæmonio, quæ quidem personæ sint patienti, si fieri potest, cognatione proximæ, atque honestatis memor Exorcista, caveat, ne quid dicat, vel faciat, quod sibi, aut aliis occasio esset possit praviæ cogitationis.

## S U M M A R I U M.

I. **I**N hoc unico paragrapho Exorcista suadetur pluribus ad morum gravitatem, modestiam, & sanctitatem in muliere exorcizanda adhibendam.

## C O M M E N T A R I U M.

I. **I**N tota hac saluberrima sanctione nihil est, quod addam, nisi quod conforme huic monito scribit S. Paulus ad Romanos cap. 12. v. 17. monens eos ut provideant bona non tantum coram Deo, sed etiam coram hominibus. Et 2. ad Corint. 8. v. 20. & 21. testatur, se cum suis servare hanc regulam in ministrante.

misterio Apostolatus, devitantes, inquit, hoc; ne quis nos vituperet in hac plenitudine, quæ ministratur a nobis. Providemus enim bona non solum coram Deo, sed etiam coram hominibus. Quod expressius in simili scriptum reliquit D. Hieronymus ad Nepotianum, de vita Clericorum, inquiens: Si propter officium clericatus, aut vidua visitatur, aut virgo, numquam domum solus introeas. Tales habeto socios, quorum contubernio non infameris .... solus cum sola, secreto, & absque arbitro, vel teste non sedeas. Si familiarius est aliquid loquendum: habet nutricem majorem domus, virginem, viduam, vel maritatum: non est tam inhumana, ut nullam præter te habeat, cui se audeat credere. Cave-to omnes suspiciones, & quidquid probabiliter fingi potest, ne fingatur, ante de vita. Hinc S. Carolus in Concilio Mediolanensi IV. statuit: Non remotis tamen arbitris, (loquitur de Exorcista) sed præsentibus viris honestis, atque ætate gravibus, in iisque uno saltem, vel duobus Ecclesiasticis hominibus. Mulieri autem energumene cum exorcismum adhibet, id præstet duobus ætate, vitæque probatis viris, tum fœminis itidem probatis præsentibus, iisque omnibus, si fieri potest, energumene consanguineis, vel affinibus. Mares, aut alios præsentis adesse ne omnino patiatur, nisi unum Ecclesiastici ordinis hominem. Et S. Philippus Neri sapienter discipulos monebat, sibi ipsis caverent, ne energumenas fœminas, nisi astantibus multis, adjurare præsumerent; ut refert P. Antonius Gallonius in ejus Vita cap. 8. penes Bollandianos Continuatores tom. 6. Maii die 26.



## DOCUMENTUM XV.

**D**Um exorcizat, utatur Sacrae Scripturae verbis potius, quam suis, aut alienis. jubeatque daemone[m] dicere an detineatur in illo corpore ob aliquam operam magicam, aut malefica signa, vel instrumenta, quae si obsessus ore sumpserit, evomat: vel si alibi extra corpus fuerint, ea revelet, & inventa comburantur. Moneatur etiam obsessus, ut tentationes suas omnes Exorcistae patefaciat.

### S U M M A R I U M.

1. **V**is verborum S. Scripturae adversus daemones ostenditur.
2. Explicatur quomodo demon detineatur aliquando in corpore hominis per operationem magicam.
3. Signa maleficii non sunt causa physica, sed morales demoniacae vexationis, quibus demon delectatur Deum emulando; & num. 4.
5. Signa haec interdum vere sunt interna,
6. Quae



6. *Quæ pluribus modis in corpus humanum im-*  
*mitti possunt.*
7. *Aliquando enim ab homine videntur, sed so-*  
*lum apparenter.*
8. *Licitum est absolutè signa externa malefi-*  
*cii destruere.*
9. *An verò id licitum sit spe cessationis nocu-*  
*menti, hinc inde ab Auctoribus disputatur.*
10. *Sententia Henrici affirmativa statuitur.*
11. *Ejusque ratio expenditur, & tota res con-*  
*firmitur ad num. 13.*
14. *Objectiones proponuntur, & solvuntur, ad*  
*num. 19.*
20. *Talis curatio moralis dicenda est.*
21. *Non tamen est necessarium signa maleficii*  
*destruere pro sanitate obtinenda, ad num. 24.*
25. *Licitum est jubere, non tamen petere, ut*  
*demon signa maleficii revelet.*
26. *Utilissimum erit obsesso omnes suas tentatio-*  
*nes Exorcista patefacere.*

## C O M M E N T A R I U M .

Dum exorcizat utatur Sacræ Scri-  
pturæ verbis potius, quam suis.

I. **E**T recte, nam *omnis sermo Dei ignitus*  
*clypeus est sperantibus in se, ut legitur*  
*Prov. 30. v. 5. & S. Justus Orgelitanus in Cantic.*  
*ad illud: Mille clypei pendent, ait: In Sancta*  
*Scriptura omnis armatura fortium reperitur,*  
*ex qua vel contra diabolum, vel contra mini-*  
*stros ejus fortiter repugnatur. Nam, & ipse*  
*Dominus, cum in deserto a diabolo tentaretur,*  
*ex hac turri arma produxit, cum eum, pro-*  
*latis ex Sacra Scriptura testimoniis, usque-*  
*qua-*

*quaque devicit. Hinc S. Rabulas Abbas Sacra*  
*Scripturæ verbis utebatur ad dæmones coercen-*  
*dos, ut legitur in ejus Vita apud Bollandum*  
*die 19. Februarii. Quando vero improbus diabo-*  
*lus in eum irruebat, multis injuriis laceffendo,*  
*tunc munitus Scripturis Sacris è vetere, & no-*  
*vo testamento petitis, eum pari pondere repressit,*  
*operibusque ipsis in fugam conjecit: Sic S. Abra-*  
*mius a se dæmonia pluries repulit, ut narrat*  
*in ejus Vita S. Ephræm Syrus: „ orante eo no-*  
*„ ctu, scribit, tenens securim satanas cœpit*  
*„ Cellam ejus evertere, cumque jam eam vide-*  
*„ retur perforasse, magna exclamavit voce, di-*  
*„ cens: Festinate celeriter, o Amici mei, fe-*  
*„ stinate, & introeuntes citò eum suffocate.*  
*„ Beatus autem vir Dei, contra illum: Omnes,*  
*„ inquit, Gentes circumderunt me, & in nomi-*  
*„ ne Domini ultus sum in eos. Ille verò pro-*  
*„ tinus hac voce audita, evanuit.... Iterum-*  
*„ que, paucis inter labentibus diebus aliis, dum*  
*„ media nocte Psalmodiæ vacaret, conspiciens*  
*„ floream, super quam Psallens consistebat, vehe-*  
*„ menti flamma comburi, ignem intrepidus con-*  
*„ culcans, aiebat: Super aspidem, & basiliscum*  
*„ ambulabis, & conculcabis leonem, & draconem,*  
*„ omnemque potentiam inimici in Nomine Do-*  
*„ mini nostri Jesu Christi mihi auxiliantis su-*  
*„ perabo: diffugiens autem satanas, &c.,*

Jubeatque dæmonem dicere, an  
 detineatur in illo corpore ob ali-  
 quam operam magicam, aut  
 malefica signa, vel instrumenta.

II. Interdum detentio dæmonis in corpore pen-  
 det

det ab arte ipsa Magiæ , & solent aliquando magi , seu malefici signa quædam conficere externa , vel interna , quibus durantibus durat effectus maleficii , & illis destructis cessat . Sic aliquando signa externa maleficii sunt capilli ligati , statux cereæ , acus , paleæ , plumæ , ossa &c. His enim , & similibus instrumentis solent veluti firmari pacta inter maleficum , & dæmonem , ut , quamdiu signum permanet , teneatur dæmon malefacere ex vi pacti : destructo autem signo , vel cesset obligatio , vel etiam teneatur dæmon a malefaciendo cessare . Rituale nostrum jubet interrogare an per hujusmodi signa detineatur dæmon in corpore . Hinc audiendus non est P. Brognolus in Manuali Exorcistarum *part. 1. c. 3. a. 5. quest. 10. pag. mihi 126.* qui apertis verbis ait : *Ad quid querere , ut dicat , an sit alligatus ? Nonne hæc est mera fatuitas ?* Ipse tamen non sibi constat ; cum *ibid. cap. 2. art. 1. quest. 4. §. 2. pag. mihi 134.* de se ipso narret : *At tandem cum illi ( nempe dæmoni ) precepissem , ut diceret , an ingressus esset missus ab aliqua saga opere maleficii ? Respondit , &c.*

III. Advertendum tamen , quod hujusmodi signa non sunt causæ physicae , quia virtutem non habent ex se producendi tales effectus , quales dæmon , & malefici intendunt ; sed merè morales , & quidem latè usurpatæ , seu puræ conditiones , quia signa sunt , & symbola externa , quibus positis , maleficus dæmonem invocatur , & dæmon ad malefici placitum operatur , ut docet noster sollemnis Doctor Henricus *quodlib. 5. quest. 33.* inquires : *Maleficia virtutem , aut efficaciam non habent ex natura propria , sed cuncta , qua apparent fieri compositis maleficiis , immediate sunt libera voluntate a dæmonibus , ut*  
ejs



eis sibi homines associant, & associatos decipiant,  
 à vero Deo avertentes, secundum quod dicit Au-  
 gustinus, loquens de talibus factis super Psalm. 38.  
*Exurge in adiutorium mihi: nihil maxime sug-*  
*geritur humano cordi ab invisibiliter expugnan-*  
*tibus inimicis, nisi quia Deus non est adiutor;*  
*ut requirentes aliena adjutoria, inveniamur in-*  
*validi, & ab inimicis ipsis capiamur. Ut enim*  
*dicit lib. 2. de Doctr. Christiana, quacumque sunt*  
*in maleficiis sunt ex institutione superstitiosa, &*  
*pactione quadam demonum. Cum enim Deum*  
*in hominibus studeat dæmon æmulari, sicut Deus*  
*in sacramentis colitur, ita signis mirificè dele-*  
*ctatur. Quod D. August. lib. 21. de Civit. Dei*  
*cap. 6. apertè docet: Demones, inquit, alli-*  
*ciuntur per varia genera herbarum, lapi-*  
*dum, lignorum, animalium, carminum, ritu-*  
*um, non ut animalia cibus, sed ut spiritus signis,*  
*in quantum scilicet, hæc eis exhibentur in signum*  
*divini honoris, cuius ipsi sunt cupidi. Quod lon-*  
*gè prius clarissimè docuerat Tertullianus de*  
*Præscriptionibus cap. 40. Diaboli, inquit, sunt*  
*partes intervertendi veritatem, qui ipsas quo-*  
*que res sacramentorum divinorum in Idolorum*  
*mysteriis æmulatur. Tinguunt & ipse quosdam uti-*  
*que credentes, & fideles suos expiationem de la-*  
*vacro re promittit, & sic adhuc initiat mithræ: si-*  
*gnat illic in frontibus milites suos, celebrat & pa-*  
*nis oblationem, & imaginem resurrectionis indu-*  
*cit, & sub gladio redimit coronam. Quid? quod*  
*& summum Pontificem in unis nuptiis statuit?*  
*Habet & virgines, habet & continentes? Cete-*  
*rum si Numæ Pompilii superstitiones revolve-*  
*mus, si sacerdotalia officia insignia, & privilegia,*  
*si sacrificalia ministeria, & instrumenta, & vasa*  
*ipsorum sacrificiorum, ac piaculorum, & voto-*  
*rum curiositates consideremus, nonne manifeste*  
 dia-

diabolus morositatem illam Judaicæ legis imitatus est? qui ergo ipsas res, de quibus sacramenta Christi administrantur, tam emulanter affectavit exprimere, in negotiis idolatriæ utique, & idem, & eodem ingenio gestit, & potuit instrumenta quoque divinarum rerum, & sanctorum Christianorum sensum de sensibus, verba de verbis, parabolas de parabolis, prophane & amula fidei attemperare.

IV. Id manifestè apparet, si attendamus explicationem datam signis cujusdam maleficii a S. Andrea Salo, ut narratur in ejus Vita a Coævo conscripta apud Continuatores Bollandian. tom. 6. Maii die 28. Porro signa erant elychnium, oleum, lampas, ignis, & zona nodis quatuor in ea formatis, quarum rerum significatio ita exposita fuit a prælaudato S. Andrea., Jussit (magus nempe.) parari lampadem, oleum, elychnium, zonam, & ignem, quo sacri baptismi, gratia mulierem exueret. Lampas quippè pro sacra baptismali concha, aqua pro aqua illius sancta; oleum pro sacro Oleo: elychnium, & ignis pro cereis accensis: zona pro illa, qua in Baptismate cincta fuerant deposcebantur.... Imò, & in Imaginibus.... clam illas obtinendo, arefacto stercore, & in lampadem conjiciendo: atque ita opus suum, uti oblationem in sacrificium offerens, pessimo dæmoni consecravit. Ad quaternos, quod attinet, zonæ nodos, vinctus iis adstringebatur satanas (intelligē moraliter ex pacto) nec poterat abire, nisi combusta Zona: præceperat enim mulieri magus, illam intra vestes gestandam, quo scilicet ad lumbos circumferret dæmonem, Hæc S. Andreas. Sed ut totum melius intelligatur, legenda est integra Historia, quam infra refero, num. 13. Quare manifestum est dæ-

dæmonem , hujusmodi suis signis Deum amulari.

## Quæ si Obsessus ore sumpserit , evomat .

V. Interdum enim signa maleficii interna sunt, ut pluribus exemplis indubiè colligitur . In miraculis namque S. Dymphnæ Virginis , & Martyris *cap. 4. penes Bollandianos die 15. Maii*, leguntur , ad ejus sepulcrum liberatum energumenum , qui expositus exorcismis , ejecit uncas , acicularum , fragmenta vitrorum , partes ferri , & capillorum , & similia . , Ibidem in Vita secunda S. Bernardi Senensis *cap. 6.* refertur , liberatam obsessam ad ejus sepulcrum , quæ , evomit carbonem quemdam extinctum , ita vehementer calidum , ut manu recolligentis eum non aliter , quam si ignis feret , supercalefaciebat . , Item carbones ejecti leguntur in Vita B. Francisci Fabrianensis *cap. 3. in additionibus ad tom. 3. Aprilis* , apud eosdem eruditissimos Scriptores . In supplemento Actorum B. Joannis Taussiani , Episcopi Ferrariensis §. 6. die 24. Julii narratur de quadam muliere energumena , quod , cum se magno stomachi dolore opprimi sentiret , a Fr. Hieronymo de Bononia cum annulo Episcopali benedicta , ferrum ex ore projecit , idest Clavum equinum , & illum magnis viribus evomit , & alium majorem clavum de pectore traxit , ac statim incolumis meritis Beatissimi Episcopi , evasit . , Similiter in miraculis S. Joannis Gualberti *part. 13. penes Bollandianos eosdem Continuatores die 12. Junii* legitur , quemdam obsessum ad Monasterium Vallis-Umbrosæ addu-



adductum,, qui quosdam nigerrimos carbones  
 ,, paulatim evomens, Deo gratias, Deo gratias,  
 ,, inquit, convalui. Ad hæc videnda sociorum,  
 ,, aliorumque fit concursus: nequibant satis  
 ,, mirari unde illi carbones, præsertim cum se  
 ,, numquam comedissee fateretur: ,, Præterea in  
 actis S. Franciscæ Romanæ *cap. 3. apud Bollandum*  
*die 9. Martii* legitur, quod ,, quidam Hunga-  
 ,, rus obsessus a malignis spiritibus, ductus vio-  
 ,, lenter ad corpus B. Franciscæ, expuit coram  
 ,, omnibus tres carbones, & recessit liberatus. ,,  
 Insuper scriptor Vitæ S. Isidori Episc. Hispa-  
 lensis *die 4. Aprilis, apud Bollandianos*, refert,  
 plures energumenos ad ejus sepulcrum fuisse  
 liberatos, inter quos fuit adolescentula quæ-  
 dam, quæ in actu liberationis expulit,, num-  
 ,, mum. Nummus autem, *inquit*, apud nos  
 ,, ad ejus confusionem diligenter habetur repo-  
 ,, situs. ,, Tandem in Vita S. Hugonis Mona-  
 chi, & Prioris Enziacensis *cap. 3. die 20. Apri-*  
*lis*, quædam dæmoniaca ,, evomuit in modum.  
 ,, scarabeorum tria reptilia. ,, Et similiter al-  
 tera ,, reptile quoddam oestro consimilem vi-  
 ,, vum, & repens evomuit ,, ut narratur in  
 Vita S. Eutropii *cap. 3. penes Antuerpienses So-*  
*cios 30. Aprilis*. Lege exemplum, quod ex D.  
 Antonino supra retulimus in Commentario Do-  
 cumenti V. *num. 26.*

VI. Tribus autem modis res solidæ, & quan-  
 titativæ in corpus humanum immitti possunt, ju-  
 xta Doctores. Primò per extensionem, & oc-  
 clusionem pororum, qui ita dilatantur a dæ-  
 mone, ut hæc duriosa inferi possint, rur-  
 sumque iis insertis ita clauduntur, ut hujus-  
 modi hiatus nullum postea vestigium rema-  
 neat. Sic fulminis radius poros vaginæ penetrat  
 ferrum, & enssem liquat sine ejusdem vaginæ

lacione. Secundò per divisionem eorum, quæ ingerenda sunt; dæmon enim res solidissimas dividit, & comminuit in partes minutissimas, etiam instar pulveris, tum illas sensim immisfas, & ingestas iterum unit & compingit, atque in pristinam molem restituit, idque tam citò, & subtiliter, ut adstantium oculi talem operationem ob nimiam ejus subtilitatem & celeritatem advertere nequeant: & hoc ex imperio, quod, Deo permittente, in naturam, & res naturales exercet. Tertiò per carnis vulnus citissimè apertum, & consolidatum, per quod materia dura introducitur: dæmon enim sua subtilitate scientiæ, & potentiæ virtute homini somnum profundissimum immittere potest, ut soporatus dolorem non sentiat, tum sopore immisso, & adempto doloris sensu, scissione carnem dividere, & post materiam duram, & solidam immittere, deinde aliis naturalibus, & efficacibus remediis brevissimo tempore vulnus consolidare, itaut nulla cicatrix vel vestigium incisionis relinquatur. Ex his tribus dicendi modis, elige quem vis, ac vide si lubet Martinum Delrio *Disquisit. magic. lib. 3. par. 1. quest. 3. sect. 6.*

VII. Advertendum tamen, quod aliquando instrumenta illa, quæ evomuntur a maleficio affectis, non verè, & realiter in corpora immittuntur, nec è corporibus ejiciuntur, sed aliundè citò accipiuntur, & statim supponuntur. Sic in Vita S. Isidori Hispalensis Episcopi *loco supra laudato* legitur, quod dum ad ejus sepulcrum a quadam energumena egrederentur dæmones  
 „ unus illorum dæmonum per os Mulierculæ  
 „ projecit nummum, & alius lapillum, quem  
 „ de pelago Salmantino se eodem momento asseruit extraxisse: tertius autem plumbum....  
 „ quod

„ quod eadem mulier in summitate vittæ col-  
 „ ligatum circumferebat. „ Aliquando res, quæ  
 evomuntur nec suppositæ, nec reales sunt, sed  
 tantum apparentes, oculos adstantium perstrin-  
 gendo, adeo ut cum vomitione & excrementis  
 educta esse videantur. Sic in Vita B. Joannis Tauf-  
 finiani Episcopi Ferrariensis *cap. 2. loco supra re-*  
*lato* narratur, quod „ Vir Dei Joannes cum se-  
 „ mel ad visitandum quamdam mulierem .... a  
 „ dæmone vexatam, nec non maleficiis diaboli-  
 „ cis pene consumptam, venisset .... non mul-  
 „ to post sacerdos ad Infirmam cum Dominico  
 „ Domini nostri Jesu Christi corpore venit, tum  
 „ ut eam communicaret, tum ut spiritum eam  
 „ vexantem ab eo corpore exire conjurationibus  
 „ compelleret. Sacerdos cum vix intra cubiculum  
 „ cum sacramento Dominici corporis venisset,  
 „ illa mulier statim clavos, acus, ærisque frustra  
 „ ad vomitum conversa evomere videbatur.  
 „ Qui huic aderant spectaculo omnes stupe-  
 „ bant, & unus, qui vas evomitionis ad os mu-  
 „ lieris tenebat, cum B. Joanne contendere cœ-  
 „ pit, an quæ evomuerat hæc mulier essent ve-  
 „ ra, & ea vera fore asseribat; sed in contrari-  
 „ um Vir Dei veritatem esse asseverabat, nam  
 „ clavos, acus, & æris frustra non vera, sed dia-  
 „ bolico præstigio ita videri, & hoc diabolo ocu-  
 „ los astantium præstigiantem; at ille pertinaci  
 „ fronte Beato viro resistens, manum in catino  
 „ apponens, clavos, acus, & æris frustra sua  
 „ manu elevabat, & Episcopo ut videret por-  
 „ rigebat, quæ astantibus omnibus cernenda o-  
 „ stendebat. Sed vir Dei eorum cæcitatem videns,  
 „ immundo spiritui ex illo mulieris corpore exi-  
 „ re præcepit. Hoc imperato, cum fetore ma-  
 „ ximo immundus spiritus ex illo exivit corpo-  
 „ re, & quæ prius in clavos, & acus, & æris



„ frustra cernebantur, modò non nisi in flegma,  
 „ sicut juxta veritatem prius erant, conspici-  
 „ unt. Tunc Vir Dei diaboli præstigium ape-  
 „ ruit, & astantium cœcitatem propulsavit, as-  
 „ ferens talia non clavos, non acus, non æris  
 „ frustra fore, sed flegma. „ Pariter in Vita S. Ca-  
 tharinæ Svecicæ legitur quamdam Mulierem ob-  
 sessam, ad tumulum sanctæ Birgittæ liberatam  
 evomuisse diversis vicibus, „ tres serpentes, qui  
 „ erant secundum mulieris æstimationem in lon-  
 „ gitudinem duplicis ulnæ.... & secundo evo-  
 „ mit materiam horribilem, quasi globum,  
 „ vel modum..... Quidam Peregrinus cœpit  
 „ movere materiam, & apparuerunt ibi pluf-  
 „ quam viginti capita „ penes Bollandum 24.  
*Martii.*

Vel si alia extra corpus fuerint  
 ea revelet, & inventa  
 comburantur.

VIII. Henricus noster Gandavenfis quodlib. 5.  
 quæst. 33. hoc docet his verbis: *Licitum est ma-  
 leficium deponere simpliciter, quemadmodum li-  
 citum est idolothytum in cloacam projicere.* Ido-  
 lothytum porrò ex communi Patrum, & Docto-  
 rum propriè ad cibos Idolis immolatos pertinet,  
 licet Tertullianus accipiat pro omni eo, quod  
 Idolis sacratum est, ut observat Jacobus Pa-  
 melius *in lib. Tertulliani de Idolatria c. 13.* sicut  
 ergo licitum est Idolothyta in cloacam projice-  
 re, eadem profectò ratione licitum, imò *ca-  
 tholicum* erit, inquit Doctor solemnis *destruere  
 opus superstitiosum demonis, & in hoc ei con-  
 trariari*, quale est signum maleficii a malefico  
 positum.

IX. Sed

IX. Sed major difficultas est an liceat signa maleficii remove, vel comburere spe cessationis nocumenti, & pristinae valetudinis recuperanda. Hanc quaestionem primus omnium ex professo instituit Henricus noster *quodlibeto* *supra citato*, quem postea communiter secuti sunt Theologi, quos supra 47. enumerat Brognolus in *Alexicacon. tom. 2. disp. 3. §. 5.* quibus tamen non adhærent Joannes Hessels a Lovanio in prælectione *lib. 4. Sent. Estius in 4. dist. 34. §. 8.* Franciscus Sylvius in *2. 2. q. 96. art. 4.* qui tamen ut probabilem admittit Henrici sententiam: & Pignatellus novissimarum Consultationum *tom. 1. consult. 59.*

X. Henricus itaque quodlib. 5. quaest. 33. ait: *Licet autem perniciosum est operibus superstitiosis communicare, aut facere talia, qualia faciunt superstitiosi, communicando operibus demonum: Catholicum tamen est destruere opus superstitiosum demonis, & in hoc ei contrariari. Et sic dico, quod licitum est maleficium deponere simpliciter, quemadmodum licitum est Idolothytum in cloacam projicere: & etiam ut curetur infirmus maleficiatus non credendo, quod virtute illius maleficii morbus ille contingat; hoc enim infidelitatis esset... Sed credendo contrarium, & quod fiat sola demonum actione ex divina permissione; qui non consueverunt secundum passionem suam maleficiatum vexare, nisi stante illo maleficio.* Quæ sententia conformis videtur his, quæ habet D. Joannes Epist. 1. cap. 3. *Christus venit in mundum, ut destruat opera diaboli.* Igitur Christi imitatio erit, qui maleficiorum signa, quæ diaboli sunt opera destruit.

XI. Expendamus modo Henrici rationem, quæ est hujusmodi: *Quod genere suo non est malum, & potest fieri intentione bona, licitum est;*

*deponere autem maleficium.... ex genere suo non est malum, & fit bona intentione quando fit ad movendum malum, quod est in proximo, ergo &c.* Porro in destructione maleficii nulla est societas cum dæmone, neque ulla honoratio ejus; nam actio illa potius tendit ad destruenda vincula impietatis, & dissolvendum pactum, & consequenter, quantum in se est, ad tollendam societatem cum dæmone. Præterea illa destructio est involuntaria ipsi dæmoni; nam saltem ex se, invito illo fit, & independenter a voluntate ejus. Insuper, per illam ablationem, nihil per se postulatur a dæmone, sed tollitur efficaciter id, unde solet dæmon moveri ad operandum, & faciendum malum. Tandem in destructione illius signi non intervenit usus alicujus vani signi per modum causæ ad faciendum aliquid, ad quod tale signum est inutile, & in hoc consistit ratio superstitionis cum pacto implicito, nam illa destructio vani signi est potius destructio vani signi non ut causæ, ut advertit Henricus, sed ut signi, quia ut signum solet movere dæmonem. Hæc autem omnia per se non sunt mala, sed laudabilia.

XII. Quod verò fiat bona intentione, declaratur; nam in primis si loquamur de intentione finis remoti illa est intrinseca, quia est intentio operantis, non operis, quæ potest esse bona, cum intendat liberare proximum ab illa vexatione corporis, quod ad misericordiam pertinet. Item tollere proximo occasionem cadendi spiritualiter continuando pactum cum dæmone, & alteri proximo amplius nocendi, & similia. Quod si contingat intentionem esse malam, aut vanam, tunc poterit per accidens actio esse mala, tamen non proinde erit superstitio. Loquendo verò de intentione finis intrinseci



feci, & operis, etiam hæc per se bona est, quia non est, nec esse debet intentio obligandi dæmonem ad aliquid agendum, nam in hoc misceretur superstitio; sed intentio est destruendi incentivum dæmonis, ad tale maleficium committendum. Nec enim dubitari potest, quin dæmones his signis excitentur, & inducantur ad nocendum, & quod cessare soleant his destructis; nam hoc experientia notum est, & nos supra ostendimus *num. 2.* Unde hoc credere nulla est superstitio, quia non a dæmone hoc discitur, ut a docente, vel testificante, sed ex operibus suis malignis, & longa consuetudine hoc per experientiam cognoscitur; & consequenter ratione constat moveri dæmonem illis rebus, non ut res sunt, sed ut signa sunt ab eis data, adeoque licite, & prudenter creditur dæmonem habere talem consuetudinem, sicque optima intentio ad destruendum talia signa, est tollere incentivum dæmonis ad malefaciendum, destruendo illud non per artem, vel benevolentiam ejus, sed per propriam hominis potestatem, ipso etiam invito. Sic fere in terminis rationem nostri Henrici expendit eximius P. Suarez *tom. 1. de Religione lib. 2. de Superstitione cap. 17.*

XIII. Sed confirmet hoc totum, factum quoddam quod legitur in Vita S. Andreae Sali, qui sæculo X. vixit *cap. 17. apud Continuatores Bollandianos tom. 6. Maii die 28.* nec pigeat totam narrationem legere. Legitur, inquam, quamdam mulierem viro decoctori, & adultero junctam ad magum velut ad virum Sanctum adductam fuisse, quæ cum eadem sua infortunia, & mariti scelera exposuisset, ab eo auxilium petiit, cui magus respondit "Concupiscentiam in illo omnem sic extinguam, ut mulieris cujusvis concubi-

tum deicens appetiturus non sit . Respondit  
 mulier : Aliud nihil in votis mihi est , mi Do-  
 „ mine , quam ut conjux meus a prava alia-  
 „ rum consuetudine averfus, in me solam omnem  
 „ amorem suum transferat . Cui alter : ut pe-  
 „ tiisti effectum dabo . . . . tum ita pergit : Va-  
 „ de in domum tuam , & para mihi elychnium,  
 „ & oleum , & lampadem , & zonam , & ignem ;  
 „ quarto post die namque veniam , quæ deside-  
 „ ras tibi præstiturus . Et verò adfuit die quar-  
 „ to , acceptoque oleo , nescio quid immurm-  
 „ rans , atque invocans , in lampade illud in-  
 „ fudit , rursusque attracto elychnio acce-  
 „ ptam lampadem accendit , & collocavit eo-  
 „ dem , quo mulieris Imagines ( *nempè Sancto-  
 „ rum* ) servabantur loco : deinde accepit quo-  
 „ que zonam , & nefariæ artis suæ arcana quæ-  
 „ dam verba proferens , in eaque nodos quatuor  
 „ innectens , mulieri tradidit dicens : Intra vestes  
 „ corpori tuo illam adstringe , & mihi tremis-  
 „ sem ( *nempè tertiam partem aurei* ) porrige pau-  
 „ peribus distribuendum pro salute animæ tuæ .  
 „ Porrexitque illa . . . . Ecce autem maritus ejus  
 „ odisse , ac detestari cœpit , quæ prius cupi-  
 „ de operabatur , solamque uxorem suam amo-  
 „ re prosequens , in curanda re familiari totus  
 „ versabatur . „ At post id mulier dormiens dæ-  
 „ monum amplexibus tenebatur , & variis exinde  
 „ illusionibus obnoxiam , Sacras Imagines , quas  
 „ domi habebat , conspurcatas vidit , & ex Angelo  
 „ verò ipsi apparente didicit, quod magus id fecerit .  
 „ Quare rem totam aperuit Epiphanio , qui erat  
 „ S. Andreæ Sali discipulus , & familiaris , vir præ-  
 „ clara instructus pietate , qui postea monachus  
 „ factus mutato nomine Constantinopolitanam Se-  
 „ dem tenuit . ” Quibus auditis , altum ingemi-  
 „ scens , lacrymasque ubertim profundens ( *Epi-  
 „ phanius* )

„ phanius ) maledictus sis , exclamabat , nequam  
 „ diabole , qui non cessas filios hominum insidiis  
 „ impetere . Deinde consilio secum inito : ad  
 „ mulierem vade , inquit , ac zonam illam flam-  
 „ mis trade , elychnium verò , & lampadem  
 „ contere , & imagines ad me affer . ” Executa  
 mulier sic liberata est , dixitque postea Epipha-  
 nio . ” Nunc scio verè contrivisse Dominum per te  
 „ omnes inimicos meos . Cui Epiphanius : Præ-  
 „ clara fides tua hæc tibi bona apportavit . Nos  
 „ enim miselli peccatores sumus , divinæ mise-  
 „ rationis semper indigni . ” Unde non est novum ,  
 quod maleficii instrumenta comburantur , ac dis-  
 sipentur spe cessationis nocumenti , cum videamus  
 hanc regulam a Sanctis antiquis viris obser-  
 vatam , atque approbatam ; hoc enim factum non  
 improbatum legimus a S. Andrea de hac re ab  
 Epiphanio monito , *ut ibidem narratur* . Aliud  
 simile lege de S. Irene in Commentario Documen-  
 ti V. num. 22.

XIV. Nec obstat primò , quod diabolus nun-  
 quam spontè cessabit a nocumento corporali ni-  
 si ut gravius noceat in anima , cum sit hostis no-  
 ster præcipuus semper cupiens quam maximè  
 nocere , juxta D. Leonis sententiam *serm. 19. de*  
*Passione* , ubi de dæmonibus loquens : *Cum* , in-  
 quit , *eis nihil in quemquam amplius liceat , quam*  
*justitia Divina permiserit . . . . agunt tamen ver-*  
*sutissimam arte fallacia ut ex arbitrio propria po-*  
*testatis aut lædere videantur , aut parcere ; &*  
*multis quod dolendum est , ita per nequitiam si-*  
*mulationis illudunt , ut quidem illos , & timeant*  
*pati insensos , & velint habere placatos , cum*  
*beneficia demonum omnibus sint nocentiora vul-*  
*neribus , quia tutius est homini inimicitiam diabo-*  
*li meruisse quam pacem , & consequenter per*  
 cessationem nocumenti , quæ fit amoto signo ,  
 gra-



gravius infert nocumentum vel amoveni, vel maleficiato, vel utrique.

XV. Non inquam obstat, quia cessatio a nocendo, beneficium non est Diaboli, sed Dei, & hominis tollentis signum; sicut non est beneficium proditoris, quando ablato signo desistit a proditione peragenda; neque qui tollit, ullo modo dici potest, hoc beneficium a proditore expectare; hinc parum aptè ad rem nostram adducitur auctoritas Magni Leonis.

XVI. Nec officit secundò id quod Dominus in Evangelio dixit: *Hoc genus demoniorum non ejicitur nisi in oratione, & jejunio*. Non enim sensus est, non aliter rectè ejici posse; nam in primis plus probat argumentum, quam opus sit; si enim valeret, nec exorcismis ejici licitè posse probaret, sed tantum jejunio, & oratione. Sensus ergo verborum Christi non est non aliter ejici, sed non aliter rectè ejici posse efficaciter; nam Apostoli non quærebantur se usos malis mediis, sed se ejicere non potuisse; conatus enim Apostolorum non fuerat illicitus, sed irritus, & hoc scire volebant, cur efficax non fuisset in hoc Energumeno, quemadmodum solebat esse in cæteris. Responsum illis est, id accidisse, quod orationem, & jejunium non adhibuissent, quæ talium demoniorum pessimorum, quorum erat inveterata possessio, generi expellendo necessaria ipsi erant.

XVII. Nec tandem obstat testimonium D. Hieronymi in Vita S. Hilarionis, ubi refert, quod cum quædam virgo a dæmone obsessa ad Hilarionem liberanda delata esset, dæmon respondit: *Exire me cogis, & ligatus subter limen teneor; non ex eo nisi me adolescens, qui tener dimiserit.* (utique ablatis signis) addit verò Hieronymus: *Noluit autem sanctus antequam purgares*  
vir-

virginem, vel adolescentem, signa jubere perquiri, ne aut solitis incantationibus recessisse demon videretur, aut ipse sermoni ejus accommodasse fidem. Ubi Hieronymus duo mala significat esse in auferendis istis signis; unum, quia pertinet ad usum incantationum; aliud quia datur fides dæmoni.

XVIII. Confirmo hoc totum ex historia, quam notavi dum acta Sanctorum Bollandiana percurrerem, quæque legitur in Vita S. Joannis Gualberti par. 2. *Miraculorum die 12. Julii.* " Petrus  
 „ Bernardi de Arena Civis Florentinus... huc  
 „ veniens, miris modis funibus undique septus  
 „ horribilitatem quamdam præferens, ut multorum  
 „ nasos, & aures mordicus attentare præsumeret..... Cum autem ex more in sacrum  
 „ crarium..... traheretur, coactus tandem post  
 „ multas in eum orationes, conjurationesque habitas,  
 „ hæc retulit: se cujusdam maligni viri carminibus,  
 „ & incantationibus illis tam astrictum, & ligatum teneri,  
 „ ut nullo pacto, nulla etiam vi se inde abstrahi posse  
 „ fateretur, ni prius fascinationes, & incantationes  
 „ illæ de sub ostii limine domus suæ amoverentur.  
 „ Caterum cum Monachi & meritis Christi Jesu,  
 „ & B. Hilarionis exemplo ducti, parum, vel nihil fidei  
 „ adhiberent, eo quia in aliis sæpè mentitus esset;  
 „ instare orationibus, insuper Sacerdos jugiter torquere,  
 „ sibi que ex virtute Dei exitium imminere dicebat:  
 „ E contra ille vultu truci, ardentibusque oculis in hæc  
 „ prorupit verba: O cruces! O tormenta! quid  
 „ patior? quid opus est, o pessimi Fratres, ut hinc  
 „ abeam per tot orationes? Cur incassum hos Hymnos,  
 „ verbaque hæc Divina effunditis? Quid frustra tantum  
 „ laboris perfertis? Sat est hoc ex me potuisse audire,  
 „ in ostii li-  
 „ mine

„ mine incantationes relinqui, quod mihi plu-  
 „ rimum nociturum non dubito. Optantibus  
 „ nonnullis ex his, qui cum ipso venerant, ut-  
 „ que dæmon aiebat, lamina, & linum, & cæ-  
 „ tera inquirerentur, & a loco amoverentur,  
 „ prohibuere monachi, ne aut solutis incanta-  
 „ tionibus recessisse dæmon, aut ipsi suis ser-  
 „ monibus accomodasse fidem videri possent,  
 „ asserentes, semper fallaces esse dæmones, &  
 „ ad simulandum callidos. Orantibus itaque  
 „ & Virginem Mariam, sanctumque Joannem  
 „ jugiter religiosis viris deprecantibus... ipsum  
 „ miserum prius diu discerpens & lanians, de-  
 „ mum discessit. „

XIX. Non, inquam, obstat; nam in primis Hieronymus ibi non dicit S. Hilarionem noluisse investigare signa, quia id malum esset, sed simpliciter noluisse: unde potius in tali absoluta locutione indicat, non ex necessitate, sed perfectiori virtute ita se gessisse, ac subinde non id omisisse, quia esset malum, sed quia plus de Deo confidebat. Erat enim dignum tali viro, ut altiori virtute, & modo dæmonis opera destrueret, & ideo de quærendis signis non curavit. Deinde fortasse timuit S. Hilarion aliquod scandalum, ut significant illa verba: *Ne solitis incantationibus recessisse videretur*; id est, ne astantes id putarent, & aliquod scandalum sumerent: facile enim crederent, non potuisse dæmonem expelli a viro Sancto invitum, & non ablatis signis. Tunc ergo sine dubio non expediebat tali viro, & in tali occasione uti illo medio, esto illud per se, & natura sua malum non sit. Idem dic ad confirmationem.

XX. Advertendum tamen, huiusmodi curationem non esse supernaturalem; supernaturalis enim procedit a causa supernaturali, ab

Exor.



Exorcismis scilicet, oratione, confessione, jejuniis &c. independenter a remotione signorum, sed esse curationem moralem, sicut enim ipsa signa sunt quasi causæ morales vexationis dæmonis, ita ablatio eorumdem est veluti moralis ablatio talis vexationis.

XXI. Insuper advertendum est posse maleficiatum liberari sola supernaturali curatione, nec simpliciter necessarium est signa maleficiæ destruere, ut patet ex factis supra relatis, quia dæmonis alligatio illis signis non est naturalis, nec coacta, seu violenta, sed libera, & voluntaria, ut dictum est supra *numero 3*. Igitur cogi potest dæmon ab Exorcista per præcepta illi facta in nomine Jesu, ut cesset homini nocere, & nihil impimenti poterunt afferre illa signa, quin maleficiatus liberetur; sicut enim posito maleficio, positis signis, posito dæmone operante nocere non possunt iis, qui firma fide in Deum confidunt: ita posito dæmone operante, positis signis maleficiæ, & posito maleficio, ut dæmon a malefica operatione ob supernaturalia remedia desistat, cogi potest.

XXII. Hoc assertum præter dicta, manifestum fit in S. Ambrosio, ut refert Paulinus in ejus *Vita operibus S. Præsulis inserta*. „ Quidam haruspex Innocentius nomine.... misse se etiam, & dæmones, qui illum (*nempe Ambrosium*) necarent, fatebatur; sed dæmones renuntiassse se non solum ad ipsum appropinquare minimè posse, verum etiam nec ad fores domus in qua manebat Episcopus, quia ignis insuperabilis, omne illud ædificium communiret, ut etiam longè positi urerentur, atque ita cessare artes suas, quibus adversus Domini Sacerdotem se aliquid posse arbitrabatur. „ Similiter  
cla-

clarum fit in S. Theodoro Siceota Episcopo Anastasionopolitano; legitur namque in ejus Vita cap. 5. penes Bollandianos die 22. Aprilis, quemdam magum immisisse dæmones, ut Sanctum tentarent, & ad mortem usque affligerent... sed Divina virtute, quæ illum protegebat, fugabantur.... Quare cum idem sæpius frustra, imò verò cum detrimento suo tentassent, ad eum a quo missi fuerunt, confusi reverterunt..., & respondebant.... in cibo, & potu (*en signa maleficii*) vim nostram minuscimus, sed eam ipse utens benedictione inutilem reddit., Uterius manifestatur ex his, quæ habet S. Epiphanius adversus hæreses, *hæresi 30. quæ est Ebionitarum*, ubi hæc narrat num. 7. & 8., Erat in Balneis ingenua mulier eximia corporis venustate, ac specie, quam Adolescens inveteratæ libidinis aculeo percitus adamavit, ac per balnearum solum ambulans, latus suum ad mulieris latum affricuit. Illa in nomine Christi semet obsignat; nam Christiana erat, quominus peccare eam, aut lavare cum viris attinebat.... Verum ut sua Deus miracula demonstraret, omnibus suis conatibus adolescens excidit, cum & ad eam misisset, & muneribus sollicitasset; illa verò & internuncios contumeliosè a se dimisisset, nec impudici amatoris artibus cessisset. Igitur focii comperto Juvenis mœrore.... potentiores quasdam præstigtas adornant. Cum nihil venefici isti promovissent, ac se mulier & Christi signo, & fidei præsidio defenderet, cognitum est Adolescentem tres integras noctes illius alliciendæ gratia substitisse, ac demum spe sua frustratum, cum impostoribus jurgio contendisse.... Hoc documentum Christianæ Religionis.... quo nihil adversus Christi

sti

„ ſti nomen Crucifve ſignum valere maleficia  
„ comperimus. „ De S. Cypriano Martyre, pri-  
us dæmonum cultore, hæc narrat S. Gregorius  
Nazianzenus *orat. in laudem ejusdem Martyris*:  
„ Virgo quædam erat patritio genere nata, ho-  
„ neſtiſque moribus prædita. Virgo hæc forma  
„ erat perquam liberali, & egregia. Hujus  
„ amore magus Cyprianus captus eſt. . . . . nec  
„ tantum captus eſt, ſed ejus quoque pudici-  
„ tiam attentabat. . . . Solicitabat ergo eam Cy-  
„ prianus, atque ad hujusmodi lenocinium  
„ non aniculam quamdam ad hos uſus accom-  
„ modatam, ſed dæmonem quemdam libidinis,  
„ ac voluptatis amantem aſciſcit. . . . At puel-  
„ la ſimul atque vim mali præſentit, atque  
„ inſidias intellexit. . . . . deploratis omnibus a-  
„ liis remediis ad Deum confugit, . . . . Virgi-  
„ nemque Mariam ſupplex obſecrans, ut peri-  
„ clitanti Virgini auxilium ferret, jejuniis, atque  
„ humi cubationis pharmaco ſe ſe communit. . . .  
„ Virgo ſuperat, dæmon ſuperatur. Ad aman-  
„ tem accedit tentator, victum ſe recepiſſe in-  
„ dicat, . . . . atque a Virgine quidem, non ſe-  
„ cus ac tormentaria quædam Machina a firmo,  
„ & valido muro repellitur, precibus nimi-  
„ rum, & oratione fuſus ac fugatus. „ Tandem  
Joannes XXII. conqueritur, Joannem de Aman-  
to medicum, Barbitonforem, & plures aulæ  
Pontificiæ Clericos magicis artibus conatos fuiſ-  
ſe, & nonnullos Cardinales morte afficere, ſed  
frustra, divina eos protegente gratia. Inter alia  
hæc habet prædictus Pontifex *Tom. 1. Epist. ſe-  
cret. 374.* apud Odoricum Raynaldum in *Annali-*  
*bus Eccleſiaſticis* ad annum 1317. *Non attento,*  
*quod leges humana atrocius judicant hominem*  
*veneno extinguere, quam gladio trucidare, po-*  
*tiones, & venena mortifera præparari fecerunt;*



ut ex illorum propinatione nos, & aliquos ex  
 iisdem Fratribus nostris extinguerent. Et ne de-  
 ficerent in sui mali executione propositi propina-  
 tionis habilitate negata, imagines cereas fece-  
 runt sub nostro, & ipsorum Fratrum nominibus  
 confici, ut magicis artibus incantationibus vetitis  
 ac demonum invocationibus reprobandis adhibi-  
 tis, vitam labefactarent insontium per punctio-  
 nem imaginum predictarum. Porro licet huius-  
 modi perfidi proditores conceperint dolum huius-  
 modi, & ut iniquitatem parerent opportunita-  
 tes querere, suosque frequenter curaverunt pro  
 viribus exercere conatus; ille tamen, in cuius  
 potestate hominis & mors, & vita consistit,  
 misericorditer resistentia manum opposuit, & a  
 nocere nitentibus innoxii noceri non sinens, po-  
 tiones, & tres ex imaginibus antedictis ab inspe-  
 rato in manus nostras devenire concessit &c.  
 Dat. Kal. Maii 1317.

XXIII. Sed nedum propria sanctitas, verum &  
 aliorum orationes, ac in Deum fiducia impediunt  
 quo minus maleficia noceant. Sic maleficium in  
 alium impedivit precibus suis S. Berachius Abbas,  
 ut legitur in ejus Vita c. 2. *penes Bollan. die 15. Feb.*  
 Hac enim habet Scriptor: " Quodam tempore  
 „ uxor regis Lageniæ maligno eam excitante spi-  
 „ ritu, eundem Regis Filium arte Magica, ut  
 „ perfida noverca, interimere voluit; timuit  
 „ enim, quod Proli suæ prævaleret, ac eam con-  
 „ temneret si post obitum regis regnaret. Ascen-  
 „ dit ergo cum aliis concinnatricibus magicæ  
 „ artis peritis, cujusdam collis summitatem,  
 „ ut adorando demones ab eis impetrarent, vel  
 „ Filii Regis mortem, vel mutilationem. Sed  
 „ desiderium peccatricis Reginæ periit, quia  
 „ Spiritui sancto, qui in sancto suo (*Brachio*)  
 „ operabatur, contraire non valuit; Dei enim  
 virtus

„ virtute instigante, vir Dei ad videndum  
„ pecora Monasterii eundem locum ascen-  
„ dit, ac Deo sibi revelante, quamam regi-  
„ na ibi ageret didicit; quamobrem vir Dei  
„ ad orationis præsidia convolans, Deum Cœli  
„ devotissimè rogavit, ne malignantium mu-  
„ lierum incantationes puero innocenti præ-  
„ valerent; & exaudivit Dominus sanctum su-  
„ um puerum innocentem defendendo, ne ma-  
„ gica ars ei prævaleret, „ .

XXIV. Quare si dæmones maleficio jubente, nequeunt interdum malefacere, non poterunt dæmones a malefaciendo desistere, etiam si magus nollet, & signa perseverent? Licet tamen Rituale nostrum signorum ablationem, & destructionem proponat, solam proponit ut medium licitum, non necessarium.

XXV. Tandem advertendum est quod aliud est *petere*, aliud *jubere*, ut dæmon signa maleficii revelet; primum enim illicitum est, ut vidimus in Commentar. Tituli *num. 9.* secundum admittitur a nostro Rituali.

**Moneatur etiam Obsessus,  
ut tentationes suas omnes  
Exorcistæ patefaciat.**

XXVI. Hujus moniti utilitatem eruo ex iis, quæ habet Cassianus *collat. 2. cap. 10.* ubi scribit: *Tum Moyses: vera, inquit, discretio non nisi vera humilitate acquiritur. Cujus humilitatis hæc erit prima probatio, si universa non solum, quæ agenda sunt, sed etiam quæ cogitantur seniorum reserventur examini, ut nihil quis suo judicio credens illorum per omnia definitionibus acquiescat.*

& quid bonum, vel malum debeat judicare, eo-  
 ram traditione cognoscat. Quæ institutio non so-  
 lum per veram discretionis viam juvenem recto  
 tramite docebit incedere, verum etiam cunctis  
 fraudibus & insidiis inimici servabit illasum.  
 Nullatenus enim decipi poterit quisque si non  
 suo iudicio, sed majorum vivit exemplo; nec va-  
 lebit ignorationi ejus callidus hostis illudere, qui  
 universas cogitationes in corde nascentes, perni-  
 ciosa verecundia nescit obtegere, sed eas maturo  
 examine seniorum vel reprobat, vel admittit.  
 Illico namque ut patefacta fuerit, cogitatio ma-  
 ligna marcescit, & antequam discretionis judi-  
 cium proferatur, serpens teterrimus velut atene-  
 broso, ac subterraneo specu virtute confessionis  
 protractus ad lucem, & traductus quodammo-  
 do, ac dehonestatus abscedit. Tandem enim sug-  
 gestiones ejus noxia dominantur in nobis, quando  
 celantur in corde. Similia ad rem nostram ha-  
 bet S. Franciscus Salesius Episcopus Geneven-  
 sis in Introductione ad vitam devotam parte 4.  
 cap. 7.

XXVII. Sed magis appositè Ven. Beda lib. 3.  
 in Lucam cap. 8. Sed, inquit, & nostri temporis  
 sacerdotes, qui per exorcismi gratiam demones  
 ejicere norunt, solent dicere patientes non aliter  
 valent curari, nisi quantum sapere possunt, om-  
 ne quod ab immundis spiritibus visu, auditu,  
 gustu, tactu, & alio quolibet corporis, vel ani-  
 mi sensu vigilantes, dormientesve pertulerint,  
 confitendo patenter exponant.... Quæ mendacio  
 simillima res, sed adeo vera, & plurimorum est  
 attestazione notissima, ut quidam vicinus mihi  
 Presbyter retulerit, se quamdam sanctimonia-  
 lem faminam a demonio curare cœpisse, sed quan-  
 diu res latebat, nihil apud eam proficere po-  
 tuisse. Confessa autem, quo molestabatur phan-



*tasmate, mox & ipsum orationibus, ceterisque, quæ oportebat purificationum generibus effugasse, & ejusdem femina corpus ab ulceribus, quæ demonis tactu contraxerat, medicinali studio adjuncto sale benedicto, curasse.*



## DOCUMENTUM XVI.

**S**I verò obsessus liberatus fuerit, moneatur, ut diligenter sibi caveat a peccatis, ne occasionem dæmoni præbeat in ipsum revertendi, ne fiant novissima hominis illius pejora prioribus.

### S U M M A R I U M.

1. **D** Ignitas totius documenti ostenditur.
2. **D** Obsessus semel liberatus, debet cavere a peccatis.
3. Idque exemplis suadetur.
4. Insuper debet se ornare virtutibus, & præsertim se exercere in actibus virtutum Theologicarum.

### COMMENTARIUM.

- I. **T**otum istud documentum fundatur in verbis Christi Domini, quæ leguntur Lucae 11. v. 24. & Matthæi 12. v. 43. *Cum autem immundus spiritus exierit ab homine ambulat*

per loca arida, quarens requiem, & non invenit. Tunc dicit: Revertar in domum meam unde exivi. Et veniens invenit eam vacantem, scopis mundatam, & ornatam. Tunc vadit, & assumit septem alios spiritus secum nequiores se, & intrantes habitant ibi, & fiunt novissima hominis illius pejora prioribus. Quæ verba appositè explicat Euthymius Zigabenus Comment. in 4. Evangel. cap. 23. inquit: Cum autem immundus spiritus exierit ab homine, perambulat loca arentia, quarens requiem, & non invenit. Arentia loca dicit deserta. Significat autem Sanctorum Animas nullum affectionis humorem habentes, quæ etiam deserta sunt nec ullius vitii fecunda. Tunc dicit: Revertar in domum meam, unde exivi. Domum suam vocat hominem a quo egressus, est non volens, sed jussu divino; & cum venerit invenit eam vacantem scopis purgatam, & ornatam. Deliberatis a demone hoc dixit, qui ob segnitiam, ac negligentiam facile rursus a demone invaduntur, & capiuntur. Invenit, inquit, priorem domum suam vacantem, & vacuam spiritu sancto, seu virtute. Præterea scopis purgatam, & mundatam, hoc est instructam ad ipsius susceptionem; insuper, & ornatam sive delectabilem sibi. Tunc vadit, & assumit secum alios septem spiritus sceleratiores se, & ingressi habitant ibi. Sceleratiores, hoc est, fortiores ad malefaciendum. Timuit enim ingredi, ne forte tamquam solus, ac imbecillis rursus ejiceretur. Septem verò Hebræi simpliciter, pro multis, accipiunt. Et fiunt novissima hominis illius pejora primis. Prius enim ab uno demone torquebatur, postmodum verò a multis.

II. Duo itaque præstare debet obsessus semel liberatus; primum cavere a peccatis, secundum se ornare virtutibus, Sicut enim demon inter,

Interdum propter peccatum primò ingreditur in hominem, ipsumque obsidet, ut colligitur ex iis, quæ scribit Tertullianus de *spectaculis* cap. 26. referens, quod in Exorcismo cum oneraretur immundus spiritus, quod ausus esset fidelem aggredi: constanter, & iustissimè quidem (inquit) feci, in meo eam inveni; & ex iis quæ tradidimus supra in Commentario Tituli a num. 52. Ita ob peccata revertitur, quod clarissimè docet Christianus Grammaticus, seu Drutmarus cap. 37. *Comment. in Matthæum* super illa verba: *Et exiit ab eo demonium*, inquiens: *Alius Evangelista dicit, quod præcepit ei, ut non amplius in eum introiret, quia solet diabolus voluntariè locum habitationis suæ repetere, nisi is, qui liberatus est, se a peccatis custodiat.* Hinc S. Rummoldus Episcop. & Martyr postquam dæmoniacum liberavit, ipsi dixit: *Abi sanus, neque sceleribus amplius te commacules; at cura, ut post hac resipiscas;* ut legitur cap. 4. *sue vitæ penes Bollandianos Scriptores die 1. Julii.* Et S. Euthimius magnus Abbas, post mortem apparuit cuidam Monacho, qui invasus fuerat a dæmone ob furtum sacrilegum, ob ebrietatem, & ob admissas turpes cogitationes, & postea liberatus, cui dixit: *Ecce sanus factus es, noli amplius peccare, sed attende tibi ipsi ne quid contingat deterius.* Ita in ejus Vita legitur cap. 24. *apud Bollandum die 20. Januarii.* Et plures alii sancti id præstiterunt.

III. Et revera dæmonis regressum ob peccata plures in suam perniciem experti sunt; unum vel alterum adducam exemplum ex prædictis sacris Scriptoribus excerptum. In gloria posthuma S. Ubaldi Episcopi Eugubini cap. 4. die 16. *Maii* narratur, quod quædam puella, de qua locuti fuimus in Comment. Docum. VIII.



num. 26. post liberationem a dæmone obsidente, iterum ab eodem invasa fuit, cum ad idem peccatum misellarevertisset, quæ tamen rursus liberata, serio monita est, ut cautius ageret. In Vita S. Hypatii Abbatis *cap. 7. die 17. Junii* legitur energumenum quemdam sanatum, sed  
 „ iterumque ad juveniles sæculi ineptias de-  
 „ flexit, quapropter in ipsum iterum reversus  
 „ est dæmon, ideoque rursus ligantes eum ad-  
 „ duxerunt Sancto, quem Deus sanavit per  
 „ intercessionem Sancti. Hoc verò factum est  
 „ semel, bis, ter, & quater. „

IV. Secundum, quod agere debet liberatus a dæmone, est se ornare virtutibus, & præcipue se exercere in actibus fidei, spei, & charitatis, maximè verò fiduciæ in Deum: id enim colligit Victor Antiochenus *ad cap. 9. Evangelii Marci* exponens illa verba Christi Domini: *Exi ab eo; & amplius ne introeas in eum. Indicium facit*, inquit, *facile altera rursus vice dæmonem in illum, qui fide satis munitus non erat, ingredi potuisse, nisi Domini præceptum, ne id fieret impedivisset.* Et Euthymius Zigabenus eodem sensu eundem locum explicat *cap. 26. in Evangelium Marci*, dicens: *Hoc dixit*, nempe *Salvator prævidens, quod futurum erat, ut dignus esset propter suam incredulitatem, ut rursus ad eum reverteretur.* Vide que ipsam diximus de Sacramentorum frequentia, de Oratione, jejunio, fiducia, sacramentalibus &c. Omnia enim hæc cum vim habeant ad dæmonem a corporibus propellendum, vim etiam habent ad præservandum ne revertatur.

DOCUMENTUM XVII.

**I**Taque Sacerdos, five alius Exorcista ritè confessus, aut saltem corde peccata sua detestans, peracto, si commodè fieri potest, Sanctissimo Missæ Sacrificio, divinoque auxilio piis precibus implorato, superpelliceo, & stola violacea, cujus extrema pars ad obsessi collum circumponatur indutus, & coram se habens obsessum ligatum, si fuerit periculum, eum, se, & astantes communiat signo Crucis, & aspergat aqua benedicta, & genibus flexis aliis respondentibus, dicat Litanias, usque ad Preces exclusivè.

S U M M A R I U M.

- i. **Q**uare rubrica ad normam documentorum Commentariis illustretur, ratio affertur.

424 *Commentarium in Docum. XVII.*

2. *Quædam remissivè indicantur de Exorcista.*
3. *Qui debet esse in statu gratiæ, dum ministerio suo fungitur.*
4. *Alias mortaliter peccaret, ad num. 6.*
7. *Missa est ab eodem prius celebranda, si sit Sacerdos, & num. 8.*
9. *Quædam de Oratione remissivè indicantur.*
10. *Superpelliceum, & stola plurimum torquent demones.*
11. *Stola usi sunt Sancti in hoc ministerio.*
12. *Ad Obsessi collum utiliter circumponitur.*
13. *De signo Crucis aliqua remissivè.*
14. *Mos genua flectendi dum preces funduntur, antiquus est, & efficax ad impetrandum.*
15. *Litania quid sit.*
16. *Mos recitandi Litanias super obsessum, antiquus est, & quam devotè sint recitanda ostenditur.*
17. *Quæ Litanie debeant recitari.*
18. *Exorcista servare debet ea, quæ a Rituali Romano præscribuntur, nec quidquam immutare, vel addere licitum est.*
19. *Refellitur P. Brognolus, ad num. 23.*
24. *Alii refelluntur.*
25. *Aeræ tempestates quomodo sint adjurandæ, & repellendæ.*

**C O M M E N T A R I U M.**

I. **H**Æc sicut & sequentia, quæ per modum rubricæ a Rituali indicantur, nos in Documenta, juxta nostram methodum, distinximus, cum plura contineant utilia, quæ pariter Commentario illustrantur.



## Sacerdos, sive alius Exorcista .

II. Vide quæ diximus in Commentario Documenti I. num. 1. 4. & seqq.

## Ritè confessus, aut saltem corde peccata sua detestans .

III. Exigit Rituale nostrum in ministro Exorcistatus statum gratiæ; non tamen ita, ut simpliciter sit necessarius; nam sufficit potestas Ordinis, & præceptum damoni factum divino interposito nomine. Matthæi namque 7. v. 22. dixit Jesus: *Multi dicent mihi in illa die: Domine Domine, nonne in nomine tuo prophetavimus, & in nomine tuo virtutes multas fecimus? Et tunc confitebor illis: quia nunquam novi vos: discedite a me qui operamini iniquitatem*: Ex quo apparet aliquem posse damonia ejicere, & tamen in peccato esse: quapropter D. Cyprianus lib. de unitate Ecclesiæ circa medium: *Prophetare, inquit, & damonia excludere, & virtutes magnas in terris facere, sublimis utique, & admirabilis res est, non tamen regnum cælestē consequitur, quisquis in his omnibus invenitur, nisi recti, & justī itineris observatione gradiatur. Denunciat Dominus & dicit: Multi mihi dicent in illo die &c.* Vide dicta in Commentar. Document. . . . . num. . . . . Quod innui etiam videtur a D. Gregorio Nazianzeno in Apologético primo. *Damones, inquit, ad Christi nomen cohorrescunt, nec scelerum nostrorum gravitate vis hujus nominis oblitterata, & extincta est.* Præterea in ministro Sacramentorum status gratiæ non requiritur; *non merita*, inquit S. Ambro-

brosius, lib. de Mysteriis cap. 5. *Personarum consideres, sed officia Sacerdotum.* S. Joannes Chrysostomus hom. 11. in Epist. ad Thessalon. *Gratia Dei, ait, per indignos operatur, non propter ipsos, sed propter eos quibus opitulandum est.* Et D. August. lib. 2. contra litteras Petiliani c. 47. *Memento, ait, Sacramentis Dei nihil obesse mores malorum hominum, quo illa vel omnino non sint, vel minus Sancta sint; sed ipsis malis hominibus, ut habeant ad testimonium damnationis, non ad adjutorium sanitatis.* Quod egregie explicat S. Gregorius Nazianzenus *Orat. Panegy. in sanct. Baptisma.* Similitudine comparans, nempe bonum, vel malum ministrum sigillo aureo, vel ferreo, quod eundem habet effectum, sive aureum sit, sive ferreum. Aliam adducit Nicolaus I. in responsis ad Consulta Bulgarorum: *Mali, inquit, bona ministrando, se tantummodo ledunt, ut cerea fax accensa sibi quidem detrimentum praestat; alii vero lumen in tenebris administrat, & unde aliis commodum exhibet, inde sibi dispendium praebet.* Idem in casu nostro dicendum est.

IV. Solum ergo statum exigit gratiae Rituale nostrum in adjurante, ut digne, tuto, & efficaciter suas valeat partes adimplere. Si enim requiritur in eo fiducia, ut dictum est in Commentar. Documenti XI. num. 7. & seqq. requiritur etiam conscientia munda, de qua fervorem viresque sumit ipsa fiducia, dicente Joanne Epist. 1. cap. 3. *Si cor nostrum non reprehenderit nos, fiduciam habemus ad eum, & quidquid petimus accipiemus ab eo.* Ex qua forte doctrina scripsit Cassianus collat. 9. cap. 33. *Hac fiducia de conscientia puritate creditur emanare.*

V. Ad rem nostram S. Carolus Borromaeus in  
Con-

Concil. IV. Mediolanensi: hæc statuit: *In hujus muneris functione, graviter, piè, & religiosè in primis se gerat (Exorcista videlicet) quamobrem pridie illius diei, quo alicui Exorcismum adhibere incæperit, se jejunio, & Oratione preparare studeat. Tum confessus, conscientia ab omni culpa pura, ac munda magna cum humilitate, ac fide memor potestatis, quam a Domino accepit expellendi daemones ad id munus obeundum accedat. Vide quæ scripsimus in Commentat. Document. I. num. 32.*

VI. Quonam verò peccato peccaret exorcizans in mortali, docet D. Thomas in 4. dist. 24. quæst. 1. art. 3. quæstiuncul. 5. his verbis: *Quidquid homo, quod sibi competit ex ordine facit indignè, quod justum est injustè exequitur, ac propterea mortaliter peccat. Quicumque autem cum peccato mortali aliquod sacrum officium pertrahat, non est dubium, quin indignè illud faciat: unde patet, quod mortaliter peccat. Et ibidem in responsione ad 4. Quandocumque, inquit, exhibet se in aliquo actû, ut Ecclesiæ ministrum, mortaliter peccat, quoties hujusmodi actum facit, quia, ut dicit D. Dionysius cap. 1. Cœlestis Hierarchiæ: Immundis nec symbola, (idest sacramentalia signa) tangere fas est.*

## Peraçto si commodè fieri potest, sanctissimo Missæ Sacrificio.

VII. Consonat huic monito Concilium Mediolanense IV. sub sancto Carolo statuens de Exorcista: *Si sacerdos autem est, antequam Exorcismum inchoet, Missæ sacrum faciat, si id commodè præstare potest. Nec novus est hujusmodi ritus: siquidem fuisse observatum invenimus a S. Stephano*



phano Sabaitarum Thaumaturgo, cui, cum deducta fuisset puella decennis ab immundis spiritibus vexata vir Dei „ sacrosancti sacrificii synaxim instituit. Divina verò Liturgia peracta „ Puellam oleo simul, & aqua lustrali inunxit „ & liberata est, ut legitur in ejus Vita *cap. 3.* Item a S. Wolfgango Episcopo Ratisbonensi, ut refert auctor Vitæ ejus apud Jodocum Coccium in *Thesaurò Catholico Tom. 2. lib. 6. de Eucharistia art. 8.* Sancto namque „ dæmoniaca oblata est .... ipse Missam celebravit. Peracto sacrificio .... post brevem orationem cœpit egredi de templo. Tum illa dæmoniaca suo more debacchans, ei se opposuit. At ille Domino confidens tamquam percussurus eam, brachium extendit, clam interim dicens: Exi nequissime. Mox .... intollerabilis extitit fœtor, & mulier confestim liberata cecidit, & Deo gratias egit. „

VIII. Sed non solum Sacrificium peragi solitum erat ante exorcismum ad expellendos a corporibus hominum dæmones, sed etiam ad illos eliminandos a locis ab ipsis infestis, ut colligitur ex facto quod refert Theodorus Lector *lib. 2. Collectaniorum in Biblioth. PP. tom. 26.* „ Castrum „ quoddam (*inquit*) est inter Persas & Indos nomine Izundadeero. Cum Rex Coades multas „ in illo pecunias, & lapides pretiosos asservari „ audisset, volebat ejus rei veritatem cognoscere; verum dæmones locum illum inhabitantes Coadem ab eo, quod quærebat, impediebant. Cunctam itaque magiam suam magi illius impenderunt, sed frustra. Adhibita est „ & Judæorum magia; neque sic tamen voti „ compos evasit. Cogitavit per Christianos amoliri dæmones illos. Episcopus itaque Christianorum in Persia peracta super ea re synaxi, „ &

„ & acceptis divinis mysteriis, & in Christianos,  
„ qui aderant dispensatis signo Crucis dæmones  
„ profligavit, & castrum Coadi sine ulla mole-  
„ stia tradidit.

## Divinoque auxilio piis precibus implorato.

IX. Recole dicta in Commentariis Documen-  
ti VI. num. 1. & 2. & Docum. VIII. num. 1. & seqq.

## Superpelliceo, & Stola violacea.

X. Hæ enim Sacræ Vestes plurimum dæmo-  
nes torquent; nam superpelliceum ex Durando,  
*in Rationali Divinorum Officiorum lib. 3. cap. 1.*  
passionem Domini figurat, & ideo in modum  
Crucis formatur. Similiter Stola, seu Orarium  
repræsentat funem, quo Christus columnæ alli-  
gatus, aut in calvariæ montem cum onere Cru-  
cis tractus est, ex eodem *lib. 2. cap. 5.* & ex Ga-  
briele Biel *lect. 11. in Can. Missæ* dicente: *Zona,*  
*manipulus, stola, tria ligamina, quibus in ca-*  
*ptione, in flagellatione, in Crucis bajulatione*  
*Dominus ligatus legitur.* Quare a nostro Ritua-  
li appositè in Exorcismi munere præscribuntur.

XI. Præterea usitatissimus fuit mos apud San-  
ctos Patres stola uti dum exorcismos agerent. Sic  
S. Norbertus „ stola... indutus exorcismum  
„ agere aggressus est „ ut legitur in ejus Vita  
cap. 8. Sic S. Pius V. „ non recusavit quo minus  
„ (*energumena*) capiti stolam sibi de collo pen-  
„ dentem imponeret, mulieremque signo Cru-  
„ cis afficeret: mox compertum est ægotam  
„ illam ad pristinam sanitatem rediisse „ ut *lib. 6.*  
*cap. 7. ejus Vitæ apud Bollandianos* legitur die 5.  
Maii.

Maii. Sic Monachi Valumbrosani, ut legitur in miraculis S. Joannis Gualberti *part. 13. die 12. Julii*, stola adhibebant, & „ res mira! quoties „ stola cingebatur, toties dæmon inferiores par- „ tes, vel intestina petere nonnumquam pedum, „ vel manuum extrema adire ubi ea admoveba- „ tur „ mox gulam repetere &c.

## Cujus extrema pars ad Obsessi collum circumponatur.

XII. Hoc modo diabolum vicit S. Contestus Episcopus Bajocensis, ut legitur in ejus Vita apud Bollandum *tom. 2. Januarii in addendis ad diem 19.* Auctoris verba hæc sunt: „ Qui Pro- „ toplastos parentes etiam intra Paradisi clau- „ stra, ipsumque Dominum in vasto solitudi- „ nis deserto tentare ausus est, magis, ac magis „ viro Dei invidens, subque gigantina specie ap- „ parens, illum in Luxuriæ nefandum scelus „ impellere tentavit, & stimulos carnis vene- „ reos, ipsiusque satanæ Angelos inflamman- „ do concitare enixus est. Cui quidem vene- „ no Sanctus Dei orationis scutum opposuit, „ quo munitus ad Deum O. M. castitatis aucto- „ rem, & amatorem, tamquam ad lydium la- „ pidem recurrit: unde protinus palmam pu- „ dicitæ adeptus est, atque stola collo gigan- „ tis injecta, salutis humanæ adversarium „ per urbis vicos, & plateas tamquam canem „ post se trahit, & victoriæ triumphum du- „ cens, illum palam divinæ adjurationis Sacra- „ mento constrinxit, ut quis esset profiteretur: se esse Satanam aterni carceris mini- „ strum, & carnificem, atque impiorum, & „ infidelium tortorem asseruit; unde tali mira- „ culo



„ culo infideles concitati sanctum Baptisma  
„ efflagitaverunt unum Deum, unam fidem,  
„ & unum ovile complectentes. „ Aliud simile  
factum legitur de S. Leone Episcopo Catanensi,  
qui oratio, seu stola magum quemdam Helio-  
dorum nomine domuit; sic refertur in ejus Vi-  
ta apud Bollandum die 20. Februarii: „ B. Leo  
„ genibus ad aram advolutus, precibusque pe-  
„ ractis, ad Heliodorum festinat ei que ora-  
„ rium suum in collum innectit, dicens: Per  
„ Christum Dominum meum nihil hic vale-  
„ bunt magicæ artes tuæ: deduxitque ad lo-  
„ cum, cui nomen Achilleus, ibique flammis  
„ adurendum dedit; nec manum suam, quæ  
„ illæsa cum Oratio mansit, ante subduxit,  
„ quam miser ille in cineres redigeretur. „

Eum, se, & astantes commu-  
niat signo Crucis, & aspergat  
aqua benedicta.

XIII. Vide, quæ diximus supra de signo Cru-  
cis in Commentar. Documenti XI. a num. 12.  
& de aqua benedicta ibidem a num. 20.

### Et genibus flexis.

XIV. Antiquissimum esse morem genua fle-  
ctendi, dum preces funduntur, liquido con-  
stat; legimus enim in Actibus Apostolorum  
cap. 7. v. 59. quod S. Stephanus: *Positis genibus*  
*clamavit voce magna dicens: Domine ne sta-*  
*tuas illis hoc peccatum.* Quod Sanctus Petrus  
ponens genua oravit cap. 9. v. 40. Quod D. Pau-  
lus, positis genibus suis oravit cum omnibus il-  
lis; ibidem cap. 20. v. 36. & de se ipso ejusque  
comi.

comitatu cap. 21. v. 5. ait: & positis genibus in littore oravimus; idemque asseruerat ad Ephes. 3. v. 14. *Flecto genua mea ad Patrem Domini nostri Jesu Christi*; & de S. Jacobo Apostolo narrat D. Hieronymus in Catalogo Scriptorum Ecclesiasticorum. *Quod flexis genibus pro populo deprecabatur, in tantum, ut camelorum duritiam traxisse ejus genua crederentur*. Sic Marci Aurelii Caesaris tempore milites Christiani Legionis Melitinæ, ut pluviam, ne ulterius exercitus siti premeretur, impetrarent; *flexis in terram genibus . . . preces ad Deum fudisse perhibetur*; ut narrat Eusebius *Hist. Ecclesiast. lib. 5. cap. 5.* qui addit: *ut nostris orantibus mos est*. Hoc idem prius narraverat Tertullianus *lib. ad Scapulam cap. 4.* addens, *quando non geniculationibus, & jejunationibus nostris etiam siccitates sunt depulsa?* Tandem S. Justinus Martyr in dialogo cum Tryphone Judæo, ait: *Quis enim vestrum ignorat precationem eam maxime flectere Deum, quæ ad commiserationem movendam lacrymis est comparata ab eo, qui pronus decumbit, aut in genua procumbit?* Ex quibus duo colliguntur; primum, quam vetustus sit mos genuflectendi; secundum, quam efficax sit ad impetrandum, & consequenter quam appositè a nostro Rituali præscribatur, ut Exorcista *flexis genibus . . .*

## Dicat Litanias.

XV. *Litania* Græce, Latine rogatio dicitur, & inde *Rogationes*. Dupliciter sumi Litanias animadvertit Walafridus Strabo *lib. de rebus Ecclesiasticis cap. 28.* Notandum autem, inquit, *Litanias non tantum dici illam recitationem nominum, qua Sancti in adjutorium vocantur in-*  
fir-

firmitatis humane, sed etiam cuncta, quæ in supplicationibus fiunt, orationes (al. rogationes) appellari. Porro in primo sensu a Rituali nostro hic sumuntur.

XVI. Sed caveat Exorcista, ut devotè, & attentè Litanias, sicut & cæteras preces dicat, ne ipsi accidat, quod sibi accidisse narrat Falcuinus de gestis Abbatum Lobiensium *cap. 33. apud d' Acherium to. 2. Spicilegii*. Ait enim: „  
„ Mulier quædâm plena dæmonio a Parentibus  
„ ad S. Ursuarii sepulcrum attracta est....  
„ Audires interdum canem latrantem, sibilum  
„ serpentinum, taurorum mugitum, ut quasi  
„ uno cubili essent diversa ferarum monstra....  
„ Fratres condolentes illi Ecclesiam S. Ursuarii  
„ petunt pro ejus ereptione Dominum depre-  
„ caturi. Proposuerunt Leitaniam agere, cu-  
„ jus recitatio mihi injuncta est. Ubi ergo  
„ post recitationem Sanctorum omnium ad lo-  
„ cum perventum est, quo potius dicere de-  
„ berem: *Per adventum tuum, libera nos Do-*  
„ *mine*; vocibus ejus perterritus anticipavi di-  
„ cere: *Per nativitatem tuam*. Tunc illa, imò  
„ ille, quo misera illa torquebatur: *Mentiris*,  
„ inquit, & *præposterè loqueris*. Expavi fateor, &  
„ penè extra me effectus sum: at ubi me recepi,  
„ Litaniam sum profecutus. „

### Ordinarias.

XVII. Nempe illas dicat, quæ nuncupan-  
tur Litanie Sanctorum, quæque apponuntur  
in Breviario, tum in Rituali Romano post se-  
ptem Psalmos Pœnitentiales. Hinc advertat  
Exorcista ne alias ab his audeat recitare, nam  
contra edentes, vel utentes aliis Litiis, quam  
approbatis, vel a Sacra Rituum Congregatione  
approbandis extat Decretum Clementis VIII.



434 *Commentar. in Document. XVII.*  
die 6. Septembris 1601. editum, & in Bullario Romano tom.3. relatum, quod est hujusmodi:  
SS.D.N. Clemens Papa VIII..... precipit, & mandat, ut retentis antiquissimis, & communibus Litaniis, quæ in Breviariis, Missalibus, Pontificalibus, ac Ritualibus continentur, nec non Litaniis de B. Virgine, quæ in sacra ade Lauretana decantari solent; quicumque alias Litanias edere, vel jam editis, in Ecclesiis, sive Oratoriis, sive Processionibus uti voluerint, eas ad Congregationem Sacrorum Rituum recognoscendas, & si opus fuerit, corrigendas mittere teneatur, neque sine licentia, & approbatione præd. Congregationis, eas in publicum edere, aut publicè recitare præsumat sub pœnis (ultra peccatum) arbitrio Ordinarii, & Inquisitoris severè infligendis.

### Usque ad preces exclusivè.

XVIII. Hic advertat Exorcista adamussim omnia, quæ a Rituali traduntur observanda esse, nec ipsi licitum esse aliam formulam precum, vel Exorcismorum adhibere, nisi a nostro Rituali præscriptam, quæ infra ex eodem de verbo ad verbum transumpta exhibetur. Bituricense namque Concilium anno 1584. celebratum tit.40. can. 3. Episcopos invigilare jubet: *Ne prætextu pietatis ulli Exorcismi fiant, nisi qui ab Ecclesia probati sint.* Quam cautionem pro sua Ambrosiani ritus Ecclesia adhibuit S. Carolus Borromæus, dum in Concilio IV. Mediolanensi statuit: *Ne aliis exorcismis, precibus, ritibusque ad id munus (scilicet Exorcista) utatur, nisi ad libri Episcopi judicio comprobati rationem præscriptam.* Cui nihil ab eo addi, detrahi, aut mutari fas sit. Sed audiatur Paulus V. in suis litteris Apostolicis--*Apostolica Sedi, sub die 17. Junii*

1614. expeditis, Ritualique Romano præfixis, qui hæc fatur : Quapropter hortamur in Domino Ven. Fratres, Patriarchas, Archiepiscopos, Episcopos, & dilectos Filios eorum Vicarios, necnon Abbates, Parochos universos, ubique locorum existentes, & alios ad quos spectat, ut in posterum tamquam Ecclesiæ Romanæ Filii ejusdem Ecclesiæ omnium Matris, & magistræ auctoritate constituto Rituali in sacris functionibus utantur, & in re tanti momenti, quæ Catholica Ecclesia, & ab ea probatos usus antiquitatis statuit, inviolatè observent.

XIX. Audiatur insuper Concilium Romanum anno 1725. celebratum sub Benedicto XIII. tit. 15. cap. 1. *Pastoralis nostri muneris curam ad hoc intendimus, & ab omnibus ista fieri volumus, & mandamus, ut in sacramentorum videlicet administratione, in Missis, & divinis officiis celebrandis, aliisque Ecclesiasticis functionibus obeundis non pro libito inventi, & irrationabiliter inducti, sed recepti, & approbati Ecclesiæ Catholice ritus, qui in minimis etiam, sine peccato negligi, omitti, vel mutari haud possunt, peculiari studio, ac diligentia serventur. Quamobrem Episcopis districtè præcipimus, ut contraria omnia, quæ in Ecclesiis.... contra præscriptum.... Ritualis, irrepsisse compererint, detestabiles tamquam abusus, & corruptelas prohibeant, & omninò studeant remove.*

XX. Quare audiendus non est P. Candidus Brognolus, qui tom. 2. *Alexicacon. disput. 3. §. 4.* ait, non omnia, quæ in Rituali Romano continentur cadere sub præcepto observanda, sed tantum ea, quæ ad Ecclesiæ sacramentorum pertinent administrationem, cum legatur in Apostolicis litteris supra indicatis Pauli V. *Præcipue verò, quæ pertinent ad Ecclesiæ Dei sacra-*

*mentorū administrationem, in qua religiosè observari Apostolicis traditionibus, & sanctorum Patrum decretis constitutos ritus, & caeremonias pro nostri officii debito curare omnino tenemur. Non verò, quæ ad visitationem, & curam infirmorum, animæ commendationem, obsessorum, ac maleficatorum exorcizationem pertinent, præcipit Pontifex, sed observare consuluit, & hortatur, ad arbitrium prudentis, & docti Ministri Ecclesiastici relinquens alias etiam formulas orationum adhibere, vel illis ex parte, vel in toto uti, vel omittere, vel augere, vel minuere pro ut expediens judicaverit.*

XXI. Non inquam audiendus est hic auctor, nam in iisdem Apostolicis litteris legitur: *Restabat & uno etiam volumine comprehensi, sacri, & sinceri Ecclesiæ Catholice ritus, qui in Sacramentorum administratione, aliisque Ecclesiasticis functionibus servari debent, ab iis, qui curam animarum gerunt, Apostolicæ Sedis auctoritate prodirent. Et propè finem: Rituali in Sacris functionibus utantur, hocque inviolatè observent.* Non ergo loquitur Pontifex de sola Sacramentorum administratione, sed de aliis Ecclesiasticis, & Sacris functionibus, quarum nomine venit etiam exorcizatio vexatorum a dæmone, & pro quibus monita, & ritus ab eodem Rituali præscribuntur.

XXII. Nec obstat, quod *Rituale de visitatione, & cura infirmorum* in rubrica dicat: *Sequentes preces omnes, vel ex parte pro ut tempus, & agrotorum conditio feret, arbitrio Sacerdotis dici, vel omitti possunt.* Et paulò post: *qui sequuntur Psalmi, & Evangelia cum precibus pro temporis etiam opportunitate, & aegrotantium pio desiderio Sacerdotis arbitrio, dici poterunt.* Et infra, *quæ omnia etiam poterunt, arbitrio*  
Sacer-



*Sacerdotis breviora fieri*; Et consequenter hoc ipsum erit prorsus fatendum ( infert prædictus P. Brognolus ) de Exorcizatione Obsessorum.

XXIII. Non, inquam, obstat; nam circa infirmos attendendæ sunt circumstantiæ *temporis, ægrotorum conditio, vel pium desiderium, & opportunitas*, quæ circumstantiæ non occurrunt in adjuratione dæmonum. Præterea cum Rituale Romanum Sacerdotis arbitrio relinquit aliquid omittendum vel mutandum, hoc apertè præscribit, ut constat ex verbis Rubricæ allatæ. Circa verò monita, ritus, exorcismos, cæteraque ad liberationem energumenorum spectantia, nec verbum quidem facit. Solum quosdam Psalmos super obsessum legendos arbitrio Exorcistæ relinquere videtur his verbis: *Juvabit præterea plurimum hæc, quæ infra notantur, super obsessum devotè dicere, sæpeque repetere*. Non sic loquitur de Observantia monitorum, & de Exorcismis.

XXIV. Hinc amandandi sunt Exorcismi a P. Zaccharia Vicecomite in suo Complemento artis Exorcisticæ collecti, aliique a diversis auctoribus, & ab ipso P. Brognolo in Manuali Exorcistarum concinnati. Insuper amandandæ sunt conjurationes ad expellendas, & fugandas æreas tempestates a dæmonibus excitatas, quæ legebantur nescio quo jure insertæ in fine Ritualis Romani, auctore Petro Locatello, & ab eodem Rituali modo expunctæ, imò proscriptæ per Decretum Sac. Indicis Congregationis *sub die 11. Januarii, anno 1725.*

XXV. Et revera talem methodum nunquam legi in usu fuisse apud Sanctos Patres, sed valde diversam; nam S. Theodorus Siccota Episcopus Anastasionopolitanus, ut narratur in ejus

Vita cap. 7. penes Bollandianos 22. Aprilis. Sacramentalia adhibuit : „ In loco , qui Reace nuncupatur , inquit *Historicus* , sava quædam nubes statutis temporibus regionem occupabat , & maturos vitum fructus , grandine dejiciebat . *Beatus* constituta supplicatione regionem lustravit , & Cruces quatuor ad regionis fines constituit . . . . ex quo factum est , ut sava illa nubes nunquam amplius regionem invaserit . „ Et S. Vincentius Ferrerius , cum in Villa Catalonia , quæ vocatur Borbaster , „ prædicare vellet die solemnitatis Petri , & „ Pauli , antequam sacras vestes deponeret , „ quibus ex more Missam celebraverat , subito „ mota in aere nubium multitudo , tantus tonitruorum terribilium fragor , tam continua , horribilisque fulgurum apparitio apparuit , ut ipsi Cæli ruinam minari viderentur . Quas ob res cuncti , qui aderant „ arbitrabantur , se penitus esse perituros . At „ Vincentius , quamvis tam grandem tempestatem motam adverteret , nihil tamen diffidens , Missarum solemnia peregit , moxque ad „ multitudinem conversus eam adhortatus est , „ ne dubitarent , sed totam spem eorum in Domino Jesu Christo ponerent . Itaque contra tempestatem aquam benedictam asperfit , deinde „ fecit signum Crucis , nec mora illicò cessavit „ tempestas , & statim fiebat mira aeris serenitas , „ ubi observo , quod isti Sancti non imperaverint nubibus , nec adjuraverunt Deum , ut eas divideret , annihilaret , confunderet , nec eas adjurarunt , per septuaginta nomina Domini nostri Jesu Christi , Hebraicè , Grecè , & Latine , nec Versiculos ex Psalmis ob hoc concinnarunt , ut fecit Petrus Locatellus contra mentem Ecclesiæ , & adjurationis regulas . Quare tutius erit ad  
Deum

Deum confugere in his necessitatibus, precesque proprias a nostro Rituali præscriptas sub Titulo de Processionibus devotè recitare.



## DOCUMENTUM XVIII.

**D**Einde muniens se, & obsessum signo Crucis, circumposita parte stolæ ad collum ejus, & dextera manu sua capiti ejus imposita constanter, & magna cum fide dicat ea, quæ sequuntur.

### S U M M A R I U M.

1. **A**liqua jam Commentariis illustrata indicantur.
2. Quadruplex manus impositio explicatur.
3. Illa, qua Exorcista præscribitur, & Sacris Canonibus commendatur.
4. Semper fuit in usu.
5. Nihil addendum est Rituali Romano.
6. Conclusio operis.

### COMMENTARIUM.

1. **I**N toto hoc Documento nihil ferme est, quod supra non fuerit pluribus in locis Commentariis illustratum; quare solum illustranda remanent sequentia verba.



## Et dextera manu sua capiti ejus imposita.

II. Multiplex antiquitus in usu erat manuum impositio, sed maxime quadruplex, nempe *ordinativa, reconciliativa, confirmativa, & curativa*. Prima ea est, qua sacrorum ministri constituuntur, & de qua S. Paulus *1. ad Timoth. 4. v. 14.* inquit: *Noli negligere gratiam quæ in te est, quæ data est tibi.....cum impositione manuum Presbyterii.* Et iterum *cap. 5. v. 22. Manus,* ait, *cito nemini imposueris.* Secunda, cujus frequens est mentio apud veteres, erat *reconciliativa*, qua pœnitentes ad gratiam absolutionis admittebantur. Hujus meminit Concilium Carthaginense *IV. can. 78.* Agathense *can. 15.* Arauxicanum *I. cap. 3.* ubi loquens de pœnitentibus infirmis absolvendis, ait: *Quod si supervixerint stent in ordine pœnitentium, & ostensis necessariis pœnitentiæ fructibus, Legitimam Communionem cum reconciliatoria manus impositione percipiant.* Tertia erat *confirmativa*, qua spiritus Sancti plenitudinem Apostoli largiebantur, juxta illud *Act. 8. v. 17. Tunc imponebant manus super illos, & accipiebant spiritum sanctum.* Quarta nempe *curativa* erat ad fugandos corporis morbos, & exercendam salutiferam illam virtutem, quam Christus Dominus Apostolis, ac in eum credentibus repromisit his verbis, *Marci ultimo v. 18. Super agros manus imponent, & bene habebunt.*

III. Sub hac postrema comprehenditur manus impositio a nostro Rituali præscripta coherentem ad sacros canones: Cum enim ordinatur Exorcista, ipsi datur potestas manus imponendi super

per energumenos, ut legitur in Concilio Carthaginensi IV. cap. 7. relato in 1. parte Decreti dist. 23. cap. 17. *Exorcista cum ordinatur accipiat de manu Episcopi libellum, in quo scripti sunt Exorcismi, dicente sibi Episcopo: Accipe, & commenda memoria, & habeto potestatem imponendi manus super energumenum, sive baptizatum, sive cathecumenum.* Et ibid. dist. 25. cap. 1. dicitur ex Isidoro Hispalensi Ep. ad Ludifredum, seu Lantfredum: *Ad Exorcistam pertinet exorcismos memoriter retinere, manusque super energumenos, & cathecumenos in exorcizando imponere.* Et tandem de Consecr. dist. 5. c. 11. ex prælaudato Concilio Carthaginensi IV. cap. 90. *omni die Exorcistæ energumenis manus imponant.*

IV. Hanc praxim secuti sunt sancti Patres, qui huic ministerio operam navarunt. De S. Ephraem Syro cap. 3. ejus Vitæ apud Bollandum die 1. Februarii legitur, „manuum sanctarum „impositione, & precibus, hominem protinus „ab illa affectione (*dæmoniaca nempe*) liberavit, „& pristinæ sanitati restituit. „ De S. Hypatio Abbate cap. 7. ejus Vita die 17. Junii penes Bollandianos Continuatores narratur, quod obsessam liberavit „Deo ipsi sanitatem præstante „per impositionem manuum S. Hypatii. „ De S. Desiderato Episcopo Bituricensi, ibidem die 8. Maii refertur quod „Oratione præmissa, ob- „fessæ mulieris caput sacratis manibus fortiter „strinxit, donec hoste fugato eam penitus liberam, & optimè valentem dimisit. „ De S. Hucberto Monacho apud eosdem die 30. Maii cap. 3. ejus Vita, dicitur, quod „simul ac dæmonia- „cum Crucis signaculo collustravisset, adjun- „cta manuum impositione, confestim nefarius „dæmon aufugit. „ De S. Germano Episcopo Parisiensi pariter legitur ibidem die 28. Maii, quod „



quod,, admota ejus dextera, daemones de obsessis  
 ,, corporibus passim vertebantur in fugam. ,, De  
 S. Nicetio Lugdunensi Episcopo narrat D. Gre-  
 gorius Turonensis *in Vitis PP. cap. 8.* quod,,  
 ,, impositis Sanctus Diacono *energumeno* mani-  
 ,, bus, ejecto daemone, personam restituit in-  
 ,, tegræ menti;,, & *ibidem* refert, quod S. Pa-  
 troclus Diaconus, & Abbas ,, multos energu-  
 ,, menos manu imposita per signum Crucis ef-  
 ,, fugatis daemonibus, mente integra reddidit;,,  
 & *cap. 15.* legitur: S. Senoch Abbatem Turonen-  
 sem ,, nonnullos obsessos daemonis sævi livore,  
 ,, ut manus imposuit, extemplo fugatis da-  
 ,, monibus mentem energia turbatam ad inte-  
 ,, gritatem restituisse. ,, At penè infinitus essem,  
 si exempla, quæ hac in re in historia Ecclesia-  
 stica occurrunt, omnia referre vellem; quare  
 cæteris omissis, claudamus hunc paragraphum  
 cum Venantio Fortunato, qui in Vita S. Marti-  
 ni de hoc Præsule canit:

*Imposita ergo manu Puero, fera larva re-  
 cedit;*

*Et mala jucundum Pastorem bestia fugit.*  
 quod idem refert Sulpitius Severus *in Vita*  
*ejusdem Sancti cap. 16.*

V. Sed tandem his Commentariis finem im-  
 ponat, simulque Ritualis Romani exactam  
 observantiam commendet Sacrae Indicis Congre-  
 gationis decretum die 11. *Januarii* anno 1725.  
 emanatum, quod in fine ejusdem Ritualis nu-  
 peræ editionis per extensum præfixum legitur:  
*Ejusdem sacrae Congregationis Decreto prohiben-  
 tur omnes additiones factæ, & forsan facien-  
 da Rituali Romano post reformationem s. m. Pau-  
 li V. sine approbatione sacrae Congregationis Ri-  
 tuum.*

VI. *Qua autem dixi, sunt verba S. Bernardi*  
 Epi-



Epistola 174. ad Canonic. Lugdunen. absque  
præjudicio sane dicta sint, sanius sapientis Roma-  
na præsertim Ecclesiæ auctoritatè, atque exami-  
ni totum hoc sicut & cætera.... universa re-  
servo: ipsius si quid aliter sapio, paratus judi-  
cio emendare. Hucusque ergo, ut concludam cum  
S. Nilo, tract. morali cap. 4. in Bibliotheca PP.  
tom. 27. sermoni finem imponamus, gratias agen-  
tes Domino in omnibus ipsius Donis, quibus  
nos dignos muneratur ejus misericordia. Ipsæ  
gloria, & honor in sæcula. Amen.





# M O D U S

præscriptus a Rituali Romano;

*De Exorcizandis obsessis a dæmonio,  
quibusdam adjectis brevibus Notis.*

- I. **S**acerdos, seu quivis alius legitimus Ecclesiæ minister, vexatos a dæmone exorcizaturus, ea qua par est pietate, prudentia, ac vitæ integritate præditus esse debet; qui non sua, sed divina fretus virtute, ab omni rerum humanarum cupiditate alienus tam pium opus ex charitate constanter, & humiliter exequatur. Hunc præterea maturæ ætatis esse decet, & non solum officio, sed etiam morum gravitate reverendum.
- II. Ut igitur suo munere rectè fungatur, cum alia multa sibi utilia Documenta, quæ brevitatæ gratia hoc loco prætermittuntur, ex probatis auctoribus, & ex usu nosse studeat, tum hæc pauca magis necessaria diligenter observabit.
- III. In primis ne facile credat aliquem a dæmone obsessum esse, sed nota habeat ea signa, quibus obsessus dignoscitur ab iis, qui vel atrabile, vel morbo aliquo laborant. Signa autem obsidentis dæmonis sunt: ignota lingua loqui pluribus verbis, vel loquentem intelligere: distantia, & occulta patefacere: vires supra ætatis, seu conditionis naturam ostendere, & id genus alia, quæ cum plurimum concurrunt, majora sunt indicia.
- IV. Hæc autem ut magis cognoscat, post unum, aut alterum exorcismum interroget obsessum,

sum, quid senserit in animo, vel in corpore, ut sciat etiam ad quam verba magis diaboli conturbentur, ut ea deinceps magis inculcet, ac repetat.

V. Advertat quibus artibus, ac deceptionibus utantur daemones ad Exorcistam decipiendum: solent enim ut plurimum fallaciter respondere, & difficile se manifestare, ut Exorcista diu defatigatus desistat, aut infirmus videatur non esse a daemonio vexatus. Aliquando postquam sunt manifesti abscondunt se, & relinquunt corpus quasi liberum ab omni molestia ut infirmus putet se omnino esse liberatus, sed cessare non debet Exorcista, donec viderit signa liberationis. Aliquando etiam daemones ponunt quaecumque possunt impedimenta, ne infirmus se subiciat exorcismis, vel conatur persuadere infirmitatem esse naturalem; interdum in medio Exorcismi faciunt dormire infirmum, & ei visionem aliquam ostendunt, subtrahendo se, ut infirmus liberatus videatur. Aliqui ostendunt factum maleficium, & a quibus sit factum, & modum ad illud dissipandum: sed caveat, ne ob hoc ad magos, vel ad sagas, vel ad alios, quam ad Ecclesiae ministros confugiat, aut ulla superstitione, aut alio modo illicito utatur. Quandoque diabolus infirmum quiescere, & suscipere Sanctissimam Eucharistiam permittit, ut discessisse videatur. Denique innumerabiles sunt artes, & fraudes diaboli ad decipiendum hominem, quibus ne fallatur, Exorcista cautus esse debet.

VI. Quare sit memor Dominum nostrum dixisse, genus esse daemoniorum, quod non ejicitur nisi per orationem, & jejunium. *Matth. 17.* Haec duo potissimum remedia ad impetrandum divinum auxilium, daemonesque pellendos, exemplo



plo Sanctorum Patrum, quoad ejus fieri poterit, tum per se, tum per alios curet adhiberi.

VII. In Ecclesiam si commodè fieri potest, vel in alium religiosum, & honestum locum seorsum a multitudine perductus energumenus exorcizetur; sed si fuerit ægrotus, vel persona nobilis, vel alia honesta de causa, in domo privata exorcizari poterit.

VIII. Admoneatur obsessus, si mente, & corpore valet, ut pro se oret Deum, ac jejuset, & sacra Confessione & Communione sapius ad arbitrium Sacerdotis se communiat, & dum exorcizatur totum se colligat, & ad Deum convertat, ac firma fide salutem ab eo deposcat cum omni humilitate. Et cum vehementius vexatur, patienter sustineat, nihil diffidens de auxilio Dei. Habeat præ manibus, vel in conspectu Crucifixum. Reliquiæ quoque Sanctorum ubi haberi possint, decenter, ac tutò colligatæ, & coopertæ ad pectus, vel ad caput obsessi reverenter admoveantur. Sed caveatur ne res Sacræ indignè tractentur, aut illis a dæmone ulla fiat injuria. Sanctissima verò Eucharistia super caput obsessi, aut aliter ejus corpori non admoveatur ob irreverentiæ periculum.

IX. Exorcista ne vagetur in multiloquio, aut supervacaneis, vel curiosis interrogationibus, præsertim de rebus futuris, & occultis ad suum munus non pertinentibus. Sed jubeat immun- dum spiritum tacere, & ad interrogata tantum respondere, neque ei credatur si dæmon simula- ret, se esse animam alicujus Sancti, vel defun- cti, vel Angelum bonum.

X. Necessariæ verò interrogationes sunt, ut de numero, & nomine spirituum obsidentium, de tempore, quo ingressi sunt, de causa, & aliis hujusmodi; cæteras autem dæmonis nugas, ri-  
sus,

fus, & ineptias Exorcista cohibeat, aut contemnat, & circumstantes, qui pauci esse debent admoneat, ne hæc curent, neque ipsi interrogent obsessum: sed potius humiliter, & enixe Deum pro eo precentur.

XI. Exorcismos verò faciat, ac legat cum imperio, & auctoritate, magna fide, & humilitate, atque fervore: & cum viderit spiritum valde torqueri, tunc magis instet, & urgeat: quoties viderit obsessum in aliqua corporis parte commoveri, aut pungi, aut tumorem alicubi apparere, ibi faciat signum Crucis, & aqua benedicta aspergat, quam exorcizando in promptu habeat.

XII. Observet etiam ad quæ verba dæmones magis contremiscant, & ea sæpius repetat, & quando pervenerit ad comminationem, eam iterum, & sæpius proferat, semper pœnam augendo, ac si videat se proficere, in ipsa persevere, per duas, tres, quatuor horas, & amplius, prout poterit, donec victoriam consequatur.

XIII. Caveat proinde Exorcista ne ullam medicinam infirmo, vel obesso præbeat, aut suadeat, sed hanc curam medicis relinquat.

XIV. Mulierem exorcizans, semper secum habeat honestas personas, quæ obsessam teneant, dum exagitur a dæmonio; quæ quidem personæ sint patienti, si fieri potest, cognatione proximæ: atque honestatis memor Exorcista, caveat, ne quid dicat, vel faciat, quod sibi, aut aliis occasio esse possit praviæ cogitationis.

XV. Dum exorcizat, utatur Sacræ Scripturæ verbis potius, quam suis, aut alienis. Jubeatque dæmonem dicere, an detineatur in illo corpore ob aliquam operam magicam, aut malefica signa, vel instrumenta; quæ si obsessus ore sumpserit, evomat: vel si alibi extra corpus fuerint, ea revelet, & inventa comburantur.

448 *Modus Exorcizandi Ritualis Rom.*

tur. Moneatur etiam obsessus, ut tentationes suas omnes Exorcistæ patefaciat.

XVI. Si verò obsessus liberatus fuerit, moneatur, ut diligenter sibi caveat a peccatis, ne occasionem dæmoni præbeat in ipsum revertendi, ne fiant novissima hominis illius pejora prioribus.

XVII. Itaque Sacerdos, sive alius Exorcista ritè confessus, aut saltem corde peccata sua detestans, peracto, si commode fieri potest, Sanctissimo Missæ Sacrificio, divinoque auxilio piis precibus implorato, superpelliceo, & stola violacea, cujus extrema pars ad obsessi collum circumponatur, indutus, & coram se habens obsessum ligatum, si fuerit periculum; eum se, & astantes communiat signo Crucis, & aspergat aqua benedicta, & genibus flexis, aliis respondentibus, dicat *Litanias ordinarias usque ad preces exclusivè.*

L I T A N I Æ. \*

**K** Yrie eleison. Christe eleison Kyrie eleison.  
Christe audi nos. Christe exaudi nos.  
Pater de Cœlis Deus. Miserere nobis.

Fili

---

\* Antiquam esse Litaniarum institutionem observat Vvalafridus Strabo, qui Libro *de rebus Ecclesiasticis* cap. 28. hæc scribit: *Litanie autem Sanctorum nominum postea creditur in usum assumptæ, quam Hieronymus Martyrologium secutus Eusebium Cæsariensem per anni circulum conscripsit, ea occasione ab Episcopis Chromatio, & Heliodoro illud opus rogatus componere, quia Theodosius religiosus Imperator in Concilio Episcoporum laudavit Gregorium Cordubensem Episcopum, quod omni die Missas explicans, eorum Martyrum, quorum natalia essent, nomina plura commemoraret.* Antiquam pariter esse in Ecclesia Litaniarum recitationem in expulsiōe dæmonis ab obsessorum corporibus, colligo ego ex historia, quam supra retuli in Comment. Documenti XVII. num. 14. Siquidem hic mos invaluerat temporibus Fulcuini Lobienſis Abbatis, qui obiit anno 990.



Fili Redemptor mundi Deus, Misere nobis,  
Spiritus Sancte Deus, Misere nobis.  
Sancta Trinitas unus Deus, Misere nobis.  
Sancta Maria, Ora pro nobis.  
Sancta Dei Genitrix, ora.  
Sancta Virgo Virginum, ora.  
Sancte Michael, ora.  
Sancte Gabriel, ora.  
Sancte Raphael, orate.  
Omnes Sancti Angeli, & Archangeli, orate.  
Omnes Sancti Beatorum spirituum ordi-  
nes, orate.  
Sancte Joannes Baptista, ora.  
Sancte Joseph, ora.  
Omnes sancti Patriarchæ, & Prophetæ, orate.  
Sancte Petre, ora.  
Sancte Paule, ora.  
Sancte Andrea, ora.  
Sancte Jacobe, ora.  
Sancte Joannes, ora.  
Sancte Thoma, ora.  
Sancte Jacobe, ora.  
Sancte Philippe, ora.  
Sancte Bartholomæ, ora.  
Sancte Matthæ, ora.  
Sancte Simon, ora.  
Sancte Thaddæ, ora.  
Sancte Matthia, ora.  
Sancte Barnaba, ora.  
Sancte Luca, ora.  
Sancte Marce, ora.  
Omnes Sancti Apostoli, & Evangelistæ, orate.  
Omnes Sancti Discipuli Domini, orate.  
Omnes Sancti Innocentes, orate.  
Sancte Stephane, ora.  
Sancte Laurenti, ora.  
Sancte Vincenti, ora.

450 *Modus Exorcizandi Ritualis Rom.*

Sancti Fabiane, & Sebastiane,	orate.
Sancti Joannes, & Paule,	orate.
Sancti Cosma, & Damiane,	orate,
Sancti Gervasi, & Protasi,	orate.
Omnes Sancti Martyres,	orate.
Sancte Silvester,	ora.
Sancte Gregori,	ora.
Sancte Ambrosi,	ora.
Sancte Augustine,	ora.
Sancte Hieronymus,	ora.
Sancte Martine,	ora.
Sancte Nicolae,	ora.
Omnes Sancti Pontifices, & Confessores,	orate.
Omnes Sancti Doctores,	orate.
Sancte Antoni,	ora.
Sancte Benedicte,	ora.
Sancte Bernarde,	ora.
Sancte Dominice,	ora.
Sancte Francisce,	ora.
Omnes Sancti Monachi, & Eremitæ,	orate.
Sancta Maria Magdalena,	ora.
Sancta Agatha,	ora.
Sancta Lucia,	ora.
Sancta Agnes,	ora.
Sancta Cæcilia,	ora.
Sancta Catharina,	ora.
Sancta Anastasia,	ora.
Omnes Sanctæ Virgines, & Viduæ,	orate.
Omnes Sancti, & Sanctæ Dei, Intercedite pro nobis.	
Propitius esto,	Parce nobis Domine.
Propitius esto,	Exaudi nos Domine.
Ab omni malo,	Libera nos Domine.
Ab omni peccato,	libera.
Ab ira tua,	libera.
A subitanea, & improvisa morte,	libera.
Ab insidiis diaboli,	libera.
	Ab ira

Ab ira, & odio, & omni mala voluntate, libera.  
A spiritu fornicationis, libera.  
A fulgure, & tempestate, libera.  
A morte perpetua, libera.  
Per Mysterium sanctæ Incarnationis tuæ, libera.  
Per Adventum tuum, libera.  
Per Nativitatem tuam, libera.  
Per Baptismum, & sanctum jejunium tuum, libera.

Per Crucem, & passionem tuam, libera.  
Per Mortem, & sepulturam tuam, libera.  
Per sanctam Resurrectionem tuam, libera.  
Per admirabilem Ascensionem tuam, libera.  
Per adventum Spiritus sancti Paracliti, libera.  
In die Judicii, libera.

Peccatores, Te rogamus audi nos.

Ut nobis parcas, Te rogamus.

Ut nobis indulgeas, Te rogamus.

Ut ad veram poenitentiam nos perducere digneris, Te rogamus.

Ut Ecclesiam tuam sanctam regere, & conservare digneris, Te rogamus.

Ut domnum Apostolicum, & omnes Ecclesiasticos Ordines in sancta religione conservare digneris, Te rogamus.

Ut inimicos sanctæ Ecclesiæ humiliare digneris, Te rogamus.

Ut Regibus, & Principibus Christianis pacem, & veram concordiam donare digneris, Te rog.

Ut cuncto Populo Christiano pacem, & unitatem largiri digneris, Te rogamus.

Ut nosmetipsos in tuo sancto servitio confortare, & conservare digneris, Te rogamus.

Ut mentes nostras ad Cœlestia desideria erigas, Te rogamus.

Ut omnibus benefactoribus nostris sempiterna bona retribuas, Te rogamus.



451 *Modus Exorcizandi Ritualis Rom.*

Ut animas nostras, fratrum, propinquorum,  
& benefactorum nostrorum ab æterna damna-  
tione eripias, Te rogamus.

Ut fructus terræ dare, & conservare digneris,  
Te rogamus.

Ut omnibus fidelibus defunctis requiem æter-  
nam donare digneris, Te rogamus.

Ut nos exaudire digneris, Te rogamus.

Fili Dei, Te rogamus.

Agnus Dei, qui tollis peccata mundi, Parce no-  
bis Domine.

Agnus Dei, qui tollis peccata mundi, Exaudi  
nos Domine.

Agnus Dei, qui tollis peccata mundi, Miserere  
nobis.

Christe audi nos.

Christe exaudi nos.

Kyrie eleison.

Christe eleison.

Kyrie eleison.

*Antiphona.* Ne reminiscaris, Domine, delicta  
nostra, vel Parentum nostrorum, neque vin-  
dictam sumas de peccatis nostris.

Pater noster &c. *ψ.* Et ne nos inducas in ten-  
tationem. *℞.* Sed libera nos a malo.

*Psalmus 53.*

**D**eus in nomine tuo saluum me fac: & in  
virtute tua judica me.

Deus exaudi orationem meam: auribus perci-  
pe verba oris meis.

Quoniam alieni insurrexerunt adversum me,  
& fortes quæsierunt animam meam: & non  
proposuerunt Deum ante conspectum suum.

Ecce enim Deus adjuvat me: & Dominus sus-  
ceptor est animæ meæ.

Averte mala inimicis meis: & in veritate tua  
disperde illos.

Volun-

Voluntariè sacrificabo tibi: & confitebor nomini tuo, Domine, quoniam bonum est.

Quoniam ex omni tribulatione eripuisti me:

& super inimicos meos despexit oculus meus.

Gloria Patri, &c.

ψ. Salvum fac servum tuum. R. Deus meus sperantem in te. ψ. Esto ei, Domine, turris fortitudinis. R. A facie inimici.

ψ. Nihil proficiat inimicus in eo. R. Et filius iniquitatis non apponat nocere ei. ψ. Mitte ei Domine auxilium de sancto. R. Et de Sion tuere eum.

ψ. Domine exaudi orationem meam. R. Et clamor meus ad te veniat. ψ. Dominus vobiscum.

R. Et cum spiritu tuo.

Oremus.

*Oratio.*

**D**Eus, cui proprium est misereri semper, & parcere, suscipe deprecationem nostram: ut hunc famulum, *vel* hanc famulam tuam, quem, *vel* quam delictorum catena constringit, miseratione tuæ pietatis clementer absolvat.

*Oratio.*

**D**omine sancte, Pater omnipotens, æterne Deus, Pater Domini nostri Jesu Christi, qui illum refugam tyrannum, & apostatam gehennæ ignibus deputasti; quique unigenitum tuum in hunc mundum misisti, ut illum rugientem contereret: velociter attende; accelera, ut eripias hominem ad imaginem, & similitudinem tuam creatum, a ruina, & damonio meridiano. Da, Domine, terrorem tuum super bestiam, quæ exterminat vineam tuam. Da fiduciam servis tuis contra nequissimum draconem pugnare fortissimè, ne contemnat sperantes in te, & ne dicat, sicut in Pharaone, qui jam dixit: Deum non novi, nec Israel dimitto. Urgeat illum dextera tua potens, discedere a famulo tuo N. *vel* a famula tua N. † ne diutius præsumat ca-

454 *Modus Exorcizandi Ritualis Rom.*

ptivum tenere, quem tu ad imaginem tuam facere dignatus es, & in Filio tuo redemisti. Qui tecum vivit, & regnat &c. R. Amen.

*Deinde precipiat demoni hunc in modum.*

**P**Ræcipio tibi, quicumque es, Spiritus immunde, & omnibus fociis tuis hunc Dei famulum obsidentibus, ut per mysteria Incarnationis, Passionis, Resurrectionis, & Ascensionis Domini nostri Jesu Christi, per missionem Spiritus Sancti, & per adventum ejusdem Domini nostri ad judicium, dicas mihi nomen tuum, diem, & horam exitus tui cum aliquo signo; & ut mihi Dei ministro, licet indigno, prorsus in omnibus obedias: neque hanc creaturam Dei, vel circumstantes, aut eorum bona ullo modo offendas.

*Deinde legantur super obsessum hæc Evangelia, vel unum, aut alterum.\**

Lectio S. Evangelii secundum Joannem.

*Hæc dicens signat se, & obsessum in fronte, ore, & pectore.*

*Jo: cap. 1.*

**I**N principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil. Quod factum est, in ipso vita erat, & vita erat Lux hominum: & Lux in tenebris lucet, & tenebræ eam non comprehenderunt. Fuit homo missus a Deo, cui nomen

---

\* Sic S. Norbertus Ordinis Præmonstratensis Fundator, & Archiepiscopus Magdeburgensis, ut puellam a dæmonio obsessam liberaret, jussit inter alia, quod super eam Evangelium legeretur: *Plurima*, inquit Scriptor ejus Vitæ c. 8. *Evangelia super caput ejus lecta sunt.... & perfecte sanata apparuit.* Floruit S. Præsul sæculo Christi duodecimo; sciebat enim, quod *diabolus nihil tantum, quantum Evangelium odit*, ut loquitur Durandus in *Rationali lib. 3, cap. 24, num. 21.*



men erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de Lumine. Erat Lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et Verbum Caro factum est, & habitavit in nobis: & vidimus gloriam ejus, gloriam quasi unigeniti a Patre, plenum gratiæ, & veritatis. *Lectio S. Evangelii secundum Marcum. Mar. 16.*

**I**N illo tempore: Dixit Jesus Discipulis suis: Euntes in mundum universum, prædicate Evangelium omni Creaturæ. Qui crediderit, & baptizatus fuerit salvus erit: qui verò non crediderit condemnabitur. Signa autem eos, qui crediderint, hæc sequentur: In nomine meo dæmonia ejicient: linguis loquentur novis: serpentes tollent; & si mortiferum quid biberint non eis nocebit: super ægros manus imponent, & benè habebunt.

*Lectio S. Evangelii secundum Lucam. Luc. 10.*

**I**N illo tempore: Reversi sunt septuaginta duo cum gaudio, dicentes ad Jesum: Domine etiam dæmonia subjiciuntur nobis in nomine tuo. Et ait illis: Videbam satanam sicut fulgur de celo cadentem. Ecce dedi vobis potestatem calcandi supra serpentes, & scorpiones, & super omnem virtutem inimici, & nihil vobis nocebit: Veruntamen in hoc nolite gaudere, quia spiritus vobis subjiciuntur: gaudete autem, quod nomina vestra scripta sunt in Cælis.

LECTIO S. Evangelii secundum Lucam. *Luc. 11.*

**I**n illo tempore: Erat Jesus ejiciens dæmonium, & illud erat mutum: & cum ejecisset dæmonium, locutus est mutus, & admiratæ sunt turbæ. Quidam autem ex eis dixerunt: In Beelzebub Principe dæmoniorum ejicit dæmonia: & alii tentantes signum de Cælo, quærebant ab eo. Ipse autem, ut vidit cogitationes eorum, dixit eis: Omne regnum in seipsum divisum, desolabitur, & domus supra domum cadet. Si autem & satanas in seipsum divisus est, quomodo stabit regnum ejus? quia dicitis in Beelzebub me ejicere dæmonia. Si autem ego in Beelzebub ejicio dæmonia, filii vestri in quo ejiciunt? Ideo ipsi Judices vestri erunt. Porro si in digito Dei ejicio dæmonia, profecto pervenit in vos regnum Dei. Cum fortis armatus custodit atrium suum, in pace sunt ea quæ possidet: si autem fortior eo superveniens vicerit eum, universa arma ejus auferet in quibus confidebat, & spolia ejus distribuet.

℣. Domine exaudi orationem meam.

℟. Et clamor meus ad te veniat.

℣. Dominus vobiscum. ℟. Et cum spiritu tuo.

Oremus. \*

**O**Mnipotens Domine, Verbum Dei Patris, Christe Jesu, Deus, & Dominus universæ Creaturæ, qui sanctis Apostolis tuis ꝛc. dedisti potestatem calcandi super serpentes, & scor-

---

\* Hæc oratio usque ad illa verba: *Per te Jesu Christe &c.* habetur in Exorcismo S. Ambrosio tributo, & invento in Vaticano codice annorum 600. locis tantum nonnullis immutatis, ut hic exhibemus.

1 Potestatem dedisti 2 Est 3 Victus 4 deficit sanctum 5 supplex precor 6 deest servo tuo 7 sicut, & meorum 8 confidentiam, & possibilitatem donare dignetur. 9 Draconem 10 deest Sancti 11 fideliter.

scorpiones; qui inter cætera mirabilium tuorum præcepta dignatus es 2 dicere: Dæmones effugate; cujus virtute 3 motus tamquam fulgur de cælo satanas cecidit: tuum 4 sanctum nomen cum timore, & tremore 5 suppliciter deprecor, ut indignissimo mihi 6 servo tuo, data venia omnium delictorum 7 meorum, 8 constantem fidem, & potestatem donare digneris: ut hunc crudelem 9 dæmonem, brachii tui 10 sancti munitus potentia fidenter, 11 & securus aggrediar, per te Jesu Christe, Domine Deus noster, qui venturus es judicare vivos, & mortuos, & sæculum per ignem. R. Amen.

XVIII. *Deinde muniens se, & obsessum signo Crucis circumposita parte stole ad collum ejus, & dextera manu sua capiti ejus imposita, constanter, & magna cum fide dicat, ea quæ sequuntur.*

ψ. \* Ecce Crucem Domini, fugite partes adversæ.

R. Vicit Leo de tribu Juda, radix David.

ψ. Domine exaudi orationem meam.

R. Et clamor meus ad te veniat.

ψ. Dominus vobiscum.

R. Et cum spiritu tuo.

Oremus.

*Oratio.*

**D**Eus, & Pater Domini nostri Jesu Christi invoco nomen Sanctum tuum, & clementiam tuam supplex exposco: ut adversus hunc, & omnem immundum spiritum, qui vexat hoc plasma, mihi auxilium præstare digneris. Per eundem Dominum nostrum &c.

*Exorcismus.*

**E**Xorcizo te immundissime spiritus, omnis incurfus adversarii, omne phantasma, omnis legio in nomine Domini nostri Jesu Christi, ✠  
era-

---

\* Vide Comment. in Document. V. num. 48.



458 *Modus Exorcizandi Ritualis Rom.*

eradicare, & effugare ab hoc psalmate Dei,  
✠ & ipse tibi imperat, qui de supernis Cœ-  
lorum in inferiora Terræ demergi præcepit.  
Ipse tibi imperat, qui mari, ventis, & tempe-  
statibus imperavit. Audi ergo, & time satana,  
inimice Fidei, hostis generis humani, mortis ad-  
ductor, vitæ raptor, justitiæ declinator, ma-  
lorum radix, fomes vitiorum, conductor homi-  
num, proditor gentium, incitator invidiæ,  
origo avaritiæ, causa discordiæ, excitator do-  
lorum. Quid stas, & resistis, cum scias Chri-  
stum Dominum vires tuas perdere? Illum me-  
tue, qui in Isaac immolatus est, in Ioseph ve-  
nundatus, in agno occisus, in homine crucifixus,  
deinde inferni triumphator fuit. *Sequentes Cru-  
ces fiant in fronte obsessi.* Recede ergo in nomi-  
ne Patris, ✠ & Filii, ✠ & Spiritus sancti: ✠ da  
locum Spiritui Sancto, per hoc signum ✠ Cru-  
cis Jesu Christi Domini nostri. Qui cum Patre,  
& eodem Spiritu Sancto vivit, & regnat Deus  
per omnia sæcula sæculorum. R. Amen.

ψ. Domine exaudi orationem meam.

R. Et clamor meus ad te veniat.

ψ. Dominus vobiscum. R. Et cum spiritu tuo.

Oremus.

*Oratio.*

**D**Eus, conditor, & defensor generis huma-  
ni, qui hominem ad imaginem tuam for-  
masti, respice super hunc famulum tuum N. *vel*  
hanc famulam tuam N. qui, *vel* quæ dolis im-  
mundi spiritus appetitur, quem vetus adver-  
sarius, antiquus hostis terræ, formidinis hor-  
ror, circumvolat, & sensum mentis humanæ  
stupore defigit, terrore conturbat, & metu  
trepidati timoris exagitat. Repelle Domine vir-  
tutem diaboli, fallacesque ejus insidias amove:  
procul impius tentator aufugiat: sit Nominis  
tui signo ✠ (*in fronte*) famulus tuus munitus, &

in anima tutus, & corpore. *Tres cruces sequentes fiant in pectore damoniaci.* Tu pectoris ✠ hujus interna custodias. Tu viscera ✠ regas. Tu ✠ cor confirmes: in Anima adversatricis potestatis tentamenta evanescant. Da Domine ad hanc invocationem Sanctissimi nominis tui gratiam, ut qui hucusque terrebat, territus aufugiat, & victus abscedat, tibi que possit hic famulus tuus, & corde firmatus, & mente sincerus debitum præbere famulatum. Per Dominum nostrum Jesum Christum filium tuum, qui tecum vivit &c. R. Amen.

*Exorcismus.\**

**A** Djuro te serpens antique per Judicem vivorum, & mortuorum, per factorem tuum, per factorem Mundi, per eum, qui habet potestatem mittendi te in gehennam, ut ab hoc famulo Dei N. qui ad Ecclesiæ sinum recurrit, cum metu, & exercitu furoris tui festinus discedas. Adjuro te iterum ✠ (*in fronte*) non mea infirmitate, sed virtute Spiritus Sancti, ut ex eas ab hoc famulo Dei N. quem omnipotens Deus ad imaginem suam fecit. Cede igitur, cede non mihi, sed ministro Christi. Illius enim te urget potestas, qui te Cruci suæ subjugavit. Illius brachium contremisce, qui de-

---

\* Hic Exorcismus antiquissimus est; de eo enim mentio habetur ab Adelhelmo Episcopo Sagiensi in Vita S. Opportunæ Abbatis Monasterioli, qui sæculo nono eam scripsit. Ibi itaque de quadam obsessa hæc scribit: „ Infusa ipsa fœmina benedixit, & aquæ aspersione, & signata signo Crucis Dominicæ, cum legerentur super eam orationes huic operi congruentes, & perventum fuisset ad locum, cum illum, ubi dicitur: *Adjuro te draco in nomine Agni, qui ambulat super aspidem, & basiliscum, qui conculcat leonem, & draconem liberata est,* quibus apertissime hic noster Exorcismus indicatur.

devictis gemitibus inferni , animas ad lucem perduxit . Sit tibi terror corpus hominis , ✠ (*in pectore* ) sit tibi formido imago Dei ✠ (*in fronte .* ) Non resistas , nec moreris discedere ab homine isto , quoniam complacuit Christo in homine habitare . Et ne contemnendum putes , dum me peccatorem nimis esse cognoscis . Imperat tibi Deus . ✠ Imperat tibi majestas Christi . ✠ Imperat tibi Deus Pater . ✠ Imperat tibi Deus Filius . ✠ Imperat tibi Deus Spiritus Sanctus . ✠ Imperat tibi Sacramentum Crucis . ✠ Imperat tibi fides Sanctorum Apostolorum Petri , & Pauli , & ceterorum Sanctorum . ✠ Imperat tibi Martyrum Sanguis . ✠ Imperat tibi continentia Confessorum . ✠ Imperat tibi pia Sanctorum , & Sanctarum omnium intercessio . ✠ Imperat tibi Christianæ fidei mysteriorum virtus . ✠ Exi ergo transgressor . Exi seductor plene omni dolo , & fallacia , virtutis inimice , innocentium persecutor . Da locum dirissime ; da locum impiissime ; da locum Christo , in quo nihil invenisti de operibus tuis ; qui te spoliavit , qui regnum tuum destruxit , qui te victum ligavit , & vasa tua diripuit ; qui te projecit in tenebras exteriores , ubi tibi cum ministris tuis erit præparatus interitus ; sed quid truculente retineris ? Quid temerariè detrectas ? Reus es Omnipotenti Deo , cujus statuta transgressus est . Reus es Filio ejus Jesu Christo Domino nostro , quem tentare ausus es , & crucifigere præsumpsisti . Reus es humano generi , cui tuis persuasionibus mortis venenum propinasti . Adjuro ergo te , draco nequissime , in nomine Agni ✠ immaculati , qui ambulavit super aspidem , & basiliscum , qui conculcavit Leonem , & Draconem , ut discedas ab hoc homine ✠ (*fiat in fronte* ) discedas ab Ecclesia Dei ✠ (*fiat*



( fiat signum Crucis super circumstantes . ) Con-  
treinisce , & effuge , invocato nomine Domini il-  
lius , quem inferi tremunt , cui virtutes Cœ-  
lorum , & Potestates , & Dominationes subje-  
ctæ sunt , quem Cherubim , & Seraphim indefes-  
sis vocibus laudant dicentes : Sanctus , Sanctus ,  
Sanctus , Dominus Deus Sabaoth : Imperat tibi  
Verbum ✠ Caro factum . Imperat tibi natus ✠  
ex Virgine . Imperat tibi Jesus ✠ Nazarenus ,  
qui te cum discipulos ejus contemneres , elisum ,  
atque prostratum exire præcepit ab homine ,  
quo præsentem , cum te ab homine separasset , nec  
porcorum gregem ingredi præsumebas . Rece-  
de ergo nunc adjuratus in nomine ✠ ejus ab  
homine , quem ipse plasmavit . Durum est tibi  
velle resistere . ✠ Durum tibi contra stimulum  
calcitrare . ✠ Quia quanto tardius exis , tanto  
magis tibi supplicium crescit ; quia non homines  
contemnis , sed illum , qui dominatur vivorum ,  
& mortuorum , qui venturus est judicare vivos ,  
& mortuos , & sæculum per ignem . R. Amen .  
V. Domine exaudi orationem meam .  
R. Et clamor meus ad te veniat .  
V. Dominus vobiscum .  
R. Et cum spiritu tuo . Oremus .

**D**eus Cœli , Deus terræ , Deus Angelorum ;  
Deus Archangelorum , Deus Prophetarum ,  
Deus Apostolorum , Deus Martyrum ,  
Deus Virginum , Deus , qui potestatem habes  
donare vitam post mortem , requiem post labo-  
rem , quia non est alius Deus præter te , nec  
esse poterit verus , nisi tu Creator Cœli , & Ter-  
ræ , qui verus Rex es , & cujus Regni non erit  
finis : humiliter majestati gloriæ tuæ supplico ,  
ut hunc famulum tuum , *vel* hanc famulam  
tuam de immundis spiritibus liberare digneris .  
Per Christum Dominum nostrum . R. Amen .

Exor-

*Exorcismus . \**

**A** Djuro 1 ergo te omnis immundissime spiritus, omne phantasma, omnis incurfus satanæ in 2 nomine Jesu Christi ✠ Nazareni, qui post lavacrum Jordanis in desertum ductus est, & 3 te in tuis sedibus vicit : ut quem ille de limo terræ ad honorem gloriæ suæ formavit, tu desinas impugnare, & in homine miserabili non humanam fragilitatem, sed 4 imaginem omnipotentis Dei contremiscas. Cede ergo Deo, ✠ qui 5 te, & 6 malitiam tuam in Pharaone & in exercitu ejus per Moysen servum suum, in 7 abyssum demersit. 8 Cede Deo, ✠ qui te per fidelissimum 9 servum suum David 10 de Rege Saule 11 spiritualibus canticis pulsus fugavit. Cede Deo, ✠ qui te in Juda 12 Iscariote proditore damnavit. Ille enim te 13 divinis ✠ verberibus 14 tangit, in cujus conspectu cum tuis legionibus tremens, & 15 clamans dixisti : Quid nobis, & tibi Jesu Fili Dei 16 Altissimi ? venisti 17 huc ante tempus torquere nos ? Ille te 18 perpetuis flammis urget, qui in fine temporum dicturus est impiis : 19 Discedite a me maledicti in ignem æternum, qui paratus

---

\* Hic est Exorcismus supra indicatus, qui in Codice Vaticano Ambrosium auctorem præfert, relatus a Patribus S. Mauri *tom. 2. operum ejusdem S. Patris in fine appendicis*. Lectio tamen est varians, ut ex collatione hic adnotamus, advertentes in primis, quod, deficient ✠ ✠ 1 *Te ergo* 2 *In virtute Nominis Christi; qui &c.* 3 *& in tuis te sedibus vicit* 4 *omnipotentis Dei Imaginem contremiscas* 5 *deest in humiliato famulo tuo Job in servitute redegit* 6 *militem* 7 *demersit in abyssum* 8 *cede Deo, qui te per Danielem puerum suum in Beel perdidit, & in dracone prostravit* 9 *desicit servum* 10 *de Saule rege* 11 *spiritualibus* 12 *desicit Iscariote, & legit traditore* 13 *nunc* 14 *agit* 15 *clamabas; quid &c.* 16 *David venisti, &c.*

tus est diabolo, & Angelis ejus. Tibi enim impie, & Angelis tuis 20 vermes erunt, qui nunquam morientur. Tibi, & Angelis tuis inextinguibile præparatur incendium, quia tu es princeps 21 maledicti homicidii, tu auctor 22 incaustus, tu 23 sacrilegiorum caput, tu artium pessimarum magister, tu hæreticorum doctor, 24 tu totius obsecenitatis inventor. Exi ergo ✠ impie, exi ✠ scelerate. Exi cum omni fallacia tua, quia hominem templum suum esse 25 voluit Deus. Sed quid diutius moraris hic? 26 Da honorem Deo Patri Omnipotenti, ✠ cui omne 27 genuflectitur. Da locum 28 Domino Jesu Christo, ✠ qui pro homine 29 Sanguinem suum sacratissimum fudit. Da locum Spiritui ✠ Sancto qui per 30 beatum Apostolum suum Petrum 31 te manifestè 32 stravit in Simone mago: qui fallaciam tuam in Anania, & Saphira condemnavit, qui te in Herode Rege honorem Deo non dante percussit: qui te in 33 mago Elima per Apostolum suum Paulum, cæcitatatis caligine perdidit, 34 & per eundem de Pythonissa verbo imperans exire præcepit. Discede ergo nunc: ✠ discede seductor; Tibi eremus

---

17 deest huc 18 flammis perpetuis 19 Ite maledicti in ignem æternum quem præparavit Pater meus diabolo, &c. 20 vermis qui nunquam moritur 21 maledicti homicidii princeps 22 incausti 23 sacrilegiorum 24 artium 25 voluit esse 26 deest hic? 27 flectitur genu 28 da locum Christo Jesu 29 suum Sanguinem fudit 30 te 31 hic deest te, cum sit anteposita talis particula 32 manifestavit in Simone, & deest mago 33 in pessimo Mago per Apostolum &c. 34 perfudit 35 tibi enim 36 deficit, & 37 sic legit: Ecce enim Dominator Dominus proximat, cito ignis ante ipsum ardebit, & inflammabit &c. 38 fallis Dominum non potes inidere 39 æternam præparavit 40 exit 41 bis acutus 42 in Spiritu Sancto judicare sæculum per ignem.



464 *Modus Exorcizandis Ritualis Rom.*

mus 35 sedes est. Tibi habitatio serpens est : humiliare, 36 & prosternare. Jam non est differendi tempus. Ecce enim Dominator Dominus 37 proximat citò, & ignis ardebit ante ipsum, & præcedet, & inflammabit in circuitu inimicos ejus. Si enim hominem fefelleris, 38 Deum non poteris irridere. Ille te ejicit, cujus oculis nihil occultum est. Ille te expellit, cujus virtuti universa subjecta sunt. Ille te excludit, qui tibi, & Angelis tuis præparavit 39 æternam gehennam : de cujus ore 40 exhibit gladius 41 acutus ; qui venturus est 42 judicare vivos, & mortuos, & læculum per ignem, &c. Amen.

*Prædicta omnia, quatenus opus fuerit, repeti possunt, donec obsessus sit omnino liberatus.*

*Juvabit præterea plurimum hac qua infra notantur, super obsessum devotè dicere, sæpeque repetere.*

Pater noster &c. Ave Maria &c. Credo &c.

*Canticum B. M. V. \**

Luc. 1.

**M**agnificat anima mea Dominum.  
Et exultavit spiritus meus, in Deo salutari meo.

Quia

\* Per hoc Canticum dæmon reminiscitur victoriæ super ipsum a Christo reportatæ, & præcipuè per illum versiculum. *Fecit potentiam in Brachio suo*, quem sic explicat S. Gregorius Thaumaturgus *serm. 2. Encomii in Annuntiatione B. M. V. apud Biblioth. PP. tom. 3. fecit potentiam in Brachio suo, pro nobis adversus mortem, & diabolum, & cunctos ei militantes demones.* Cui consonat S. Cyrillus relatus in Catena aurea D. Thomæ in cap. 1. Lucæ : *Fecit potentiam &c. magis autem propriè de demonum hostili caterva intelligenda sunt hæc : hos enim sævientes in Terra dissipavit adveniens Dominus, & compeditos ab eis obedientiæ suæ restituit.* Quare scite a Rituali nostro hoc Canticum recitandum, hoc loco proponitur.

Quia respexit humilitatem ancillæ suæ: ecce enim ex hoc beatam me dicent omnes generationes.

Quia fecit mihi magna qui potens est, & sanctum nomen ejus.

Et misericordia ejus a progenie in progenies: timentibus eum.

Fecit potentiam in brachio suo: dispersit superbos mente cordis sui.

Deposuit potentes de sede: & exaltavit humiles.

Esurientes implevit bonis, & divites dimisit inanes.

Suscepit Israel puerum suum, recordatus misericordiæ suæ.

Sicut locutus est ad patres nostros, Abraham, & semini ejus in sæcula. Gloria Patri &c.

*Canticum Zachariæ.* \* Luc. i.

**B**enedictus Dominus Deus Israel: quia visitavit, & fecit redemptionem plebis suæ.

Et erexit cornu salutis nobis, in domo David pueri sui.

Sicut locutus est per os Sanctorum, qui a sæculo sunt, Prophetarum ejus.

Salutem ex inimicis nostris: & de manu omnium qui oderunt nos.

Ad faciendam misericordiam cum patribus nostris, & memorari testamenti sui sancti.

G g

Jus-

---

\* Nec minus apposite Zachariæ Canticum legendum præscribit Rituale Romanum super obfessum, cum præcipuè versiculum illum: *Salutem ex inimicis nostris*, de dæmonibus interpretetur Glossa, & ante ipsam Origenes relatus a Divo Thoma in Catena aurea in cap. i. Lucæ: *Non autem putemus*, ait Origenes, *nunc de corporalibus inimicis dici, sed de spiritualibus. Venit enim Dominus Jesus fortis in prælio destruere omnes inimicos nostros, ut nos de eorum insidiis, & tentationibus liberos faceret.*

466 *Modus Exorcizandi Ritualis Rom.*

Jusjurandum, quod juravit ad Abraham patrem nostrum, daturum se nobis.

Ut sine timore, de manu inimicorum nostrorum liberati, serviamus illi.

In sanctitate, & justitia coram ipso, omnibus diebus nostris.

Et tu puer, Propheta Altissimi vocaberis: præbis enim ante faciem Domini parare vias ejus.

Ad dandam scientiam salutis plebi ejus, in remissionem peccatorum eorum.

Per viscera misericordiae Dei nostri, in quibus visitavit nos oriens ex alto.

Illuminare his, qui in tenebris, & in umbra mortis sedent: ad dirigendos pedes nostros in viam pacis. Gloria Patri &c.

*Symbolum S. Athanasii. \**

**Q**uicumque vult salvus esse, ante omnia opus est, ut teneat Catholicam fidem.

Quam nisi quisque integram inviolatamque servaverit, absque dubio in æternum peribit.

Fides autem catholica hæc est: ut unum Deum in Trinitate, & Trinitatem in unitate veneremur.

Neque confundentes personas, neque substantiam separantes.

Alia est enim persona Patris, alia Filii, alia Spiritus sancti.

Sed Patris, & Filii, & Spiritus sancti una est divinitas, æqualis gloria, coæterna majestas.

Qualis Pater, talis Filius, talis Spiritus sanctus.

Increa-

---

\* Hujus Symboli recitatione S. Agnes de Monte Politiano energumenum liberavit: sic enim legitur in ejus Vita cap. 7. penes Bollandianos die 20. Aprilis. „ Statim ei Sancta virgo appropians, signumque Crucis frontie ejus imprimens, fidem catholicam per Canticum illud: *Quicumque &c.* devotissime depromens, furibundum illum demonem divina virtute ab homine expulit. „



Increatus Pater, increatus Filius, increatus Spiritus sanctus.

Immensus Pater, immensus Filius, immensus Spiritus sanctus.

Æternus Pater, æternus Filius, æternus Spiritus sanctus.

Et tamen non tres æterni, sed unus æternus.

Sicut non tres increati, nec tres immensi: sed unus increatus, & unus immensus.

Similiter omnipotens Pater, omnipotens Filius, omnipotens Spiritus sanctus.

Et tamen non tres omnipotentes: sed unus omnipotens.

Ita Deus Pater, Deus Filius, Deus Spiritus sanctus.

Et tamen non tres Dii, sed unus est Deus.

Ita Dominus Pater, Dominus Filius, Dominus Spiritus sanctus.

Et tamen non tres Domini, sed unus est Dominus.

Quia sicut singillatim unamquamque personam Deum, ac Dominum confiteri Christiana veritate compellimur: ita tres Deos, aut Dominos dicere catholica Religione prohibemur.

Pater a nullo est factus: nec creatus, nec genitus.

Filius a Patre solo est: non factus, nec creatus, sed genitus.

Spiritus sanctus a Patre, & Filio: non factus, nec creatus, nec genitus, sed procedens.

Unus ergo Pater, non tres Patres: unus Filius non tres Filii: unus Spiritus sanctus, non tres Spiritus sancti.

Et in hac Trinitate, nihil prius, aut posterius, nihil majus, aut minus, sed totæ tres personæ coeternæ sibi sunt, & coæquales.

Ita ut per omnia, sicut jam supra dictum

est, & unitas in Trinitate, & Trinitas in unitate veneranda sit.

Qui vult ergo salvus esse: ita de Trinitate sentiat.

Sed necessarium est ad æternam salutem: ut Incarnationem quoque Domini nostri Jesu Christi fideliter credat.

Est ergo Fides recta, ut credamus, & confiteamur: quia Dominus noster Jesus Christus Dei Filius, Deus, & homo est.

Deus est ex substantia Patris ante sæcula genitus, & homo est ex substantia matris in sæculo natus.

Perfectus Deus, perfectus homo: ex anima rationali, & humana carne subsistens.

Æqualis Patri secundum divinitatem: minor Patre secundum humanitatem.

Qui licet Deus sit & homo: non duo tamen, sed unus est Christus.

Unus autem non conversione divinitatis in carnem; sed assumptione humanitatis in Deum.

Unus omnino non confusione substantiæ, sed unitate personæ.

Nam sicut anima rationalis, & caro unus est homo: ita Deus, & homo unus est Christus.

Qui passus est pro salute nostra, descendit ad inferos: tertia die resurrexit a mortuis.

Ascendit ad cœlos, sedet ad dexteram Dei Patris omnipotentis: inde venturus est judicare vivos, & mortuos.

Ad cujus adventum omnes homines resurgere habent cum corporibus suis, & reddituri sunt de factis propriis rationem.

Et qui bona egerunt ibunt in vitam æternam: qui verò mala in ignem æternum.

Hæc est Fides Catholica, quam nisi quisque fide-

fideliter, firmiterque crediderit, salvus esse non poterit. Gloria Patri &c.

*Psalmus 90. \**

**Q**ui habitat in adjutorio Altissimi, in protectione Dei cœli commorabitur.

Dicet Domino susceptor meus es tu, & refugium meum: Deus meus sperabo in eum.

Quoniam ipse liberavit me de laqueo venantium, & a verbo aspero.

Scapulis suis obumbravit tibi: & sub pennis ejus sperabis.

Scuto circumdabit te veritas ejus: non timebis a timore nocturno.

G g 3

A fa.

---

\* Quam meritò etiam aliqui præscribantur Psalmi a Rituali nostro super obsessos legendi, apertè colligitur ex iis, quæ de Psalmis scripserunt Patres; inter alia namque encomia, Psalmus a D. Joanne Chrysostomo in Psalm. 14. dicitur: *acutissimum telum adversus dæmones: & subjungit: nec cervi ita tela fugiunt ut psalmos David dæmones: Et D. Basilii in procemio Psalmorum: Psalmus, inquit, dæmones fugat, Angelos advocat. .... est profligandis dæmonibus, ac depellendis quoddam amuletum.* Sed ut fere omnes Psalmos hic extensos complectamur, audiatur S. Remigii Antisiodorensis in præambulis in Psalmos, penes Biblioth. PP. tom. 16. *Canticum Psalmorum, ait, animas decorat, invitat Angelos in adjutorium, effugat dæmones .... parit fidem .... diabolum offendit .... certamen bonorum est .... si vis orare dic, Deus in adjutorium. Deus in nomine tuo. Si vis Deum laudare, dic Psalmos, quorum initium est, Confitemini. Si in tribulationibus humanis, vel spiritualibus affictus sis temptationibus, & tibi videris a Deo, derelictus, canta: Deus Deus meus respice in me. Usquequo Domine. In te Domine speravi &c.* Cum porro obsessus indigeat dæmonem effugare fidem parere, Deum orare, laudare in sua tribulatione, invocare, appositè nostri Psalmi præscribuntur.



450. *Modus Exorcizandi Ritualis Rom.*

A sagitta volante in die, a negotio perambulante in tenebris: ab incursu, & dæmonio meridiano.

Cadent a latere tuo mille, & decem millia a dextris tuis: ad te autem non appropinquabit.

Verumtamen oculis tuis considerabis: & retributionem peccatorum videbis.

Quoniam tu es Domine spes mea: altissimum posuisti refugium tuum.

Non accedet ad te malum: & flagellum non appropinquabit tabernaculo tuo.

Quoniam Angelis suis mandavit de te, ut custodiant te in omnibus viis tuis.

In manibus portabunt te: ne fortè offendas ad lapidem pedem tuum.

Super aspidem, & basiliscum ambulabis, & conculcabis leonem, & draconem.

Quoniam in me speravit liberabo eum, protegam eum, quoniam cognovit nomen meum.

Clamabit ad me, & ego exaudiam eum: cum ipso sum in tribulatione, eripiam eum, & glorificabo eum.

Longitudine dierum replebo eum, & ostendam illi salutare meum. Gloria Patri &c.

*Psalmus 67. \**

**E**Xurgat Deus, & dissipentur inimici ejus: & fugiant, qui oderunt eum a facie ejus.

Sicut deficit fumus, deficient: sicut fluit cera a facie ignis, sic pereant peccatores a facie Dei.

**Et**

---

\* De singulari virtute huius Psalmi adversus dæmones pulchre hæc habet D. Athanasius ad Antiochum *quest. 14.* quærit namque: *qualem Orationem, aut quod verbum ex omnibus orationibus, atque verbis plustiment dæmones, a diabolus? & respondet: Narraverunt nobis spirituum studiosi homines fide digni, quod aspectu ipso, & de facie aliquando apparuerit eis diabolus, & quæstus hanc ab ipsis quæstionem responderit his verbis, Non existit in toto tam veteri,*

Et iusti epulentur, & exultent in conspectu Dei: & delectentur in latitiis.

Cantate Deo, psalmum dicite nomini ejus: iter facite ei, qui ascendit super occasum, Dominus nomen illi.

Exultate in conspectu eis: turbabuntur a facie ejus, patris orphanorum, & judicis viduarum.

Deus in loco sancto suo: Deus qui habitare facit unius moris in domo.

Qui educit victos in fortitudine: similiter eos, qui exasperant, qui habitant in sepulcris.

Deus cum egredereris in conspectu populi tui: cum pertransires in deserto.

Terra mota est, etenim cœli distillaverunt a facie Dei Sinai: a facie Dei Israel.

Pluviam voluntariam segregabis Deus hereditati tuæ: & infirmata est, tu vero perfecisti eam.

Animalia tua habitabunt in ea: parasti in dulcedine tua pauperi Deus.

Dominus dabit verbum evangelizantibus: virtute multa.

Rex virtutum dilecti dilecti: & speciei domus dividere spolia.

Si dormiatis inter medios cleros, pennæ columbæ deargentatæ: & posteriora dorsi ejus in pallore auri.

Dum discernit cœlestis Reges super eam, nive dealbabuntur in Selmon: mons Dei, mons pinguis.

Mons coagulatus, mons pinguis: ut quid suspicamini montes coagulatos?

Gg 4

Mons

---

*quam novo testamento verbum terribilius, atque magis nostram disperdens potestatem, quam initium sexagesimi septimi Psalmi. Quam primum enim verbo dicto: Exurgat Deus, & dissipentur inimici ejus, mox utulus evanescit, & disparer diabolus, factis ostendit hujus Orationis virtutem, & operationem.*



472 *Modus Exorcizandi Ritualis Rom.*

Mons, in quo beneplacitum est Deo habitare in eo: etenim Dominus habitabit in finem.

Currus Dei decem millibus multiplex, milia latantium: Dominus in eis in Sina in sancto.

Ascendisti in altum, cœpisti captivitatem: accepisti dona in hominibus.

Etenim non credentes: inhabitare Dominum Deum.

Benedictus Dominus die quotidie: prosperum iter faciet nobis Deus salutarium nostrorum.

Deus noster, Deus salvos faciendi: & Domini Domini exitus mortis.

Verumtamen Deus confringet capita inimicorum suorum: verticem capilli perambulantium in delictis suis.

Dixit Dominus: Ex Basam convertam: convertam in profundum maris.

Ut intingatur pes tuus in sanguine, lingua canum tuorum ex inimicis ab ipso.

Viderunt ingressus tuos, Deus, ingressus Dei mei, regis mei: qui est in sancto.

Prævenierunt principes conjuncti psallentibus, in medio juvenicularum tympanistriarum.

In Ecclesiis benedicite Deo Domino: de fontibus Israel.

Ibi Benjamin adolescentulus: in mentis excessu.

Principes Juda, duces eorum: principes Zabulon, principes Nephthali.

Manda Deus virtuti tuæ: confirma hoc Deus, quod operatus es in nobis.

A templo tuo in Jerusalem, tibi offerent Reges munera.

Increpa feras arundinis, congregatio taurorum in vaccis populorum, ut excludant eos, qui probati sunt argento.

Dissipas gentes, quæ bella volunt: venient legati ex Ægypto: Æthiopia prævenient manus ejus Deo.

Re-



Regna terræ cantate Deo: psallite Domino.  
Psallite Deo, qui ascendit super cœlum cœli  
ad orientem.

Ecce dabit voci suæ vocem virtutis: date  
gloriam Deo super Israel: magnificentia ejus,  
& virtus ejus in nubibus.

Mirabilis Deus in Sanctis suis, Deus Israel ipse  
dabit virtutem, & fortitudinem plebi suæ: be-  
nedictus Deus. Gloria Patri &c. *Psalmus 69.*

**D**Eus in adjutorium meum intende: Domi-  
ne ad adjuvandum me festina.

Confundantur, & revereantur, qui quærunt  
animam meam.

Avertantur retrorsum, & erubescant, qui  
volunt mihi mala.

Avertantur statim erubescences, qui dicunt  
mihi: euge, euge

Exultent, & latentur in te omnes, qui quæ-  
runt te: & dicant semper magnificetur Domi-  
nus, qui diligunt salutare tuum.

Ego verò egenus, & pauper sum: Deus adju-  
va me.

Adjutor meus, & liberator meus estu: Do-  
mine ne moreris. Gloria Patri &c.

*Psalmus 53.*

Deus in nomine tuo. *Ut supra pag. 452.*

*Psalmus 117.*

**C**onfitemini Domino quoniam bonus: quo-  
niam in sæculum misericordia ejus.

Dicat nunc Israel, quoniam bonus: quoniam  
in sæculum misericordia ejus.

Dicat nunc domus Aaron: quoniam in sæcu-  
lum misericordia ejus.

Dicant nunc, qui timent Dominum: quo-  
niam in sæculum misericordia ejus.

De tribulatione invocavi Dominum: & exau-  
divit me in latitudine Dominus.

Do.

474 *Modus Exorcizandi Ritualis Rom.*

Dominus mihi adjutor : non timebo , quid faciat mihi homo .

Dominus mihi adjutor : & ego despiciam inimicos meos .

Bonum est confidere in Domino : quam confidere in homine .

Bonum est sperare in Domino : quam sperare in principibus .

Omnes gentes circuierunt me , & in nomine Domini , quia u tuus sum in eos .

Circumdantes , circumdederunt me : & in nomine Domini , qui ultus sum in eos .

Circumdederunt me sicut apes , & exarserunt sicut ignis in spinis : & in nomine Domini quia ultus sum in eos .

Impulsus eversus sum ut caderem : & Dominus suscepit me .

Fortitudo mea , & laus mea Dominus : & factus est mihi in salutem .

Vox exultationis , & salutis : in tabernaculis iustorum .

Dextera Domini fecit virtutem , dextera Domini exaltavit me : dextera Domini fecit virtutem .

Non moriar , sed vivam : & narrabo opera Dñi .

Castigans castigavit me Dominus : & morti non tradidit me .

Aperite mihi portas justitiæ , ingressus in eas confitebor Domino : hæc porta Domini , iusti intrabunt in eam .

Confitebor tibi , quoniam exaudisti me ; & factus es mihi in salutem .

Lapidem , quem reprobaverunt ædificantes : hæc factus est in caput anguli .

A Domino factum est istud : & est mirabile in oculis nostris .

Hæc est dies , quam fecit Dominus : exultemus , & lætemur in ea .

O Domine saluum me fac, o Domine bene prosperare: benedictus, qui venit in nomine Domini.

Benediximus vobis de domo Domini: Deus Dominus, & illuxit nobis.

Constituete diem solem in condensis, usque ad cornu altaris.

Deus meus es tu, & confitebor tibi: Deus meus es tu, & exaltabo te.

Confitebor tibi, quoniam exaudisti me, & factus es mihi in salutem.

Confitemini Domino, quoniam bonus: quoniam in seculum misericordia ejus.

Gloria Patri &c.

*Psalmus 34.*

**I**udica Domine nocentes me: expugna impugnantes me.

Apprehende arma, & scutum: & exurge in adiutorium mihi.

Effunde frameam, & conclude adversus eos, qui persequuntur me: dic animæ meæ, salus tua ego sum.

Confundantur, & reveantur, quærentes animam meam.

Avertantur retrorsum, & confundantur cogitantes mihi mala.

Fiant tamquam pulvis ante faciem venti: & Angelus Domini coarctans eos.

Fiat via illorum tenebræ, & lubricum: & Angelus Domini persequens eos.

Quoniam gratis absconderunt mihi interitum laquei sui: supervacue expronaverunt animam meam.

Veniat illi laqueus, quem ignorat: & captio, quam abscondit, apprehendat eum, & in laqueum cadat in ipsum.

Anima autem mea exultabit in Domino: & delectabitur super salutari suo.

*Omnia*



Omnia ossa mea dicent : Domine quis similis tibi ?

Eripiens inopem de manu fortiorum ejus : egenum , & pauperem a diripientibus eum .

Surgentes testes iniqui , quæ ignorabam , interrogabant me .

Retribuebant mihi mala pro bonis , sterilitatem animæ meæ .

Ego autem cum mihi molesti essent , induebar cilicio .

Humiliabam in jejunio animam meam : & oratio mea in sinu meo convertetur .

Quasi proximum , & quasi fratrem nostrum sic complacebam : quasi lugens , & contristatus sic humiliabar .

Et adversum me lætati sunt , & conveniunt : congregata sunt super me flagella , & ignoravi .

Dissipati sunt , nec compuncti , tentaverunt me , subsannaverunt me subsannatione : frenduerunt super me dentibus suis .

Domine , quando respicies ? Restitue animam meam a malignitate eorum , a leonibus unicam meam .

Confitebor tibi in Ecclesia magna : in populo gravi laudabo te .

Non supergaudeant mihi , qui adversantur mihi iniquè : qui oderunt me gratis , & annuunt oculis .

Quoniam mihi quidem pacificè loquebantur : & in iracundia terræ loquentes , dolos cogitabant .

Et dilataverunt super me os suum : dixerunt , euge , euge , viderunt oculi nostri .

Vidisti , Domine , ne fileas : Domine ne discedas a me .

Exurge , & intende judicio meo : Deus meus , & Dominus meus in causam meam .

Judica

Judica me secundum justitiam tuam, Domine Deus meus, & non supergaudeant mihi.

Non dicant in cordibus suis, euge, euge anima nostra: nec dicant, Devoravimus eum.

Erubescant, & revereantur simul, qui gratulantur malis meis.

Induantur confusione, & reverentia, qui magna loquuntur super me.

Exultent, & latentur, qui volunt justitiam meam: & dicant semper, magnificetur Dominus, qui volunt pacem servi ejus.

Et lingua mea meditabitur justitiam tuam: tota die laudem tuam. Gloria Patri &c.

*Psalms 30.*

**I**N te Domine speravi, non confundar in aeternum: in justitia tua libera me.

Inclina ad me aurem tuam; accelera ut eruas me.

Esto mihi in Deum protectorem, & in domum refugii: ut salvum me facias.

Quoniam fortitudo mea, & refugium meum es tu: & propter nomen tuum deduces me, & enutries me.

Educes me de laqueo hoc quem absconderunt mihi: quoniam tu es protector meus.

In manus tuas commendo spiritum meum: redemisti me Domine Deus veritatis.

Odisti observantes vanitates, supervacue.

Ego autem in Domino speravi: exultabo, & latabor in misericordia tua.

Quoniam respexisti humilitatem meam: salvasti de necessitatibus animam meam.

Nec conclusisti me in manibus inimici: statuisti in loco spatiofo pedes meos.

Miserere mei, Domine, quoniam tribulor: conturbatus est in ira oculus meus, anima mea, & venter meus.

Quoniam

478 *Modus Exorcizandi Ritualis Rom.*

Quoniam defecit in dolore vita mea, & anni mei in gemitibus.

Infirmata est in paupertate virtus mea: & ossa mea conturbata sunt.

Super omnes inimicos meos factus sum opprobrium, & vicinis meis valde: & timor notis meis.

Qui videbant me, foras fugerunt a me: oblivioni datus sum tamquam mortuus a corde.

Factus sum tamquam vas perditum; quoniam audiui vituperationem multorum commorantium in circuitu.

In eo dum convenirent simul adversum me; accipere animam meam consiliati sunt.

Ego autem in te speravi Domine: dixi, Deus meus es tu, in manibus tuis sortes meae.

Eripe me de manu inimicorum meorum; & a persequentibus me.

Illustra faciem tuam super servum tuum, salvum me fac in misericordia tua: Domine, non confundar, quoniam invocavi te.

Erubescant impii, & deducantur in infernum: muta fiant labia dolosa.

Quae loquuntur adversus justum iniquitatem, in superbia, & in abusione.

Quam magna multitudo dulcedinis tuae, Domine, quam abscondisti timentibus te!

Perfecisti eis, qui sperant in te: in conspectu filiorum hominum.

Abscondes eos in abscondito faciei tuae, a conturbatione hominum.

Proteges eos in tabernaculo tuo, a contradictione linguarum.

Benedictus Dominus: quoniam mirificavit misericordiam suam mihi in civitate munita.

Ego autem dixi in excessu mentis meae: Projectus sum a facie oculorum tuorum.

Ideo



Ideo exaudisti vocem orationis meæ: dum clamarem ad te.

Diligite Dominum omnes sancti ejus: quoniam veritatem requirit Dominus, & retribuet abundanter facientibus superbiam.

Viriliter agite, & confortetur cor vestrum, omnes qui speratis in Domino. Gloria Patri &c.

*Psalmus 21.*

**D**eus Deus meus, respice in me, quare me dereliquisti? longe a salute mea verba delictorum meorum.

Deus meus, clamabo per diem, & non exaudies: & nocte, & non ad insipientiam mihi.

Tu autem in sancto habitas, laus Israel.

In te speraverunt patres nostri: speraverunt, & liberaſti eos.

Ad te clamaverunt, & salvi facti sunt: in te speraverunt, & non sunt confusi.

Ego autem sum vermis, & non homo: opprobrium hominum, & abjectio plebis.

Omnes videntes me deriserunt me: locuti sunt labiis, & moverunt caput.

Speravit in Domino, eripiat eum: salvum faciat eum, quoniam vult eum.

Quoniam tu es, qui extraxisti me de ventre: spes mea ab uberibus matris meæ. In te projectus sum ex utero.

De ventre matris meæ Deus meus es tu: ne disceſſeris a me.

Quoniam tribulatio proxima est: quoniam non est qui adjuvet.

Circumdederunt me vituli multi: tauri pingues obsederunt me.

Aperuerunt super me os suum: sicut leo rapiens, & rugiens.

Sicut aqua effusus sum: & dispersa sunt omnia ossa mea.

Fa.

480 *Modus Exorcizandi Ritualis Rom.*

Factum est cor meum tamquam cera lique-  
scens, in medio ventris mei.

Aruit tamquam testa virtus mea: & lingua  
mea adhæsit faucibus meis, & in pulverem mor-  
tis deduxisti me.

Quoniam circumdederunt me canes multi:  
concilium malignantium obsedit me.

Foderunt manus meas, & pedes meos: di-  
numeraverunt omnia ossa mea.

Ipsi verò consideraverunt, & inspexerunt me:  
diviserunt sibi vestimenta mea, & super vestem  
meam miserunt sortem.

Tu autem Domine, ne elongaveris auxilium  
tuum a me: ad defensionem meam conspice.

Erue a framea Deus animam meam: & de  
manu canis unicam meam.

Salva me ex ore leonis: & a cornibus uni-  
cornium humilitatem meam.

Narrabo nomen tuum fratribus meis: in me-  
dio Ecclesiæ laudabo te.

Qui timetis Dominum, laudate eum: uni-  
versum semen Jacob glorificate eum.

Timeat eum omne semen Israel: quoniam non  
sprevit, neque despexit deprecationem pauperis.

Nec avertit faciem suam a me: & cum clama-  
rem ad eum, exaudivit me.

Apud te laus mea in ecclesiâ magnâ: vota  
mea reddam in conspectu timentium eum.

Edent pauperes, & saturabuntur, & lauda-  
bunt Dominum, qui requirunt eum: viventes  
corda eorum in sæculum sæculi.

Reminiscentur, & convertentur ad Domi-  
num, universi fines Terræ.

Et adorabunt in conspectu ejus, universæ fa-  
miliæ Gentium.

Quoniam Domini est regnum: & ipse domi-  
nabitur Gentium.

Manducaverunt, & adoraverunt omnes pingues terræ: in conspectu ejus cadent omnes, qui descendunt in terram.

Et anima mea illi vivet: & semen meum serviet ipsi.

Annuntiabitur Domino generatio ventura: & annuntiabunt cœli justitiam ejus populo, qui nascerunt, quem fecit Dominus. Gloria Patri &c.

*Psalmus 3.*

**D**omine, quid multiplicati sunt, qui tribulant me? multi insurgunt adversum me.

Multi dicunt animæ meæ: Non est salus ipsi in Deo ejus.

Tu autem Domine, susceptor meus es: gloria mea, & exaltans caput meum.

Voce mea ad Dominum clamavi: & exaudivit me de monte sancto suo.

Ego dormivi, & soporatus sum: & exurrexi, quia Dominus suscepit me.

Non timebo millia populi circumdantis me: exurge Domine, salvum me fac, Deus meus.

Quoniam tu percussisti omnes adversantes mihi sine causa: dentes peccatorum contrivisti.

Domini est salus, & super populum tuum benedictio tua. Gloria Patri &c. *Psalmus 10.*

**I**N Domino confido, quomodo dicitis animæ meæ: Transmigra in montem sicut passer.

Quoniam ecce peccatores intenderunt arcum, paraverunt sagittas suas in pharetra: ut sagittent in obscuro rectos corde.

Quoniam, quæ perfecisti, destruxerunt: justus autem quid fecit?

Dominus in templo sancto suo: Dominus in cœlo sedes ejus.

Oculi ejus in pauperem respiciunt: palpebræ ejus interrogant filios hominum.

Dominus interrogat justum, & impium: qui

Hh

autem



482 *Modus Exorciz. Ritualis Rom. &c.*

autem diligit iniquitatem, odit animam suam:

Pluet super peccatores laqueos: ignis, & sulphur, & spiritus procellarum pars calicis eorum.

Quoniam justus Dominus, & justitias dilexit: aequitatem vidit vultus ejus. Gloria Patri &c.

*Psalmus 12. \**

**U**squequò Domine oblivisceris me in finem? usquequò avertis faciem tuam a me?

Quamdiu ponam consilia in anima mea: dolorem in corde meo per diem;

Usquequò exaltabitur inimicus meus super me? respice, & exaudi me Domine Deus meus.

Illumina oculos meos, ne umquam obdormiam in morte: ne quando dicat inimicus meus: Prævalui adversus eum.

Qui tribulant me, exultabunt si motus fuero: ego autem in misericordia tua speravi.

Exultabit cor meum in salutari tuo: cantabo Domino, qui bona tribuit mihi, & psallam nomini Domini Altissimi. Gloria Patri &c.

*Oratio post liberationem.*

**O**Ramus te, Deus omnipotens, ut spiritus iniquitatis amplius non habeat potestatem in hoc famulo tuo N. *vel* famula tua N. sed ut fugiat, & non revertatur. Ingrediatur in eum, *vel* in eam, Domine te jubente, bonitas, & pax Domini nostri Jesu Christi, per quem redempti sumus, & ab omni malo non timeamus, quia Dominus nobiscum est. Qui vivit & regnat cum Deo Patre in unitate Spiritus Sancti Deus, per omnia sæcula sæculorum. *R.* Amen.

L A U S D E O.

\* Ad hunc Psalmum recursum habuit ad demonum terribilia abjicienda B. Alcuinus Abbas, ut legitur in ejus vita *cap. 1. penes Bollandianos sanctioris die 19. Maii*, Crucis se muniens Alcuinus velociter signo, Psalmumque decantans, duodecimum affectu, omni malorum subito disparuit turba.

INDEX

# I N D E X.

## A

- A** Aron, quomodo verterit virgam in serpentes, &c. Pag. 222. & 225
- Acedia. V. *Peccata*.
- Actus socialis cum dæmone alius perfectus, alius imperfectus. 317
- Actum sociale cum dæmone non habuit P. Jo: Baptista Mezzettus, nec ejus discipulus Jacobus Martinus Modanefius. 318
- Adjuratio quid, & quotuplex sit. 4. Adjurandi modus quotuplex sit. *ibid.* Et erga quæ quilibet eorum sit adhibendus, *ibid.* & 5. Tres Adjuratio conditiones requirit, *ibid.* & 6. Adjurari potest irrationalis creatura, non tamen per terminos judicarios, 8. & 9. sed solum Aqua lustrali, Reliquiis Sanctorum, & Exorcismis. 10
- Ætas Exorcistæ debet esse matura. 108
- Agni Dei cerei virtus contra dæmones. 312
- Amuleta sacra licita sunt, & eorum usus piissimus. 195
- Angeli assumunt corpora ex aere efformata. 23; Nec Angelus bonus, nec malus possunt cognoscere cordis secreta. 123. Angelus Tobix, quomodo dæmonem expulit. 382. & *seqq.* Angeli mali. V. *daemon*, V. *diabolus*.
- Animæ potentiæ subjæctæ sunt operationi dæmum. 32. & *seqq.*
- Aqua lustralis adhibenda est in animalibus nocentibus expellendis. 10. & *seqq.* Habet vim contra dæmones. 372. Contra præstigia, & maleficia. 373. & *seqq.*
- Arreptitii qui sint. 13
- Artes dæmonis cognoscere, Exorcista debet curare. 203
- S. Athanasii Symbolum. V. *Symbolum*.
- Avari, dæmoniacis similes, imo pejores sunt. 47.
- Avaritia, V. *Peccata*.

## B

**B** Alnea non probantur a SS. PP. in Virgini-  
bus . 51. V. *Peccata*.  
Beati adjurari possunt. V. *Adjuratio*.  
Blasphemia V. *Peccata*.  
Brevia sacra V. *Amuleta*.

## C

**C** Alumnia . V. *Peccata*.  
Canticum B. M. V. quantæ sit virtutis ad dæ-  
mones fugandos, & quare. 464.  
Canticum Zachariæ super obfessos legere oportu-  
num est. 465.  
Catalogus SS. qui dæmones, dum viverent, adju-  
rarunt. 266.  
Choreæ . V. *Peccata*.  
Cithara David , an habuerit vim expellendi dæ-  
monem a Rege Saule. 382. & seqq.  
Clausura Monasterii V. *Peccata*.  
Cognitio dæmonis , an , & quomodo se extendat  
ad futura. 325. V. *Dæmonis cognitio*.  
Communio an semper data fuerit Energumenis?  
293. est utilissima obfessis, 297. & ipsis debet  
ministrari; si tamen mente valeant. 300.  
Concilii Ancyрани Canon quidam explicatur. 232.  
& seqq.  
Conjuraciones quædam reprobatae. 437.  
Confessio Sacramentalis Exorcistæ præcedere de-  
bet exorcizationem 425. Confessio obfessi plu-  
rimum conducit ad dæmonem superandum. 290.  
Constantia necessaria est in Exorcista. 102.  
Conventicula nocturna. V. *Saga*.  
Cordis cogitationes occultæ. V. *Angeli*. V. *Dæ-  
mon*. V. *Deus*.  
Coronæ calculorum . V. *Amuleta*.  
Corpus energumeni elevari potest in aerem a dæ-  
mone, capite ad terram verso, nec tamen ve-  
stes



- ites in faciem defluere interdum. *Comment. Do-*  
*cum. III. num. 29.* Interdum defluere ostenditur,  
 Deo sic permittente. *Ibid.*
- Creare non potest dæmon, 220
- Creatura irrationalis adjurari potest, & quomodo. 7
- Crimen, impedimentum dirimens. V. *Peccata.*
- Crucifixi imago, quam efficax sit adversus dæmo-  
 nes. 309
- Crucis signum, quantam vim habeat ad dæmones  
 expellendos, 366. ubi, & quando sit facien-  
 dum, 368. & quomodo, 370. & 372
- Curatio maleficatorum, alia moralis, alia, su-  
 pernaturalis. 413
- Curiositas in adstantibus adjurationi, removen-  
 da est. 351

## D

- D**Æmon adjurari potest, & quomodo? V. *Adju-*  
*ratio.* Dæmones adjurari non possunt etiam  
 modo compulsivo, seu imperativo pro aliquo  
 ab eis addiscendo, vel ad aliquid per eos obti-  
 nendum. 7
- Dæmon facultatem habet vexandi homines tam  
 circa animam, quam circa corpus. Non tamen  
 potest illabi animæ, 32. sed solum animæ uniri. *Id.*  
 Possunt operari circa potentias. 32. V. *Potentia.*  
*Anima. Intellectus. Voluntas. Memoria. Sensus.*  
 Potest omnes morbos, & infirmitates, Deo per-  
 mittente, inducere, 18. ejus potestas, quomo-  
 do debilitata fuit a Christo per suam passio-  
 nem. 16
- Dæmones vices incubi cum mulieribus, & succu-  
 bi cum Viris exercent, 18. & quomodo id pos-  
 sint. 23. Dæmon Incubus potest hominem gene-  
 rare, & quomodo? 31. non tamen dicendus es-  
 set filius dæmonis. 32
- Dæmones assument corpora ex aere efformata. 23.  
 & etiam hominum vita functorum, 27. non ta-  
 men Justorum. 29
- Dæmon nihil potest in homines, nisi permittatur  
 a Deo

a Deo. 38. Neque hac permissione, seu facultate uti potest pro libito, sed solum ubi, quando, & pro quando Deus permiserit. 39. & 214. Impugnat homines propter invidiam, & propter superbiam. 213

Dæmon nequit cognoscere virtutes hominis interiores. 124. Nec futurum hominis morientis statum, *ibid.* nec nostras cogitationes, nisi per indicia, 124. & hoc modo plura occulta, & distantia patefacit. 125. Dæmonis cognitio quæ, & quanta sit, quomodo eam accipiat, & usque se extendat. 202. Cognitio, quam dæmones habuerunt per naturam, non est eis ablata, nec diminuta, 204. cum aliqua tamen limitatione. 205. Illa verò cognitio, quæ est per gratiam in speculatione consistens, non est eis totaliter ablata, sed diminuta, & explicatur. 208. Illa tamen, quæ habetur per gratiam effectiva, & productiva divini amoris, omnino caret, sicut charitate. 209. Dæmon an, & quomodo cognoscere possit futura. 325

Dæmones nequeunt interrogari ad quæ verba magis crucientur, 131. licet conturbentur, torqueantur, urantur exorcismis, *ibid.* & magis per quædam verba, quam per alia, 132. & per futurum Iudicii diem ipsis objectum. 133

Dæmonis artes, & astutiæ cavendæ sunt ab Exorcista, 140. & eas cognoscere, debet Exorcista curare. 202

Dæmon semper aut fallit, aut finem habet fallendi, 141. Ideo non est ei credendum, etiam cum veritatem loquitur. 141. Neque si dicat se compelli ad veritatem dicendam. 142. Nec cum simulat se esse animam alicujus defuncti, vel Sancti, vel Angeli boni. 330

Dæmonis astutiæ ut plurimum sunt, abscondere se, & relinquere corpus obsessi quasi liberum ab omni molestia. sed fictè. 161. Interdum verè, sed revertuntur. 163. conari, suadere sui obsessionem esse naturalem infirmitatem, idque suadere tentat vexato. 166. Parentibus vexati. 167. Vulgi opinioni, *ibid.* & medicis, 168. finire obsessum

festum sumere Eucharistiam quandoque, quandoque non. 200

Dæmones assistunt funeri Martini Lutheri. 163

Dæmon non potest rem aliquam creare, 220. nec formam substantialem corpoream immediate producere. 221. V. *Potentia*.

Dæmon mutus, & surdus, quid importat. 243

Dæmonum numerus licite interrogari potest, 335. sicut & nomen. 337. V. *Interrogationes necessariae*.

Dæmones in jam liberatum quandoque revertuntur, 419. & quare, 420. & quomodo impediendus hic regressus. *ibid.*

Dæmon elevare potest corpus obsessi. V. *Corpus*.

Dæmonis voluntas. V. *Voluntas*.

Dæmonum nomina. V. *Nomina demonum*.

Dæmoniaci qui sint. 13

Dæmonis invocatio. V. *Peccata*.

Desperatio. V. *Peccata*.

Detractio. V. *Peccata*.

Deus adjurari potest. V. *Adjuratio*. Solus illabi potest animæ, 32. & cognoscere secreta cordis. 123. Numquam permittit dæmones vexare homines nisi justissime, 40. & permittit ob obstinatorum damnationem, *ibid.* ob peccantium purgationem, 41. ad fidelium probationem, & exercitationem. *ibid.* Ad gloriæ suæ manifestationem, 42. ad peccantium punitionem. *ibid.* V. *Peccatum*. Orandus est ab Exorcista, ut astutias cognoscât diaboli. 140

Dusii quinam dæmones vocentur. 19

## E

**E**cclësiarum violatio. V. *Peccata*. V. *Templo-  
rum violatio*. Ecclesia accepit potestatem a Christo ejiciendi dæmonia, 94. & communicat hanc Exorcistis. *ibid.* Illa Judæorum a Deo similem habebat potestatem. *ibidem*. Ecclesia est locus aptus adjurationi, 248. & Ecclesiæ ministri sunt advocandi ad maleficia dissolvenda. 197

Energumenus quid sit, & quare sic vocetur. 14



V. *Obsessus*. Energumeni fictitii, 117. & eorum pœnæ temporales *ibid.* & 120. & pœnæ spirituales. 118. Energumenorum nomina ad Altare non recitabantur, *ib.* neque ad Ordines admittebantur. *ibid.* imò admissi deponebantur, 119. admittuntur tamen, si sint a vexatione dæmonis purgati. 119. Energumenus jejunare debet. 247. Scorsim a multitudine est exorcizandus, quamvis aliter antiquitus factum sit. 254

**Evangelium** quam utiliter legatur super obsessum. 454

**Eucharistia** super obsessum non admoveatur. 313.

V. *Hosia*. Hanc obsesso permittit interdum sumere dæmon, quandoque non. 200. V. *Communio*.

**Excommunicatio**. V. *Peccata*.

**Exorcismus** quid sit. 353. Non producit infallibiliter suum effectum, 97. nec confert gratiam Sanctificantem. *ibid.* Habet tamen virtutem ex opere operato, & explicatur, 355. & 357. Urit, torquet dæmones, 131. concluditur: *Per eum, qui venturus est*, & quare? 133. faciendus est cum imperio, & auctoritate. 354. Non tantum voce prolatus, sed & scriptus vim habet. 357. Adhibendus est ad fuganda animalia terræ nocentia. 10

**Exorcismi Ritualis Romani** quam antiqui sint, 459. & 462. His solis uti debet Exorcista, & non aliis. 434. & 437

**Exorcismi Salomonis**. V. *Salomonis exorcismi*.

**Exorcista** quid sit. 3. Alius ex gratia gratis data, alius ex vi Ordinis. 89. Liberando energumenum non conficit Sacramentum. 96. Potest infantes baptizandos exorcizare ex vi Ordinis, 97. tamen consuetum non est, ad ostendendam Baptismi unitatem, 98. debet habere jurisdictionem, & particularem quoad Moniales, 98. debet fugere omnem avaritiam, & quæstum, 100. debet esse constans, & patiens in instruendo, & disponendo obsesso, in sustinendis insultibus, injuriis, & calumniis dæmonum, 102. debet esse humilis. V. *humilitas*. Debet esse reverendus officio, & moribus. 108. Non debet uti fictionibus, 110. nec quærere a dæmone per quam Personam, vel per

per quem Sanctum sit expellendus, 111. nec in quo loco sit egressurus, *ibid.* nec debet energumenum alapis, flagellis, sputis &c. vexare, *ibid.* tamen aliquando moderatè, & cum prudentia poterit in dæmonis contumeliam. 112. Nec ei licebit imperare dæmoni sub pœna excommunicationis, *ibid.* neque terminis judiciariis, *ibid.* nec imponere nomina irrisoria, nec pingere ejus imaginem, eamque comburere. *ibid.* Nec ei licitum est radere pilos, & capillos dæmoniaci, 113. nec præcipere dæmoni superiori, ut inferiorem pellat, *ibid.* nec præcipere ut in infernum abeat, vel in desertum, vel in stagnum ignis per annos mille, 113. nec connivere petitioni dæmonis è corpore egressuri, quando rem iniquam petit 114. Nequit exigere a dæmone iuramentum sui exitus, 161. debet orare, ut astutias diaboli cognoscat, 140. super quas cautus esse debet, 202. & jejunare. 247. Silentium imponere dæmoni, 329. esse in statu gratiæ, 425. & 426. alias peccaret, 427. & tandem debet uti solis precibus, & exorcismis præscriptis a Rituali Romano. 434. & 437. Exorcizatus est in Ecclesia antiquissimus, 83. est Sacramentum. 84. Non tamen prout ministerium est, seu prout actu exercetur. 95. Exorcizatio. V. *Adjuratio.* Exorcizare quid sit. 3. Exorcizandi potestas data fuit a Christo Apostolis, & ejus discipulis. 15

## F

**F** Acturati qui sint. 13  
 Fascinati qui sint. *ibid.*  
 Fauni dæmones, qui dicantur. 19  
 Fides non est adhibenda dictis dæmonis, 140. nec etiam cum verum dicit 141. imò si dicat se compelli ad veritatem dicendam. 142  
 Fides Theologica requiritur in exorcista, 358. quid sit, & quomodo differat a Fiducia, 364  
 Fidu-

**F**iducia est necessaria ad liberationem 301. in Exorcista 365. & qualis, *ibid.* in patiente, parentibus, astantibus, 302. & 309. motiva excitandi fiduciam enumerantur, 302. & 309. Fiducia petenda est a Deo. 366. Impedit quominus dæmon possit nocere, 413. & nedum propria, sed etiam aliena, 416. quomodo differat a Fide, 364. & quid sit. 363

**Fraus.** V. *Peccata.* Fraudes dæmonis. V. *Artes dæmones.*

**Furtum.** V. *Peccata.*

**Futura** an, & quomodo cognoscere possit dæmon. 325

## G

**G**enua flectendi mos antiquissimus est in oratione fundenda. 431

**Gula.** V. *Peccata.*

## H

**H**æretici non solent ejicere dæmonia. 358

**H**ostia non consecrata non potest Exorcista uti ad explorandam dæmonis obsessionem. 314

**H**umilitas necessaria est in Exorcistis in actu conjurationis, 104. & post dæmonis expulsionem, 107. in obsessis etiam 307. & in astantibus 351.

**Hypochrisis.** V. *Peccata.*

## I

**I**acobus Martinus Modanensis. V. *Actus sociali cum dæmone.*

**I**esus nomen quam efficax. 363

**I**ejunium necessarium ad omnes dæmones ejiciendos, 243. & 245. & in Exorcista, atque Energumeno, 247. & 289.

**Incestus.** V. *Peccata.*

**Ineptiæ.** V. *Nugæ.*

**I**nfantēs habent sua signa obsessionis particularia.

129. Infantes baptizandi possunt exorcizari & sim.



- simplici Exorcista, 92. non tamen consuetum est,  
& quare 98. V. *Parvuli.*
- Incubi dæmones dantur. 18
- Inobedientia. V. *Peccata.*
- P. Joannes Baptista Mezzetus. V. *Actus Socialis.*
- Instrumenta maleficii. V. *Signa Maleficii.*
- Inspectio minus pudica proprii corporis. V. *Peccata.*
- Integritas vitæ quam necessaria in Exorcista. 99.
- Intellectus hominis potest a dæmone alterari 33.  
non tamen ipsum interius movendo, sed solum  
operando circa partem interiorem sensitivam.  
*ibidem.*
- Intellectus dæmonis. V. *Cognitio.*
- Intemperantia carnalis. V. *Peccata.*
- Interrogationes necessariae dæmoni faciendæ, quæ  
334. & seqq. & 347. & seqq. V. *Multiloquium.*
- Invocatio Divini nominis alia implicita, alia ex-  
pressa. 44
- Ira. V. *Peccata.*
- Judicii diem timent dæmones, ac reformidant. 133
- Juramentum exigere nequit Exorcista a dæmone  
sui egressus. 161

## L

- L**ætitia inepta. V. *Peccata.*
- Liberationis signa. V. *Signa Liberationis.*
- Libidinis desiderium. V. *Peccata.*
- Litaniæ, quid sint, & quotuplices sint, 432. de-  
votè sunt recitandæ ab Exorcista, 433. & non  
aliæ quam ab Ecclesia approbatæ. *ibid.* Quam an-  
tiquæ sint. 448. etiam earum usus in expulsio-  
ne dæmonis *ibid.*
- Locustæ an, & quomodo adjurari possint? V.  
*Creatura irrationalis. Adjuratio.*
- Lunatici, qui sint. 13
- Lunæ interdum tribuitur obsessio dæmonis. 167
- Luxuria carnalis non est in dæmonibus. 18. V.  
*Peccata.*
- Luxuriosi cum obsessis comparantur. 45
- Magi

## M

**M**agi non sunt advocandi ad dissipandum maleficium, 183. & solum quando licent eos advocare ostenditur. 190. Magi Pharaonis, quomodo verterint virgas in serpentes. 222. V. *Saga*.

Maleficiatus, & Maljatas qui sit. 13. Non debet temerè judicare de Auctore maleficii. 189. Nequit confugere ad magos, vel ad Sagas *ibid.* Ejus curatio. V. *Curatio*.

Maleficium datur, 168. multiplex est, 170. malefici signa. V. *signa maleficii*. Maleficia negantes corripuntur. 182

Maleficus datur, 168. ejus pœnæ. *ibid.*

Manus impositio multiplex, 440. obsessis est imponenda. 441

Maria Virgo oranda est ab exorcista, ut astutias demonis possit cognoscere, & confringere. 140.

Maria Magdalena, an verè a septem demonibus obsessa. 42

Medici quare, & quando ab Exorcistis consulendi. 391

Medicamenta nullam habent vim in demones, 382. & explicatur. 389.

Memoria potest a demone juvari, & debilitari, imo tolli. 35

P. Mezzectus Joannes Baptista. V. *Actus Socialis*.

Minister Exorcizationis debet esse ad Ordinem Exorcistatus promotus. 81. Minister Ecclesiæ advocandus est pro maleficiis dissolvendis. 191. V. *Exorcista*.

Miracula non potest facere demon. 215. Miracula AntiChristi, quæ? 216. Vera a falsis quomodo discernantur. 218. V. *Potentia demonis*.

Missa convenientius celebranda ante adjurationem obsessi. 425

Modanesius Jacobus Martinus. V. *Actus Socialis*

Modus exorcizandi præscriptus a Rituali Romano. 444

Mo-

# I N D E X:

491

Monialis ab Exorcista exorcizari non potest absque speciali Sacre Congregationis licentia, 98. & tunc in Ecclesia exteriori, non ad crates, neque in Monasterio. 249

Mores Exorciste. V. *Integritas vite.*

Motiva excitandi fiduciam. V. *Fiducia.*

Mulieres, quibus cautelis exorcizande. 392

Multiloquium habere cum dæmone est peccatum. 317

## N

Nomina SS. Angelorum sunt officii, non naturæ. 339. Præter nomina Michaelis, Gabrielis, Raphaelis, alia non sunt usurpanda, nec invocanda. 341

Nomina dæmonis sunt officii, non naturæ. 339 nec ita sunt unius propria, ut alteri competere non possint, ex diversitate officii. 345. Nomina dæmonis, quæ habentur in Sacra Scriptura enumerantur. 339. & 343

Nugæ dæmonis contemnendæ, & cohibendæ sunt. 349

## O

Obduratio. V. *Peccata.*

Objurgatio quid sit. 380

Obsessi qui sint, 13. quomodo differant a possessis. 14. Dantur, 14. etiam nunc, 15. possunt a dæmone cogi ad actum qui ex genere suo sit peccatum, non tamen possunt cogi ad peccatum. 35. Plures tales videntur, qui revera non sunt, 117. unde fictitii dantur, *ibid.* & eorum pœnæ. 118. Interrogari potest ab Exorcista obsessus ad quænam verba dæmon magis crucietur. 131. Debet orare Deum. 260. B. Virginem 261. SS. Archangelos Michaellem, Gabrielem, Raphaellem 263. Angelum custodem, 264. reliquosque SS. Cælestes, 265. & præcipuè illos, qui viventes dæmones



- nes expulerunt , 266. debet tentationes suas omne Exorcistę patefacere . 417. V. *Oratio* .
- Obsessio demonis dupliciter contingit . 168. Infirmitas est , 251. obsessionis signa . V. *Signa obsessionis* .
- Occulta patefacere quomodo possit demon V. *Angelos* . V. *damon* .
- Odium . V. *Peccata* .
- Orarium . V. *Stola* .
- Oratio est una ex precipuis dispositionibus requisitis in obsessio , 260. differentia orationis ad Deum , & ad Sanctos , 261. ejus conditiones . 283. V. *Jejunium* V. *Obsessus* .
- Ordo Exorcistatus . V. *Exorcistatus* .

## P

- P**arentes inhonorati . Eorum maledictio . V. *Peccata* .
- Parvuli baptizati permittuntur a demone vexari , multiplici ex ratione , 76. sicut & non baptizati . 77
- Patientia obsessi . 308. V. *Constantia* .
- Peccata lethalia , ob quę Deus obsessione , seu vexatione demonis punivit homines , enumerantur , 43. nempe ob Superbiam , *ibid* . Inobedientiam , Hypocrisim , Novitatum presumptionem . 44. Avaritiam . 45. Fraudem *ibid* . Obdurationem . 46. Furtum . 47. Luxuriam . 49. Incestum . *ibid* . Ob desiderium libidinis explendę . 50. Ob minus castam proprii corporis inspectionem . *ibid* . Ob lavacrum in Balneis . 51. Ob conjugalem intemperantiam . *ibid* . Ob Chorea 53. Ob invidiam , Detractionem , Calumniam , 53. & 54. Ob Gulam . 55. Ineptam letitiam , & scurrilitatem . 56. Ob iram *ibid* . Blasphemiam 59. Odium . *ibid* . Acediam . 60. Torporem circa precepta , & Desperationem . *ibid* . Ob parentes inhonoratos . 61. Ob abusum Sacramentorum , & Sacrorum irriptionem . 62. Ob templorum , Ecclesiarumque violationem 64. Ob impedimentum *Criminis* 66. Ob

Ob venenum propinatum. 67. Ob secretum non servatum *ibid.* Ob violationem clausurę Monasterii. *ibid.* Ob Sacrificium diabolo faciendum *ibid.* Ob excommunicationem *ibid.* Ob dęmonem invocatum. 68.

Peccata etiam venialia fuerunt a Deo obsessione punita. 68. Item aliena sunt causa vexationis dęmonis. 70. Peccata Parentum respectu filiorum, 71. & precipuę ob maledictionem. 73. Non sunt committenda, ne dęmon revertatur. 419

Permissio divina requiritur, ut dęmon obsideat, vel vexet. 38

Pietas quid sit, & quam conveniat Exorcistę. 98

Piscis Tobię num dęmonem expulerit? 382

Pęne energumenorum spirituales 118. & corporales. 120. V. *Energumeni*. *Obsessi facti*. Pęne maleficorum, 169. & superstitionum. 194

Pęnitentia. V. *Confessio*.

Polleſsus. V. *Obsessus*.

Potentia animę. V. *Anima*. *Intellectus*, *Voluntas*, *Memoria*, *Sensus*, *daemon*.

Potentia est in dęmonibus circa res corporeas immutandas, 215. non tamen ad miracula facienda. *ibid.* Se extendit etiam ad generationem eorum animalium, quę sine genitoribus nasci possunt, applicando activa passivis, 225. non tamen in instanti. 226. Imò se extendit ad sanationem Morborum, non tamen incurabilium, *ibid.* nec se extendit ad transmutationem humanorum membrorum in bestialia. 227. Potest tamen humana corpora variis morbis affligere. 229. Insuper se extendit ad motum localem sive in se, sive in corpus velocissimę quidem, sed non instantaneę. 229. Potentiam non habet dęmon ad impediendam virtutem agentium naturalium ab intrinseco; potest tamen ab extrinseco. 235. Nec habet potentiam erga cęelum, & elementa, *ibid.* licet possit terrę motus efficere, tempestates excitare, fulgura &c. 236. Non potest mortuos suscitare. 237. Potentia dęmonis tribus modis explicatur. 241

Potestas

Potestas exorcizandi omnibus fidelibus est concessa 81. quibus tamen non licet nunc ea uti 82.

Alia est Ordinis, alia jurisdictioni *ibid.* relicta fuit a Christo Ecclesiæ 94. Potestas jurisdictionis requiritur in Exorcista. 97. Potestas Exorcistæ, est a Deo 100. V. *Exorcizandi potestas.*

Potestates a Deo accepta non potest dæmon uti prohibito, sed solum ubi, quando, & pro quanto permiserit Deus 39. & 214.

Preces illæ tantum adhibendæ quæ præscribuntur a Rituali Romano. 434.

Præceptum, quod fieri potest dæmoni, quoruplex sit 380. V. *Adjurandi modus.*

Presbyteri non assumebantur tempore D. Ambrosii, nisi in ætate annorum 35. 93. V. *Sacerdotes.*

Præsumptio novitatum V. *Pescata.*

Processionis tempore, abstinendum est ab Uxore 52.

Psalmi præscripti a Rituali Romano super obfesos legendi, aptissime præscribuntur 470. & *seqq.*

Pythonici, seu Pythones qui sint 13. V. *Samuelis anima.*

## R

**R** Egressum dæmonis debet semel liberatur cohibere, & quomodo. 420. & 422.

Reliquiæ Sanctorum adhibitæ ad animalia terræ nocentia fuganda 10. efficaces sunt ad dæmonis expulsionem 311. V. *Amuleta.*

Res corporales nullam vim habent in dæmones 381. V. *Medicamenta.*

Rituale Romanum adamussim est observandum 435. & 442. ejus documenta de exorcizandis obsessis, ejusque modus exorcistis, præscriptus. 444.

## S

**S** Acedotes convenientius Exorcizant, quam inferiores clerici. 80.



- Sacramentorum abusus. V. *Peccata*.  
 Sacrificium. V. *Peccata*. V. *Missa*.  
 Sacrorum irrisio. V. *Peccata*.  
 Sagæ non sunt advocandæ ad maleficiū destruendum. 183. quid possint, 242. interdum realiter, interdum fictè ad nocturna conventicula deferuntur. 230.  
 Salomonis exorcismi an vim habuerint expellendi dæmones. 382.  
 Samuelis anima an verè fuerit evocata? 237.  
 Sancti adjurari possunt. V. *Adjuratio*. Qui dæmones adjurarunt. 266. V. *Catalogus*. *Eorum reliquie*. V. *Reliquie*.  
 Sathanas se transfigurat in Angelum lucis. 330  
 Satyri, dæmones vocantur. 19  
 Saul Rex an liberatus a dæmone vi Citharæ David. 382  
 Scapulare. V. *Amuleta*.  
 Scientia dæmonis, V. *cognitio*. An & quomodo se extendat ad futura. 325. Scientiam non acquisivit ope dæmonis P. Mezzettus; nec ejus discipulus. 318  
 Script. sacræ verba in exorcismis sunt adhibenda. 396  
 Scurrilitas. V. *Peccata*.  
 Secretum violatum. V. *Peccata*.  
 Sensus hominis possunt illudi a dæmonibus, & quomodo. 35  
 Serpentes veri an facti fuerint ope dæmonis. 223.  
 Signa obsessionis demoniacæ alia probabilia, alia evidentiæ. 120. Alia ex parte animæ, alia ex parte corporis, alia particularia pro infantibus. V. *Comentar. Documenti III*. Signa probabilia evadunt evidentiæ per exorcismum. 131. Petere signum liberationis est licitum. 165. Nul- lum verò est infallibile, *ibid.* aliqua tamen sunt probabilia, alia probabiliora. 166. Signa maleficii quid sint. 397. Alia interna, 400. & quomodo in corpus immitti possint, 401. aliquando vere, aliquando fictè ejiciuntur. 402. Alia sunt externa. 404. Licitum est hæc destruere, *ibid.* etiam spe cessationis nocuenti, 405. non tamen est necessarium 417

- Signum Crucis. V. *Crucis signum*  
 Silentium indicendum est dæmoni ab Exorcistæ. 319  
 Spiritus infirmitatis quid sit. 14  
 Status gratiæ convenit Exorcistæ. 426  
 Stola adhibenda est in adjuratione, & quid significet. 429. Circumponenda est collo obsessi. 430  
 Succubi dæmones dantur. 18  
 Superbia. V. *Peccata*.  
 Superstitionibus uti illicitum est ad maleficia solvenda. 192. Superstitiosorum pœnæ. 194.  
 Sylvani dæmones, qui dicantur. 19  
 Symbolum S. Athanasii recitatum, dæmonem expulit. 466.  
 Synaxis. V. *Communio*. V. *Eucharistia*.

## T

- T Orpor. V. *Peccata*.  
 Templorum Violatio. V. *Peccata*.  
 Tentationes debet obsessus Exorcistæ patefacere. 417

## V

- V Enenum propinatum. V. *Peccata*.  
 Vexati, qui sint. 13  
 Vitæ integritas. V. *Integritas*.  
 Voluntas hominis potest alterari a dæmone, & quomodo, 33. non tamen quod possit dæmon physicè eam movere interius, sed solum per modum persuadentis, & ut proponens objectum *ibid.* nec potest cogi ad peccandum. 34.  
 Voluntas dæmonis necessitatem moralem habet peccandi in actibus suis liberis, sicut impotentiam moralem habet faciendi ullum actum moraliter bonum in omnibus suis circumstantiis. 210.  
 Malam voluntatem habet erga homines, 211. & hoc est præcipuum ejus studium, 212. imò gaudet de malo spiritali hominis, *ibid.* & de potestate in obsessos. *ibid.*

F I N I S.

Errata

*Errores corrigere erubescetes, confundentur*

D. Augult. Epist. 49. contra Donat.

## Errata

## Corrige.

Pag. 5. Ministr	Ministri
10. admotorem	ad motorem
ibid. fui	fuit
ibid. Reliquiis SS. adde	vel aqua lustrali
12. Gregorio	Georgio
ibid. flumine attulit	flumine aquam attulit
15. Doc. XI. & seqq.	Doc. XI. num. 7. & seqq.
16. exempla	exemplis
17. ignes	ingens
ibid. occasiones	occasionem
ibid. obsidebatur	obsideretur
20. interium	interim
ibid. curratum	curvatum
22. ipsa	ipsam
23. immunditia	immunditias
26. Transcensis	transcensis
ibid. exercenda	exercendæ
28. exercenda	exercendæ
31. iuterdum	interdum
34. Hæc	Nec
35. Necessitate	Necessitate
ibid. ad peccatum	neque ad peccatum
ibid. variis	vanis
36. qualiz	qualia
38. Tob	Job
39. Tob	Job
ibid. nulla adversus	nullam adversas
ibid. ipsius	ipsis
ibid. Tob	Job
ibid. terram	terra
44. quandam	quendam
ibid. Ephrem	Ephræm
ibid. Segolanæ	Segolenzæ
45. scias dolo	scias volo.
49. fornicatio	& talis fornicatio
50. die 2.	die 27.
60. Monachorum	Monacharum
ibid. exequaverat	exequaverat



61. <i>inobedientia</i>	<i>inobedientia</i>
62. Anacletis	Anacleſtis
63. inveniliter jacta- bant poteſtatem	juveniliter jactabant po- teſtate
ibid. fugitque	fuitque
64. ex templo	extemplò
ibid. Eccleſiamque	Eccleſiarumque
ibid. Equitis	Equitii
66. ab hoc	ob hoc
67. de Victore Pontifice	nempè Victori Pontifici
68. dare	clare
73. ſubirate	ſubiratae
74. objerunt	abjerunt
77. <i>ſuperis fili Ada</i>	<i>ſuper filiis Ada</i>
78. gravitatum	gravitate
81. recentibus	recentioribus
82. diebus	ædibus
84. exorcistarum	exorcistatum
86. quia	quin
87. <i>acceperat</i>	<i>acceperant</i>
ibid. exorcistis Romani	Exorcistis habent Ro- mani Clementis
89. <i>ſanctionum</i>	<i>ſanationum</i>
91. ſpectari	ſpectare
93. ſolum jurisdictionis	ſolum poteſtate juridic.
94. <i>ſpiritus</i>	<i>ſpirituum</i>
ibid. invocatione	invocationi
95. <i>dedi poteſtatem</i>	<i>dedi vobis poteſtatem</i>
ibid. voluntatem Ec- cleſiæ	per voluntatem Eccle- ſiæ
96. requeſitis	requiſitis
97. tom. 4. ait	tom. 4. de amore ineffa- bili ſerm. 41. ait
103. Ovis in quiensque	O' vis, inquiens, quæ
104. propter hæc exor- ciſmis	propter hæc ab exorcif- mis
ibid. poteſtate a collo- cata.	poteſtate ſibi a Deo col- lata
105. agerrime.	egerrime
110. in offenſo	inoffenſo
111. exercitare	excitare
ibid. virtutem directè	virtutem in dæmones in

indæmonibus cruciandos, & affligendos.

cruciandos, & affligendos

112. metodo

Methodo

114. Tob. v. 12.

Job. i. v. 12.

115. Documentii

Documenti

116. Atrabile

Atrabile

118. fuerant

fuerunt

ibid. Aquiensis

Aquinenis

120. nec non canon

nec non conformis est

Canon

ibid. consulit

consuluit

ibid. diabolicæ

diabolicæ signa

121. quam sola

quam solam

123. Ecclesiastici 24.

Ecclesiastici 42.

127. nullo

Nulli

128. sine

sive ex ejus

129. suppositii

supposititii

133. fiant

fiunt

ibid. cap. 6.

cap. 5.

135. fagos

fagas

136. sed eant

fedean

142. afficiuntur

afficiatur

161. *auscultandum*

*auscultandum*

167. Rothbertus

Rathbertus

169. & primo

A' primo

ibid. in fine

fine

172. crimen

crinem

179. *delictus*

*delictis*

ibid. *Actis*

*Actus*

181. Casto

Caste

182. Bertrardi

Bertrandi

192. P. Gregor.

S. Gregor.

ibid. Baptismo

Baptisma.

193. *contentim*

*contemprim*

ibid. Mistalogica

Mythagogica

204. requies

reque

207. Roma

Romæ

209. *coactam*

*coacta*

ibid. *scientiam*

*scientia*

210. *Angelis*

*Angeli*

214. Orosius

Orosium

215. ut	&
ibid. percipiamus	percipiemus
219. mendavis	mendaciis
ibid. Sanctis	Sancti
223. produerit	produxerit
226. successivum	successivus
234. sed ut sit	sed ut ut sit
ibid. creaura	creatura
238. tuæ	tu, &
244. intellexerit	intellexit
249. Romanam	Romana
253. mestus	metus
261. Filium Patrem	Filiū Pater
262. & ipsam	& ipsa
ibid. qui hæc	cui hæc
263. nisi cum	nisi eum
ibid. duo circa	quo circa
ibid. iusta	juxta
265. gentis	generis
267. Septembris	Septembris
ibid. 26. Februarii	cap.6. 2. Februarii
ibid. Lipellorum	Lipelloum
269. id idem	ibidem
272. S. Valeris	S. Valerii
283. orationes	Orationis
284. intermissionem	intermissione
285. potens	petens
287. utrumque	utcumque
ibid. alibi	alibi
293. S. Gaspar	P. Gaspar
298. Blancum	Blancam
299. voluit	valuit
300. d' Anchericem	d' Acherium
302. aderat	aderant
307. Umilitas	Humilitas
314. cruciatus	cruciatus
316. Brugnolo	Brognolo
320. quosdam	quasdam
ibid. depromptam	depromptas
323. di mio	di Dio
340. præditas	præditus
341. numina	nomina



342. S. Lucam	P. Lucam
344. temporem	temporem.
351. respondi	respondit
ibid. interfunt	intererunt.
354. forma	formam
ibid. laudas	laudata
367. divexerant	divexarant
ibid. Hicetio	Nicetio
368. eludas	claudas
371. Origines	Origenes
379. alio	alia
380. actuali	actuales
384. ex cantare	excantare
ibid. vel pulsufuavium	vel pulsu suavium
ibid. muliere	mulcere
387. exorcismo	exorcismos
ibid. vix	vis
393. de vita	devita
400. legintur	legitur
ibid. Bernardi	Bernardini
ibid. feret	foret
ibid. Tausiani	Taufsiniani
401. duriosa	duriora
404. modum	nodum
405. imitato	imitator
408. obnoxiam	obnoxia
409. versutissiam	versutissima
410. ex eo	exeo
412. utque	ut quæ
415. recepisse	recessisse
416. Brachio	Berachio
417. maleficio	malefico
428. extit	exit
429. columnæ	columnæ
433. in Breviario	tum in Breviario
438. imperaverint	imperaverunt
443. dignos	indignos
444. plurimum	plurima
447. eam	ea
464. prosterbare	prosternere.

Errores, qui Orthographiam, vel distincte interpungendi  
rationem concernunt ( qui persæpe occurrunt )  
Lectoris humanitas queso excuset.

304  
NOI REFFORMATORI  
Dello Studio di Padova.

**A** Vendo veduto per la Fede di Revisione, ed Approbazione del P. Fra Tommaso Maria Gennari Inquisitore, nel Libro intitolato: *Ritualis Romani Documenta de exorcizandis obsessis a damonio, Commentarii ex SS. Patribus, & Ecclesiasticis Scriptoribus potissimum depromptis, Auctore F. Paulum Maria Card. Regiensem, Ordinis Serv. B. M. V. &c.* non v'esser cosa alcuna contro la Santa Fede Cattolica, e parimente per Attestato del Segretario nostro; niente contro Principi, e buoni costumi, concedemo licenza a *Giuseppe Corona* Stampatore, che possi esser stampato, osservando gli ordini in materia di Stampe, e presentando le solite copie alle pubbliche Librerie di Venezia, e di Padova.

Dat. 30. Marzo 1733.

( Gio: Francesco Morosini Kav. Reff.

( Pietro Grimani Kav. Proc. Reff.

*Agostino Gadaldini Segretario*

16. Giugno 1733.

Registrato nel Magistrato Eccellentiss. degli Esecutori contro la Bestemmia.

*Angelo Legrenzi Segretario*

1  
0  
4  
6  
3  
2  
5  
1  
7  
8  
9



404  
**NOI REFFORMATORI**  
**Dello Studio di Padova.**

**A** Vendo veduto per la Fede di Revisione,  
ed Approbazione del P. Fra Tommaso  
Maria Gennari Inquisitore, nel Libro in-  
titolato: *Ritualis Romani Documenta de*  
*exorcizandis obsessis a damonio, Commenta-*  
*riis ex SS. Patribus, & Ecclesiasticis Scri-*  
*ptoribus potissimum depromptis, Autore*  
*F. Paulum Maria Cardi Regiensem, Ordinis*  
*Serv. B. M. V. &c.* non v'esser cosa alcuna  
contro la Santa Fede Cattolica, e parimen-  
te per Attestato del Segretario nostro; nien-  
te contro Principi, e buoni costumi, con-  
cedemo licenza a *Giuseppe Corona* Stam-  
patore, che possi esser stampato, osservan-  
do gli ordini in materia di Stampe, e pre-  
sentando le solite copie alle pubbliche Li-  
brerie di Venezia, e di Padova.

Dat. 30. Marzo 1733.

( Gio: Francesco Morosini Kav. Reff.


( Pietro Grimani Kav. Proc. Reff.

*Agostino Gadaldini Secret.*

16. Giugno 1733.

Registrato nel Magistrato Eccellentiss. degli Es-  
ecutori contro la Bestemmia.


*Angelo Legrenzi Secret.*











419